

BanglaBook.org

লাস্ট ডেজ অভ পান্ধাই

লর্ড লিটন



The Online Library of Bangla Books
BANGLA BOOK.org

লাস্ট ডেজ অভ পম্পেই

লর্ড লিটন

রূপান্তর : নিরাজ মোরশেদ

হঠাৎ প্রাণ পেয়ে লাফিয়ে উঠলো নীল উজ্জ্বল আশুন।
দ্রুত পায়ে আয়োনের পাশে এসে দাঁড়ালো
শিশুরীয় আর্বাসেস, বিড় বিড় করে আউড়ে গেল কিছু শব্দ।
মুহূর্ত পরে আয়োনের সামনে ভেসে উঠলো
বিশাল প্রাসাদ, দাস দাসী, রক্তখচিত সিংহাসন—
সিংহাসনে বসে আছে এক নারী মূর্তি।
অবাক হয়ে আয়োন দেখলো, মূর্তি আর কেউ নয়, সে নিজে।

ইটালির ভিসুভিয়াস পর্বতের পাদদেশে ছোট্ট শহর পম্পেই।
খ্রীস্টীয় ঊনআশি সালে একদিন প্রবল এক ভূমিকম্প
সাবধান করে দিলো নগরবাসীদের।
কিন্তু মূর্খ নাগরিকরা বুঝতে পারলো না প্রকৃতির
সাবধানবাণী। ক’দিন পর অকস্মাৎ জেগে উঠলো
হাজার বছর ধরে ঘুমিয়ে থাকা ভিসুভিয়াস।
হাই, ভস্ম আর লাভার নিচে হারিয়ে গেল গোটা শহর।

The Online Library of Bangla Books

BANGLA BOOK.ORG

লর্ড লিটন

এডওয়ার্ড জর্জ আর্ল বুলওয়ার লিটন-এর জন্ম খ্রীস্টীয় ১৮০৩ সালে। তাঁর পিতার নাম জেনারেল উইলিয়াম বুলওয়ার।

ছেলেবেলা থেকেই বুলওয়ার লিটন-এর বহুখ্যাত প্রতিভার সুরণ ঘটতে থাকে। ‘স্কালচার’ নামক এক কাব্যগ্রন্থ রচনা করে মাত্র কুড়ি বছর বয়সে তিনি ‘চ্যাম্পেলার পদক’ লাভ করেন। এর তিন বছর পর প্রকাশিত হয় তাঁর আরেকটি গ্রন্থ ‘পেলগ্রাম’।

১৮৩১ সালে লিটন ব্রিটিশ পার্লামেন্টের সদস্য নির্বাচিত হন। ১৮৩৭ সালে ব্যারনেট উপাধি পান। ১৮৫২ সালে আবার পার্লামেন্টের সদস্য নির্বাচিত হন। লর্ড ডাবি যখন ব্রিটেনের প্রধানমন্ত্রী তখন লিটনকে নিয়োগ করা হয় ‘সেক্রেটারী ফর কলোনীজ’ পদে। পরের বছর রানী ভিক্টোরিয়া তাঁকে লর্ড উপাধিতে ভূষিত করেন।

লর্ড লিটনের লেখা বহু উপন্যাসের মধ্যে ‘দ্য লাস্ট ডেজ অভ পম্পাই’, ‘রিবেমজি দ্য লাস্ট অভ দ্য ট্রিবিউনস’, ‘হারল্ড দ্য লাস্ট অভ দ্য স্যাক্সনস’, এবং ‘দ্য লাস্ট অভ ব্যারনস’ অন্যতম।

১৮৭৩ সালের ১৮ জানুয়ারি মারা যান এই রাজনীতিক সাহিত্যিক। ওয়েস্টমিনস্টার আবাসিতে সমাহিত করা হয় তাঁকে।

এক

‘আরে, ডাওমেড, কি ভাগ্য আমার, তোমার সঙ্গে দেখা হয়ে গেল। আজ রাতে গ্লকাসের বাড়িতে খেতে যাচ্ছে। তে? ’

কথাগুলো বললো বঁটেখাটো এক তরুণ। নেয়েদের মতো কুঁচি দেয়া ঢোলা পোশাক পরনে; ভদ্রঘরের, একটু বাবু গোছের ছেলেরা যেমন পরে।

‘না, ক্লোডিয়াস, আমি দাওয়াত পাইনি,’ জবাব দিলো ডাওমেড নামের মাঝবয়েসী, স্থূলদেহী লোকটি। ‘ওনেছি ওর বাড়ির মতো খাবার নাকি পম্পেই-এ আর কোনো বাড়িতে হয় না।’

‘ঠিকই ওনেছো। তবে মদের ব্যাপারে বড্ড কুপন লোকটা। বলে রাতে বেশি মদ খেলে পরদিন সকালে তার বুদ্ধি ঘোলা হয়ে যায়।’

‘নাকি ওপরে ওপরে যতখানি দেখায় আসলে ওর মনেতে তত টাকা নেই?’ সন্দেহের সুর ডাওমেডের গলায়।

‘জানি না, ভাই, শুধু জানি যতখানি পারো তেয়ে নাও, পরের বছর ওর এই দিল দরিয়। ভাব না-ও থাকতে পারে।’

‘ওনেছি পাশা খেলারও নাকি খুব ভালো?’

‘শুধু পাশা খেলা?—ছনিয়ার যাবতীয় আমোদ প্রমোদের ভালো ও। যতফণ ভালো খাওয়া দাওয়ার ব্যবস্থা করতে পারছে ততফণ লাস্ট ভেজ অভ পম্পেই

আমরাও ওর ভক্ত ।’

‘হা, হা, ক্লোডিয়াস, বলেছো বটে একখানা কথা ! ...আমার মদ রাখার তলকুঠুরিটা দেখেছো তুমি ?’

‘না, তাওমেড, সুযোগ পেলাম কই ।’

‘তা ঠিক, তা ঠিক । ...তা একদিন এসো না আমার বাড়িতে, রাতে খাবে । এডিল (সে-যুগের একটি সরকারি পদ) পানসাকে বলবো, তোমাকে নিয়ে যাবে ।’

‘না, না, কাউকে বলতে হবে না, সময় পেলে নিজেই একদিন যাবো ।’ একটু চুপ করে থেকে হঠাৎ মনে পড়ে গেছে এমন ভঙ্গিতে ক্লোডিয়াস বললো, ‘ওহহো, বেলা গেল, আমি স্নানাগারে যাচ্ছি । তুমি -’

‘আমি আগে যাবো ক্যাস্টোর-এ, একটু কাজ আছে । ওখান থেকে আইসিসের মন্দিরে । তুমি তাহলে যাও, স্নান করো গে, আমিও চলি ।’

চলে গেল ডাওমেড ।

‘ব্যাটা হাস্যজ্ঞা ছোট জাত,’ বিড়বিড় করতে করতে এগোলো ক্লোডিয়াস । ‘ভেবেছো মদ আর ভোজের লোভ দেখিয়ে ভোলাবে আমাকে ? কিন্তু বাবা, আর যে-ই ভুলুক, আমি ভুলছিমা, মুক্তি পাওয়া কীতদাসের ছেলে তুমি ।’

হাঁটতে হাঁটতে ভায়া ডোমিটিয়ানা নড়কে এসে পড়লো ক্লোডিয়াস । পথচারী, রথ আর ঘোড়ার ভীড় চারিপাশে । নারী-পুরুষের হৈ-চৈ, চিৎকার । আজকের নেপলস-এর স্বাস্থ্য যেমন দেখা যায় তেমনি প্রাণোচ্ছল গতিময়তার একদমী যেন । ঘণ্টা বাড়িয়ে পাশ কাটিয়ে চলে যাচ্ছে ঘোড়ার টানা গাড়ি, রথ । পরিচিত কারো সাথে

দেখা হয়ে গেলে মৃচ্ছ হেসে অভিবাদন জানাচ্ছে ক্রোডিয়াস। কুশল
বিনিময় করছে ছ'এক কথায়। তারপর এগিয়ে যাচ্ছে নিজের পথে।

‘আহ, ক্রোডিয়াস! কি খবর? রাতে ঘুম হলো কেমন?’

দারুণ একটা রথের ওপর থেকে চিৎকার করলো সুদর্শন এক
যুবক। গ্রীসীয় কারিগরদের নিপুণ কাজের ছাপ রথটার সর্বাস্থে।
পাখিয়ার ছুজ্রাপ্য জাতের দুটো তেজী ঘোড়া টানছে ওটা। রথের
মতো তার মালিকের চেহারা, পোশাক আশাকও দেখবার মতো।
সাক্ষাৎ অ্যাপোলোর নকল যেন। পেশল, উন্নত দেহ। নিখুঁত মুখশ্রী।
পরনে গ্রীক ধাঁচের টিউনিক (খাটো হাতাওয়ালা হাঁটু পর্যন্ত কুলে-
পড়া পোশাক)। কোমরবন্ধে ঝকঝক করেছে বড় একটা চুনী। গলায়
সোনার শিকল। বুকের কাছে এসে সরীসৃপের চেহারা নিয়েছে
সেটা। টিউনিকের ঢোলা হাতার প্রান্তগুলোয় সোনার সুতোর
অপূর্ণ কাজ।

‘আহ, গ্রকাস!’ জবাব দিলো ক্রোডিয়াস, ‘আমার ঘুম?—তা
যেমনই হোক, তোমার যে ভালো হয়েছে, তোমার চেহারা দেখেই
বুঝতে পারছি। তোমাকে আমাকে পাশাপাশি দেখলে যে কেউ
ভাববে, তুমি বাজিতে জিতেছো, আমি হেরেছি।’

‘ভা যদি হারি-ই বা জিতি-ই, কি এমন এসে গেল?—প্রায়শা তো
তার কবরে নিয়ে যাবো না। তাহলে?—ছনিয়ার মতো আনন্দ কেন
ভোগ করবো না?—যাক গে, আজ রাতে আমরা বাড়িতে যাচ্ছো,
মনে আছে তো?’

‘থাকবে না মানে! গ্রকাসের নিমন্ত্রণ কে কবে ভুলেছে?’

‘তুমি যাচ্ছো কোথায় এখন?’

‘ভাবহিলাম একটু স্নানাগারে যাবো—অবশ্য এখনো ঘণ্টাখানেক

সময় আছে হাতে ।’

‘চলো, আমিও যাবো । রথটা তাহলে ছেড়ে দেই ।’ নেমে এলো গ্রকাস রথ থেকে । কাছের ঘোড়াটার গায়ে মুঠু একটা চাপড় দিয়ে বললো, ‘যাও, ফিলিয়াস, আজ তোমাদের ছুটি ।’

রথ নিয়ে চলে গেল সারথী । গ্রকাস জিজ্ঞেস করলো, ‘আমার ঘোড়া দুটো সুন্দর না, ক্রোডিয়াস ?’

‘সুন্দর মানে ? খোদ ফিবাসের (গ্রীকদেবতা অ্যাপোলোর আরেক নাম) যোগ্য জিনিস । আর—আর যোগ্য গ্রকাসের ।’

গ্রকাসের বাড়ি গ্রীসে । গ্রীসের এথেন্স নগরে । বিপুল ঐশ্বৰ্যের অধিকারী হয়েও সুখী নয় সে । কারণ তার মাতৃভূমি আজ পরাদীন—নতুন জেপে ওঠা রোমান জাতির পদানত । সেই ফোভ তাকে ভাড়িয়ে নিয়ে বেড়ায় দেশ হতে দেশান্তরে । তাতেও সে শান্তি পায় না । যেখানে বায় সেখানেই সেই এক এবং অদ্বিতীয় রোমের বিজয় পতাকা সদৃশ উড়ছে । কখনো নিয়্যাপোলিস (বর্তমান নেপলস), কখনো পম্পেই, কখনো বা রোমে গিয়ে হাজির হয় সে । কিছুদিন বিলাসী, অভিজাত সমাজে চলাফেরা করে, হ’হাতে টাকা ওড়ায়, তারপর হঠাৎ একদিন উধাও । নতুন কোনো দেশের নতুন কোনো নগরে উদয় হয় আবার ।

বছরে অন্তত একবার পম্পেই-এ আসে গ্রকাস । পম্পেইকে ও ভালোবাসে—ওর এথেন্সকে হতখানি বাসে খায় ততখানি । আশ্চর্য সুন্দর দেশ । পৃথিবীর সেরা সুন্দরী দেশ তুরশাই গ্রীস, তবে সৌন্দর্যের দিক থেকে দ্বিতীয় মর্যাদার অধিকারী যে ইতালির প্রাপ্য তাতে কোনো সন্দেহ নেই গ্রকাসের । সেই ইতালির সবচেয়ে সুন্দর জায়গা

ক্যাম্পানিয়া উপত্যকা—যার শিয়রে দাঁড়িয়ে আছে ভিসুভিয়াস পর্বত, আর পায়ের নিচে ছলছে সুনীল সমুদ্র। মাঝখানে অপকৃপা পম্পেই।

সৌন্দর্যের পিরানী গ্রকাস তাই প্রতিবছর এখানে আসে। ও এলে সবচেয়ে খুশি হয় যে, সে হলো পেশাদার জুয়াড়ী ক্রোডিয়াস। তার জীবনের একমাত্র কাজ বাজি ধরে বেড়ানো। পাশা খেলায় বাজি, গ্যাডিয়েটরদের লড়াইয়ের মাঠে বাজি, আড্ডা দিতে দিতে বন্ধুদের সাথে বাজি। মোট কথা বাজি ছাড়া আর কিছু সে বোঝে না। পাশা খেলায় ওর জুড়ি মেলা ভার। প্রতিরাতেই কোনো না কোনো বন্ধুকে হারিয়ে পকেট ভর্তি টাকা নিয়ে সে বাড়ি ফেরে এই পাশা খেলার দৌলতে। নিন্দুকেরা আড়ালে বলে : ক্রোডিয়াসের পাশা শকুনীর পাশার মতো মন্ত্রপূত। এ রকম একটা কটু মন্তব্য করার সাহস মানুষ পায় কারণ সবাই জানে, বংশ মর্যাদায় উচু হলেও অর্থের দিক থেকে সে নিঃস্ব। রুটিকাজির জন্যে তাকে নির্ভর করতে হয় বাজি জেতার ওপরই।

এই কারণে গ্রকাস পম্পেই-এ এলে খুশির আর সীমা থাকে না ক্রোডিয়াসের। প্রথমত রাতের খাওয়ার তৃষ্ণিতা তার দূর হয়ে যায়। প্রতিরাতেই গ্রকাসের বাড়িতে নিমন্ত্রণ খায় সে। তার ওপর আছে বাজি জেতা। পাশা খেলায় খুব একটা উৎসাহ না থাকলেও ক্রোডিয়াসের আমন্ত্রণ কখনো প্রত্যাখ্যান করে না গ্রকাস। প্রায় প্রতিদিনই ক্রোডিয়াসের সঙ্গে পাশা খেলতে বসে সে, এবং প্রতিদিনই হারে কিছু না কিছু। হেরে গ্রকাসের বিরক্তি নেই। কেউ আড়ালে বা ইশারায় সাবধান করতে গেলে সে হেসে উড়িয়ে দেয় তাদের কথা। বলে :

‘টাকা! এত টাকা দিয়ে করবো কি আমি? ক্রোডিয়াসের যদি লাগে তো নিক না কিছু।’

ক্রোডিয়াসের সঙ্গে হাঁটতে হাঁটতে একটা তিন স্তার মোড়ে এসে পৌঁছলো প্রকাশ। মোড়ের এক পাশে দাঁড়িয়ে আছে অপূর্ব কাক-কাজ করা এক মন্দির। মন্দিরের উঠানে ছোট একটা জটলা একটি মেয়েকে দিবে। সব কৈশোর পেরিয়েছে মেয়েটি। তার ডান হাতে ফুলের ডালি, অন্য হাতে তিন তারের একটি বাদ্যযন্ত্র। যন্ত্র বাজিয়ে গান করছে সে। মাঝে মাঝে গান থামিয়ে দর্শকদের দিকে তাকাচ্ছে। ফুলের ডালিটা বাড়িয়ে ধরছে ঘুরে ঘুরে। কিনবার আগ্রহ জানাচ্ছে। প্রতিবারই একটা ছোটো সেক্টার্স ওর গান শুনেই হোক, বা ফুলের বিনিময়েই হোক বা ওর প্রতি দয়া করেই হোক দর্শকরা ছুঁড়ে দিচ্ছে ডালিতে। মেয়েটি অন্ধ।

‘ও, আমার সেই থেসালিয়ান!’ দাঁড়িয়ে পড়ে বললো প্রকাশ। ‘এবার পম্পেই-এ আসার পর আর দেখিনি ওকে। একটু দাঁড়াও, ক্রোডিয়াস, শুনি ওর গান।’

পরপর ছোটো গান গাইলো মেয়েটি। অপূর্ব তার গলা। সে গলায় খুরও তেমনি। যে যন্ত্র বাজিয়ে সে গান করছে তার শব্দ কিশি ক্রতিমধুর না ওর গলা, বোকা কঠিন।

গান শেষ হতেই ভীড়ের ভেতর দিয়ে পথ করে আগোলো প্রকাশ। এক মুঠো মুদ্রা মেয়েটির ডালিতে দিয়ে বললো, ‘তোমার ঐ ভায়ে-লেটের তোড়াটা আমি নেবো, নিডিয়া।’ অদ্ভুত ভালো লাগলো তোমার গান।’

চমকে উঠলো মেয়েটা প্রকাশের গলা শুনে। দৃষ্টিহীন চোখ মেনে

তাকালো সামনে। রক্ত ছলকে উঠলো তার গলায়, গালে, কপালে।

‘আপনি—আপনি ফিরে এসেছেন।’ অফুট কণ্ঠে উচ্চারণ করলো সে। তারপর, যেন নিজেকে শোনানোর জন্যেই, আবার বললো, ‘প্রকাশ ফিরে এসেছেন।’

‘হ্যাঁ, নিভিয়া, ক’দিন হলো এসেছি। আমার বাগান আগের মতোই তোমার বস্ত্রের অপেক্ষায় পড়ে আছে। কাল আসবে তো আমার বাড়িতে?’

কোনো জবাব দিলো না নিভিয়া, হাসলো শুধু। খুশির হাসি। আর প্রকাশ ভারোলেটের তোড়াটা বুকের কাছে ধরে বেরিয়ে এলো জটলা থেকে। পরিতৃপ্তির ছন্দ তার মুখে।

‘মেরেটের সাথে তাহলে আলাপ আছে তোমার?’ জিজ্ঞেস করলো ক্রোডিয়ান।

‘হ্যাঁ—সুন্দর গান করে, না? ওর জন্যে খুব মায়া হয় আমার। বেচারী খেসালির মতো দেশে জন্মেও আজ ক্রীতদাসী!’

‘খেসালি! মানে ডাইনীদেব দেশ?’

‘হ্যাঁ, তা বলতে পারো। অবশ্য মেয়েমানুষ মাত্রই আমার কাছে ডাইনী। তোমাদের পম্পেই-এরগুলোকে তো আরো বেশি মনে হয়। সব যেন তুচ্ছতাক করে প্রেমিক জোগাড় করার জন্যে মুখিয়ে আছে।’

‘এই দেখ, বলতে বলতেই এসে গেছে একজন বড়ো ডাওমেড-এর মেয়ে জুলিয়া!’ মুখের ওপর ওড়না টান। এক যুবতীকে আসতে দেখে বললো ক্রোডিয়ান। যুবতীর পেছনে দুই ক্রীতদাসী সঙ্গী।

‘জুলিয়া, আমাদের অভিবাदन নাও বললো ক্রোডিয়ান।

মুখের ওড়নাটা সামান্য তুললো জুলিয়া, যেন দেখাতে চাইলো

তার নিখুঁত রোমান ক্রপের খানিকটা—একটা উজ্জল কালো চোখ, শাদার ওপর গোলাপী ছোপ লাগা গাল, আর লাল ঠোঁটের একাংশ।

‘আচ্ছা! প্রকাশ তাহলে আবার এসেছে।’ অর্থপূর্ণ একটা চাউনি হানলো সে। তারপর অক্ষুটে প্রায় কিসকিস করে বললো, ‘গেল বছর যারা বন্ধু ছিলো তাদের কথা ভুলে গেছে মনে হচ্ছে!’

‘না, জুলিয়া, ভোলায় ব্যাপারটা অত সহজ নয়। চাইলেই সব জিনিস সব সময় ভোলা যায় না। তোমার মতো মেয়ের কথা তো আরো নয়!’

‘প্রকাশ সব সময়ই কথার রাজা।’

‘কে নয়, যখন বলার বিষয়টা এমন অপকৃপা?’

‘শিগগিরই খাবার ভিলায় তোমাদের সাথে দেখা হবে,’ ক্রোডিয়াসের দিকে ফিরে বললো জুলিয়া। তারপর আবার প্রকাশের দিকে ফিরে স্থির দৃষ্টিতে তাকিয়ে রইলো কয়েক মুহূর্ত। সে দৃষ্টিতে যা ফুটে উঠলো তাকে এক কথায় বলা যায় আকর্ষণ।

ধীরে ধীরে ওড়নাটা নামিয়ে ছুই দাসীকে নিয়ে চলে গেল জুলিয়া। প্রকাশ ও ক্রোডিয়াসও রওনা হলো নিজের পথে।

‘সত্যিই সুন্দরী জুলিয়া,’ প্রকাশ বললো।

‘গত বছর এই কথাটাই তুমি আরো গাঢ়স্বরে বলেছিলে।’

‘হতে পারে। গত বছরই তো প্রথম দেখি ওকে—চোখ ধাঁধিয়ে গিয়েছিলো, রঙটা আসল না নকল বুঝতে পারিনি।’

‘মানে ওর সম্পর্কে গত বছর তোমার কোনো ধারণা ছিলো এবছর তা পান্টেছে?’

‘পান্টেছে গত বছরই। আজ প্রথম প্রকাশ করলাম।’

‘আমার কিন্তু ধারণা চেহারা যেমনই হোক মনের দিক থেকে সব নেয়েই এক। সুতরাং বিয়ে যদি কাউকে করতেই হয় আমি দেখবো রূপ আর পণ হিসেবে কি দিতে পারছে।’

এ কথার কোনো জবাব না দিয়ে একটা দীর্ঘশ্বাস ফেললো প্রকাশ। যেন বোঝাতে চাইলো, ‘হায় রে রোমান পুরুষ, এই তোমাদের ধারণা নারী সম্পর্কে!’

হাঁটতে হাঁটতে ওরা এক নির্জন রাস্তায় চলে এসেছে। রাস্তার শেষে দেখা যাচ্ছে বিস্তৃত নীল সমুদ্র। পম্পেই-এর পা ছুঁয়ে পড়ে আছে নিখর, নিস্তরঙ্গ। এমন সাগর থেকেই বোধ হয় উঠে এসেছিলেন দেবি আফ্রোদিতি পৃথিবীর সাত্রাজ্য করায়ত্ত করার জন্যে।

‘এখনো স্নানের সময় হয়নি,’ প্রকাশ বললো। ‘চলো শহরের কোলাহল ছেড়ে সাগর তীর থেকে একটু বেড়িয়ে আসি।’

‘কোনো আপত্তি নেই আমার,’ বললো ক্রোডিয়াস।

সৈকতে একটা ঢালু পাথরের ওপর বসলো দু’জন। শীতল বাতাস খেলা করছে শান্ত জলের বুকে। মাথার ওপর উজ্জ্বল সূর্য। দূর সাগরে ভেসে বেড়াচ্ছে ছোট ছোট নৌকা, জাহাজ, বিলাসী ধনীদেব প্রমোদতরী। সব মিলিয়ে প্রকৃতিতে এমন একটা গাভীখুঁ, কথা হারিয়ে গেল দু’জনেরই। ক্রোডিয়াস হাত দিয়ে সূর্য থেকে চোখ আড়াল করে হিশেব করতে লাগলো, গত বছর কত জিতেছে। আর ঐক প্রকাশ হাতের ওপর গাল রেখে ডুবে গেল জন্মভূমির ভাবনায়। তার হাসি, কান্না, আনন্দ, অলোবাসার স্মৃতি খুঁজতে লাগলো সামনের বিশাল বিস্তৃতির ক্ষেত্রে।

‘একটা কথা বলবে, ক্রোডিয়াস,’ অনেক অনেকক্ষণ পর নীরবতা ভাঙলো প্রকাশ, ‘কখনো প্রেমে পড়েছো তুমি?’

‘হ্যাঁ, প্রায়ই তো পড়ি।’

‘প্রায়ই প্রেমে পড়ো।’ সবিস্ময়ে বললো থাকাস। ‘তার মানে কখনো তুমি প্রেমে পড়োনি। সত্যিকারের প্রেম মানুষের জীবনে একবারই আসে। বাকিগুলো প্রেম মনে হলেও, আসলে প্রেমের ছায়া।’

‘কিন্তু না পেলো ছায়া নিয়েই সন্তুষ্ট থাকা উচিত, না কি? আমার কথা থাক, তুমি বলো, তোমার জীবনে সত্যিকারে প্রেম কখনো এসেছে?’

‘না, ক্লোডিয়াস, সে সৌভাগ্য আমার হয়নি এখনো। আসবো আসবো করেও প্রেম আসেনি আমার জীবনে। একটা মেয়েকে ভালো লেগেছিলো, কিন্তু ধরা ছোঁয়ার বাইরেই রয়ে গেল সে।’

‘আমি বলি মেয়েটা কে? ডাওমেড-এর মেয়ে তাই না? ও তোমাকে পছন্দ করে, তাছাড়া—সুন্দরী, বিস্তাশালী। প্রেম করার জন্যে বলো, বিয়ে করার জন্যে বলো ওর চেয়ে উপযুক্ত পাত্রেী আছে বলে তো আমার মনে হয় না।’

‘না, ক্লোডিয়াস, নিজেকে আমি বিক্রি করতে চাই না। ডাওমেড-এর মেয়ে সুন্দরী, স্বীকার করছি; ওর দাদা প্রথম জীবনে দাস ছিলো সেটাও কোনো সমস্যা নয়, সমস্যা হলো, সৌন্দর্য আছে শুধু ওর মুখে, মনে নয়। মনটাও যদি চেহারার মতো হতো, আমি হয়তো পছন্দ করতে পারতাম জুগিয়াকে।’

‘নাহ্, কৃতজ্ঞতাবোধ বলে কোনো জিনিস নেই তোমার। ঠিক আছে বলো তাহলে, কে সেই ভাগ্যবতী কন্যা?’

‘শুনবেই?’

‘হ্যাঁ।’

‘তাহলে শোনো। বেশ ক’মাস আগের কথা। আমি তখন নিয়াপোলিস-এ। জানো তো, নিয়াপোলিস-এ দেবী মিনাভার প্রাচীন এক মন্দির আছে? একদিন সেখানে গেছি প্রার্থনা করতে। মন্দির তখন ফাঁকা, কোনো লোক নেই। খুশি হলাম, আবার ছুঃখও পেলাম। খুশি হলাম কারণ, একা একা একাগ্রমনে প্রার্থনা করতে পারবো। আর ছুঃখ পেলাম এই ভেবে, যে মন্দির এক সময় শত শত মানুষের প্রার্থনায় মুখর থাকতো আজ তা শূন্য। গ্রীকদের পতনের পর তার দেবদেবীরাও এভাবে ডুবে যাবে কেউ ভেবেছিলো?

‘যা হোক, প্রার্থনায় মগ্ন হয়ে গেলাম আমি। আমার এপেলের হারানো গৌরব ফিরিয়ে দেয়ার মিনতি করলাম দেবীর কাছে। হঠাৎ গভীর এক দীর্ঘশ্বাস শুনে চমকে ঝাড় ফেরাতেই দেখলাম, আমার ঠিক পেছনে এক তরুণী। মুখের ওড়নাটা ওঠানো। অপূর্ব একজোড়া জলে ভেজা চোখ দেখতে পেলাম। আমাদের দু’জনের চোখ যখন এক হলো, ক্লোডিয়াস, কি বলবো, ওর চোখের ভেতর থেকে অপাখিব এক আলো যেন ঠিকরে বেরিয়ে এসে ঢুকে গেল আমার চোখ হয়ে একেবারে হৃদয়ের গভীরে। শুধু চোখ না, মুখটাও অপূর্ব মেয়েটার। আশ্চর্য কমলীয়, একটু বিষাদমাখা। গাল বেয়ে নেমে আসছে অশ্রুর ধারা।

‘অনুমান করলাম, ও-ও বোধহয় আমার মতোই এথেনীয় গোত্রের মানুষ। এথেলের জনো আমার প্রার্থনা শুনে ওর মন কেঁদে উঠেছে। আমি ওকে জিজ্ঞেস করলাম, “তুমি এথেনীয় তুমি না?”

‘ভাবাবে ও বললো, “আমার পূর্বপুরুষ ছিলো। আমার জন্ম নিয়াপোলিসে, কিন্তু অগুরে আমি এথেনীয়।”

‘“তাহলে এসো, এক সাথে আমরা প্রার্থনা করি আমাদের

এথেন্সের জন্যে ।” আমি বললাম ।

‘প্রার্থনা শেষে নিশেবে আমরা বেরিয়ে এলাম মন্দির থেকে । আমি জিজ্ঞেস করতে যাবো, ও কোথায় থাকে, আবার আমাদের দেখা হতে পারে কি না, এই সময় এক তরুণ—মেয়েটার সাথে বেশ মিল তার চেহারার—মন্দিরের সিঁড়ি থেকে নেমে এসে ধরলো তার হাত । একটু পরেই রাস্তার মানুষের ভীড়ে হারিয়ে গেল ছুঁজন । তারপর আর দেখিনি মেয়েটাকে । সেদিনই বাসায় ফিরে দেখি, চিঠি এসেছে এথেন্স থেকে, সম্পত্তি নিয়ে কি গুণগোল বেঁধেছে, আমি একুশি না গেলে হয়তো উত্তরাধিকার থেকে বঞ্চিত হবো । বুঝতেই পারছো, পরদিনই নিয়্যাপোলিস ছেড়ে যেতে হলো আমাকে । এথেন্সে সম্পত্তির গোলমাল মিটে যাওয়ার পর ফিরে এলাম আবার । অনেক খুঁজলাম, কিন্তু পেলাম না মেয়েটিকে ।

‘এই হলো আমার কাহিনী, ক্রোডিয়ান । আমি প্রেমে এখনো পড়িনি, তবে সেই মেয়েটি যদি সন্যোগ দিতো তাহলে হয়তো পড়তাম ।’

দুই

গ্রকাসের বাড়িতে নৈশভোজের শেষ পর্যায় চলছে । অতিথিদের ভেতর ক্রোডিয়াস ছাড়াও রয়েছে এডিল পানসা, পম্পেই-এর দুই

নামকরা অভিজাত স্যালাস্ট ও সেপিডাস আর ক্রোডিয়াসের এক স্যাণ্ডাৎ। ক্রোডিয়াসের মতোই সম্ভ্রান্ত বংশে জন্ম হলেও ভাগ্যদেবীর সহায়তা থেকে বঞ্চিত সে। ক্রোডিয়াসকে গুরুর মতো ভক্তি শ্রদ্ধা করে। কারণ একটাই, পাশা খেলায় জয়লাভের গোপন ও অব্যর্থ কৌশলগুলো যদি শিখে নেয়া যায়।

সবাই পেট ভরে খেয়েছে উপাদেয় সব খাবার—মাংস, রুটি, পায়ের, নানা ধরনের ফল, বাদাম, মিষ্টি। এখন চলছে পান পর্ব। ক্রোডিয়াস বাড়িয়ে বলেনি মোটেই, মদের বাপারে সত্যিই খুব হিসেবি প্রকাশ। মদ সে খায় তবে মাত্রা বজায় রেখে, পরিমাণ মতো। আর খায় একেবারে সেরা জিনিসটা।

‘লেসবিওসের এই মদটা একটু চেখে দেখ, পানসা,’ স্যালাস্ট বললো, ‘দারুণ জিনিস।’

‘হ্যাঁ, তবে খুব একটা পুরনো নয়,’ বললো প্রকাশ। ‘আমরা যেমন ইঁচড়েই পেকে গেছি তেমনি আগুনের পাশে রেখে মজানো হয়েছে এটাকে।’

‘তাহলেও সত্যিই খুব ভালো যেতে এটা,’ বললো পানসা।

‘দেখ দেখ, কি সুন্দর পেয়ালো।’ টেবিলের ওপর থেকে স্বচ্ছ ফটিকের একটা পান পাত্র তুলে নিতে নিতে ক্রোডিয়াস বললো।

‘তুমি নেবে?’ বললো প্রকাশ। ‘নিতে পারো কিনা?’

‘তুমি—তুমি, প্রকাশ, এত সুন্দর একটা জিনিস আমাকে দিয়ে দেবে।’

‘হ্যাঁ। যাকে তাকে তো আর দিচ্ছি না, দিচ্ছি বন্ধুকে।’

পান পাত্রটায় মদ ঢেলে নিলো ক্রোডিয়াস। মুখের কাছে নিয়ে চুমুক দেয়ার আগে বললো, ‘সত্যিই আজকের সন্ধ্যাটা দারুণ।

অনেকটা আয়োন দেশের যতো... হ্যাঁ, ভালো একটা কথা মনে পড়েছে ! বন্ধুগণ, এই সুন্দর পেয়ালায় পান করার আগে একজনের স্বাস্থ্য কামনা করার আহ্বান জানাচ্ছি তোমাদের ।’

‘কে সে ?’

‘আমাদের এই পম্পেই-এর সেরা সুন্দরী আয়োন ।’

‘আয়োন !—নামটা তো গ্রীক ।’ কোভুহন ফুটে উঠলো গ্রকাসের গলায় । ‘আমি সানন্দে রাজি তোমাদের আয়োনের নামে পান করতে । কিন্তু কে এই আয়োন ?’

‘জানো না !’ সবিস্ময়ে উচ্চারণ করলো লেপিডাস । তারপরই হতাশ কণ্ঠে বললো, ‘কি করেই বা জানবে ?—ক’দিন তো মাত্র হলো তুমি পম্পেই এ এসেছো । শোনো, হে গ্রকাস, আয়োনকে যে না দেখেছে সে আমাদের এই শহরের সেরা আকর্ষণটাকেই দেখেনি ।’

‘অদ্বুত সুন্দরী মেয়ে,’ বললো পানসা, ‘আর গলা—কি বলবো ! যে শোনেনি আমার মনে হয় তার জীবনই ঝুঁকি ।’

‘আমার কি মনে হয় জানো ?,’ বললো ক্রোডিয়াস, ‘নাইটিঙ্গেলের জিভ খেয়ে বেঁচে থাকে ও । নইলে এমন গলা হয় ।’

‘নাইটিঙ্গেলের জিভ খেয়ে বেঁচে থাকে !’ অক্ষুটে উচ্চারণ করলো ক্রোডিয়াসের স্যাঙাৎ । ‘বলেছে ভালো !’

এতক্ষণ পর আবার কথা বললো গ্রকাস ।

‘হয়েছে, তোমাদের প্রশংসার ঝড় থামাও, আমাকে খুলে বলো, ব্যাপারটা কি ।’

‘তাহলে শোনো—’ শুরু করলো লেপিডাস ।

‘না, আমি বলি,’ ওকে থামিয়ে দিয়ে চিৎকার করলো ক্রোডি-

রাস। ‘তুমি এমন টিপটিপে কথা বলো, দৈর্ঘ্য রাখা কঠিন হয়ে ওঠে আমার পক্ষে।’

‘হুঁ হুঁ, আমি খারাপভাবে বলি,’ ঠোট বেকিয়ে বললো লেপিডাস, ‘তুমি কিভাবে বলো জানা আছে আমাদের। শুনতে শুনতে মনে হয় মাথায় ঢিল পড়ছে। ঠিক আছে, তোমার যখন শখ হয়েছে, বলো।’ বলে একটা আরাম-আসনে গা এলিয়ে দিলো লেপিডাস।

ক্লোডিয়াস শুরু করলো :

‘মাত্র কয়েক মাস আগে পম্পেই-এ এসেছে মেয়েটা। তার আগে এখানকার কেউ ওকে কখনো দেখেনি। কি সুন্দর যে গান করে, যে না শুনেছে সে বুঝবে না। ওর যত গান সব ওর নিজের রচনা করা, সুরও দেয়া ওরই। আর টবিয়া, সিথারা, লায়ার এসব যন্ত্র কোনটার চেয়ে কোনটা যে বেশি ভালো বাজায় তা এখনো আমি ধরতে পারিনি। অদ্বুত সুন্দরী এই আয়োন—সাক্ষাৎ দেবী। ও যেমন সুন্দর ওর বাড়িটাও তেমনি। যেমন দেখতে তেমন সাজানো গোছানো। আসবাবপত্র সব যে কি দামী কি বলবো!—কোনায় কোনায় সব অপূর্ব মর্মরের মূর্তি। কত যে মণিমুক্তা, ব্রোঞ্জ। অসম্ভব ধনী মেয়ে এই আয়োন। মনটাও তেমন।’

‘ওর প্রেমিকরা নিশ্চয় খেয়াল রাখে, যেন না খেয়ে থাকতে না হয় ওকে,’ বললো প্রকাস। ‘যে টাকা সহজে আয় করা যায় তা খরচ করাও সহজ।’

‘প্রেমিক!—অবাক হওয়ার মতো ব্যাপারটা তো সেখানেই!—আয়োনের একটাই দোষ—ওর পবিত্রতা। সারা পম্পেই ওর পায়ে লুটিয়ে পড়তে চায়, কিন্তু কাউকেই জুলিয়েদাসার যোগ্য মনে করেনি ও। বলে, কোনোদিন বিয়েই করবে না।’

‘কোনো প্রেমিক নেই!’ অফুট কণ্ঠে বললো গ্রকাস।

‘না। অদ্ভুত দৃঢ় মনের অধিকারী এই আয়োন। অনেকটা দেবী ভেসতার সাথে তুলনা করা যায়।’

‘আশ্চর্য!’ বললো গ্রকাস। ‘ওকে একবার দেখতে পারি না আমি?’

‘না পারার কি আছে?’ ক্রোডিয়াস বললো, ‘তুমি চাইলেই নিয়ে যেতে পারি ওর বাড়িতে।’

‘কবে?’

‘যখন খুশি।’

‘আজই। খাওয়া দাওয়া তো শেষ, রাতও খুব বেশি হয়নি।’

‘ঠিক আছে। তার আগে তাহলে আরেক দান খেলা হয়ে যাক।’

‘না, আজ আর না। এর মধ্যেই আমি ত্রিশ সেন্টারশিয়া হেরেছি।’

‘আমি দুঃখিত—,’ শুরু করলো ক্রোডিয়াস।

ওকে খামিরে দিয়ে গ্রকাস বললো, ‘না, না, দুঃখিত হওয়ার কিছু নেই। জিতে তুমি যে আনন্দ পেয়েছো তা দেখে আমি আমার হারার দুঃখ ভুলে গেছি।’

‘একেবারে বিনয়ের অবতার,’ বিড় বিড় করলো ক্রোডিয়াসের চোখ।

‘তাহলে চলো, আর দেরি না করে রওনা হওয়া যাক,’ বললো লেপিডাস।

শেষবারের মতো মদ ঢালা হলো সবার পানিপাত্রে। গৃহকর্তা ও দেশের রাজ্য টাইটানের স্বাস্থ্য পান করার অতিথিরা। তারপর সবাই বেরিয়ে এলো রাস্তায়। সদ্য ওঁরা চাঁদের আলোয় শ্রান করতে করতে এগিয়ে চললো আয়োনের বাড়ির দিকে।

আয়োনের বাড়ির প্রবেশ গৃহের ওপরে প্রদীপের সারি স্থলস্থল করে ঝলছে। দ্বারের দু'পাশে দুটো জানালা, পার্পল রঙের সুতোয় কাজ করা পর্দা ঝুলছে সেগুলোয়। রঙিন পাথরে বাঁধানো দেয়াল এবং বারান্দার থেকে আলো পড়ে ঝকঝক করছে।

প্রবেশ গৃহ পেরিয়ে প্রাঙ্গণ, তারপর মূল বাড়ির ছাদ ঢাকা বারান্দা। সঙ্গীদের পেছন পেছন প্রকাশ যখন পৌঁছুলো আয়োন তখন সেখানে বসে আছে ভক্ত অতিথিদের যথামনি হয়ে। বেশ কয়েকজন অতিথি চারপাশ থেকে ঘিরে রেখেছে বলে প্রকাশ ওর মুখ দেখতে পেলো না।

‘বলছিলে ও এথেনীয় ?’ ফিসফিস করে জিজ্ঞেস করলো প্রকাশ।

‘না, ওর পূর্বপুরুষ এথেনীয় হলেও ওর জন্ম নিয়াম্পোলিস এ।’

‘নিয়াম্পোলিস !’ সবিস্ময়ে উচ্চারণ করলো প্রকাশ।

ঠিক সেই মুহূর্তে আয়োনকে ঘিরে থাকা লোকগুলো সরে গেল দু'পাশে। ওর পরীর মতো রূপ অনাড়ম্বর হয়ে পড়লো প্রকাশের দৃষ্টির সামনে। চমকে উঠলো প্রকাশ। এ তো সে-ই। নিয়াম্পোলিস-এ দেবী মিনার্ডার মন্দিরে দেখা সেই মেয়েটি ! মাসের পর মাস যার মুখ ঝিকঝিক করেছে ওর স্মৃতির জলে।

পাঁচ দিন পেরিয়ে গেছে। এই পাঁচ দিনে একে অপরের কাছাকাছি এসেছে প্রকাশ আর আয়োন। যে আয়োন সম্পূর্ণ জনরব ছিলো ভালোবাসা কাকে বলে জানে না, জীবনে কোনোদিন বিয়ে করেনি না; সেই আয়োনের চোখে প্রেমের রঙ ফুটে গেছে। আর প্রকাশ— সে তো ডুবতে বসেছিলো অনেক আগের ডোবাটা, এবার সম্পূর্ণ হলো শুধু।

প্রকাশ এখন দিনে অন্তত একবার আয়োনের বাড়িতে আসে। আরো অনেকে আসে, তবে প্রকাশের মতো নিয়মিত কেউ নয়। প্রকাশ এলে যতটা খুশি হয় আয়োন অন্য কেউ এলে ততটা হয় না। এর ভেতরেই পম্পেই শহরে কানাকানি শুরু হয়ে গেছে—এতদিনে বোধহয় বিয়ের ফুল ফুটবে আয়োনের জীবনে।

সেদিন সন্ধ্যায় প্রকাশ আর আয়োন সাগরে প্রমোদ ভ্রমণ সেরে ফিরছে।

গোধূলী লগ্নের জল কেটে ওদের নৌকা ধীরগতিতে এগোচ্ছে তীরের দিকে। প্রকাশ শুয়ে আছে আয়োনের পায়ে কাছ। চোখ দুটো বন্ধ। চোখ খুললেই ও দেখতে পারে আয়োনের মুখ। কিন্তু কেন যেন সাহস পাচ্ছে না। অবশেষে নীরবতা ভাঙলো আয়োন।

‘আমার বেচারী ভাইটা,’ দীর্ঘশ্বাস ফেলে সে বললো, ‘আমাদের মতো এমন বেড়াতে পারলে কী খুশি হতো!’

‘তোমার ভাই!’ প্রকাশ বললো, ‘আমি দেখিনি তো! কি করে দেখবো বলো, তোমার সাথে দেখা হওয়ার পর থেকে তুমিই আমার মন জুড়ে থাকো।—তবু অন্তত একটা কথা আমার জিজ্ঞেস করা উচিত ছিলো—নিয়াপোলিস-এ সেদিন মিনাভার মন্দিরে তোমার সাথে থাকে দেখেছিলাম সে কে?’

‘সে-ই আমার ভাই।’

‘ও এখানে আছে?’

‘হ্যাঁ।’

‘এই পম্পেই-এ!—অথচ তোমার সাথে থাকে না! অসম্ভব!’

‘অসম্ভব কেন? ওর নিজের কাজ আছে না? ও আইসিসের পুরোহিত।’

‘আইসিসের পুরোহিত ! এত কম বয়েসে ! বতটুকু শুনেছি, আইসিসের পুরোহিত হওয়া মানে জীবনের সব সুখ, আনন্দ বিসর্জন দেয়া ! মনের ভেতর বড় দুঃখ না থাকলে কেউ এ কাজে ঢুকতে পারে, আমার বিশ্বাস হয় না ।’

‘দুঃখ তো একটু আছে—আমার বা তোমার যে দুঃখ তা ওরও আছে । আসলে ছেলেবেলা থেকেই ও একটু ধর্মভীরু প্রকৃতির, তার সঙ্গে যোগ হয়েছে এক মিশরীয় ভদ্রলোকের প্রভাব । তাছাড়া হয়তো আইসিসের পুরোহিতদের যেসব অদ্ভুত নিয়মকানুন কড়াকড়ি ভাবে পালন করতে হয় সেগুলো ওকে আকর্ষণ করেছিলো ।’

‘তা না হয় হলো, কিন্তু এখন ও অনুশোচনা করে না ?—নাকি সুখেই আছে পুরোহিত হয়ে ?’

গভীর একটা দীর্ঘশ্বাস ফেলে মুখের ওপর ঘোমটা টেনে দিলো আয়োন । নিরবে পেরিয়ে গেল কয়েক মুহূর্ত । তারপর বললে, ‘আমি ঠিক জানি না ! এপিসাইডেস খুব চাপা স্বভাবের । ও সুখী কি অসুখী আমি টের পাইনি এখনো ।’

‘তোমাদের এই মিশরীয়টা কে ? কোনো পুরোহিত ?’

‘না, আমার বাবার বন্ধু ছিলেন । খুব ধনী । মারা যাওয়ার সময় বাবা ওঁরই হাতে আমাদের লালনপালনের ভার দিয়ে গিয়েছিলেন ।’

‘আশ্চর্য লোক তো ! জানে আইসিসের পুরোহিত হওয়া কী কষ্টের, তবু ছেলেটাকে একাজে ঢোকালো ? সুখিধার লোক মনে হচ্ছে না ।’

‘না, না, উনি ভালো লোক । আমাদের সুখ ছাড়া কিছু চাননি কখনো । ছেলেবেলায় আমরা এতিম হয়েছি, কিন্তু কখনো বুঝতে পারিনি বাবা মায়ের অভাব । বাবার স্নেহে আমাদের বড় করে

তুলেছেন আর্বাসেস ।’

‘আর্বাসেস ! ভদ্রলোককে তো চিনি—অবশ্য চিনি বলতে যা বোঝায় তা ঠিক নয়, একদিন মাত্র আলাপ হয়েছে । শুনেছি খুবই নাকি পয়সাওয়ালা লোক ।’

‘হ্যাঁ, মানুষ হিশেবেও ভালো । জান্নী, ভদ্র, বিনয়ী । গুণীজনের কদর করতে জানেন । অমৃত ঠাণ্ডা মেজাজ । কোনো কিছুই তাঁকে বিচলিত করতে পারে না । অনেকটা ঐ পাহাড়ের মতো ।’ ভিসু-ভিয়াসের দিকে আঙুল তুলে ইশারা করলো আয়োন ।

ওর ইশারা অনুসরণ করে তাকালো প্রকাশ । তারপরই বিস্মিত কণ্ঠে অক্ষুটে বলে উঠলো, ‘কি সুন্দর !’

‘কী সুন্দর, প্রকাশ ?’ প্রশ্ন করলো আয়োন ।

‘ঐ যে দেখ ! সাগর তীর থেকে থাকে থাকে শাদা বাড়ি উঠে গেছে ভিসুভিয়াসের গা বেয়ে । যেন ঝাঁকে ঝাঁকে শাদা পায়রা পাহাড়ের গায়ে বসে সমুদ্রের রূপ দেখছে ।’

‘কিন্তু ভিসুভিয়াস তো সাগরের রূপ দেখে মুগ্ধ হয়েছে, মনে হচ্ছে না ! দেখেছো ওর চূড়ার ওপরে ? ঐ মেঘটাকে আমি দেখছি তিন দিন ধরে ওই এক জায়গায় কুণ্ডলী পাকিয়ে বসে আছে ছাই রঙা হিংস্র জানোয়ার মত ! প্রাচীন পুঁথিতে পড়েছি, বহু শতাব্দী আগে ভিসুভিয়াস যখন আগুন ওগরাতো, তখন নাকি অগ্নিপোতের আগে ওরকম মেঘের মতো জমে থাকা ধোঁয়া দেখা যেতো ওর মাথায় ।’

মূহূর্তের জন্যে একটু যেন ছশ্চিন্তার ছায়া পড়লো প্রকাশের মুখে । পরক্ষণেই সব ভয় ভাবনা ঝেড়ে ফেলে দিলো মন থেকে । প্রায় হাজার বছর আগুন ওগরায়নি ভিসুভিয়াস । নিশ্চয়ই ওর ভেতরের আগুন নিভে গেছে চিরতরে । নইলে এই হাজার বছরে একবারও

কি অগ্রুৎপাত হতো না ? নাহ, খামোকাই ভয় পাচ্ছে আয়োন ।
আবার অগ্রুৎপাত মানে পম্পেই হারকিউলেনিয়ামের মতো সম্রাট
নগরগুলো ধ্বংস হয়ে যাওয়া । বহু শতাব্দীর চেষ্টায় যে আনন্দের
মেলা মানুষ গড়ে তুলেছে ভিসুভিয়াসের চারধারে তা আগুন-বন্যার
নিচে চাপা পড়ে যাবে—নিয়তির বিধান এতখানি নিষ্ঠুর কখনোই
হতে পারে না ।

তিন

পম্পেই-এর ব্যস্ত রাজপথ ধরে হেঁটে চলেছে আর্বাসেস । আইসি-
সের মন্দিরের দিকে যাচ্ছে ।

লম্বা, একটু রোগাটে শরীর লোকটার । গায়ের রঙ রোদে
পোড়া ধরনের তাম্রাটে, একটু কালোর ধার বেঁধা । প্রাচ্যের লোক
হলেও সামান্য গ্রীক ছাপ রয়েছে তার চেহারায়—বিশেষ করে
পুতনী, ঠোঁট আর তুঙ্গতে । নাকটা খাড়া । দাঁড় চেঁচাল । বয়েস
চল্লিশের কোঠায় তবে দেখায় অনেক কম ।

আর্বাসেস মিশরীয় ।

শুধু মিশরীয় নয়, মিশরের বিলুপ্ত ফারাও বংশের একমাত্র জীবিত
বংশধর বলে সে দাবি করে নিজেকে । মিশরের বিশ্বত জ্ঞানভাণ্ডারের
অনেকখানিই তার আয়ত্রে আছে বলে শোনা যায় । একই সঙ্গে

ল্যাস্ট ডেজ অভ পম্পেই

বিপুল ঐশ্বর্য আর অগাধ জ্ঞানের অধিকারী আর্বাসেস। প্রচলিত দর্শন বিজ্ঞান ভেদে বটেই প্রাচীনকালের জ্যোতিষশাস্ত্র ও যাত্নবিদ্যা পর্যন্ত তার নখদর্পণে।

গ্রকাসের মতো আর্বাসেসেরও স্থায়ী কোনো ঠিকানা নেই। কারণ গ্রীসের মতো মিশরও আজ রোমানদের দখলে। জাত্যাভিমাত্রী আর্বাসেস আত্মসন্মান নিয়ে বাস করতে পারেনি নিজের দেশে। তাই গ্রকাসের মতোই ঘুরে বেড়ায় আজ এখানে কাল ওখানে। বিভিন্ন বড় বড় নগরে তার বাড়ি আছে, কিন্তু কোথাও একটানা বেশিদিন থাকে না। ক'মাস আগে নির্যাপোলিস থেকে পম্পেই-এ এসেছে সে।

পম্পেই-এর এক প্রান্তে বিরাট জায়গা জুড়ে আর্বাসেসের প্রাসাদোপম বাড়ি। সেখানে অসংখ্য দাসদাসী নিয়ে নিঃসঙ্গ জীবনযাপন করে সে।

হাঁটতে হাঁটতে আইসিসের মন্দিরের সামনে এসে দাঁড়ালো আর্বাসেস। মন্দিরে তখন অনেক মানুষের ভীড়। বেশির ভাগই বণিক শ্রেণীর। দেবীর উদ্দেশ্যে বলিদান করে তার প্রত্যাদেশ শুনতে এসেছে।

আইসিস মূলতঃ মিশরীয়দের দেবী। তবে ইতালিতেও তার পূজা চলছে বহুদিন ধরে। পম্পেই-এ প্রাচীন এক মন্দির ছিলো আইসিসের। ষোল বছর আগে প্রবল এক ভূমিকম্পে সেটা ধ্বংস হয়ে গেছে। আগের মন্দিরের ধ্বংসস্থলের ওপর গাড়ে উঠেছে এক নতুন মন্দির। নতুন করে প্রতিমা স্থাপন করা হয়েছে তাতে। এই প্রতিমার বিশেষ বৈশিষ্ট্য, দেবী নিজে কক্ষ বলেন এর মুখ দিয়ে। তাই দেবীর অলৌকিক প্রত্যাদেশ শোনার জন্যে প্রতিদিনই প্রচুর জন-

সমাগম হয় মন্দিরে। এই মন্দির আকারে আয়তনে আগেরটার চেয়ে ছোট হলেও চেহারায় অনেক সুন্দর, অনেক মহিমান্বিত। প্রচুর টাকা খরচ করতে হয়েছে এটা বানাতে। কিন্তু এই বিদেশে বিভূঁই-এ মিশরীয় দেবীর মন্দির পুনর্গঠনের জন্যে এত টাকা এলো কোথা থেকে? কেউ জানে না। জানে একমাত্র ক্যালেনাস—মন্দিরের প্রধান পুরোহিত। কেউ জানে না যে কথা সেকথা ক্যালেনাস জানে তার কারণ, টাকাটা খরচ হয়েছে তার হাত দিয়ে।

কে সেই বদান্য লোকটি?—যে ইতালির এক ছোট নগরে প্রাচীন মিশরের দেবীর পূজা-মন্দির গড়ে তুলবার জন্যে এমন মোটা অঙ্কের টাকা ব্যয় করেছে?—তার নাম আর্বাসেস। সে নিজে আইসিসের উপাসক। কাজেই তার দেবীর বিধ্বস্ত মন্দির আবার তৈরি করিয়ে দেয়া তার পক্ষে অস্বাভাবিক নয়।

প্রশস্ত সাতটা মূর্তির ধাপ টপকে উঠতে হয় মন্দির চব্বরে। এ মুহূর্তে ধাপগুলোর ওপরে ছ'পাশে ছ'জন পুরোহিত দাঁড়িয়ে আছে। ছ'জনেরই উর্ধ্বাঙ্গ অনাবৃত। নিরাঙ্গে তোলা পোশাক ঝুলে পড়েছে পা পর্যন্ত। চব্বরের এখানে ওখানে ছোট ছোট বেদীতে নানা দেব দেবীর মূর্তি। সবই মিশরীয়। মূল মন্দির ভবনের ভেতর প্রশস্ত একটা কামরা, অনেকটা হল কামরার মত। তার একপ্রান্তে উঁচু একটি বেদী। তার ওপর দাঁড়িয়ে আছে দেবী আইসিসের প্রকাণ্ড প্রতিমা। পাশে আরেকটি মূর্তি, আইসিসের মঙ্গল অরাসের।

মিশরীয়দের কাছে অত্যন্ত পবিত্র পাখি আইবিস-এর ঝাঁক নির্ভয়ে ঘুরে বেড়ায় চব্বরে, বেদীর ওপরে, নিচে। পূজা দিতে আসা ভক্তদের ছড়িয়ে দেয়া দানা খায় খুঁটে খুঁটে। কখনো বা মন্দির চুড়ায় বসে কৌতুহলী চোখে দেখে ভক্ত বা পুরোহিতদের কাজকর্ম।

আর্বাসেন এগিয়ে গিয়ে ভক্তদের একজনকে জিজ্ঞেস করলো, 'কি উদ্দেশ্যে পূজা দিতে এসেছো তোমরা ? আয়োজন দেখে মনে হচ্ছে বলি দেয়া হবে, মানে দেবীর বাণী শুনতে চাও, তাই না ?'

'হ্যাঁ,' জবাব দিলো লোকটা। 'আমরা বণিক। কাল আমাদের জাহাজ রওনা হবে আলেকজান্দ্রিয়ার পথে। আমরা জানতে এসেছি, বাণিজ্য শেষে নিরাপদে ফিরবে তো জাহাজগুলো ?'

'আমার মনে হয় দেবীর বাণী তোমরা পাবে। আইসিস যদিও কষির দেবী তবে বাণিজ্যের পৃষ্ঠপোষকতাও উনি করে থাকেন।' বলে আর্বাসেন পূর্ব দিকে মৃগ ঘুরিয়ে প্রার্থনায় মগ্ন হয়ে গেল।

সিঁড়ির ধাপগুলোর কাছে নতুন একজন পুরোহিত এগিয়ে এলো। মাথা থেকে পা পর্যন্ত তার শাদা আলখাল্লায় ঢাকা। খালি গা যে ছ'জন পুরোহিত ছ'পাশে দাঁড়িয়ে ছিলো তারা চলে গেল, মন্দিরের ভেতর থেকে আরো ছ'জন একই পোশাক পরা পুরোহিত এসে দখল করলো তাদের জায়গা। আরেকজন পুরোহিত বাণির মতো একটা বাদ্যযন্ত্র হাতে গিয়ে বসলো সিঁড়ির একেবারে নিচের ধাপে। দেবী আইসিসের মূর্তির সামনে ঝলছে বিরাট এক অগ্নিকুণ্ড। ছ'জন পুরোহিত এসে দাঁড়ালো তার ছ'পাশে। একজনের হাতে রেকাবিতে ধূপধূনের কুপ, অন্যজনের হাতে একটা পশুর কাটা ছুপিও। আড়ালে কোথাও গম্বুটাকে বলি দিয়ে ছুপিওটা দিয়ে আসা হয়েছে।

আপাদমস্তক আলখাল্লাধারী পুরোহিত এবার একটা ইশারা করলো। অমনি অন্ধৃত সুরে বাণির মতো বাদ্যযন্ত্রটা বাজাতে শুরু করলো সিঁড়ির নিচের ধাপে বসে পূজারী। উপরের ধাপে দাঁড়ানো দুই অর্ধনগ্ন পূজারী শুরু করলো নাচ। সে কি নাচ ! উন্মাদ হয়ে

গেছে যেন লোক ছটো ।

পূজা দিতে আসা জনতার গুঞ্জন থেমে গেছে । রুদ্ধশ্বাসে অপেক্ষা করছে তারা । বুঝতে পারছে, কিছু ঘটবে এবার । প্রধান পুরোহিত এগিয়ে গেল অগ্নিকুণ্ডের কাছে । মুঠোভিতি ধূপ নিয়ে ছেড়ে দিলো আগুনে । সুগন্ধে ভরে গেল সারা মন্দির । পুরোহিত তারপর ছ'হাতে উঁচু করে ধরলো বলির পশুর হৃৎপিণ্ডটা । ধীরে ধীরে নামিয়ে এনে ওটাও ছেড়ে দিলো আগুনে । যে ছুই পুরোহিত উন্মাদ নৃত্য করছিলো ক্রান্তির চরম সীমায় পৌঁছে গেছে তারা । হঠাৎ ছ'জন ছ'হাতে মুখ ঢেকে লুটিয়ে পড়লো মাটিতে । ঠিক সেই সময় মন্দিরের ভেতর ছলে উঠলো আইনিসের মূর্তি । বাঁশি বাজানো বন্ধ করলো সিঁড়ির নিচের পুরোহিত ।

চারদিকে অটুট স্তব্ধতা । আইনিসের মূর্তি ছলছে এখনো । প্রধান পুরোহিত তৃষিত চোখে তাকিয়ে আছে দেবীর দিকে । হঠাৎ গম্ভীর একটা আওয়াজ বেরোলো দেবীমূর্তির ভেতর থেকে । গারে কাঁটা দিয়ে উঠলো দর্শকদের । প্রধান পুরোহিত ভল্লিগদগদ হয়ে হাঁটু গেড়ে বসে পড়লো মাটিতে ।

আইনিসের মূর্তির ভেতর থেকে তখন ফাঁপা স্বরে কথা বেরোচ্ছে :

‘ধেয়ে আসছে ঢেউ রণাঙ্গণের ঘোড়ার মতো,
পাতাল তলে পাথর কুঁদে তৈরি হয়েছে কবর, শত্রুসুন্ময়,
ভবিষ্যতের গর্ভে লুকিয়ে আছে বিপদ, দুর্ভাগ্য,

ভয় কী তাতে ? মায়ের আশীর্বাদ হাতের তোমাদের ওপর ।’

ধীরে ধীরে মিলিয়ে গেল শব্দ । স্বস্তির নিশ্বাস ফেললো জনতা ।

‘এর চেয়ে স্পষ্ট আর কি হতে পারে ?’ বিড় বিড় করলো এক বণিক । ‘ঝড় হবে সাগরে । এখন শরতের শুরু । এ সময় প্রায়ই

ওরকম হয়। তবে আমাদের জাহাজগুলো বেঁচে যাবে। আমি তো এ ছাড়া আর কোনো অর্থ করতে পারছি না দেবীর কথার।’

তুনে সমস্ত জয়ধ্বনি করে উঠলো বণিকরা :

‘জয় দেবী আইসিসের জয় ! জয় দেবী আইসিসের বাণীর জয় !’

হাত তুলে সবাইকে চুপ করতে বললো প্রধান পুরোহিত। গাঢ়, উদাত্তস্বরে সমাপনী প্রার্থনা করলো সে। শেষ হলো পূজা অনুষ্ঠান। আরেকবার জয়ধ্বনি দিয়ে ফিরে চললো বণিকরা। ওরা এখন নিশ্চিত। ওদের জাহাজগুলো যে নিরাপদে গন্তব্যে পৌঁছুবে, এবং নিরাপদেই সেখান থেকে ফিরে আসবে সে সম্পর্কে কোনো সন্দেহ আর নেই। দেবী আইসিসের আশীর্বাদ আছে তাদের ওপর, স্মরণীয় জয় কী ?

সব লোক মন্দির ছেড়ে চলে গেল, কেবল আর্বাসেস ছাড়া। আর্বাসেস এখনো দাঁড়িয়ে। চোখ বুঁজে দেবীর ধ্যানে মগ্ন। ধীরে ধীরে পুরোহিতরাও সবাই চলে গেল মন্দিরের ভেতর। একটু পরে প্রধান পুরোহিত বেরিয়ে এলো আবার। আর্বাসেসের সামনে এসে দাঁড়ালো।

চোখ খুললো আর্বাসেস। মৃদু হাসি ফুটে উঠলো তার মুখে। বললো, ‘দেখলে তো, ক্যালেনাস, আমার পরামর্শ সত্যে কাজ করেছে। বলে দেবীর বাণী আজ কেমন স্পষ্ট শোনা গেল ! বাণীটা বড় সুন্দর রচনা করেছে আজ। এরকমই বলবে শোভা। আশার কথা শোনাবে। আশার কথা শুনেতে পছন্দ করে মানুষ। তবে হ্যাঁ, কখনো যদি অসম্ভব কিছু আশা করে বসে থাকলে তো তুমি নিরুপায়, নিরাশ করতেই হবে।’

‘আমি অবশ্য চেষ্টা করি যাতে হুকুমই রক্ষা হয়,’ জবাব দিলো

প্রধান পুরোহিত ক্যালেনাস। ‘আজ যেমন বললাম, পাতাল তলে তৈরি হয়েছে শান্তিময় কবর – এই শান্তির কবরে স্থান প্যওয়াও কি দেবীর প্রার্থীবাদ নয়?’

হাসলো আর্বাসেস। ‘ঠিক। এপিসাইডেস যদি তোমার মতো জ্ঞানী হয়ে ওঠে, আমার আর কোনো চিন্তা থাকবে না। চলো, গোপনে একটু আলাপ করবো তোমার সাথে।’

‘নিশ্চয়ই,’ বলে ক্যালেনাস তার খাস কামরায় নিয়ে গেল আর্বাসেসকে। দরজা বন্ধ করে দিয়ে বললো, ‘বলুন এবার। কেউ আমাদের বিরক্ত করবে না।’

‘এপিসাইডেস সম্পর্কে বলো আগে। তেলেবেলা থেকেই ওকে শিখিয়েছি দেবী আইসিসকে ভক্তি করতে, বিশ্বাস করতে, তারপর ভিড়িয়ে দিয়েছি তোমার সঙ্গে। এখন বলো কেমন বৃদ্ধি ছো ওকে?’

‘না, ভালো বৃদ্ধিতে পারছি না,’ খোলাখুলি স্বীকার করলো ক্যালেনাস। ‘সব সময় গভীর থাকে, বিশেষ করে দেবীর দৈববাণীর সময়গুলোতে। আমাদের সাথে ঠিক যেন মিশতে চাইছে না ছেলেটা। একা বসে বসে ভাবে কি সব। একাই ঘুরে বেড়ায় নদীর ধারে, বনের ভেতর। আমার অনুমতির ভোয়াক্ষা করে না। মন্দিরের কাজে কোনো আগ্রহ নেই। একদিন তো দেখি আমাদের সব দেব দেবী মিথ্যা বলে প্রচার করছে যারা সেই নাথারেনদের কয়েকজনের সাথে আলাপ করছে। এই অবস্থায় আমাদের গোপন ব্যাপারগুলোয় ওকে টেনে আনার সাহস পাচ্ছি না।’

‘হুঁ, এতদূর এগোবে আমি ভাবিনি ঠিক আছে, যতদূর পারো তুমি ওকে সাথে সাথেই রেখো। এত ভেতর আমি কথা বলবো ওর সাথে। যে বিশ্বাসে ওর চিড় ধরেছে তা আবার ফিরিয়ে আনবো।’

আবার ওকে শেখাবো আমি। দেবী আইসিসের প্রতি অবিচল নিষ্ঠা ফিরিয়ে আনবো। তুমি চিন্তা কোরো না, ক্যালেনাস, সব ঠিক হয়ে যাবে। শপথ নিয়ে যে আইসিসের পুরোহিত হয়েছে তার কি পিছিয়ে যাবার উপায় আছে? ভাইটাকে আগে পথে আনি তারপর ধরবো বোনকে। তোমাকে তো বলেছি, মেয়েটাকে আমি আমার রানী করতে চাই—আমার হৃদয়ের আইসিস করতে চাই—’

‘জি, বলেছেন,’ বললো ক্যালেনাস। ‘শুনেছি ও নাকি রূপে হেলনের চেয়ে কোনো অংশে কম নয়?’

‘ঠিকই শুনেছো। ওগেও তেমনি। আমার স্ত্রী হতে হলে যা যা দরকার তার সব ওর আছে। কবিতা যেন লেগেই আছে ঠোঁটে। আর গান—সে যে না শুনেছে তাকে বলে লাভ নেই। আমি ওর শরীর মন দুটোই অধিকার করতে চাই।’

‘মানে! ওর মন এখনো পাননি নাকি?’

‘না। ও আমাকে ভালোবাসে—তবে বন্ধু হিসেবে, প্রেমিক হিসেবে নয়। আমাকে ওর প্রেমিক হতে হবে।’

‘পারবেন তো? ইতালির বীরপুরুষরা কিন্তু মেয়েদের মন ভোলাতে ওস্তাদ।’

‘এ ক্ষেত্রে ওদের ওস্তাদী খাটবে না। বর্বর রোমানদের মতো করে আয়োন। আমিই শিখিয়েছি করতে। যাক, এখন শোনো, যে জনো এসেছি তোমার কাছে—আয়োনের মন আমার দিকে ঝোঁকানোর জন্যে তোমার সাহায্য চাই।’

‘আমার সাহায্য। আমি কি সাহায্য করবো?’

‘বলছি—খুব শিগগিরই ওকে দাওয়াত করবো আমার বাড়িতে। ওর চোখ ধাঁধিয়ে দেবো। শুধু এইমাত্র না, আমার যা যা আছে—

জ্ঞান, বুদ্ধি, প্রতিভা সব কিছুর পরিচয় দেবো ওকে । তারপর ধর্মের রহস্যময়তার আবরণে ওর সামনে মেলে ধরবো প্রেমের গোপন কথা ।’

‘আচ্ছা, বুঝেছি আপনার উদ্দেশ্য ।’

‘তাহলে তৈয়রি খেঁকো । সময় হলে তোমাকে খবর দেবো ।’

মন্দির থেকে বেরিয়ে আয়োনের বাড়ির পথে রওনা হলো আর্বা-সেস ।

এখন নিকেল । সূর্য ঢলে পড়েছে পশ্চিমাকাশে । বড় বড় বাড়ির ছায়ায় ঢাকা পড়েছে রাজপথ । ছায়া আর্বাসেসের মনেও । ক্যালেন-নাসের সাথে কথা বলে আজ চিন্তিত হয়ে পড়েছে সে । এপিসাই-ডেসকে আইসিসের পোরোহিত্যে লাগিয়ে দিয়ে ভেবেছিলো, এ-বিষয়টাতে আপাতত নিশ্চিত হওয়া গেছে । কিন্তু তা যে হয়নি তা স্পষ্ট হয়ে গেছে ক্যালেননাসের কথায় । ক্যালেননাস যা বললো তা যদি সত্যি হয়, তাহলে বলতে হবে পরিস্থিতি বেশ জটিল হয়ে উঠেছে । আইসিসের মন্দিরে যারা থাকে তারা যদি ননেপ্রাণে দেবীর ভক্ত না হয় তাহলে যে কোনো মুহূর্তে সর্বনাশ ঘটে যেতে পারে । ওখানে এমন সব ঘটনা ঘটে বা ঘটতে হয় যা বাইরে প্রকাশ হয়ে পড়লে মুশকিল । ইতালি থেকে আইসিসের পূজা হয়তো একেবারে শিকড়গুঁড় উপড়ে যাবে । তার অর্থ এদেশে আর্বাসেসের প্রভাব প্রতিপত্তি যতটুকু আছে তার বেশিরভাগই লুপ্ত হয়ে যাওয়া । তা কিছুতেই হতে দিতে পারে না সে । কিছু একটা করতে হবে এপি-সাইডেসের ব্যাপারে । কিন্তু কী ?

এমনিতেই আয়োনকে নিয়ে একটা হুঁচিঙায় ভুগছে আর্বাসেস
লার্ট ডেক্স অভ পম্পেই

গত কিছুদিন ধরে । ওর প্রস্তাবে রাজি হবে তো মেয়েটা ? অনেক গুণ আয়োনের । অসামান্য রূপসী, প্রতিভাময়ী, চরিত্রে দৃঢ়তা আছে । ওকে যখন ওর বাবা আর্বাসেসের হাতে তুলে দেয় তখন সে বাচ্চা মেয়ে । আর্বাসেসের ধারণা, সে-ই আয়োনকে গড়ে তুলেছে এত সুন্দর, এত মহৎ করে । সুতরাং আয়োনকে পাওয়ার অধিকার যদি কারো থাকে তো আছে তার । এগুলো যুক্তির কথা । কিন্তু, এমন অকাকা যুক্তি থাকা সত্ত্বেও নিশ্চিত হতে পারছে না আর্বাসেস । এপিসাইডেসকে পুরোহিত বানিয়ে ভেবেছিলো নিশ্চিত হওয়া গেল, ছোকরা আর কোনো গোলমাল করতে পারবে না । কিন্তু বাস্তবে তা হয়নি । আয়োনের ক্ষেত্রেও যদি তেমন ঘটে ? ও ভাবছে, আয়োনের ওকেই বিয়ে করা উচিত, আয়োন যদি তা না ভাবে ?

আর্বাসেস আয়োনের অভিভাবক । দেশের আইন যথেষ্ট অধিকার দিয়েছে তাকে আয়োনের ওপর । কিন্তু তার অর্থ এই নয় সে চাইলেই বিয়ে করতে পারে আয়োনকে । বিয়ের ব্যাপারে আয়োন সম্পূর্ণ স্বাধীন । ইচ্ছে করলে আর্বাসেস বল প্রয়োগ করতে পারে । কিন্তু তা সে চায় না । আয়োনের নিজস্ব মতামত আছে । জোর করে তার ওপর কিছু চাপাতে গেলে সে নিশ্চয়ই বিদ্রোহী হয়ে উঠবে । তাছাড়া এসব ব্যাপারে জোর করে ত্রয়লাভ করা পরাজয়ের নামান্তর ।

ভাবতে ভাবতে পথ চলছে আর্বাসেস । কিছুক্ষণের মধ্যে শহরের প্রান্তে ছোট এক উপবনে এসে পৌঁছুলো সে । পথের দু'পাশে বিস্তৃত এই বন । অদূরে বয়ে চলেছে সার্নাস নদী কুলকুল করে । হঠাৎ আর্বাসেসের চোখ গেল নদীর তীরে একটা গাছের গোড়ায় । এপিসাইডেস বসে আছে হেলান দিয়ে । মাটির দিকে চোখ । ভুরু কঁচকে

উঠলো আর্বাসেসের। যনে যনে একটা সিদ্ধান্ত নিয়ে এগোলো ছেলেটার দিকে। কাছে গিয়ে ওর কাঁধে একটা হাত রেখে ডাকলো :

‘এপিসাইডেস !’

চমকে মুখ তুলে তাকালো তরুণ পুরোহিত। আর্বাসেসকে দেখে তীব্র ঘৃণা ফুটে উঠলো চোখে। আর্বাসেস যেন তা দেখেও দেখলো না।

‘কি হয়েছে, বাপ ? তুমি আমাকে এড়িয়ে চলছো কেন ক’দিন ধরে ?’

কোনো কথা বললো না এপিসাইডেস। ধীরে ধীরে চোখ নামিয়ে নিলো আবার মাটির দিকে।

‘কথা বলো, এপিসাইডেস,’ আবার বললো আর্বাসেস, ‘কিছু নিয়ে ভ্রুশ্চিন্তাগ্রস্ত তুমি। কি ?—বলো আমাকে।’

এখনো চুপ এপিসাইডেস। আর্বাসেস আবার বললো, ‘বলবে না আমাকে ?’

তীব্র আবেগে এবার ফেটে পড়লো তরুণ পুরোহিত। ‘না ! তোমাকে আমার কিছু বলার নেই।’

‘কেন ? আমাকে তুমি আর বিশ্বাস করো না ?’

‘না।’

‘কেন ?’

‘কারণ তুমি আমার শত্রু।’

ভয়ানক ক্রোধে জ্বলে উঠলো আর্বাসেসের শাখ থেকে মাথা পযন্ত। তবু সে শাস্ত রইলো ওপরে ওপরে। নুসাই নেই ছোকরা রেগে গেছে। রাগের জ্বাধে পালটা রাগ ফুরলে অনেক সময় কাজ হয়, তবে এ ক্ষেত্রে যে হবে না তা জানে আর্বাসেস। খুবই মর্মান্বিত

হয়েছে এমন ভঙ্গিতে ফিসফিস করে সে বললো, ‘শত্রু!’ তারপর এপিসাইডেসের হাত ধরে কিছু দূরে একটা কাঠের আসনে নিয়ে গিয়ে বসালো। নিজে বসলো পাশে। গম্ভীর কণ্ঠে বললো, ‘এসো, এপিসাইডেস, আমরা খোলাখুলি আলাপ করি—’

‘আলাপ করার আছেটা কী?’

‘আছে। তুমি বলছো আমি তোমার শত্রু। কারণটা বুঝতে পারছি। আমি তোমাকে আইসিসের পুরোহিত হতে বলেছিলাম। সে জন্যে ওদের যত ভগামী যত ছুঁড়তি দেখে আমাকেই তুমি দায়ী ভাবছো। ভাবছো আমি তোমাকে কোশলে এই ভগামির ভেতর নিয়ে গেছি। ভাবছো আমিও ঐ ভগদের এক—’

‘ভাবছি না, আমি বিশ্বাস করি—অন্তর থেকে বিশ্বাস করি তুমি ঐ ভগদের একজন—না, তুমি ঐ ভগ জোক্তোরদের সর্দার। নইলে—নইলে এমন কুশিকা তুমি আমাকে দিলে কেন? এমন কুপথে আমাকে আনলে কেন? ছেলেবেলা থেকে আমাকে শিখিয়েছো, পৃথিবী বড় কদর্য জায়গা, নরকের ওপিঠ মাত্র। এই কদর্যতা থেকে নিজেকে বাঁচাতে হলে মহাদেবী আইসিসের শরণ নেয়া ছাড়া উপায় নেই। আমি সরল মনে তোমার কথা বিশ্বাস করেছিলাম। বিশ্বাস করে আমি দেবী আইসিসের জন্যে অলৌকিক এক প্রেম অনুভব করেছিলাম মনে মনে।

‘তারপর তোমার প্ররোচনায় যেদিন সংসার ভাঙ করে আইসিসের পুরোহিত হলাম সেদিন থেকেই আমার ভুল ভাঙতে শুরু করলো। সংসার কদর্য স্থান কিনা আমি জানি না, ও সম্পর্কে আমার কোনো অভিজ্ঞতা নেই, তবে গত কয়েকটা মাসে যে অভিজ্ঞতা হয়েছে তাতে পৃথিবীর আর কিছু না হোক তোমার এই আইসিসের

মন্দিরটি যে অতি কদর্য স্থান সে সম্পর্কে আমার কোনো সন্দেহ নেই। আশাগোড়া একটা ভগ্নামির পীঠস্থান। পুরোহিত সেজে যারা মন্দিরের কাজ চালাচ্ছে তারা সবাই এক একটা মহাভণ্ড। দেবীর নাম করে মানুষের জানা অজানা হাজার রকমের কুকর্ম তারা করে যাচ্ছে। পবিত্র শপথ নিয়েছে, তারা সব ধরনের বিলাসিতা থেকে দূরে থাকবে। কিন্তু কাজের বেলায় দেখা যায় ভালো থাকা খাওয়া তো বটেই, মদ বা নারীতেও তাদের বিন্দুমাত্র অনাসক্তি নেই। নানা ছলে তারা জনসাধারণের কাছ থেকে অর্থ আদায় করে। হ্যাঁ, তোমার ঐ দেবীর নাম করেই করে। শেষ পর্যন্ত ঐ টাকা পুরোহিতরাই আত্মসাৎ করে। যে বিলাস থেকে দূরে থাকবে বলে শপথ নিয়েছে সেই বিলাসেই গা ভাসিয়ে দেয়। নিজেদের জঘন্য কাজকর্মের ভেতর স্বয়ং দেবীকেও টেনে নামাতে সংকোচ নেই তাদের। প্রতিমার মুখ দিয়ে যে দৈববাণী হয় সেগুলো কী? মূর্তির ভেতরটা কাঁপা, তার ভেতর লুকিয়ে থাকে ভণ্ড এক পুরোহিত, প্রধান পুরোহিতের ইঙ্গিতে সে বিকৃত স্বরে সুর করে আউড়ে যায় শেখানো বুলি। প্রধান পুরোহিত নিজে তৈরি করে দৈববাণীগুলো তারপর মুখস্থ করায় সেই পুরোহিতকে। এই যদি তোমার সব পক্ষিতা, সব কদর্যতা থেকে মুক্তির আদর্শ স্থানের নমুনা হয় তাহলে আমি বলবো, দরকার নেই আমার অমন মুক্তির। পৃথিবীতার মধ্যেই আমি থাকবো।’

খামলো এপিসাইডেস। ওর চোখ এখনো মাটির দিকে। আর আর্বাসেস কাঁপছে থরথর করে। ভাগ্য ভালো, এপিসাইডেসের হাত সে আগেই ছেড়ে দিয়েছিলো, নইলে ছোঁকরা টের পেয়ে যেতো এই কাঁপুনি। ক্রোধ, হতাশা আর ধরা পড়ে যাবার লজ্জা থেকে আত্ম-

সংবরণ করার আশ্রয় চেষ্টা করছে আর্দাসেস। সে জন্মোই তার এ কাঁপুনি।

প্রাণপণ চেষ্টায় নিজেকে সামলে এপিসাইডেসকে ধরলো দৃষ্ট মিশরীয়। মূর্খ একটু হাসলো। না, লজ্জা নয়, সে হাসিতে যা কুটে উঠলো তা কৌতুক। মুখ তুলে তার এই হাসি দেখে অবাক হলো এপিসাইডেস। এতসব কঠোর অভিযোগের জবাবে এমন হাসি! বোকা ছেলের বোকামি দেখে বাবা যেমন হাসে ঠিক তেমন করেই তো হাসছে লোকটা। তাহলে—তাহলে কি আগাগোড়াই ভুল বুঝেছে এপিসাইডেস?

‘তুমি যা যা বললে সব ঠিক,’ কৌতুকের হাসিটা মুখে ধরে রেখে বললো আর্দাসেস। ‘এরকম সন্দেহ যে তোমার মনে জাগবে তা আমি জানতাম। ইচ্ছে করেই এসব কথা আমি তোমাকে জানাইনি। চেয়েছিলাম আগে সন্দেহ জাগুক তোমার মনে তারপর ভাববো রহস্য।

‘শোনো, এপিসাইডেস, আইসিসের সত্যিকারের উপাসনার কিছুই এখনো দেখিনি তুমি। তুমি কেন, এসব পুরনো পুরোহিতরাও কেউ দেখেনি। সে যোগাতাও ওদের নেই। আইসিসীয় ধর্মের কতকগুলো আচার অনুষ্ঠান নিয়েই ওরা মেতে রয়েছে। ভেতরের ব্যাপারে ওরা চোকেনি, কোনোদিন চুকবেও না। তুমিও দেখেছো তা ঐ আচার ছাড়া আর কিছু না। ভেবো না, এসব একেবারে মূল্যহীন। সাধারণ মানুষ—যাদের মেধার স্তর অতি নিচু তাদের সংপথে, ধর্মের পথে রাখতে আচার অনুষ্ঠানের প্রয়োজন আছে। কিন্তু তুমি তো সাধারণ মেধার নও। তা-ই যদি হতে তাহলে যাকে তুমি ভগামি বলছো তাকেই সত্যিকারের জ্ঞান ভাবতে। সাধারণ মানু-

যকে পথে রাখার জন্যে এই যে ছলনাটুকু করা হয় এটা তুমি ধরতে পারো কিনা পরীক্ষা করার জন্যেই আমি তোমাকে জানাইনি এসব কথা। এখন জেনেছি, তুমি সাধারণ নও। যারা দেবী আইসিসের পুরনো পুরোহিত তাদের অনেকের চেয়ে উপলব্ধি করার ক্ষমতা তোমার বেশি। তুমি যোগ্য মহাদেবী আইসিসের ভক্ত হওয়ার—
হ্যাঁ, সত্যিকারের ভক্ত। তোমাকে আমি নিয়ে যাবো সেই মধুর উপাসনার মর্মমূলে। তুমি আমার ছেলের মতো, তোমাকে কি মরীচিকার পেছনে ছুটবার জন্যে সংসারের পঙ্কিলতা থেকে বেরিয়ে আসতে শিখিয়েছি? না, না, এপিসাইডেস, অতটা নীচ আমাকে ভেবো না। আজ রাতে আমার বাড়িতে এসো, আইসিস-উপাসনার নতুন পর্যায়ের শিক্ষা শুরু হবে তোমার।’

‘কি শেখাবে কে জানে?’ অস্ফুট কণ্ঠে বললো এপিসাইডেস।
‘নতুন কোনো ভণ্ডামি—নতুন কোনো—’

‘না—আমার কারণেই তোমার মনে অবিশ্বাস এসেছে; তোমাকে আবার বিশ্বাসের পথে ফিরিয়ে আনার দায়িত্ব আমার। নইলে যে আমি দেবীর কাছে ক্ষমা পাবো না। যা বললাম, এসো আজ রাতে। আইসিস-উপাসনার সারকথা তুমি বুঝতে পারবে। তারপরও যদি আমার ওপর তোমার বিতৃষ্ণা থেকে যায় আমি আর কিছু বলবো না, তোমার যা ইচ্ছা করো। তাহলে এসো, যাওয়ার আগে আবার আমরা আগের মতো, বন্ধুর মতো হাত মেলাই।’

হতভম্ব এপিসাইডেস নিঃশব্দে হাত ঝড়িয়ে দিলো। হাতটা নিজের মুঠোয় নিয়ে একটু চাপ দিয়ে ছেড়ে দিলো আর্বাসেস। তারপর রওনা হলো নিজের পথে।

*

*

*

*

*

আর্বাসেস যখন আরোনের বাড়িতে ঢুকলো তখন প্রাঙ্গণের ফোয়ারার কাছের পাশাপাশি বসে আছে আরোন আর গ্রকাস। দেখেই মেজাজটা খিঁচড়ে গেল আর্বাসেসের। ভুরু কুঁচকে কিছুক্ষণ তাকিয়ে রইলো সে। তারপর পা টিপে টিপে এগোলো ওদের দিকে।

গ্রকাস তখন আরোনের চোখে চোখ রেখে বলছে, ‘মানুষ যখন প্রেমে পড়ে তখন মনে হয় কবির। মানুষের আবেগ অনুভূতি নিয়ে যা যা লিখেছে সব সত্যি। সূর্যোদয় দেখে বা রাতের আকাশে তারা দেখে—’

‘একেবারে খাটি কথা বলেছেন, জনাব গ্রকাস!’

চমকে ঘাড় ফিরিয়ে তাকালো ছ’জন। আর্বাসেসের শান্ত মুখটার ওপর চোখ পড়লো।

উঠে দাঁড়িয়ে চেষ্টা করে একটু হাসলো গ্রকাস। ‘আমরা টের পাইনি আপনি এসেছেন!’

‘না পাওয়ারই কথা,’ অর্থপূর্ণ ভঙ্গিতে বললো আর্বাসেস। নিজে একটা শূন্য আসনে বসে বসতে ইশারা করলো গ্রকাসকে।

‘ভালো হলো,’ আরোন বললো, ‘তোমাদের ছ’জনকে অবশেষে একসাথে দেখতে পেলাম। আমার কি ধারণা জানো?—ছ’জনের মিল এত বেশি—কি জানে, কি বুদ্ধিতে—বন্ধু হওয়ার জন্যেই জন্ম হয়েছে তোমাদের।’

‘আগে আমার জীবনের পনরটা বছর ফিরিয়ে দাও,’ জবাব দিলো আর্বাসেস, ‘তারপর ওর বন্ধু হতে বলো। ছ’জন গ্রকাসের বন্ধু হতে পারলে খুশিই হবো আমি, কিন্তু বিনিময়ে দেবো কী? ওর বয়েস ওকে যা যা করার স্বাধীনতা দিয়েছে আমার পক্ষে তা কি সম্ভব? কথায় কথায় ভোজ, ইচ্ছে হলেই বাক্স ধরে পাশা খেলা—’

হতাশ ভঙ্গিতে একটা দীর্ঘশ্বাস ফেলে মুখ নিচু করলো আর্বাসেস, মুখ নিচু করলেও আড়চোখে সে লক্ষ্য করতে লাগলো আয়োনের প্রতিক্রিয়া।

‘আপনি ঠিকই বলেছেন, আর্বাসেস,’ জবাব দিলো গ্লকাস। ‘আমরা একে অপরকে শ্রদ্ধা করতে পারি, বন্ধু হতে পারি না। বাইরে থেকে বোঝা না গেলেও কিছু মৌলিক পার্থক্য রয়ে গেছে আমাদের ভেতর। শোনা যায় কথায় কথায় না হলেও সপ্তায় বা দু’সপ্তায় আপনি যে ভোজ্য দেন তাতে বিশেষ কিছু উপাদান—শুধু খাবার নয় অন্য ধরনেরও—থাকে; আমার দেয়া ভোজ্যে সে সব থাকে না। তাছাড়া যখন আপনার সমান বয়েস হবে—’

শেষ করতে দিলো না আর্বাসেস ঝট করে মুখ তুলে তাকালো গ্লকাসের দিকে।

‘ঠিক কি বলতে চাইছেন আপনি, বুঝতে পারলাম না,’ শীতল কণ্ঠে বললো সে। ‘অবশ্য না বুঝলেও খুব একটা ক্ষতিবৃদ্ধি নেই। তারুণ্য আপনাকে যে সুবিধা দিয়েছে তার সুযোগ তো আপনি নেবেনই।’ তাক্ষিল্যের একটা ভঙ্গি করে আয়োনের দিকে মুখ ঘোরালো আর্বাসেস। ‘ব্যাপার কি, আয়োন, বলো তো?—কয়েক-দিন ধরে যখনই তোমাকে দেখতে আসছি, তোমাকে ঘরে পাচ্ছি না। কারো না কারো সাথে বাগানে বসে থাকো।’

‘হ্যাঁ, কেন জানি না ঘরের চেয়ে বাইরে থাকতেই আজকাল আমার বেশি ভালো লাগছে,’ বিব্রত কণ্ঠে জবাব দিলো আয়োন।

বিব্রত ভঙ্গিটা দেখেও যেন দেখলো না আর্বাসেস। মুহূর্তে হেসে বললো, ‘প্রাচীন সেই কবির কথা* ভুলে গেছ?—“ঘরই নারীদের

* ইউরিপিডেস।

যোগা জায়গা।”

‘এই কবিটা ব্যক্তি হিশেবে খুব সম্মান ছিলো না,’ বললো প্রকাশ,
‘তার ওপর ছিলো নারীবিদ্বেষী।’

‘যার জন্য আপনার অহঙ্কারের গ্রীসে।’ মন্তব্য করলো আর্দাসেস।

‘তাতে কী? যুগ প্যান্টালে রীতি-আইনও প্যান্টায়। আমাদের
পূর্বপুরুষরা আয়োনকে দেখলে তখনই আইন বদলে ফেলতেন।’

‘এমন মেয়ে ভোলানো কথা শিখেছেন কোথায়?’ অনেক কষ্টে
রাগ সামলে প্রশ্ন করলো আর্দাসেস। ‘রোমে?’

‘যেখানেই শিখে থাকি, আপনার মিশরে যে শিখিনি সে ব্যাপারে
নিশ্চিত থাকতে পারেন।’

ছ’জনকে আর এগোতে দেয়া সমীচীন মনে করলো না আয়োন।
আর্দাসেস জবাব দেয়ার আগেই সে বলে উঠলো, ‘হয়েছে, হয়েছে,
তোমরা থাকো এবার। কোথায় ভেবেছিলাম ছ’জন বন্ধু হবে, তা
না, প্রথম দেখায়ই ঝগড়া শুরু করে দিয়েছে। স্বীকার করছি, আমি
একটু বেশি স্বাধীনভাবে চলাফেরা করি। কি করবো?—অন্য কোনো
ভাবে যে চলতে আমি জানি না। মেয়েরা তাদের মেয়েলিপনার
বেশিরভাগই শেখে মায়ের কাছে। কিন্তু আমি ছেলেবেলায় মাকে
হারিয়েছি। মানুষ হয়েছি আর্দাসেসের তত্ত্বাবধানে, একমাত্র সঙ্গী
ছিলো ভাই; সে জন্যে আমার স্বভাবে মেয়েলিপনা একটু কম। তবে
আমি বলবো, রোমান মেয়েদের চেয়ে বেশি স্বাধীনতা কখনোই
আমি নেই না, সুযোগ থাকা সত্ত্বেও। কারণ আমি জানি, যে সমাজে
বাস করছি তার আচার আচরণ কিছুটা হলিওডে মেনে চলতে হবে,
যদি না বিপদে পড়তে চাই।’

‘আমি তো এতে কোনো দোষ দেখি না,’ প্রকাশ বললো।

‘তোমার অন্তর যদি নির্মল হয়, ঐ অন্তরই তোমাকে পথ দেখাবে সঠিকভাবে এগিয়ে যাওয়ার।’

উভয় সংকট অবস্থা আর্দাসেসের। পরিস্থিতি এমন পর্যায়ে পৌঁছেছে, আরোনের বা গ্রকাসের কথার বিরুদ্ধে এখন কিছু বললেই মেয়েটার চটে যাওয়ার সম্ভাবনা। তাতে উদ্দেশ্য সাধন অনিশ্চিত হয়ে পড়তে পারে। তাই চুপ করে থাকাই সঙ্গত মনে করলো আর্দাসেস। আর গ্রকাস, বিব্রতভাবে আরো কিছুকণ আলাপ চালিয়ে যাওয়ার চেষ্টা করে শেষে বিরক্ত হয়ে বিদায় নিলো। নিজের আসনটা আরোনের একটু কাছে টেনে বসলো আর্দাসেস।

‘নিশ্চয়ই ভাবছো না আমি তোমার স্বাধীনতায় হস্তক্ষেপ করতে চাই বলে কথাটা তুললাম?’ বললো সে। ‘আমি যেটা বলতে চাই-ছিলাম তা হলো, ঢোফেরায় তোমার একটু সতর্ক হওয়া উচিত। যে কেউ এসে একটু প্রশংসা করলো আর তুমি তার জন্যে প্রাণ দিয়ে ফেলবে ঠিক করলে, এটা কিন্তু ঠিক নয়।’

‘মানো তোমার কথা তো আমি কিছুই বুঝতে পারছি না,’ শঙ্কিত কণ্ঠে বললো আরোন। ‘আমি জানি তুমি আমার বন্ধু, আমার ভালো ছাড়া আর কিছু তুমি চাও না, বলো কি জন্যে বললে একথা?’

‘বন্ধু তাই না? তাহলে বন্ধু হিশেবেই বলবো, তুমি মনে কষ্ট পাবে না তো?’

‘না, পাবো না, বলো!’

‘তাহলে আগে একটা প্রশ্নের জবাব দাও, এই দুশ্চরিত্রটাকে কতদিন ধরে চেনো তুমি?’

বিস্ময়ে বোবা বনে যাওয়ার দশা আরোনের। ‘দুশ্চরিত্র! কে?’

‘ঐ প্রকাশ । কতদিনের পরিচয় ওর সাথে তোমার ?’

‘তা—তা দিন সাতেকের হবে,’ দ্বিধার সাথে বললো আয়োন ।
‘কিন্তু এ প্রশ্ন কেন ?’

‘মাত্র সাত দিন,’ আর্বাসেস বললো, ‘তাহলে আমি কমা চাইছি তোমার কাছে । আমি ভেবেছিলাম অনেক দিনের পরিচয় তোমাদের । খুবই বাজে স্বভাবের লোক এই প্রকাশ ।’

‘মানে । কি বলছো তুমি ?’

‘বলতে চাইছি, এমন একটা লোকের সাথে মিশছো যার সাথে মেশা তোমার উচিত নয় ।’

‘কেন ? কি করেছে ও ?’

আয়োনের প্রশ্ন যেন শুনতেই পায়নি এমন ভঙ্গিতে আর্বাসেস বলে চললো, ‘ওর স্বভাব তুমি জানো, ওর সঙ্গীদের চেনো, তারপরেও কি করে ওকে বাড়িতে ঢুকতে দিলে ? শুধু তা-ই না, পাশাপাশি বসেছো পর্যন্ত ?’

‘এখনও তুমি আঙোবাজে বকছো । ঈশ্বরের দোহাই, আসল কথাটা খুলে বলো !’

‘তাহলে শোনো, কাল তোমার এই প্রকাশ স্নানাগার ভর্তি লোকের সামনে কি বলেছে—বলেছে তুমি নাকি ওকে ভাঙিয়েবাসো । ভালো কথা । তারপর কি বলেছে শুনবে ?—বলেছে কাপারটা খুব মজার ওর কাছে । ওর বন্ধুরা মানে ফ্রেডিয়াম, লেপিডাস যখন জিজ্ঞেস করলো, তোমাকে ও বিয়ে করবে কি না, করলেও হবে নাগাদ, তখন ওর হাসি যদি দেখতে । রাস্তার ভিথিরির দিকে তাকিয়েও আমরা এমন বিজ্ঞপের মতো হাসি না । অবশ্য ইঁদা, তোমার রূপের প্রশংসা করছিলো—সে তো সবাই করে ।’

‘অসম্ভব!’ চিৎকার করলো আয়োন। ‘এ জবন্য মিথ্যা। প্রকাশ এমন কথা বলতেই পারে না।’

‘আমিও প্রথমে তাই ভেবেছিলাম,’ ছুঃখ পাওয়া ভঙ্গিতে বললো আর্বাসেস। ‘কিন্তু যখন চার পাঁচজন প্রত্যক্ষদর্শীর কাছে শুনলাম এই এক কথা তখন আর বিশ্বাস না করে পারিনি। সারা পম্পেই এখন আলাপ করছে এ নিয়ে, জানো?’

ছাইয়ের মতো ক্যাকাসে হয়ে গেছে আয়োনের মুখটা।

‘আমি খুব ছুঃখ পেয়েছি,’ বলে চলেছে আর্বাসেস, ‘সাধারণ নাচনেওয়ালীদের মতো তোমার কথা মানুষের মুখে মুখে ফিরবে কখনো ভাবতে পারিনি। তাই বললাম কথাগুলো। আশা করি আমাকে তুমি ভুল বুঝবে না, আয়োন।’

ওর একটা হাত ধরলো আর্বাসেস। আয়োন বাধা দিলো না।

‘এ নিয়ে আর ভেবো না,’ বলে চললো আর্বাসেস, ‘আশা করি শিগগিরই মানুষজন তাদের ভুল বুঝতে পারবে। একটা কথা মনে রেখো, মিথ্যা কলক রটিয়ে কাউকে ভোবানো যায় না। সাময়িক ভাবে হয়তো একটু অসুবিধায় ফেলা যায়। তবে শেষ পর্যন্ত সত্যেরই জয় হয়।’

এরপর হঠাৎ করেই আলাপের মোড় ঘুরিয়ে দিলো আর্বাসেস। এপিসাইডেনের কথা তুললো; কিন্তু আয়োন খুব একটা যোগ দিলো না সে আলাপে। একা একাই কিছুক্ষণ বক বক করে শেষে বিদায় নিলো আর্বাসেস।

ধূর্ত মিশরীয়টার ছায়া বাড়ির বাইরে গিলিয়ে যাওয়া মাত্র অদম্য আবেগে কান্নায় ভেঙে পড়লো আয়োন।

চার

সন্ধ্যার আধার যখন গাঢ় হয়ে নামলো, আবাসেসের বাড়ির পথে রওনা হলো এপিসাইডেস। শহরের আলোকিত, জনবহুল পথ ছেড়ে নির্জন, অন্ধকার গলিপথ ধরে হাঁটছে সে। আইসিসের পুরোহিত বলে আজকাল মানুষের সামনে পড়তে লজ্জা করে ওর।

বিকেল বেলায় আবাসেসের বলা কথাগুলো ঘুরপাক খাচ্ছে মনের ভেতর। গত কয়েক দিন ভাবনা চিন্তা করে একটা সিদ্ধান্তে এসেছিলো এপিসাইডেস। আজ আবার দ্বিধায় ফেলে দিয়েছে খুঁত মিশরীয়টা। ভগ্নাশিই যদি আইসিস-উপাসনার মূলমন্ত্র হবে, কি করে শতাব্দীর পর শতাব্দী টিকে আছে ওর পূজা?

পেছন থেকে কে যেন হাত রাখলো ওর কাঁধে।

চমকে ধূরে দাঁড়াতেই এপিসাইডেস দেখলো, বুকুর ওপর হাত দিয়ে ঝুশ আঁকছে এক লোক। তাকে দেখেই ক্যাকাসে মুখটা আরো ক্যাকাসে হয়ে গেল এপিসাইডেসের।

‘ও, নাথারেন*,’ কোনো মতে বললো ওর ‘কি চাও তুমি?’

‘না, চাই না কিছু। দেখে মনে হলো তুমি দৃষ্টিস্ত্রাণ্ডস্ত, তাই

* খ্রীষ্টধর্মের প্রথম যুগে যে রকম ইহুদি ধর্মাস্তরিত হয়ে খ্রীষ্টান হয়েছিলো তাদের নাথারেন বলা হতো।

ভাবলাম... অবশ্য তুমি যদি বিরক্ত বোধ করো তাহলে...'

'না, অলিনথাস, বিরক্ত হবো কেন? আমার মনটা ভালো নেই।'

'মন ভালো নেই! তাহলে কেন যে ঝরনাধারা মনকে ভালো করে তুলতে পারে তা থেকে হুখ ফিরিয়ে থাকবে?'

'ও ধরনী! ভগ্নধরে আর্তনাদ করে উঠলো তরুণ পুরোহিত, 'তোমার কোন অংশে গেলে সত্য ঈশ্বরের দেখা পাবো? কাকে বিশ্বাস করবো আমি? এই নাথারেনকে, না আর্বাসেসকে?'

বলে আর না দাঁড়িয়ে নিজের পথে ছুটলো এপিসাইডেস। কিন্তু এত সহজে তাকে রেহাই দিলো না নাথারেন অলিনথাস। পেছন পেছন ছুটলো সে-ও। কিছুক্ষণের মধ্যেই পাশ কাটিয়ে ওর সামনে গিয়ে দাঁড়ালো পথরোধ করে।

'আমি ছুঃখিত, এপিসাইডেস,' বললো সে। 'আমি বোধহয় কষ্ট দিয়েছি তোমাকে। সন্দেহ জাগিয়ে দিয়েছি তোমার মনে। সত্যিই যদি তা করে থাকি, আমি ছুঃখিত। আমার মনে হয় সত্য ঈশ্বরের সন্ধান পেতে হলে এই কষ্টটুকু সহ্য করতেই হবে তোমাকে। আমিও করেছি। কিন্তু যেদিন কায়মনে তাঁকে ডাকলাম, তিনি এলেন। সব কষ্ট, সব অন্ধকার দূর হয়ে গেল আমার মন থেকে। তুমিও যদি ডাকতে পারো, তোমার মন সাগরের বাড় ঝাড়া সব শান্ত হয়ে যাবে।'

'এমন প্রতিশ্রুতি যখন শপথ নিয়ে আইসিনের পুরোহিত হলাম তখনও শুনেছি,' রুক্ষ কণ্ঠে বললো এপিসাইডেস।

'কিন্তু শপথ নেয়ার পর কি দেখলে? তোমার ঐ আইসিনীয় ধর্মে নৈতিকতা বলে কিছু নেই। দেবীর উপাসনা করো তোমরা। কিন্তু কী সেই দেবীটা? তার চারপাশে ভীড় করে আছে কারা? যার

পূজারীরা অমন খল স্বভাবের হতে পারে, ভগামির বেসাতি করতে পারে সে কী করে মানুষের ত্রাণকর্তা হবে ? অন্যদিকে দেখ, জুপিটার, এর চেয়ে জঘন্য লম্পট আর কেউ আছে ? সে হলো দেবতা । পুরোহিতরা যে মুখে বলছে তোমরা লাম্পট্য কোরো না, সেই মুখেই বলছে জুপিটারের মতো লাম্পটকে পূজা করো । একে কি বলবে তুমি ? মানুষের সবচেয়ে পবিত্র অংশ তার হৃদয় নিয়ে তামাশা না ?

‘তার চেয়ে এসো, ঈশ্বরের দিকে মুখ ফেরাও । এক এবং অদ্বিতীয় সত্য ঈশ্বর । তাঁর আলোই তোমাকে পথ দেখাবে । ঈশ্বর তোমার অন্তরে কাজ করে চলেছেন । সবার অন্তরেই কাজ করে চলেছেন । যে তাঁকে উপলব্ধি করতে পারে সে-ই তাঁকে পায় । তুমি কি চেষ্টা করেছেো উপলব্ধি করার ? যদি না করে থাকো বা করেও ফল না পেয়ে থাকো, তাহলে এসো আমার সাথে, আমি তোমাকে সাহায্য করবো । এসো, এপিসাইডেস, তোমার মন ভার হয়ে আছে, আমার সাথে এসো, আমি নামিয়ে দেবো তার ।’

‘এখন না, অলিনথাস,’ এপিসাইডেস বললো, ‘অন্য সময় ।’

‘এখনই—এখনই !’ ছ’হাতে অলিনথাস আঁকড়ে ধরলো এপিসাইডেসের হাত ।

কিন্তু এপিসাইডেস এখনো মনে মনে প্রস্তুত হয়নি তাকে পুরনো বিশ্বাস ছাড়তে । যার জন্যে এতকিছু ত্যাগ করলো, তার শেষ না দেখে সে ছাড়তে পারে না । আর্বাসেস নতুন কি বলে আগে শুনবে, তারপর সে সিদ্ধান্ত নেবে—চূড়ান্ত সিদ্ধান্ত ।

অলিনথাসের হাত থেকে টানা হাঁকুড় করে নিজেকে ছাড়িয়ে তীব্রবেগে ছুটলো এপিসাইডেস অর্বাসেসের বাড়ির দিকে । দেরি হয়ে গেল কিনা কে জানে ।

*

*

*

ছুটতে ছুটতে নগরীর অপর প্রান্তে এক নির্জন জায়গায় পৌঁছলো এপিসাইডেস। সামনে আর্বাসেসের বিশাল বাড়ি। আশপাশের বিরাট এলাকার ভেতর আর কোনো বাড়ির নেই। ধাতু হওয়ার জন্যে বাড়িটার সামনে একটু দাঁড়ালো এপিসাইডেস। ঠিক সেই সময় মেঘের আড়াল থেকে বেরিয়ে এলো টান। শিল্প রূপালি আলোর ধূয়ে দিতে লাগলো রহস্যময় বাড়িটার দেয়াল, ছাদ, বাগান।

ফটকের সামনে গিয়ে কড়া নাড়লো এপিসাইডেস। নিশেদে খুলে গেল কপাট। দীর্ঘদেহী এক ইথিওপীয় ক্রীতদাস দাঁড়িয়ে আছে সামনে। কোনো রকম প্রশ্ন নয়, সম্ভাষণ নয়, বাড়ির ভেতর ঢুকতে ইশারা করলো সে এপিসাইডেসকে।

ঢুকলো এপিসাইডেস। প্রশস্ত এক হল কামরায় নিয়ে গিয়ে ওকে অন্য এক ক্রীতদাসের জিম্মায় ছেড়ে দিলো কৃষ্ণকায় ইথিওপীয়। চেহারা বলে এ লোক আফ্রিকান নয়, কিন্তু গায়ের রঙ আগের জনের মতোই কালো।

‘আমি আর্বাসেসের সাথে দেখা করতে চাই,’ তাকে বললো এপিসাইডেস।

গভীর সন্মানে মাথা নোরালো লোকটা। তারপরে পথ দেখিয়ে নিয়ে চললো সরু একটা অলি-পথের ভেতর দিয়ে। শেষ প্রান্তে সিঁড়ি, অলি-পথের মতোই অপ্রশস্ত। সিঁড়ি টপকে কয়েকটা ছোট বড় ঘর পেরিয়ে মাঝারি আয়তনের একটুকরো কামরায় পৌঁছলো ওরা। মুহূর্তে আলোয় অন্ধকার ভালো করে দৃষ্টি হয়নি ঘরটার। এক দিকের পুরো দেয়াল জুড়ে ঝুলছে কারুকাজ করা পর্দা। অন্যদিকে দামী

দুখমলে মোড়া আরাম আসনে বলে আছে মিশরীয় আর্বাসেস।
সামনে ছোট্ট একটা টেবিল। তার ওপর ছড়িয়ে আছে বেশ কয়েকটা
মোড়ানো প্যাপিরাস। সামান্য দূরে একটা তেপারার ওপর ধূপ-
দানীতে পুড়ছে সুগন্ধী ধূপ। নর ধোঁয়ার রেখা পাক খেতে খেতে
উঠে যাচ্ছে ওপরে।

‘বোসো, এপিসাইডেস,’ আসন থেকে না উঠে বললো আর্বাসেস।

টেবিলের উল্টো দিকে একটা খালি আসন পাতা, সেটা টেনে
নিয়ে বসলো এপিসাইডেস।

‘তাহলে এবার তুমি তোমার সব প্রশ্নের জবাব চাও, তাই না?’
বললো আর্বাসেস। ‘সব সন্দেহের, সব রহস্যের নীমাংসা চাও?
কি বিশ্বাস করবে, কোনটা গৃহণ করবে, কোনটা প্রত্যাখ্যান করবে
জানতে চাও?’

সম্মতির ভঙ্গিতে মাথা নোয়ালো এপিসাইডেস।

‘তাহলে শোনো—,’ শুরু করলো আর্বাসেস। ‘মানুষের কিছু
একটা অবলম্বন দরকার,’ ধীর গভীর কণ্ঠে বলে চললো সে, ‘একবার
কল্পনা করো, এই বিশাল পৃথিবী, তার বাইরে আকাশ, গ্রহ, নক্ষত্র
সব কিছুর তুলনায় মানুষ কতটুকু! ঝড়, জল, মহামারী, অগ্নি-
পাতের মতো প্রাকৃতিক দুর্যোগের কাছে কী অসহায় আমরা!
আমাদের এই অসহায়তার বোধ থেকে মুক্তির জন্যেই আমাদের
একটা অবলম্বন দরকার, যাকে আঁকড়ে ধরে বিপদে, দুর্যোগে, আর
কিছু না হোক, অন্তত সাহুনা পাবো আমরা। এই অবলম্বনের
আকাজক থেকেই মানুষের মনে ঈশ্বরের জন্ম। বিকেলে তোমাকে
যে কথাগুলো বলেছি ভুলে যাওনি তো?’

‘ভুলে যাবো !’

‘আমি খোলাখুলি স্বীকার করেছি, আমাদের মন্দিরের পুরোহিতদের ভণ্ডামির কথা, আমাদের ধর্মীয় আচার অনুষ্ঠানের অসারতার কথা। কিন্তু এইসব অসার আচার অনুষ্ঠানের প্রয়োজনীয়তাও যে অপরিণীত তা জানো ? মন্দিরের কথা বাদ দাও, আমাদের সমাজের দিকে তাকাও ; হরেক রকম নিয়ম কানূনের শৃঙ্খলে আমরা আবদ্ধ। একবার কল্পনা করো, এসব নিয়মকানুন যদি না থাকতো সমাজ কোথায় যেতো ? কি বিশৃঙ্খলার ভেতর দিন কাটাতে হতো আমাদের ? তাহলে বুঝতে পারছো, আচার অনুষ্ঠানের প্রয়োজন আছে আমাদের জীবনে ?’

‘তারপর বলে যাও।’

‘একটা ব্যাপার ফরসালা হলো,’ বলে চললো আর্বাসেস। ‘এখন এসো অন্য প্রশ্নে। মনে করো তুমি শিশু। কোনো বিশ্বাস-অবিশ্বাস, ন্যায়-অন্যায়ের বোধ তোমার ভেতর জন্ম নেয়নি। তাকাও পৃথিবীর চারদিকে। কি দেখছো ? সবকিছুতেই একটা শৃঙ্খলা আছে, তাই না ? সূর্য উঠছে, ডুবছে ; পৃথিবীতে ঋতুচক্রের আবর্তন হচ্ছে, সব যেন এক খেয়ালী শিল্পীর সৃষ্টি। এখন কি প্রশ্ন জাগছে না তোমার মনে, কে এই শিল্পী ? তুমি চিন্তা করে বলবে, সৃষ্টিকর্তা—ঈশ্বর। কিন্তু আমি বলবো, অত সহজে নীমাংসা করা যাচ্ছে না ব্যাপারটার। পৃথিবী কে সৃষ্টি করেছে আমরা জানি না, কোনো দিন জানতে পারবো না। ক্ষমতা আর শৃঙ্খলা—অনুভবচল শৃঙ্খলা, নিয়ম—কোনোদিকে অকম্প নেই, কার উপকার হলো, কার ক্ষতি হলো, কে বাঁচলো কে মরলো কোনো দৃষ্টি নেই, প্রকৃতি তার নিয়মে চলছে। যে প্রকৃতি আমাদের ফসল দিচ্ছে সেই প্রকৃতিই আবার

অনাবৃষ্টি অতিগ্রষ্টির মধ্য দিয়ে ফসল হানি ঘটছে। তার মানে শুভ অশুভের সংমিশ্রণ। অবিমিশ্র শুভ নয়, অবিমিশ্র অশুভ নয়। প্রকৃতির এই অদ্ভুত নিয়ম যুগ যুগ ধরে, শতাব্দীর পর শতাব্দী ধরে চিন্তাশীলদের ভাবিয়েছে। তারাই সৃষ্টি করেছে ঈশ্বরকে—ধরে নিয়েছে তিনি দয়াশীল, পরম করুণাময়, শুভের ধারক। তা-ই যদি হয়, অশুভ যাচ্ছে কোথায়? ঈশ্বর যদি দয়াশীল, পরম করুণাময়ই হবে তাহলে মানুষের এত দুঃখ কেন? কেন এত কষ্ট? জ্ঞানী, চিন্তাশীলদের ভাবনা চলতে লাগলো। অবশেষে পারস্যের ওরা নতুন একটা শক্তির অস্তিত্বের কথা জানালো। কি সেটা? অশুভ শক্তি, এবং ঈশ্বরের চেয়ে মোটেই কম ক্ষমতাবান নয় সে। তারা বললো, শুভ শক্তির ধারক ঈশ্বরের সাথে অবিরত দ্বন্দ্ব চলছে এই অশুভ শক্তির। যখন ঈশ্বর ভয়ের অবস্থায় থাকে তখন মানুষের কল্যাণ হয়, আর যখন ঐ অশুভশক্তি বেশি ক্ষমতাবান হয়ে ওঠে তখন মানুষের জীবনে নেমে আসে দুর্ভোগ, দুর্গতি। ব্যাপারটা কেমন হাস্যকর বুঝতে পারছো?

‘তাহলে কি ঠাড়াচ্ছে? সব দেব-দেবী, ঈশ্বর মানুষেরই সৃষ্টি। মানুষ তার প্রয়োজনে এদের সৃষ্টি করেছে। এদের কোনো ক্ষমতা নেই। মানুষের ক্ষমতায় এরা ক্ষমতাবান। কিছু মানুষ তাদের ক্ষমতার প্রকাশ ঘটায় এদের কারুনিক অস্তিত্ব যৌনগত মধ্য দিয়ে। সুতরাং যে জীবন তুমি পেয়েছো তার পূর্ণ সুযোগস্বহার করাই কি কর্তব্য নয়? প্রয়োজনে দেবতার কথা ব’লে, ঈশ্বরের কথা ব’লে ক্ষমতার চুড়ায় আরোহণ করো, কে তোমাকে ঠেকাবে? আজ যে যৌবনের তুমি অধিকারী এর ভাষা কতক্ষণ? শিশুদিরই সে সময় আসবে যখন দেখবে পূর্ণ পেয়লা উল্টে পড়ে আছে, চতুর দিন

শুনছে তুমি। তাই বলছি, যতক্ষণ সময় আছে, ভোগ করে নাও জীবনটাকে।'

থামলো আর্বাসেস। এবং ঠিক সেই সময় এপিসাইডেস কিছু বলার আগেই কোথায় যেন খেঁজে উঠলো অপূর্ব এক সঙ্গীতের মৃদু কোমল সুর। ঘরের আলো আঁধারি পরিবেশ যেমন ছিলো তেমনই রইলো, কেবল আলোর রঙটা বদলে গেল একটু। অদ্ভুত মোহময় পরিবেশ এখন ঘরে। এক মুহূর্ত পরে কোথা থেকে যেন ছড়িয়ে পড়তে লাগলো গোলাপের মদির সুবাস। শীতল সাগরের হাওয়ার মতো কোমল পাখায় ভর করে এসে অজানা নেশার গান শোনাতে লাগলো এপিসাইডেসের কানে কানে। আর্বাসেসের কথা শুনতে শুনতে ভীষণ ক্রোধে ভেতরে ভেতরে ফুটছিলো ও। কিন্তু কি আশ্চর্য, সামান্য কয়েকটা মিনিট যেতে না যেতে কোথায় মিলিয়ে গেল ক্রোধ। নিজের অজান্তেই তুষার কোমল আসনটার ওপর গা এলিয়ে দিলো এপিসাইডেস। একটু একটু করে ঘোর লাগছে ওর মনে।

প্রাণ ব্যাকুল করা লয়ে শুরু হয়েছিলো সঙ্গীত। এবার তা চঞ্চল হয়ে উঠতে লাগলো। লয় বাড়ছে ধীরে ধীরে। সেই সাথে দ্রুত হচ্ছে এপিসাইডেসের হৃদস্পন্দন। চঞ্চল হতে হতে উদ্দামতার তুঙ্গে পৌঁছুলো সঙ্গীত। তারপর হঠাৎ একেবারে চূপ। ঘরের মৃদু আলোটা কেঁপে উঠে নিবে গেল সেইসঙ্গে। মুহূর্ত পরে ফলে উঠলো আবার। ঘরের এক পাশে যে পর্দা ছিলো সেটা সরিয়ে দিয়েছে কে যেন। ওখানে দেখা যাচ্ছে বিশাল এক হল কামরা। তার মাঝখানে একটা টেবিল। টেবিলের ওপর গারে থরে সাজানো রয়েছে উপাদেয় সব খাবার দাবার। খসী ঘরে জন্মেও, আর্বাসেসের মতো মানুষের তত্ত্বাবধানে মানুষ হয়েও সে সব খাবার এপিসাইডেস

জীবনে চোখেও দেখেনি।

আবাসেস নিজের আসন ছেড়ে উঠে দাঁড়িয়ে হাত ধরলো এপিসাইডেসের। টেবিলটার দিকে ইশারা করে বললো, ‘এসো। চলো ওখানে যাই।’

সমস্ত বোধ বুদ্ধি লুপ্ত হয়েছে এপিসাইডেসের। বিনা বাক্যব্যয়ে উঠে দাঁড়ালো ও। টলতে টলতে এগোলো অভিভাবকের পেছন পেছন।

টেবিলে গিয়ে বসলো ওরা। আবার শুরু হলো উদ্ভাস সঙ্গীত। একদিকের একটা দরজার পর্দা সরে গেল। সেখান দিয়ে সার বেঁধে ধরে ঢুকলো পরীর নতো রূপসী একদল নর্তকী। খাবার টেবিলটাকে ঘিরে নাচতে লাগলো ওরা বিলাসী লীলাভঙ্গিমায়। এরা কী অর্ণবের অঙ্গরী? সসংকোচে চোখ নামিয়ে নিলো এপিসাইডেস।

কিন্তু, এভাবে তো থাকা সম্ভব নয়। নূপুরের নিকণ কানে এসে বাজছে আমন্ত্রণের মতো, এপিসাইডেসের বিবশ হৃদয় কি পারে সে আমন্ত্রণ উপেক্ষা করতে? ধীরে ধীরে আবার চোখ তুলে তাকাতে হলো ওকে।

সবচেয়ে সুন্দরী মেয়েটি নাচতে নাচতে এগিয়ে এলো এবার। এপিসাইডেসের পাশে বসে টেবিল থেকে তুলে নিলো সোনার একটা পানপাত্র। উদভ্রান্ত এপিসাইডেস কিছু বুঝে ওঠার আগেই পানপাত্রটা ওর ঠোঁটে তুলে দিলো সে।

পাঁচ

পম্পেই-এর বিলাসী প্রভুদের ছেড়ে এবার আমরা আসছি সাধারণ মানুষদের এলাকায়। রাস্তাঘাট এখানে তেমন প্রশস্ত না হলেও মানুষের ভীড়, কোলাহল অভিজাত এলাকার চেয়ে কম নয় কোনো অংশে।

এমনি এক পথের পাশে মাঝারি আয়তনের এক গুঁড়িখানা। দরজার সামনে জটলা করছে বিশালদেহী কয়েকজন লোক। বেশী-বহুল পেটা শরীর সব ক'জনের। পম্পেই-এর ডাকসাইটে গ্যাডিয়েটর ওরা।

সময় : শেষ সকাল। সূর্য মাথার ওপর উঠে আসতে এখনো ঘণ্টা দেড় ছুই বাকি।

‘পোলাক-এর কসম বলছি। আজকাল কি শুরু করেছে। তুমি, বার্বো ?’ বয়েসে তরুণ এক গ্যাডিয়েটর বললো।

‘কেম, হয়েছোঁ কী ?’ জবাব দিলো গ্যাডিয়েটরদের মতোই বিশালদেহী এক লোক। শাদা জ্যাকনের কোমরে ঢাবি, কুমাল ইত্যাদি গোঁজা দেখে মনে হয় সে মালিক মদের দোকানটার। জীবনের বসন্ত পেরিয়ে এসেছে জরুরি আগে, তবু শরীরটা তার এখনো মজবুত ঝাঁড়াবাদের মতো। এককালে সে-ও নামকরা

গ্যাডিয়েটর ছিলো। সে কারণেই আজকালকার গ্যাডিয়েটররা ওর দোকানে ভীড় জমায় খাওয়া দাওয়ার জন্যে।

‘হয়েছে কী ? তুমি যে মদ আমাদের খাওয়াচ্ছে। তা খেয়ে গায়ে নতুন রক্ত হওয়া দূরে থাক, আগের যেটুকু আছে সেটুকুও জল হয়ে যাওয়ার ভোগাড়।’

‘দেখ, হে লাইডন, আমার মদ নিয়ে মোটেই গজগজ করো না,’ জবাব দিলে মদওয়ালা বার্বো। ‘যাদের রক্তে খুব শিগগিরই স্পোরিয়াম*-এর মাটি রাঙা হবে তাদের পক্ষে যথেষ্ট ভালো আমার মদ। অভিযোগটা যদি স্পোরাস বা নাইজার বা টেটরাইডেস করতো তাহলে একটা কথা ছিলো। তা না, সেদিনকার ছোকরা লাইডন, বলে কিনা, আমার মদ ভালো না!’

‘বার্চা, বুড়ো শুঁড়ি,’ বিজ্রপের হাসি হেসে বললো লাইডন, ‘স্পোরিয়ামের মাটি রাঙা হবে, না ? হ্যাঁ, হবে, তবে কার রক্তে তা তুমি সময় মতোই দেখতে পাবে। তখন লজ্জায় গলায় দড়ি নেয়া ছাড়া কোনো উপায় থাকবে না তোমার।’

‘মানে! বলতে চাইছো তুমি জিতবে ? হা-হা-হা, স্পোরাস, নাইজার, টেটরাইডেস-এর মতো বীর থাকতে জিতবেন উনি—সেদিনকার ছোকরা, নাকি টিপলে এখনো যার হৃদয় গড়ায়।’ শুনেছো, স্পোরাস, নাইজার, টেটরাইডেস, ও নাকি জিতবে তোমাদের হারিয়ে!’

‘হ্যাঁ, আমি জিতবো,’ বললো লাইডন। ‘গির্জার যা হয় এবারের ফলাফল তা থেকে অনারকম হবে।’

* গারান্ধকভাবে আহত বা নিহত গ্যাডিয়েটরদের অ্যারেনা অর্থাৎ মল্লভূমি থেকে যেখানে নিয়ে যাওয়া হয়।

স্পোরাস, নাইজার, টেটরাইডেস এবং আরো যে সব গ্র্যাডিয়েটর ওখানে ছিলো সবাই হেসে উঠলো হো-হো করে। 'ওদের হাসি শেষ না হওয়া পর্যন্ত অপেক্ষা করলো লাইডন। তারপর বললো, 'হাসো! তোমাদের যদি হাসি আসে, কে বাধা দেবে? আমার কথা ঠিক কিনা, লড়াইয়ের মাঠেই তার প্রমাণ পাবে।'

'হ্যাঁ, হ্যাঁ, দেখবো,' তাম্বিলোর সঙ্গে বললো বার্বো। 'রাম প্যাডামি খেয়ে যখন অ্যারেনায় পড়ে থাকবে তখন তুমিও প্রমাণ পাবে।'

'বেশ বেশ, আমি অপেক্ষা করইলাম। তুমি তৈরী থেকে,' চকচকে একটা স্পোরাস বাড়িয়ে ধরলো লাইডন বার্বোর দিকে, 'এই নাও পয়সা, দড়ি কিনে রেখো।'

এবার আর সহ্য করতে পারলো না বার্বো। গত খা-ই হোক এককালে সে-ও তো গ্র্যাডিয়েটর ছিলো। রক্ত কি তার কম গরম অন্যদের চেয়ে? এখন যদিও শরীরটা একটু খলথলে হয়েছে, কীপ্রভাও আগের মতো নেই কিন্তু শক্তি রয়েছে অটুট। লাইডনকে সে শক্তির পরিচয় দেয়ার জন্যে ব্যস্ত হয়ে উঠলো। লাক দিয়ে এসে তার বাড়িয়ে দেয়া হাতটা খপ করে ধরে এমন চাপ দিলো যে ফিনকি দিয়ে রক্ত ছুটলো তরুণ গ্র্যাডিয়েটরের আঙুলের ডগা ফেটে।

হো-হো করে হেসে উঠলো অন্য গ্র্যাডিয়েটররা।

রক্ত দেখে একটু যেন ভড়কালো বার্বো। লাইডনের হাতে চাপ সামান্য কনিয়ে বললো, 'আমাকে তুই ভিড়ে দিস! বিশ বছর আমি অ্যারেনায় লড়েছি। এখন অবসর নিয়েছি বলে ভেবেছিস মরে গেছি? এমন শিক্ষা দেবো—'

লাইডনের রক্তাক্ত হাতখানা অবজ্ঞাভরে ছুঁড়ে দিয়ে বিজয়ী

ভঙ্গিতে নিজের জায়গায় ফিরে চললো বার্বো।

কিন্তু নিরাপদে নিজের জায়গা পর্যন্ত পৌঁছানোর সময় সে পেলো না। বাঘ যেমন ক'রে লাফিয়ে পড়ে শিকারের ঘাড়ে, ঠিক তেমনি ক'রে লাইডন ঝাপিয়ে পড়লো বার্বোর ওপর। দৈত্যের মতো প্রকাণ্ডদেহী সাবেক গ্যাডিয়েটর সামলাতে পারলো না তরুণ লাইডনের এই অচমকা হামলা। সশব্দে সে পড়ে গেল মাটিতে। হিংস্র ভঙ্গিতে লাইডন পড়লো তার ওপর। বজ্রমুঠিতে চেপে ধরলো টুটি।

পাকা তিন মিনিট অমনি অবস্থায় পড়ে রইলো বার্বো। এতক্ষণ যাদের সমর্থনে সে ঝগড়া করেছে তারা কেউ এগিয়ে এলো না—না, এগিয়ে এলো, তবে শুকে উদ্ধার করতে নয়, মজা দেখতে। কেউ না এলেও পতনের শব্দে পাশের ঘর থেকে ছুটে এসেছে এক মহিলা, বার্বোর স্ত্রী। নাম স্ট্রাটোনিস। বার্বোর যোগ্য সহধর্মিণী এই স্ট্রাটোনিস। দীর্ঘাজিনী, স্বাস্থ্যবতী। বার্বোর মতো যৌবনে সে-ও লড়াইবাজ ছিলো। নিয়মিত অংশ নিতো প্রদর্শনী লড়াই-এ। শোনা যায় পুরনো দিনের অভ্যাসটা এখনও সে সময় বা সুযোগ পেলেই ঝালিয়ে নেয় বার্বোর ওপর চড়াও হয়ে। এহেন স্ট্রাটোনিস বাইরের ঘরে এসে স্বামী বেচারাকে অমন অসহায়ভাবে পড়ে থাকতে দেখেই ফুঁসে উঠলো হিংস্র বাঘিনীর মতো। ছুটে এসে তার লম্বা সাপের মতো ছোটো হাতে লাইডনের কোমর ধরে ট্যাচকা এক টানে তুলে ফেললো শূন্যে। এদিকে লাইডন কিন্তু গলা ছাড়েনি বার্বোর। স্ট্রাটোনিসের ছ'হাতের ভেতর সে যখন গুলে আছে তখন বার্বোও বেকায়দা ভঙ্গিতে বুলে আছে ওর হৃৎকমরে গলা আটকানো অবস্থায়, পা ছোটো কেবল ঠেকে আছে মাটিতে। গলা ছাড়ানোর জন্যে অস্থির

ভাবে হাত-পা ছুঁড়তে শুরু করলো বার্বো। দৃশ্যটা সত্যিই দেখার মতো।

সোৎসাহে হাততালি দিয়ে উঠলো দর্শকরা। সেই সাথে হি-হি হাসি।

স্বামীর অবস্থা যে আরো শোচনীয় হয়ে উঠছে সে খেয়াল নেই স্ট্রাটোনিসের। দ্বিতীয় এক আচমকা প্রয়াসে লাইডনকে সে মাথার ওপর তুলে ফেললো। ভাগ্য ভালো এসময় লাইডনের হাত দুটে গেল বার্বোর গলা থেকে। ধপাস করে মাটিতে আছড়ে পড়লো সাবেক গ্র্যাভিয়েটর। বাথায় আর্তনাদ করে উঠলো, ‘উহু!’

দর্শকরা এবার চিৎকার করে উঠলো : ‘এই তো, লড়াই জমেছে এবার। একজনের সাথে একজন।’

এদিকে লাইডন তার বর্তমান অবস্থা উপলব্ধি করে শরমে মরে যাচ্ছে। বার বার হাত-পা, শরীরে ঝাঁকুনি দিয়ে নিজেকে ছাড়াইনোর চেষ্টা করছে স্ট্রাটোনিসের হাত থেকে। পারছে না। অবশেষে মরিয়া হয়ে কোনোমতে এক হাত কোমরের কাছে নিয়ে গিয়ে ছুন্নি-বের করলো সে। অমনি তীব্রস্বরে আর্তনাদ করে ওকে একদিকে ছুঁড়ে দিলো স্ট্রাটোনিস।

‘ও দৈবর!’ চিৎকার করে উঠলো সে। ‘কি বদনাশ ঘোঁসে যাচ্ছে। ছুরি লুকিয়ে রাখে কোমরে! এ কি ভদ্র গ্র্যাভিয়েটরের কাজ? ছি, ছি, এমন লোককে আমি ঘেঁরা করি।’ বলে স্বামীর অবস্থা কি দেখার জন্যে পেছন ফিরলো স্ট্রাটোনিস।

বার্বো তখন গলায় হাত বুলাতে বুলাতে উঠে দাঁড়াচ্ছে। প্রশংসার চোখে কিছুক্ষণ লাইডনের দিকে তাকিয়ে থেকে এগিয়ে গেল সে। তরুণ গ্র্যাভিয়েটরের হাত ধরে একটু নেড়ে বললো, ‘যা ভেবেছিলাম

তার চেয়ে অনেক বেশি শক্তি তোমার গায়ে। লেগে থাকো, উন্নতি করবে তুমি গ্যাডিয়েটর হিসেবে।’

‘বাহ, বাহ!’ চুল এবং পোশাক ঠিক করতে করতে স্ট্রাটোনিস বললো, ‘আবার দেখি বন্ধু হয়ে গেছ ছ’জন। তাহলে এতক্ষণ এই হৈ হুল্লাটা করলে কোন আক্কেলে, শুনি?’

সলজ্জ একটু হাসি উপহার দিলো বার্বো। দেখে পিঙ্কি ছলে গেল স্ট্রাটোনিসের। একটু এগিয়ে পরম প্রেমে স্বামীর কান ধরে হিড়হিড় করে একদিকে টেনে নিয়ে চললো সে।

‘অত জোরে না, মাদী নেকড়ে কোথাকার!’ আর্ভনাদ করে উঠলো বার্বো। ‘তুমি দেখছি ঐ ছোকরা গ্যাডিয়েটরের চেয়েও খারাপ!’

‘শোনো!’ ওর কানের কাছে মুখ নিয়ে ফিসফিস করে বললো প্রিয়তমা স্ত্রী, ‘এখানে মারামারি করে সময় নষ্ট করছো, ওদিকে ক্যালেনাস এসে বসে আছে সে-খেলার আছে? ও বোধ হয় টাকা নিয়ে এসেছে।’

‘তাই নাকি! আমি এতুনি বাজি, তুমি ততক্ষণ এদিকটা সামলাও,’ বলতে বলতে ছুটলো বার্বো অন্তর মহলের দিকে।

স্ট্রাটোনিস এবার কোমরে হাত দিয়ে তাকালো গ্যাডিয়েটরদের দিকে।

‘কুণামি ছেড়ে সবাই ভদ্র হয়ে থাকো,’ ধমকপন সুরে বললো সে। ‘তোমাদের মুরুব্বীরা সব আসবে এখানে। খবর পাঠিয়েছে। কে করে ওপর বাজি ধরবে দেখে শুনে মিতে চায়। এখন যদি তোমরা আবার হৈ-হুল্লাড় শুরু করো

‘সত্যিই নাকি?’ স্ট্রাটোনিসকে শেষ করতে না দিয়ে নাইজার

বললো। ‘কে পাঠিয়েছে খবর?’

‘লেপিডাস। সঙ্গে আনছে ক্রোডিয়াস আর গ্রীক থকানকে।’

স্ট্রাটোনিস ঠিকই বলেছে। অভিজাত ধনী লোকরা মরুদ্বীপে বটে গ্যাডিয়েটরদের। ওরাই অ্যাফিথিয়েটারের মূল পৃষ্ঠপোষক। যে গ্যাডিয়েটরের ওপর ওরা খুশি থাকে তার নাম ছড়িয়ে পড়ে সহজেই। জিতলে পুরস্কার হিসেবে বেশি টাকা পায় সে, হারলেও আসন্ন মৃত্যু থেকে রক্ষা পাওয়ার একটা সম্ভাবনা থাকে। অ্যাফিথিয়েটারের আইন অনুসারে পরাজিত গ্যাডিয়েটরদের প্রাণদণ্ডই হয় সাধারণত। তবে দর্শকরা ইচ্ছে করলে দয়া দেখিয়ে বাঁচিয়েও দিতে পারে। সাধারণ দর্শকদের নেতৃত্ব দেয় অভিজাতরা। তাই অভিজাতদের খুশি রাখা কর্তব্য মনে করে বেশিরভাগ গ্যাডিয়েটর।

‘মনে হচ্ছে ভাগ্যদেবী আমাদের ওপর প্রসন্ন, আজ,’ মন্তব্য করলো স্পোরাস।

‘বাজি ধরে বলতে পারি,’ টেটরাইডেস বললো, ‘ক্রোডিয়াস বিশ সেক্টারস বাজি ধরবে আমার ওপর। তুমি কি বলো, লাইডন?’

‘না। বাজি ধরবে, তবে তোমার ওপর না আমার ওপর,’ শান্ত কণ্ঠে বললো লাইডন।

‘না, আমার ওপর,’ গরগরিয়ে উঠলো স্পোরাস।

‘বললেই হলো,’ গলা চড়ালো নাইজার, ‘যেখানে নাইজার রয়েছে সেখানে তোমাদের দিকে ফিরে তাকাবে কে?’

‘হয়েছে হয়েছে,’ বিতর্কে ইতি টানার ভরসা বললো স্ট্রাটোনিস, ‘সময় হলেই দেখা যাবে কে কার দিকে তাকায়। আমি এখন আর কোনো তর্ক চাই না, তোমাদের তর্ক মানেই ঝগড়া মারামারি।’

‘আচ্ছা তর্ক করবো না,’ টেটরাইডেস বললো, ‘তুমি তোমার

সেই কান্না দাসীটাকে পাঠিয়ে দাও তাহলে । অনেকদিন ওকে দেখি না ।’

‘নিভিয়া বাড়িতে নেই,’ জবাব দিলো স্ট্রাটোনিস, ‘শহরে গেছে ফুল বিক্রি করতে । তোমাদের খেদমত করার চেয়ে ফুল বেচে গান গেয়ে অনেক বেশি রোজগার করতে পারে ও । তাছাড়া অন্য কাজও করে মাঝে মাঝে ।’

‘এতটুকু মেয়ে এত কাজ করে । স্বভাবটাও কী মিষ্টি ! কি করে জোগাড় করলে ওকে ?’

‘কপাল গুণে পেয়েছি । আমার আগের দাসী স্ট্রাফাইলাকে দেখেছো না—নাইজার, তোমার মনে আছে স্ট্রাফাইলার কথা ?’

‘থাকবে না ! সেই যে ইয়া লম্বা হাতওয়ালা মেয়েটা, সড়ের মতো মুখ—’

‘হয়েছে, হয়েছে—কারো সম্পর্কে ছুটো ভালো কথা বলতে পারো না তোমরা । —আমার সেই স্ট্রাফাইলা একদিন মরে গেল । আহ, কী দুঃখ যে সেদিন পেয়েছিলাম ! কিন্তু, দুঃখ নিয়ে তো আর বসে থাকা যায় না । ক’দিন পরে বাজারে গেলাম আরেকটা দাসী কিনতে । কপাল ভালো বলতে হবে, বার্বোকে না পাঠিয়ে আমি নিজে গিয়েছিলাম সেদিন । আরো কপাল ভালো, বাজারে সেদিন দাসীর দাম ছিলো খুবই চড়া । আমার কাছে বেশি পয়সা ছিলো না । শেষে বিরক্ত হয়ে যখন ফিরে আসছি তখন এক ঠগনাক দাস ব্যবসায়ী এগিয়ে এসে ঐ নিভিয়ার গুণকীর্তন শুরু করলো । বললো, যদিও একদম বাচ্চা তবু ওর মতো ভালো মোটা নাকি হয় না, ভালো বংশের, ভালো গান করে, শান্তশিষ্ট, চুপচাপ সস্তা । দাম সস্তা শুনে আমার আগ্রহ হলো । জিজ্ঞেস করলাম কত । দেখলাম আমার

থলেতে যা আছে তাতে হয়েও কিছু বেঁচে যায়। একটুও দেরি না করে ওকে কিনে ফেললাম। বাড়ি ফিরে দেখি—

‘মেয়েটা কানা,’ হাসতে হাসতে বললো টেটরাইডেস।

‘হ্যাঁ। তক্ষুণি ছুটলাম বাজারে। কিন্তু তখন কি আর বাটা জোচোরকে পাওয়া যায়। ম্যাজিফ্রেটের কাছে নালিশ দিলাম। লাভ হলো না। ওকে আমার ঘাড়ে গছিয়ে দিয়েই ভেগেছে বাটা পম্পই ছেড়ে। অবশ্য এখন আর আমার তত ছুৎ নেই। গান গেয়ে আর ফুল বেচে যা পরসা নিড়িয়া আনছে অন্য কেউ তার সিকি ভাগও আনতে পারতো কিনা সন্দেহ।’

ভেতরের ঘরে এসে বার্বো দেখলো বেঁটে, গাট্টাগোটা এক লোক আরাম করে বসে আছে তার টেবিলের সামনে। ছোট একটা থলে থেকে কতগুলো স্বর্ণমুদ্রা ঢেলে গুনছে সে। লোকটি আর কেউ নয়, আমাদের ক্যালেনাস, পম্পই-এর আইসিস মন্দিরের প্রধান পুরোহিত। আরো একটা পরিচয় আছে ক্যালেনাসের—সেটা অবশ্য ওরা ছ’জন ছাড়া আর কেউ জানে না—বার্বোর দূর সম্পর্কের আত্মীয় সে। তবে আত্মীয়তাটা গোপ। ছ’জনের সম্পর্ক মূলতঃ বন্ধুত্বের, সেই সাথে সামান্য লেনদেনের সম্পর্কও আছে।

আইসিসের পুরোহিতরা জীবনের সবক্ষেত্রে সব ঋণের বিলাস পরিত্যাগের শপথ নিলেও কার্যক্ষেত্রে সে শপথ তারা রক্ষা করে না, অস্তুত ক্যালেনাসের মতো উচ্চ দরের পুরোহিতরা নয়। গোপনে শুধু খাওয়া দাওয়া নয় আরো অনেক রকম ভোগ বিলাসেই তারা অভ্যস্ত। ক্যালেনাসের গোপন ভোগের জায়গাগুলোর একটা হলো বার্বোর বাড়ি।

‘আহ, ক্যালেনাস, তুমি এসেছো,’ ঘরে ঢুকেই এক গাল হেসে বার্বো বললো। এগিয়ে পাশের তাক থেকে একটা ‘আমফোর’* আর ছোটো পানপাত্র নিয়ে বসলো ক্যালেনাসের সামনে। জিজ্ঞেস করলো, ‘দেবো নাকি এক পাত্র?’

‘তা দিতে পারো,’ বললো ক্যালেনাস। ‘গলাটা শুকিয়ে উঠেছে।’ পানপাত্র ছোটো ভরলো বার্বো। একটা ক্যালেনাসের দিকে এগিয়ে দিয়ে নিজে টেনে নিলো একটা। টাকা গোনা শেষ করে থলেটা বার্বোর দিকে ঠেলে দিলো ক্যালেনাস। তারপর আয়েস করে চুমুক দিলো পানপাত্রে।

‘গুনে দেখ কত দিলাম,’ বললো সে।

চকচক করে উঠলো বার্বোর চোখ। তাড়াতাড়ি থলেটা নিয়ে মুখ খুলে মুদ্রাগুলো ঢেলে ফেললো টেবিলে ওপর। ওর গোনা শেষ হতেই ক্যালেনাস আবার বললো, ‘কি সন্তুষ্ট?’

‘সন্তুষ্ট মানে! এত পাবো আমি করনাও করিনি!’

‘তাহলে বলো, এমন মোটা টাকা আয়ের পথ করে দিয়েছি বলে আমাকে তোমার ধন্যবাদ জানানো উচিত কিনা?’

‘নিশ্চয়ই, নিশ্চয়ই,’ বিগলিত ভঙ্গিতে বললো বার্বো। ‘ধন্যবাদ তো তুচ্ছ, তার চেয়ে বড় কিছু থাকলে তা-ই জানাতাম তোমাকে।’

‘ধন্যবাদ অবশ্য পাওয়া উচিত তোমার ঐ দানীটার^৩। কি যেন নাম?’

‘নিভিয়া।’

‘হ্যাঁ, নিভিয়া। সত্যিই দারুণ গায় ও। আর বাদ্যযন্ত্রে হাত!—

* গ্রীক বা রোমান ছ’হাতল ওয়ালা পাত্র, সাধারণত মদ রাখার জন্যে ব্যবহার হতো।

সাক্ষাৎ মিউজ। এমন গুণীর পেছনে টাকা ঢালতে আপত্তি নেই আমার বন্ধুর।’

‘তোমার এই বন্ধুটি কে?’

‘উহু, বলা যাচ্ছে না। নিষেধ আছে।’

‘ব্যাপার কী বলো তো, নিড়িয়াও কিছু বলতে চায় না। জিজ্ঞেস করলে বলে, শপথ করেছি, কাউকে কিছু বলবো না।’

‘হ্যাঁ, যে কাউকে ও বাড়িতে ঢোকানোর সময় ওরকম শপথ করিয়ে নেয়া হয়। আমিও নিয়েছি শপথ। ভাঙতে পারবো না।’

‘কেন, ভাঙলে কী? দেবীর কাছেও তো শপথ নিয়েছিলে...’

‘বাবা, দেবীর কাছে নেয়া আর এ-লোকের কাছে নেয়া এক কথা নয়। দেবীর চেয়ে অনেক বেশি ক্ষমতা ধরে সে।’

বার্বো আর কিছু জিজ্ঞেস করার আগেই মূহু একটা শব্দ হলো ঘরের পেছন দিককার দরজাটায়। কপাটের হাতল ধরেছে কেউ। ক্যালেননাস তাড়াতাড়ি পোশাকের মস্তকাবরণটা টেনে দিলো মাথায়। ধীরে ধীরে খুলে গেল দরজা। রোগাটে একখানা শাদা হাত দেখা গেল প্রথমে। সে হাতে একটা লাঠি। লাঠিটা দরজার সামনে লাবধানে ঘুরলো কিছুক্ষণ, যেন লাঠির মালিক বুঝতে চাইলো নাগালের ভেতর ধাক্কা খাওয়ার মতো কিছু আছে কিনা।

‘আহ, নিড়িয়া,’ কর্কশ কণ্ঠস্বর যথাসম্ভব নরম করে বার্বো বললো, ‘চলে এসো, রাস্তা পরিষ্কারই আছে।’

ঘরে ঢুকে দরজাটা আবার বন্ধ করে দিলো নিড়িয়া। তারপর ধীরে ধীরে গিয়ে দাঁড়ালো এক কোণে। মুখটা একটু যেন ফ্যাকাশে।

‘কি ব্যাপার, নিড়িয়া,’ বার্বো জিজ্ঞেস করলো, ‘মন খারাপ নাকি? কেন, মন খারাপ হবে কেন? গুনলাম কাল রাতে নাকি খুব

প্রশংসা কুড়িয়েছো। ভদ্রলোক নিশ্চয়ই আবার ডাকবেন তোমাকে।’

‘আবার!’ আত্মনাদ করে উঠলো মেয়েটি। দৃষ্টিহীন চোখ দুটো বার্ষীর দিকে তুলে কাতর কণ্ঠে বললো, ‘না, না, প্রভু! ওখানে আর পাঠাবেন না আমাকে। আপনি আমাকে না থাইয়ে রাখতে পারেন, পিটুনি দিতে পারেন, মেরে ফেলার ভয় দেখাতে পারেন—তবু আমি আর যাবো না এই জঘন্য জায়গায়।’

‘কেন? যাবে না কেন?’

‘কারণ—কারণ ভীষণ নোংরা জায়গা ওটা। ওখানে এমন সব মেয়ে আছে যাদের কাছাকাছি কোনো ভালো মেয়ের থাকা উচিত নয়। আমি ভদ্রঘরের মেয়ে। ও জায়গায় আর আমি যেতে পারবো না।’

‘পাপল নাকি!’ বললো বার্বো, ‘এমন মোটা টাকা আয়ের একটা পথ তুই বন্ধ করে দিতে চাস?’

‘জানি না, জানি না! আমি শুধু জানি, আমি আর যাবো না!’

‘বললেই হলো! স্বেচ্ছায় না গেলে তোকে ছোর করে দিয়ে আসা হবে।’

‘চিৎকার করে আমি সারা শহরের লোক জড় করে ফেলবো।’

‘আচ্ছা, আচ্ছা। তা যাতে না পারিস সে জন্যে আমার মুখে কাপড় গুঁজে নিয়ে যাবো।’

‘ওহু ঈশ্বর!’ কেঁদে ফেললো নিডিয়া। ‘আজিক্টেটের কাছে আজি জানাবো আমি।’

‘কী! এতবড় সাহস!’ ভয়ানক হেনস্তা গর্জে উঠলো বার্বো।

এই সময়, বোধহয় চাঁচামেটি গুলেই, ঘরে ঢুকলো ব্র্যাটোনিস। এসেই বার্বোর ওপর চড়াও হলো সে।

‘বাপার কী ? নিভিয়া কাদছে কেন ? কি বলেছো ওকে তুমি, শুনি ?’

‘শোনো শোনো, বেগম সাহেবা,’ কৌতূকের সুর বারবার গলায়। ‘বলছিলে না, মাসে মাসে নতুন পোশাক কিনবে ? সময় থাকতে তোমার দাসীকে সামলাও, নয় ভো সে গুড়ে বালি, আমি বলে দিচ্ছি।’

‘মানে ?’ বিস্মিত দৃষ্টিতে একবার বারবার দিকে একবার নিভিয়ার দিকে তাকাতে লাগলো স্ট্রাটোনিস।

হঠাৎ কি হলো নিভিয়ার, ছুটে এসে সে পায়ে পড়লো স্ট্রাটোনিসের। অন্ধ চোখ দুটো তুলে ফোঁপাতে ফোঁপাতে বললো :

‘মা, মা, আপনি আমাকে বাঁচান। আপনি মেয়ে, মেয়েমানুষের হুখে আপনি বুঝবেন। ঐ জঘন্য জায়গায় আর আমাকে পাঠাবেন না।’

‘জঘন্য জায়গায় আর পাঠাবো না ?’ বারবার দিকে তাকিয়ে প্রশ্ন করলো স্ট্রাটোনিস। ‘মানে ?’

‘ও বলছে, কাল যেখানে গান গাইতে গিয়েছিলো সেখানে আর যাবে না,’ বললো বার্বো।

ওনেই ঝটকা মেরে পা সরিয়ে নিলো স্ট্রাটোনিস। চিৎকার করে উঠলো, ‘আহ্লাদী!’ ক্যালেনাসের দিকে ফিরে বললো, ‘চিন্তা কোরো না, রাস্তায় রাস্তায় ঘুরে বোধহয় কান্ড হয়ে পড়েছে, তাই এমন করছে।’

‘কে ! কে ! আর কে আছে এ ঘরে ?’ শূন্য দৃষ্টিতে চারদিকে তাকাতে তাকাতে চিৎকার করলো নিভিয়া।

শঙ্কিত ভঙ্গিতে উঠে দাঁড়ালো ক্যালেনাস। বিড় বিড় করলো,

‘নিশ্চয়ই ঐ চোখ দুটো দিয়ে দেখতে পায় ও !’

‘কে আছে এ ঘরে ! ঈশ্বরের দোহাই কথা বলুন ! ওহ, আপনারা যদি আমার মতো অন্ধ হতেন, এত নির্ভর ব্যবহার করতেন না আমার সাথে !’ বলতে বলতে অদম্য কান্নায় ভেঙে পড়লো দৃষ্টিহীন ক্রীতদাসী ।

‘নিয়ে যাও ওকে,’ স্ত্রীর দিকে তাকিয়ে বললো বার্বো । ‘এসব প্যাচাল আমার ভালো লাগে না ।’

‘আয় !’ হ্যাঁচকা টানে হতভাগিনী মেয়েটাকে মাটি থেকে তুলে চিৎকার করলো ষ্ট্রাটোনিস ।

একই রকম হ্যাঁচকা টানে হাত ছাড়িয়ে নিয়ে একপাশে সরে গেল নিভিয়া ।

‘শুনে রাখুন আমার কথা,’ শাস্ত্র অবিচল কণ্ঠে বললো সে, ‘আমি আমার সাধ্যমতো নির্ভর সঙ্গে আপনাদের সেবা করছি । আমাকে অন্য যা করতে বলবেন করবো, কিন্তু ওখানে আর যেতে বলবেন না—আমি যাবো না । যদি জোর করার চেষ্টা করেন, আমি প্রিটরকে জানানো সব কথা !’

আগুনের মতো হয়ে উঠলো ষ্ট্রাটোনিসের চোখ । বলে কি মেয়েটা ! এ যে রীতিমতো প্রভুদ্রোহ ! ক’দিন আগেও ইচ্ছে হলেই ক্রীতদাসদের খুন করে ফেলতে পারতো মালিকরা ! এখন অতটা সম্ভব নয় বটে, তাই বলে—

বাঁ-হাতে চুল ধরলো সে নিভিয়ার, অপর হাতটা তুললো চড় মারার ভঙ্গিতে । কি মনে হতে হাতটা নাড়িয়ে নিয়ে হিড়হিড় করে টেনে দেয়ালের কাছে নিয়ে গেল মেয়েটিকে । দেয়ালে একটা আগু-টার দড়ি ঝুলছিলো, হেঁা মেরে সেটা টেনে নিলো ষ্ট্রাটোনিস :

এক মুহূর্ত পরেই অন্ধ মেয়েটার তীব্র যন্ত্রণাকাতর চিৎকারে ভরে গেল বার্বোর বাড়ি।

ছয়

‘কি খবর, পালোয়ানরা সব!’ বুকে বার্বোর শুঁড়িখানার নিচু দর-জাটা পেরোতে পেরোতে চিৎকার করলো লেপিডাস। ‘দেখতে এলাম তোমাদের।’

সশ্রদ্ধ ভঙ্গিতে টেবিল ছেড়ে উঠে দাঁড়ালো গ্যাভিয়েটেরা।

‘ছুনিয়ার কোন জন্তুটা দাঁড়াতে পারবে এদের সামনে?’ গ্লকাসের কানে ফিসফিস করলো ক্রোডিয়াস।

‘হ্যাঁ, ছুৎ একটাই,’ জবাব দিলো গ্লকাস, ‘এরা লড়ে তবে দেশের জন্যে নয়।’

‘নাইজার, তোমার অবস্থা কী?’ জিজ্ঞেস করলো লেপিডাস। ‘কেমন লড়বে এবার? কার সঙ্গে?’

‘স্পোরাস আমাকে চ্যালেঞ্জ করেছে,’ বললো বিশালদেহী নাইজার। ‘তু’জনের একজন না মরা পর্যন্ত লড়বো আমরা, আশা করি।’

‘নিশ্চয়ই,’ জবাব দিলো স্পোরাস।

‘ও নেবে তরবারি, আমি জাল অস্ত্রশূল। এমন লড়াই আমাদের আরেনায় খুব কমই হয়েছে। যে জিতবে সত্যিকার অর্থেই

মুকুট পাওনা হবে তার।’

‘তারপর তো আমরা আছিই, থলে ভর্তি করে দেবো,’ বললো জুয়াজী ক্রোডিয়াস : ‘দেখি একটু—তুমি নাইজারের সাথে লড়বে ? থকাস, আমি নাইজারের পক্ষে বাজি ধরছি।’

‘বলেছিলাম না!’ খুশিতে চিৎকার করে উঠলো নাইজার। জনাব ক্রোডিয়াস আমাকে চেনেন। ধরে নিতে পারো তুমি এবার মারা পড়ছো, স্পোরাস।’

পকেট থেকে ছোট্ট একটা খাতা বের করলো ক্রোডিয়াস।— ‘তাহলে পাকা করে ফেলা যাক বাজিটা—দশ সেন্টারশিয়া। কি বলো, থকাস?’

‘আমার কোনো আপত্তি নেই,’ বললো থকাস। ‘কিন্তু এটা কে ? এই বীরকে তো আগে কখনো দেখিনি,’ লাইডনকে সপ্রশংস দৃষ্টিতে দেখতে লাগলো সে।

‘ওর নাম লাইডন। উঠতি গ্যাভিয়েটর। ব্যেসে তরুণ হলেও বুকে সাহস অসামান্য। জীবনে এবারই প্রথম লড়বে। টেটরাইডেসকে ও চ্যালেঞ্জ করেছে।’

‘না, ও-ই আনাকে চ্যালেঞ্জ করেছে,’ বললো লাইডন, ‘আমি চ্যালেঞ্জ গ্রহণ করেছি।’

‘কেমন লড়া তুমি?’ জিজ্ঞেস করলো লেপিডাস। প্রথমেই টেটরাইডেসের চ্যালেঞ্জ নিলে, একটু রয়েলয়ে এগোলে ভালো হতো না?’

লাইডন কোনো জবাব দিলো না। হাসলো শুধু, তাক্ষিল্যের হাসি।

‘ও কি নাগরিক, না দাস?’ জিজ্ঞেস করলো ক্রোডিয়াস।

‘নাগরিক। এখানে আমরা সবাই নাগরিক,’ জবাব দিলো নাই-জার।

‘বেশ, বেশ। তা তোমরা কি নিয়ে লড়বে?’ জিজ্ঞেস করলো ক্রোডিয়াস।

‘প্রথমে সেন্টাস* নিয়ে,’ বললো টেটরাইডেস। ‘তারপর ছ’জনই যদি বেঁচে থাকি তবুবারি নিয়ে।’

‘সেন্টাস নিয়ে!’ সবিনয়ে বললো গ্রকাস। ‘সেন্টাস নিয়ে লড়তে হলে গায়ে মাংস থাকা দরকার। তুমি অনেক রোগা, লাইডন—সেন্টাস বাদ দাও।’

‘সম্ভব নয়।’

‘কেন?’

‘বলেছি তো, আমি চ্যালেঞ্জ করিনি, চ্যালেঞ্জ করেছে ও।’

‘তবু অস্ত্র পছন্দ না হলে চ্যালেঞ্জ তুমি গ্রহণ না-ও করতে পারো।’

‘সেন্টাস আমার অপছন্দ নয়।’

আর কথা বাড়ালো না গ্রকাস। ক্রোডিয়াস টেটরাইডেসের ওপর ত্রিশে দশ বাজির প্রস্তাব করলো। অর্থাৎ টেটরাইডেস হারলে সে দেবে ত্রিশ সেন্টারশিয়া, আর লাইডন হারলে গ্রকাস দেবে দশ। গ্রকাস নিঃসংকোচে রাজি হয়ে গেল। টেটরাইডেসের জরলাভের ব্যাপারে ক্রোডিয়াস যতটা সুনিশ্চিত, গ্রকাস ততটা নয়। লাইডনের পেশী ক্ষীণ না হলেও ইম্পাতের মতো শক্তিশালী তা লক্ষ্য করেছে

* সেন্টাস—বাঁড়ের চামড়ার দস্তানা নিতুণ, রোমান মুষ্টিযোদ্ধারা পরে লড়াই করতো। এখানে সেন্টাস নিয়ে লড়বে বোঝাতে মুষ্টিযুদ্ধ লড়বে বোঝানো হয়েছে।

ও। তাছাড়া লাইডনের মনোবলও প্রভাবিত করেছে ওকে।

‘মাক করবেন,’ এই সময় লাইডন গ্লকাসকে নিরুপক্ৰমে বললো,
‘বিজয়ী গ্যাডিয়েটর কত পাবে?’

‘কত? খুব সম্ভব সাত সেক্টারশিয়া।’

‘এত! আপনি ঠিক বলছেন?’

‘হ্যাঁ। কিন্তু এ প্রশ্ন কেন?—যে কোনো গ্রীক এ ক্ষেত্রে টাকা নয়, সম্মানটাকেই মূল্য দিতো বেশি। তোমরা ইটালীয়রা, সব ক্ষেত্রেই ইটালিয়।’

তরুণ গ্যাডিয়েটরের মুখটা একটু লাল হলো। ‘আমাকে ভুল বুঝবেন না, মাননীয় গ্লকাস, আমি ছোটো কথাই ভাবছি। সম্মান নিশ্চয়ই বড় টাকার চেয়ে, কিন্তু টাকারও খুব প্রয়োজন আমার।’

ইঠাং ভেতরের ঘর থেকে ভেসে এলো তীব্র তীক্ষ্ণ বস্ত্রশাকাতর এক আর্তিচিংকার :

‘ছেড়ে দিন! ছেড়ে দিন আমাকে! আমি অন্ধ, আর কত কষ্ট আমাকে দেবেন!’

‘ও প্যালাস!’ সচকিত হয়ে বলে উঠলো গ্লকাস, ‘গলাটা তো চিনি আমি! আমার সেই অন্ধ কুলওরানী!’

টগবগ করে ফুটে উঠলো গ্লকাসের গ্রীক রক্ত। খাড়ের বেগে সে ছুটলো দরজা পেরিয়ে। ভেতরের ঘরে যে দৃশ্য দেখতে পেলো তা রীতিমতো বীভৎস। ফ্রাটোনিস এক হাতে নিডিয়া’র চুলের মুঠি ধরে আছে। অন্য হাতে একটা রক্তাক্ত রশি ইঁট করে ধরেছে চাব্বকের মতো। নেমে আসবে এজুপি। বস্ত্র পরছে নিজে থেকে ছাড়িয়ে নেয়ার চেষ্টা করছে নিডিয়া দজ্জাল মেয়েলোকটার হাত থেকে। পারছে না। রক্ত ঝরছে তার শরীরের অনাবৃত অংশগুলো থেকে।

ছুটে গিয়ে প্রকাশ ধরে ফেললো। স্ট্রাটোনিদের হাত। জোর করে ছাড়িয়ে নিলো নিভিয়ার চুল থেকে। তারপর আগলে দাঁড়ালো অন্ধ মেয়েটাকে।

‘কোন সাহসে এতটুকুন মেয়ের গায়ে হাত তুলেছে? তুমি?’ চিৎকার করলো প্রকাশ। ‘আহা হা, নিভিয়া! নিভিয়া আমার!’

প্রাণ ফিরে পেলো যেন নিভিয়া। প্রকাশকে জড়িয়ে ধরে বললো, ‘ওহু; আপনি—আপনি প্রকাশ?’

‘আমার বাদী, আমি যা খুশি করবো, তুমি কে বাধা দেয়ার?’ চিৎকার করলো স্ট্রাটোনিস। ‘কাপড় চোপড়ে চটক থাকলেও চেহারা য় তো ভদ্রলোক মনে হচ্ছে না।’

‘না, না, না, ভদ্রভাবে কথা বলো!’ জোড়িয়াস বললো—ইতিমধ্যে সে আর লেপিডাস এনে পড়েছে ভেতরের ঘরে। ‘ইনি আমার বন্ধু এবং ধর্মভাই। আমার সামনে এর সাথে কেউ যাচ্ছেতাই ভাষায় কথা বলবে আমি তা সহ্য করবো না।’

‘আমার দাসীকে ছেড়ে দাও!’ প্রকাশের বুকে একটা ঠেলা দিয়ে চিৎকার করলো স্ট্রাটোনিস।

‘না!’ নিভিয়াকে নিজের পেছন দিকে সরিয়ে দিয়ে প্রকাশ বললো। ‘কিছুতেই তুমি আর ওকে হাতে পাবে না!’

‘সামান্য একটা ক্রীতদাসীকে নিয়ে এসব কি শুরু করলেন আপনারা!’ কিছুই হয়নি এমন ভঙ্গিতে বলে উঠলো প্রকাশ। ‘স্ট্রাটোনিস, সরে এসো ভদ্রলোকের কাছ থেকে। ওর ক্ষতি করে এবারের মতো ছেড়ে দাও মেয়েটাকে,’ বলতে বলতে দাঁড়া হয়ে ওঠা অর্ধাঙ্গিনীকে একপাশে টেনে নিয়ে গেল সে।

ও ঘর থেকে প্রকাশ ও তার সঙ্গীদের ছুটে আসার শব্দ পেয়েই

চম্পট দিয়েছে আইসিসের পুরোহিত ।

এবার আবার কথা বললো ক্রোডিয়ান, ‘এ ঘরে চুকেই মনে হলো আরো কেউ যেন ছিলো ?’

‘হ্যাঁ । চলে গেছে সে,’ বললো বার্বো । ‘আমারই এক বন্ধু । এসব বুট ঝামেলা একদম পছন্দ করে না । নিভিয়া, ভতলোককে ছেড়ে দাও এবার । তোমাকে আর কেউ কিছু বলবে না ।’

‘না—না!’ প্রকাসকে আরো শক্ত করে আঁকড়ে ধরে চেষ্টা করে নিভিয়া । ‘আমাকে আপনি ছেড়ে যাবেন না !’

‘ঠিক আছে, নিভিয়া, ঠিক আছে,’ সম্বোধন করে বলে ওকে একটা চেয়ারের কাছে নিয়ে গিয়ে বসিয়ে দিলো প্রকাস । তারপর তাকালো বার্বোর দিকে । ‘আপনার এই বাদীটা খুব সুন্দর গান করে, ফুলের যন্ত্র নেয় ভালো—ওকে আমি এক ভদ্রমহিলাকে উপহার দিতে চাই । বেচবেন আমার কাছে ?’

খুশিতে উদ্ভল হয়ে উঠলো নিভিয়ার মুখ, ভাষাহীন চোখ দুটো ।

‘বিক্রি করবো আমাদের নিভিয়াকে ! জি, না,’ বামটে উঠলো স্ট্রাটোনিস ।

আবার নিভিয়া আঁকড়ে ধরলো প্রকাসকে ।

‘যতদূর !’ বিরক্ত কণ্ঠে বললো ক্রোডিয়ান, ‘আমাকে ক্ষেপিও না, ফল ভালো হবে না । তুমি, বার্বো, আর তুমি স্ট্রাটোনিস, দুজনই গুনে রাখো, আমার বন্ধুর কোনোরকম অসুখনি আমি সহ্য করবো না । ও যা বলছে, যদি না শোনো তোমাদের ব্যবসায় আমি লালখাতি ছেলে তবে ছাড়বো । পম্পেই আমার মদ বেচতে হবে না তোমাদের । প্রকাস, পেয়ে গেছ তুমি বাদীটাকে ।’

বিরক্ত ভঙ্গিতে কিছুক্ষণ মাথা চুলকালো বার্বো ।

‘অন্য কেউ হলে বেচতে আমার আপত্তি ছিলো না,’ বললো ও।
‘কিন্তু, নিডিয়া, অমূল্য আমার কাছে—’

‘দাম বলুন, আপনি ঠকবেন না,’ বললো প্রকাশ।

একটু যেন ভাবনায় গড়লো বার্বো।

‘কিনেছিলাম ছয় সেক্টারশিয়া দিয়ে,’ বললো স্ট্রাটোনিস, ‘এখন নিশ্চয়ই বারো হবে।’

‘বিশ সেক্টারশিয়া দেবো আমি। চলো এক্ষুণি ম্যাজিস্ট্রেটের কাছে, কাগজপত্র পাকা করে ফেলবে, তারপর আমার বাসায় গিয়ে টাকা নিয়ে আসবে।’

‘তাহলে—তাহলে আমি এখন আপনার সাথে যাবো?’ উত্থুসিত কণ্ঠে বললো নিডিয়া।

‘হ্যাঁ, নিডিয়া। তারপর শুরু হবে তোমার কঠিন পরীক্ষা—পম্পেই-এর সবচেয়ে রূপসী মহিলাকে খুশি করতে হবে তোমার গান শুনিয়ে।’

হঠাৎই একটু যেন বিবর্ণ হলো মেয়েটির চেহারা। প্রকাশকে ধরে থাকা হাতের মুঠি শিথিল হয়ে গেল। অক্ষুণ্ণে বললো, ‘ভেনেছিলাম আপনার বাড়িতেই বৃষ্টি নিয়ে যাবেন আমাকে।’

‘আপাতত তা-ই যাবো। চলো, আর সময় নষ্ট করে কাজ নেই।’

সাত

চারদিন পর। আজ আপনার আয়োনের বাড়িতে এসেছে আর্বাসেস।

সেদিন গ্রকাসের বিরুদ্ধে বিবোক্তার করে যাওয়ার পর নিশ্চিত হয়ে বসে থাকেনি সে। প্রতিদিনই একবার করে এসেছে এ বাড়িতে। সরল মুখে বিস্মিতকণ্ঠে গ্রকাসের আরো অপকর্মের কাহিনী শুনিয়েছে। বলাবাহুল্য সবই তার মনগড়া।

আর্বাসেস এসেছে শুনে আয়োন এলো বসার ঘরে, দেখা করতে। মুখ ঢাকা ওড়নায়। দেখেই ভুরু দুটো কঁচকে গেল আর্বাসেসের।

‘বাসায়ও তুমি ঘোমটা টেনে থাকো?’ বললো সে। ‘যাদের বন্ধু মনে করো তাদের সামনে এটা উচিত নয়।’

আয়োন আসলে মুখ ঢেকেছে লজ্জা না সংকোচে নয়, কেঁদে কেঁদে লাল করে ফেলা চোখ দুটো যেন আর্বাসেস দেখতে লাগায় সে জন্যে। একমূহূর্ত চুপ করে থেকে সে বললো, ‘আর্বাসেসের সামনে ঘোমটা টানলেই কি না টানলেই কি? আর্বাসেস তো তাকায় কেবল মনের দিকে।’

‘হ্যাঁ। তাহলে মুখ দেখাও,’ জবাব দিলেন আর্বাসেস, ‘মুখেই তো পড়ে মনের ছায়া।’

‘পম্পেই-এর বাতাস বেশ সাহসী করে তুলেছে তোমাকে,’ চেষ্টা

করে গলায় একটু উজ্জলতা ফুটিয়ে বললো আয়োন।

‘বলতে চাও পম্পেই-এ এসেই আমি তোমাকে মূল্য দিতে শিখেছি?’ গলাটা একটু কঁপে গেল যেন আর্বাসেসের। ‘না, আয়োন, সব সময়ই আমি মূল্য দিয়ে এসেছি তোমাকে। সেদিন তোমাকে প্রথম দেখেছি—খগন তুমি ছোট্ট মেয়েটি তখন থেকেই তোমার সম্পর্কে অন্যরকম একটা ধারণা আমি লালন করছি মনে। একে তুমি প্রেম বলতে পারো, ভালোবাসা বলতে পারো। তবে আর দশজনের প্রেমের সঙ্গে এর পার্থক্য আছে। এ প্রেম কিছু দেখে না, কিছু শোনে না, কেবল অনুভব করে।’

‘হ্যাঁ, এমন ভালোবাসাকেই বলে বন্ধুত্ব!’ জবাব দিলো আয়োন।

‘বন্ধুত্ব!’ ভয়ানকভাবে আপত্তি জানালো আর্বাসেস। ‘না, এমন পবিত্র, এমন গভীর একটা অনুভূতির এমন সাধারণ নাম হতে পারে না। বন্ধুত্ব! এ এমন এক বন্ধন যা বোকা, ঠগ, জোড়োর মোটকথা নিয়ন্ত্রণের মানুষদের এক করে। প্রকাশ আর প্রোডিয়ানের মাঝে যে বাঁধন তাকে তুমি কি বলবে?—বন্ধুত্ব? আর আমার আর তোমার মাঝের বাঁধন?—তাও বন্ধুত্ব? না, আয়োন, বন্ধুত্ব এ নয়, প্রেমও নয়। এ আরো বড়ো আরো মহান কিছু। এ এক অগ্নীয় বন্ধন।’

ভয় পেলো আয়োন। একটু যেন বেশি ঘনিষ্ঠ হতে চাইছিল আর্বাসেস। ব্যাপারটা তো সুবিধার মনে হচ্ছে না! আত্মত্যাগি প্রসঙ্গ পার্ট্যানোর জন্যে ও বললো, ‘কি জানি, আমিও সব ভালো বুঝি না। এপিসাইডেসের সঙ্গে এর ভেতর দেখা দিচ্ছে নাকি তোমার? অনেক দিন হলো আসে না আমার কাছে। শেষ যেদিন এসেছিলো ওকে কেমন যেন মনমরা দেখাচ্ছিলো।’

‘ওকে নিয়ে ভাবতে হবে না তোমাকে, আয়োন, ও ভালোই লাস্ট ডেজ অভ পম্পেই

আছে। কিছুদিন অবশ্য সত্যিই একটু ছশ্চিন্তায় ছিলো, নতুন একটা ব্রত নিয়েছে—তাও কী কঠিন ব্রত—ছশ্চিন্তা আসবে না? এখন সব ঠিক হয়ে গেছে। দেবীর চরণে মনপ্রাণ গুঁপে দিয়েছে এপিসাইডেস।

‘যাক, শুনে স্বস্তি পেলাম। ক’দিন ধরে ওকে নিয়ে বেশ ভাবনায় ছিলাম। ও শান্তিতে থাকলে আমিও শান্তি পাই।’

এরপর সাধারণ কিছু আলাপ হলো ছ’জনে। এক সময় আর্বাসেস বললো, ‘কতগুলো মাস হয়ে গেল পম্পেই-এ এসেছো, কিন্তু আমার বাড়িতে একবারও গেলে না। এবার একদিন চলো, আমি খুব খুশি হবো। তোমারও ভালো লাগবে। সেই যে নিয়্যাপোলিসে আমার বাড়ির কয়েকটা কামরা দেখে তুমি অবাক হয়ে গিয়েছিলে, রহস্যময় মনে হয়েছিলো, আমার এখানকার বাড়িতেও সেরকম কামরা আছে। ওগুলোর রহস্য বুঝিয়ে দেবো তোমাকে। তাছাড়া অদ্ভুত কিছু শিল্প সামগ্রী যোগাড় করেছি। তোমাকে দেখাতে চাই। আসবে, আয়োন?’

এই আমন্ত্রণ প্রত্যাখ্যান করার কোনো কারণ দেখতে পেলো না আয়োন। সত্যিই আর্বাসেসের বাড়ির সেই মিশরীয় ধাঁচের কামরাগুলোর রহস্য জানার খুব ইচ্ছে ওর। বললো, ‘কবে?’

‘তুমি চাইলে কাল সন্ধ্যায়ই।’

‘ঠিক আছে।’

গ্লকাসের বাড়ি।

বাগানের পাশে ঘাসে ছাওয়া ছোট্ট সবুজ আঙিনায় গুয়ে আছে গ্লকাস। ছ’হাত মাথার নিচে। দৃষ্টি শূন্য নীল আকাশের পানে। গুয়ে গুয়ে আয়োনের কথা ভাবছে সে। সেদিনের পর হ’দিন আয়োনের বাড়ি থেকে ঘুরে এসেছে, আয়োন দেখা করেনি। বাড়িতেই

ছিলো, তবু দেখা করেনি। সেই থেকে ভাবছে প্রকাশ, কিন্তু কোনো কুল পাচ্ছে না। বুঝে উঠতে পারছে না, কেন ওর সাথে দেখা করলো না আয়োন।

হঠাৎ বাগানের কিনারে গমর বাঁধানো সরু পথে পায়ের আঙ-
য়াঙ্গ হলো। চমকে উঠে বসলো প্রকাশ।

নিড়িয়া আসছে। এক হাতে পানির পাত্র, অন্য হাতে ফুলের
ডালি। বাগানে পানি দেবে নিড়িয়া, আর তোলার মতো ফুলগুলো
তুলে নেবে ডালিতে।

‘নিড়িয়া এসেছো,’ বললো প্রকাশ।

ওর গলা শুনেই থেমে দাঁড়ালো নিড়িয়া। কান খাড়া করলো,
শব্দটা ঠিক কোনখান থেকে এসেছে বুঝতে চাইছে। শূন্য দৃষ্টিতে
তাকাচ্ছে এদিক ওদিক।

‘এসো, নিড়িয়া, আমি এখানে,’ আবার বললো প্রকাশ।

আর সংশয় রইলো না অন্ধ মেয়েটির, কোথায় আছে তার নতুন
প্রভু। লঘু পায়ে হেঁটে এলো সে প্রকাশের কাছে।

‘বোসো, নিড়িয়া, ছোটো কথা বলি তোমার সাথে,’ প্রকাশ বললো,
‘কেমন লাগছে আমার বাড়িতে?’

‘ভালো। জীবনে এত সুখে কখনো থাকিনি।’

‘ক’দিন আগের দুঃখময় স্মৃতি কিছুটা হলেও ভুলতে পেরেছে।
তাহলে? এবার তোমার ঘাড়ে একটা কাজ চাপাবো।’

‘সত্যিই! আমাকে আপনি কাজ দিবেন? আপনার কাজ?’
উচ্ছ্বসিত হয়ে বললো নিড়িয়া।

‘হ্যাঁ। আয়োন বলে কোনো মহিলার নাম শুনেছো?’

মুহূর্তে মুখটা ক্যাকাসে হয়ে খেল নিড়িয়ার। অক্ষুটকণ্ঠে কোনো

মতে জবাব দিলো, ‘হ্যাঁ। শুনেছি খুব সুন্দরী নাকি। নিয়্যাপোলিসের মেয়ে।’

‘সুন্দরী! শুধু সুন্দরী হলে কথা ছিলো না। তার রূপের কাছে দিনের আলোও ম্লান হয়ে যায়। আমি ওকে ভালোবাসি, নিডিয়া।’

‘আপনার প্রশ্ন শুনেই আন্দাজ করেছিলাম,’ অনেক কষ্টে উদগত কান্না দমন করে শান্ত রইলো নিডিয়া।

‘ভালোবাসি, কিন্তু ওকে জানানোর মতো সাহস সঞ্চয় করে উঠতে পারিনি। আমার হয়ে তুমি জানাবে। আজই তোমাকে পাঠিয়ে দেবো আয়োনের বাড়িতে। ওর সখী হয়ে থাকবে।’

‘মানে—মানে আপনি এ বাড়ি থেকে বিদায় করে দেবেন আমাকে?’

‘আয়োনের কাছে যাবে।’ কথাটা এমন সুরে বললো গ্রকাস, যেন বোঝাতে চাইলো, ‘এর বেশি আর কী আশা করো তুমি?’

আর পারলো না নিডিয়া। কেঁদে নেলো ছ-ছ করে।

হতভম্ব হয়ে গেল গ্রকাস। তাড়াতাড়ি ওকে ধরে বললো, ‘কি হয়েছে, নিডিয়া, কাঁদছো কেন? ভাবছো আমার কাছে যতটা আদর পেয়েছো অতটা পাবে না ওখানে? না, না, তুমি জানো না, আয়োন খুব ভালো, খুব দয়ালু, বসন্তের বাতাসের মতো কোমল ওর মন। দেখো, তোমার সাথে বোনের মতো ব্যবহার করবে... এখনও কাঁদছো? কী বোকা মেয়ে রে! ঠিক আছে, আমি তোমাকে জোর করবো না। অন্য কাউকে দিয়ে করিয়ে নেবো কাজটা। নয়তো আমি নিজেই...’

গ্রকাসের গলার স্বরে এমন কিছু ছিলো, তক্ষুণি চোখ মুছে সোজা হয়ে দাঁড়ালো নিডিয়া। বললো, ‘না, এই দেখুন আমি আর কাঁদছি না। কি করতে হবে বলুন।’

‘এই তো, লক্ষ্মী মেয়ে নিভিয়া!’ ওর একটা হাত তুলে নিয়ে চুমু খেয়ে গ্লকাস বললো। ‘তাহলে চলে যাও ওর বাসায়। যদি কখনো মনে হয় আমি তোমাকে ভাঁওতা দিয়েছি, এখানকার চেয়ে কষ্টে আছো ওখানে, এক মুহূর্ত দেরি না করে ফিরে এসো আমার কাছে। আমি তোমাকে বিক্রি করছি না, দানও করে দিচ্ছি না, কিছুদিনের জন্যে ধার দিচ্ছি শুধু। খুব শিগগিরই যখন আমার আর আয়োনের বাড়ি এক হয়ে যাবে তখন নিশ্চয়ই তোমার কোনো ছুঃখ থাকবে না।’

অদ্ভুত এক কাঁপুনি বয়ে গেল ক্ষীণদেহী মেয়েটির শরীর বেয়ে।

‘তাহলে যাও, নিভিয়া,’ গ্লকাস আবার বললো, ‘আমার সবচেয়ে বিশ্বস্ত দাসকে বলে রেখেছি, ও তোমাকে পৌঁছে দিয়ে আসবে। সবচেয়ে সুন্দর ফুলগুলো তুলে নিয়ে যাও, বলবে আমি পাঠিয়েছি। আর—আর সময় সুযোগমতো আমার হয়ে আমার ভালোবাসার কথা বলবে ওকে। পারবে না?’

‘পারবো।’ বলে বাগানের দিকে এগোলো নিভিয়া। চোখ দুটো আবার জলে ভরে উঠেছে।

‘ফুল তোলা হয়ে গেলে এসো আমার কাছে,’ পেছন থেকে বললো গ্লকাস, ‘তোমার হাতে একটা চিঠি দিয়ে দেবো, আমি বসার ঘরে থাকবো।’

শোয়ার ঘরে বসে আছে আয়োন। এক দাসী এসে জানালো, ‘গ্লকাসের কাছ থেকে দূত এসেছে, বাড়িতে ফেরত চায়।’

এক মুহূর্ত ইতস্তত করলো আয়োন।

‘মেয়েটা অন্ধ,’ বললো দাসী। ‘স্বপ্ননাকে ছাড়া কাউকে বলবে না, কেন এসেছে।’

দূত মেয়ে, তার ওপর অন্ধ, শুনে দ্বিধা কেটে গেল আয়োনের। দাসীকে বললো, ‘নিয়ে এসো।’

‘কি খবর পাঠাতে পারে ও?’ মনে মনে প্রশ্ন করলো আয়োন। ‘ঘর ভর্তি মানুষের সামনে আমার নামে যেসব কথা বলেছে তারপর কী আর বলার থাকতে পারে ও?’ নিজের অজান্তেই হৃৎস্পন্দন দ্রুত হয়ে উঠলো আয়োনের। তবে কি—তবে কি আর্বাসেস ঠিক কথা বলেনি?’

দরজার পর্দা সরে গেল। দাসীর হাত ধরে মর্মর মেঝের ওপর দিয়ে নিঃশব্দ পায়ে এগিয়ে এলো নিভিয়া। দরজার মুখে কয়েক মুহূর্ত অনড় দাঁড়িয়ে রইলো। কান খাড়া করে শোনার চেষ্টা করলো, কোনো শব্দ পাওয়া যায় কিনা—যে শব্দ ওকে বুঝিয়ে দেবে কোন্ দিকে যেতে হবে। কিন্তু কোনো শব্দ হলো না।

‘মাননীয় আয়োন, কি একটু কথা বলবেন?’ অবশেষে বললো নিভিয়া। ‘আমি বুঝতে পারতাম আপনি কোথায় আছেন, আপনার পদপ্রান্তে পৌঁছে দিতে পারতাম আমার প্রভুর উপহার।’

অদ্ভুত কোমল এক বিষণ্ণতায় ছেয়ে গেল আয়োনের মন। ‘তোমাকে কষ্ট করতে হবে না, মেয়ে,’ সে বললো, ‘যা এনেছো, আমার দাসীকে দাও, ও-ই নিয়ে আসবে আমার কাছের।’

‘উহু’, এই ফুলগুলো আপনাকে ছাড়া আর কাউকে দিতে পারবো না আমি,’ বলতে বলতে দীর পায়ে এগিয়ে আয়োনের সামনে গিয়ে হাঁটুগেড়ে বসলো নিভিয়া। বাড়িয়ে ধরলে ফুলের পাতাটা।

আয়োন সেটা নিয়ে টেবিলের ওপর রেখে আস্তে করে ধরে ওঠালো নিভিয়াকে। বসাতে যাবে নিজের পাশে, বিনীত ভঙ্গিতে বাধা দিলো নিভিয়া।

‘আমার কাজ এখনো শেষ হয়নি,’ বললো সে। পোশাকের ভেতর থেকে গ্লকাসের চিঠিটা বের করে এগিয়ে দিলো। ‘এটা পড়লে বোধ হয় বুঝতে পারবেন, কেন আমার মতো হতভাগিনীকে আপনার কাছে পাঠিয়েছেন আমার প্রভু।’

কম্পিত হাতে চিঠিটা নিলো আয়োন। হাত নেড়ে দাসীকে বিদায় হতে বলে আবার তাকালো নিভিয়ার দিকে, যেন নিশ্চিত হয়ে নিলো সত্যিই ও দৃষ্টিহীন কিনা। তারপর একটু পিছিয়ে খুলে পড়তে লাগলো চিঠিটা।

‘সুপ্রিয় আয়োন,

‘ছ’দিন তোমার বাড়িতে গিয়ে ফিরে এসেছি, দেখা পাইনি। আয়োন কি অসুস্থ? তোমার দাস-দাসীরা জবাব দিয়েছে ‘না’। গ্লকাস কি আয়োনকে কষ্ট দিয়েছে?—এ প্রশ্ন আমি করতে পারিনি। ইচ্ছে হওয়া সত্ত্বেও পারিনি—সঙ্গত মনে হয়নি। পাঁচ দিন হয়ে গেল তোমাকে আমি দেখি না। আয়োন, এই পাঁচ দিন সূর্য উঠেছে তোমার আকাশে?—আমার আকাশে ওঠেনি। তুমি কি ভালো ছিলে? কেন না থাকবে?—কিন্তু আমি ছিলাম না। প্রতি বৃহর্ভে মনে পড়েছে তোমার কথা। আমিও শান্তি পাইনি। স্বপ্নে তুমি এসে দাঁড়িয়েছো সামনে। আমার সব হাসি, সব আনন্দ, সব গান নিঃশেষ হয়ে গেছে। কিন্তু কেন, আয়োন? আমি কি সত্যিই কোনোভাবে কষ্ট দিয়ে ফেলেছি তোমাকে?

‘তোমার ভৃত্যদের কাছে শুনলাম, তুমি নাকি তোমার রাজ সন্ধ্যার স্তাবকদের সাথেও দেখা করছো না। তুমি কি আমাকেও

ওদের একজন ভাবলে ? এ অসম্ভব ! তুমি ভালো করেই জানো, আমি ওদের মত নই। ওরা তোমার কাছে কেন যায় জানি না, আমি যাই—না যেতাম, তোমার অন্তরের সৌরভে আমার অন্তরকে সুরভিত করার জন্যে। আমি ভেবেছিলাম তুমি বোধ হয় এটা বুঝতে পেরেছো, তাই এ সম্পর্কে কখনো মুখ ফুটে বলিনি কিছু। ওদের কেউ আমার বদনাম করেনি তো তোমার কাছে, আয়োন ?

‘আমাদের পরিচয় অল্প দিনের। এত তাড়াতাড়ি আমি ভালোবাসার কথা বলতে চাইনি তোমাকে। জানি না সেটাই আমার ভুল হয়েছে কিনা। আমার মনে হয়েছে তোমার মন এখনো প্রস্তুত হয়নি একথা শোনার জন্যে। কিন্তু, আয়োন, আজ আমি না বলে পারছি না, তোমাকে আমি ভালোবাসি। সেই যে মিনার্ভার মন্দিরে আমরা একসাথে প্রার্থনা করেছিলাম সেদিন থেকেই ভালবাসি। আমার এই স্পষ্ট ভাষণ শুনে তোমার কি প্রতিক্রিয়া হবে জানি না। জানতে চাইও না। শুধু একটা অনুরোধ করবো, বিশ্বাস কোরো আমি সত্য কথা বলেছি।

‘আমার পাঠানো কুলগুলো গ্রহণ কোরো। ওগুলো এমন একজনের হাতে দিয়ে পাঠালাম যাকে তুমি ওর নিজের কথা ভেবেই স্বাগত জানাবে। আমাদের মতো ও-ও এই পম্পেই-এ প্রবাসী। বড় ভুখী মেয়ে। একে অন্ধ ভাষা মিসি। ওর জন্যে খুব কষ্ট হয় আমার। আমি ওকে তোমার হাতে তুলে দিতে চাই, আয়োন। কারণ আমি বিশ্বাস করি, তোমার কাছে ওর অযত্ন হবে না। খুবই নম্র স্বভাবের মোস্কো চটপটে। চমৎকার গান করে। কুলের যত্ন নিতেও পটু। আমার মনে হয় ওকে তোমার

পছন্দ হবে। যদি না হয়, নির্দিধায় ওকে ফেরত পাঠিও আমার কাছে।

‘আরেকটা কথা—তোমার কাছে রুঢ় শোনাতে হয়তো, তবু বলছি, ঐ মিশরীয় সম্পর্কে এত উচ্চ ধারণা কেন তোমার? ওকে আমার একদম পছন্দ হয়নি। আমরা গ্রীকরা ছেলেবেলা থেকেই মানুষ চিনতে শিখি—সেদিন প্রথম দেখায়ই লক্ষ্য করেছি, লোকটার ভেতর সারল্যের বড় অভাব। এ লোক তোমার ভালো চাইতে পারে না। ও-ই কি আমার সম্পর্কে বানিয়ে কিছু বলেছে তোমাকে? জানি না। যদি বলে থাকে, বিশ্বাস কোরো না ওর কথা। আয়োনের কাছে এই একটাই দাবি থাকালের। বিদায়। তোমার জবাবের অপেক্ষায় রইলাম।

‘গ্লকাস।’

চিঠি পড়ে আয়োনের মনে হলো, বন কুয়াশার একটা পর্দা যেন সরে গেল ওর চোখের সামনে থেকে। গ্লকাসের ওপর ওর মন বিষিয়ে উঠেছিলো কেন?—ওনেছিলো গ্লকাস ওকে সত্যিকারভাবে ভালোবাসে না। কিন্তু চিঠিতে সে পরিষ্কার করে লিখেছে তার মনের কথা। তাহলে আর কেন সন্দেহ থাকবে? নিভিয়া দিকে একবার তাকিয়ে সন্তর্পণে চিঠিটার চুমু খেলো আয়োন। নিভিয়া দাঁড়িয়ে আছে আগের সেই জায়গায়, সেই ভূমিতে। ওকে উদ্দেশ্য করে আয়োন বললো, ‘একটু বোসো, আনুজ্ঞাব লিখে দেই।’

‘আপনি তাহলে জবাব দেবেন?’ মৌতল কর্তে বললো নিভিয়া।

‘হ্যাঁ,’ আয়োন বললো, ‘আর তুমি আমার সাথে থাকবে। নাম কি তোমার?’

‘সবাই আমাকে নিড়িয়া বলে ডাকে।’

‘দেশ?’

‘খেসালি।’

‘তাহলে তো কোনো চিন্তাই নেই। তুমি প্রায় আমার দেশের মেয়ে। তুমি আমার সখী হবে। বোসো। জবাবটা লিখে একুনি আসছি।’

আয়োন লিখলো :

‘প্রিয় প্রকাশ,

‘এসো আমার কাছে—কালই। আমি সম্ভবত দুর্বাবহারই করে ফেলেছি তোমার সাথে। কেন এমন ঘটলো, তা জানতে তোমাকে বুঝিয়ে বলতে পারবো। সেই মিশরীয় বা অন্য কারো কথা ভেবে কোনোরকম দ্বিধা বা সংকোচ কোরো না। দীর্ঘ চিঠিতে তুমি তোমার অনুভূতি প্রকাশ করেছো। আমার চিঠি ছোট, তবু জেনো, অনুভূতির বিচারে এর মূল্য কম নয় মোটেই। বিদায়। তোমার অপেক্ষায় রইলাম।

‘আয়োন।’

চিঠি নিয়ে আয়োন ফিরতেই উঠে দাঁড়ালো নিড়িয়া। জিজ্ঞেস করলো, ‘হয়েছে?’

‘হ্যাঁ।’

‘এ চিঠি পেয়ে কি খুশি হবেন আমার প্রজা?’

ভুরু থেকে গলা পর্যন্ত লাল হয়ে উঠলো আয়োনের। তক্ষুণি কোনো জবাব দিতে পারলো না।

‘মানে আমি বলতে চাইছি,’ আবার বললো নিডিয়া, ‘ওঁর খুশি হওয়ার মতো কিছু যদি লিখে থাকেন আমি নিজে যাবো আপনার চিঠি পৌঁছে দিতে—সন্ধ্যার মধ্যেই আবার ফিরে আসবো অবশ্য।’

‘কেন, নিডিয়া, তুমি যাবে কেন ? তোমার সঙ্গে যে এসেছে সে-ই তো নিয়ে যেতে পারবে।’

‘পারবে। তবু আমিই নিয়ে যেতে চাই,’ আগের মতো শান্ত কণ্ঠে বললো নিডিয়া। ‘প্রভু সত্যি সত্যি খুশি হবেন এমন বার্তা বইবার সুযোগ যদি না পাই তার কখনো ?’

‘তাহলে শোনো,’ অফুট স্বরে আয়োন বললো, ‘আমার মনে হয় খুশিই হবেন তোমার প্রভু।’

বুক ভেঙে যেতে চাইলেও ওপরে ওপরে শাস্ত্রভাব রক্ষা করলো নিডিয়া। মুহূর্তে বললো, ‘দিন তাহলে, আমি নিয়ে যাই।’

ঘাট

‘ওহ, নিডিয়া, নিডিয়া,’ আয়োনের চিঠি পড়া শেষ করে চিৎকার করলো প্রকাশ, ‘কী বলে—কী বলে আমি তোমাকে ধন্যবাদ জানাবো ? কী পুরস্কার দেবো তোমাকে ?’

‘আপনি খুশি হয়েছেেন এতেই আমি পুষে গেছি আমার পুরস্কার,’ বললো নিডিয়া।

‘কাল—কাল ! কী করে আমি অপেক্ষা করবো কাল পর্যন্ত ?’

উচ্ছ্বসিত গ্লকাস ছাড়লো না নিডিয়াকে। বার বার শুনলো আয়োনের সাথে ওর আলাপের প্রতিটা বর্ণ। একাধিকবার বেচারির দুর্ভাগ্যের কথা ভুলে জিজ্ঞেস করলো, কেমন দেখাচ্ছিলো তখন আয়োনকে। ছপূরের পর ফিরে এসেছিলো নিডিয়া, গ্লকাসের হাত থেকে যখন ছাড়া পেলো তখন সন্ধ্যা পেরিয়ে গেছে। তাড়াতাড়ি আবার ও রওনা হলো আয়োনের বাড়ির পথে।

সরাসরি আয়োনের শোবার ঘরে ঢুকলো নিডিয়া। কেউ বাধা দিলো না, কারণ সবাই এর ভেতর জেনে গেছে অন্ধ মেয়েটা এখন থেকে এ বাড়িতে থাকবে, মনিবানির সখী হিসেবে।

কিন্তু ঘরে নেই আয়োন। এই ভর সন্ধ্যায় গেল কোথায় ? কৌতূহলী হয়ে এক দাসীকে জিজ্ঞেস করলো নিডিয়া। যে জবাব পেলো তাতে চমকে উঠলো ও।

‘আর্বাসেস—মানে সেই মিশরীয়টার বাড়িতে ? অসম্ভব !’ রুদ্ধ-শ্বাসে উচ্চারণ করলো নিডিয়া।

‘অসম্ভব কেন হবে,’ বললো দাসী, ‘মিশরীয় আর্বাসেসকে অনেক দিন ধরে চেনেন উনি।’

‘অনেকদিন ধরে চেনেন !’ মনে মনে বললো নিডিয়া। ‘ও ঈশ্বর, এরপরও গ্লকাস ঠুঁকে ভালোবাসেন !’ এক মুহূর্ত ভেবে ও দাসীকে জিজ্ঞেস করলো, ‘ঐ বাড়িতে কি প্রায়ই যান উনি ?’

‘না, আজই প্রথম গেলেন। সারা দিন পাইয়ে টি টি পড়ে গেছে বদ লোকটার নামে, জানি এ সময় উনি না গেলেই ভালো করতেন, কিন্তু কি করবো, আমি তো আর মনিবকে বারণ করতে পারি না।’

‘আজই প্রথম গেলেন। তুমি ঠিক জানো?’ জিজ্ঞেস করলো নিডিয়া।

‘হ্যাঁ, বাছা। কিন্তু তাতে তোমার বা আমার কি আসে যায়?’
দেখি না করে আয়োনের বাড়ি থেকে বেরিয়ে এলো নিডিয়া।
ছুটলো গ্লকাসের বাড়ির পথে। ঝড়ের গতিতে চিন্তা চলছে ওর মাথায়।

‘আর্বাসেসের বাড়িতে আয়োন। এই রাত্টিবেলা! তাও আবার একা একা! সর্বনাশ! আমি যে অন্ধ ক্রীতদাসী, সেই আমিও তো বার্বোর পায়ে ধরে কৈদেছিলাম, হেন ঐ বাড়িতে দ্বিতীয়বার যেতে না হয়। আর আয়োন, যার রূপগুণের তুলনা নেই, যাকে ভালো-বাসেন গ্লকাস সে স্বেচ্ছায় একা গিয়ে চুকেছে বাঘের গুহায়? আয়োন কি জানে না আর্বাসেসের চরিত্র? জেনেও গেছে? মনে হয় না। নিশ্চয়ই আয়োন জানে না লোকটার স্বরূপ।’

হঠাৎ স্বার্থচিন্তা উকি দিলো নিডিয়ার মনে। ‘গেছে যদি যাক না আয়োন। আমার কী? কাল যখন ফিরে আসবে গ্লকাসের স্ত্রী হবার যোগ্যতা বা পবিত্রতা কোনোটাই তার থাকবে না। গ্লকাস বাধ্য হয়ে মূণ ফিরিয়ে নেবেন ওর দিক থেকে। সন্দেহ নেই, ছুংখ পাবেন গ্লকাস, আমি তখন তাঁকে সাবুনা দেবো। আয়োনের প্রতি আকর্ষণ যদি একবার বাধা পেয়ে ফিরে আসে তখন আমার ওপরই তা উদার ভাবে বর্ষিত হবে। আমি তো বেশি কিছু চাই না গ্লকাসের একান্ত সান্নিধ্যে থাকতে পারলেই আমি খুশি।’

গ্লকাসকে একান্ত নিজের করে পাবে, মাসখানেক কোনো আয়োন থাকবে না—কল্পনা করে উৎফুল্ল হয়ে উঠলো নিডিয়া। মরুক আয়োন। ওর ভাগ্যে যা আছে ঘটুক।

হঠাৎ পিঠের ওপর সপাং করে চাবুক পড়লো যেন নিভিয়ার।
 স্ট্রাটোনিসের চাবুক।—না পিঠের ওপর নয়, বুকের মাঝখানে
 জংপিণ্ডকে ক্ষত বিক্ষত ক'রে! এসব কী ভাবছে নিভিয়া! এত বড়
 অন্যায়টা সে করবে কী করে? স্ট্রাটোনিসের চাবুক থেকে যে তাকে
 চিরদিনের জন্যে উদ্ধার করে এনেছে, দেবতার মতো দয়ালু সেই
 প্রকাশকে এমন হীনভাবে বর্ণনা করবে ও? যখন একটা খবর পেলেই
 প্রকাশ ছুটে গিয়ে আয়োনকে উদ্ধার করে আনতে পারে আর্বাসেসের
 কবল থেকে তখন নিভিয়া কি চুপ করে থাকবে? না, তা সম্ভব নয়।
 তাহলে যে অনন্ত নরকবাসেও সে কৃতঘ্নতার প্রায়শ্চিত্ত হবে না।
 আয়োন যে প্রকাশের স্বপ্নের রানী, বুকের রক্ত তা তো নিভিয়া
 ভালো করেই জানে।

নিজের অভ্যন্তরেই হাঁটার গতি বেড়ে গেল নিভিয়ার। সঙ্গে
 দাসটি একটু মোটাসোটা, ভূঁড়িওয়ালা। বেচারী হাঁসফাঁস করতে
 লাগলো ওর সঙ্গে তাল রেখে চলতে গিয়ে।

কিন্তু কপাল খারাপ নিভিয়ার। কপাল খারাপ আয়োনের।
 প্রকাশেরও! বাড়ি পৌঁছে নিভিয়া গুনলো, কিছুক্ষণ আগে প্রকাশ
 বেরিয়ে গেছে কয়েকজন বন্ধুর সাথে। কোথায় যাচ্ছে বলে যায়নি
 কাউকে। কখন ফিরবে তা-ও বলে যায়নি।

‘ফিরতে ফিরতে মাঝরাতও হয়ে যেতে পারে,’ বললো এক দাস।

দাত দিয়ে নিচের ঠোট কানড়ে ধরলো নিভিয়া। বসার ঘরের
 একটা আসনে বসে পড়লো অবসন্ন ভঙ্গিতে। ভাবতে লাগলো কী
 করা যায়।

‘সময় নেই, একদম সময় নেই!’ মনে মনে বললো সে। হঠাৎ
 একটা বুদ্ধি যেন উঁকি দিলো মনে। তাড়াতাড়ি সঙ্গী দাসের দিকে

ফিরে জিজ্ঞেস করলো, ‘আয়োনের কোনো আত্মীয় বা খনিষ্ঠ বন্ধু আছে পম্পেই-এ, জানো?’

‘কেন জানবো না?’ জবাব দিলো দাস। ‘সারা পম্পেই যে খবর জানে আমি তা জানবো না? আয়োনের এক ভাই আছে। অল্প বয়েস, অসম্ভব ধনী। কিন্তু এমন বোকা ছেলেটা, এই বয়েসেই সব ছেড়ে ছুঁতে দিয়ে পুরোহিত হয়েছে আইসিসের।’

‘আইসিসের পুরোহিত! নাম কী তার?’

‘এপিসাইডেস।’

‘আচ্ছা! ওর কাহিনীও তো শুনেছি,’ নিজের মনে বিড় বিড় করলো নিভিয়া। ‘তার মানে ভাই বোন দু’জনেই শিকার হয়েছে বদমাশটার! এপিসাইডেস। হ্যাঁ ওর কাছেই যাবো আমি। বোনের দুর্দশার কথা জানাবো।’

লাফ দিয়ে উঠে দাঁড়ালো নিভিয়া। লাঠি ঠুকে ঠুকে রওনা হলো পথের দিকে। সঙ্গী দাসকেও রওনা হতে হলো। ওর ওপর কড়াকড়ি নির্দেশ আছে প্রকাসের, যে কোনো কারণে যখনই নিভিয়া বাড়ির বাইরে যাক না কেন ও যাবে সঙ্গে—যাতে পথে আকস্মিক কোনো দুর্ঘটনায় না পড়ে অন্ধ মেয়েটি। ইতিমধ্যেই হু-হু’বার আয়োনের বাড়িতে যেতে আসতে হয়েছে বেচারী ভুঁড়িদাস দাসকে। রীতিমতো শোচনীয় অবস্থা এখন লোকটার। তাকে ওপর এই অসময়ে আবার যখন পথে নামলো নিভিয়া, ডাক ছেড়ে কেদে উঠতে ইচ্ছে হলো তার। তবু প্রভুর আদেশ অমান্য করার দুসোহস ওর হলো না।

নিভিয়া অন্ধ। কিন্তু পম্পেই-এ এমন কোনো রাস্তা নেই যার অন্ধি সন্ধি সে না জানে। আইসিসের মন্দিরের পথও ওর মুখস্ত।

সেদিকেই হেঁটে চলেছে ও এখন লাঠি ঠুকে ঠুকে। মন্দিরে গিয়ে তার কিছু না হোক, এপিসাইডেল কোথায় থাকে, বা আছে তা অন্তত জানা যাবে।

মন্দিরে পৌঁছে সঙ্গী দাসকে নিভিয়া জিজ্ঞেস করলো, ‘দেখ তো কাউকে দেখতে পাও কি না।’

‘না, কাউকে দেখছি না,’ বিরক্ত হয়ে বললো দাস।

‘উহু’, তুমি ঠিকমতো দেখোনি। দীর্ঘশ্বাস ফেললো কে যেন।
‘আবার দেখ।’

অবাক হলো দাস। কানা মেয়েটার অবশ্যক্তি এত প্রথম ও নিজে দেখলো বলে বিশ্বাস করলো; অন্য কারো কাছে শুনে গল্প বলে উড়িয়ে দিতো। বাধ্য হয়েই এবার চারপাশে তাকাতে হলো ওকে। একটু পরে বললো, ‘হ্যাঁ, একটা লোককে দেখতে পাচ্ছি। বসে আছে। শাদা পোশাক গায়ে। বোধহয় পুরোহিত।’

‘ও মহাদেবী আইসিসের পবিত্র পূজারী!’ নিভিয়া ডাকলো।
‘একটু শুনবেন আমার কথা?’

‘কে ডাকে?’ উদাস একটা গলা জবাব দিলো।

‘একটু শুনবেন এদিকে? আমি একটু কথা বলতে চাই আপনার সাথে।’

‘এটা তো কথা বলার সময় নয়। যাও, আমাকে বিরক্ত কোরো না।’

‘আপনার গলা মনে হয় আমি চিনতে পেরেছি। আপনাকেই আমি খুঁজছি। আপনি পুরোহিত এপিসাইডেল না?’

‘হ্যাঁ। কিন্তু তুমি কে? কি চাও?’ কষ্টে বলতে মন্দিরের পবিত্র বেঠুনীর কাছে এসে দাঁড়ালো এপিসাইডেল।

এক মুহূর্ত চুপ করে থেকে নিভিয়া বললো, ‘সত্যিই আপনি এপিসাইডেস তো?’

‘বললে গলা শুনে চিনতে পেরেছো, চেহারা মনে নেই?’

‘আমি অন্ধ। আমার চোখ আমার কানে। সে আপনাকে চিনতে পেরেছে, কিন্তু তার ভুলও তো হতে পারে। শপথ করে বলুন, আপনি এপিসাইডেস তো?’

‘দেবতাদের নামে শপথ করে বলছি...’

‘আস্বে, অত জোরে কথা বলবেন না,’ বাধা দিয়ে বললো নিভিয়া। ‘আর্বাসেসকে চেনেন আপনি?’

চমকে উঠলো এপিসাইডেস। শঙ্কিত কণ্ঠে বললো, ‘তুমি কে? কোথেকে এসেছো? আমি তোমাকে চিনি না, কেন তোমার প্রশ্নের জবাব দেবো?’

‘না চিনলেও আমার গলা আপনি শুনেছেন আগে। যাকগে সে সব। সে স্মৃতি স্মরণ করলে আমরা দু’জনই লজ্জা পাবো। শুনুন, আপনার এক বোন আছে না?’

‘হ্যাঁ, আছে। কিন্তু এ প্রশ্ন কেন? কিছু হয়েছে ওর? বলো। বলো!’

‘আর্বাসেসকে চেনেন আপনি, এই আর্বাসেসের বাড়িতে অতিথি হয়েছেন আপনার বোন...’

‘ওহ ঈশ্বর!’

‘...আমার ধারণা,’ বলে চললো নিভিয়া, ‘আর্বাসেসের আসল চেহারা জানেন না আপনার বোন। জানেন?’

‘ওহ ঈশ্বর!’ আবার আর্তনাদ করলো এপিসাইডেস। বললো, ‘দেখ, মেয়ে, আমাকে যদি ভাঙা দিয়ে থাকে, শুনে রাখো,

তোমার হাত পা একটা একটা করে ছিঁড়বো আমি, অন্ধ বলে রেহাই পাবে না।’

‘আমি সত্যি বলছি। এবং যখন বলছি তখন আর্কাসেসের বাড়িতে বসে কিংবা দাঁড়িয়ে আছেন আরোন। এখন আপনি কি করবেন আপনিই ঠিক করুন। আমার দায়িত্ব শেষ।’

ঘুরে দাঁড়ালো নিভিয়া।

‘যেও না, দাঁড়াও,’ আত্ননাদ করে উঠলো এপিসাইডেস। ‘তোমার কথা যদি সত্যি হয়—কি করলে ওকে উদ্ধার করা যাবে? ওরা হয়তো আমাকে ঢুকতে দেবে না। ও নেমেসিস! এভাবে আমাকে শাস্তি দিলে!’

‘এই দাসকে আমি বিদায় করে দেবো, আপনি আমাকে পথ দেখিয়ে নিয়ে যাবেন। ঐ বাড়ির গোপন একটা দরজার কাছে আপনাকে নিয়ে যাবো। তারপর আমার শিখিয়ে দেয়া সংকেত শব্দ আঙড়ালেই আপনি ঢুকতে পারবেন বাড়িতে। কিছু একটা অস্ত্র সাথে নিন : কাজে লাগতে পারে।’

‘দাঁড়াও একটু,’ বলে ছুটলো এপিসাইডেস মন্দিরের দিকে। ফিরে এলো একটু পরেই, পুরোহিতের পোশাকের ওপর লম্বা, চোলা একটা আলখাল্লা পরে। ‘এবার চলো,’ দাঁতে দাঁত ঘষে সে বললো।

সঙ্গী দাসকে বিদায় করে দিয়ে নিভিয়া লাঠি ঠুক ঠুকে এগোলো এপিসাইডেসের পেছন পেছন।

বয়

গত কিছুদিন ধরে বাড়ির ছাদে উঠে আকাশের গ্রহ নক্ষত্রের অবস্থান বিশ্লেষণ করছে আর্বাসেস। জ্যোতিষে তার অগাধ জ্ঞান। সে জ্ঞান কাজে লাগিয়ে জেনে নিতে চাইছে তার ভবিষ্যৎ। কিছু কিছু জ্ঞান-ভেদ পেয়েছে। কিন্তু যা জেনেছে তা তাকে খুশি করেনি মোটেই।

জেনেছে—তার জীবন সংশয়।

একটা পাথর ছুটে এসে আঘাত করবে। সেই আঘাতে মৃত্যু ঘটাবার সম্ভাবনা আর্বাসেসের। অবশ্য ফাঁড়াটা যদি কোনো মতে কাটিয়ে উঠতে পারে, আর কোনো চিন্তা নেই তার। প্রতি কাজে সাফল্য হবে অব্যাহত। যাতে হাত দেবে সোনা ফলবে তাতেই।

কিন্তু যদি মৃত্যুই ঘটে? আর্বাসেসের মতো মানুষ ভয় করে না মৃত্যুকে। তবে জীবনের কোনো সাধ অপূর্ণ রেখে মরতে সে রাজি নয়। আজন্ম ছলে বলে কৌশলে আকাঙ্ক্ষার বস্তুকে সে রক্ষা রাখ করে এসেছে। আজ সে হেরে যাবে ঐ ভূঁইকোড় গ্রীকটাকে কাছে? না, আর্বাসেস তা কখনোই হতে দেবে না। আজ আর্বাসেস আসবে তার বাড়িতে। আজই করতে হবে যা করার। আজই আয়োনের কাছে বিয়ের প্রস্তাব দেবে সে। যদি মরতে হয়, মরবে। তবে তার আগে পেতে হবে আয়োনকে।

#

#

#

আয়োন যখন আর্বাসেসের বিশাল হল কামরায় ঢুকলো ওর ভাইয়ের মতো ওরও শরীর বেয়ে বয়ে গেল না শিউরানো এক অনুভূতি। কোথায় যেন অমঙ্গলজনক কি একটা রয়েছে এ বাড়িতে। দূর থেকে বাড়িটা দেখেই এমন অনুভূতি হয়েছিলো আয়োনের। আর্বাসেসের কক্ষকায় ইথিওপীয় দাস যখন ঝকঝকে শাদা দাঁত বের করে স্বাগত জানালো তখন আরেকবার হলো।

দাসের পেছন পেছন হলের মাঝামাঝি পৌছেছে ও, এই সময় সেখানে এলো আর্বাসেস। জাঁকালো একটা বস্ত্রখচিত আলখাল্লা পরেছে সে। হলের দেয়ালে দেয়ালে অনুজ্জল আলো জ্বলছে মিট-মিট করে। ইচ্ছে করেই আলো-আধারী পরিবেশ রচনা করা হয়েছে। তা সত্ত্বেও আর্বাসেস যখন কামরায় ঢুকলো ওর পোশাকের মণি-মানিক্যগুলো ঝকঝক করে উঠলো। আয়োনের চোখ ধাঁধিয়ে দিতে চায় নাকি ধৃত মিশরীয়?

‘আহ্, আয়োন, তুমি এসেছো!’ বুকে ওর হাত ধরে বললো আর্বাসেস। ‘তুমি এলে তাই আজ আলোকিত হলো আমার বাড়ি, তুমি নিশ্বাস ফেললে তাই সৌরভে পূর্ণ হয়ে উঠলো আমার ঘর।’

‘বাড়িয়ে বলছো,’ মুহূর্তেই বললো আয়োন। ‘তুলে গেছ, এ সব কথায় খুশি না হওয়ার শিক্ষা তুমিই আমাকে দিয়েছো।’ আর্বাসেস আবার তুমিই আমাকে খুশি করার চেষ্টা করছো কাঁকা বুলি আউড়ে।’

এমন সহজ এবং খোলাখুলি আয়োন কথাগুলো বললো যে অভিভূত হয়ে গেল আর্বাসেস। প্রশংসাসূচক আরো অনেক কথা এসেছিলো ওর মনে, মনেই চেপে রাখলো সে সব। বললো, ‘বেশ আর বলবো না। চলো আমার বাড়ি দেখবে।’

হাত ধরে আয়োনকে নিয়ে চললো আর্বাসেস। হলের পর হল, কামরার পর কামরা দেখতে দেখতে এগোলো ওরা। মর্মর পাথরের মস্তণ কাচের মতো মেঝে, নিশরীয় ও গ্রীক ধাঁচের জমকালো খাম সারি সারি। দেয়ালে দেয়ালে ঝুলছে অদ্ভুত সুন্দর সব শিল্পকলার নিদর্শন, কোণে কোণে ভাস্কর্য, আলমারিতে থরে থরে সাজানো রত্ন, আলমারিগুলোও ঘেন একেকটা রত্ন। সারা বাড়িতে সোনা আর মণিমাণিক্যের ছড়াছড়ি। কোনো কোনো কামরায় ওরা সার বেঁধে দাঁড়ানো কীতদাসদের মাঝ দিয়ে এগিয়ে গেল। আয়োন যখন সামনে দিয়ে হেঁটে গেল হাঁটু গেড়ে বসে তারা নানা ধরনের মহামূল্য অলঙ্কার—হার, বালা, চুড়ি, কান পাশা—নিবেদন করলো ওর পায়ে। আর্বাসেসের অনুরোধ সত্ত্বেও সবিনয়ে সব প্রত্যাখ্যান করলো আয়োন।

‘তুনেছিলাম বটে তুমি ধনী,’ এক সময় বিষয় চেপে রাখতে না পেরে আয়োন বললো, ‘কিন্তু এতটা যে আমি স্বপ্নেও কল্পনা করিনি।’

‘তুমি যদি চাও,’ জবাব দিলো আর্বাসেস, ‘এর সব এক করে একটা মুকুট গড়িয়ে আমি তোমার মাথায় পরিয়ে দেবো।’

‘না বাবা, দরকার নেই,’ হেসে ফেললো আয়োন, ‘তার ওজনেই আমি মারা পড়বো।’

‘তাই বলে তুমি ধন সম্পদকে অবজ্ঞা করতে পারো না, আয়োন। যাদের সম্পদ নেই তারা বোঝে এসবের মূল্য আর বোঝে যার আছে সে যদি হঠাৎ করে তা হারায়। সোনা হচ্ছে পৃথিবীর সবচেয়ে বড় জাহ্নকর। তার ক্ষমতা যে কি অসংগণ্য তুমি কল্পনা করতে পারবে না।’

এ কথার কোনো জবাব দিলো না আয়োন।

অবশেষে ফাঁকা একটা বিরাট কামরায় পৌঁছুলো ওরা। দেয়াল-গুলোয় শাদার ওপর রূপালি কাজ করা পর্দা। কিন্তু ঘরের ভেতর কিছু নেই—একেবারে কিছু না। অবাক হয়ে আর্বাসেসের মুখের দিকে তাকালো আয়োন। চোখে প্রশ্ন। মুছ হেসে ছ'হাতে তালি বাজালো আর্বাসেস। অমনি ভোজবাজীর মতো মেকের একটা অংশ ধরে গেল এক পাশে, নিচে থেকে উঠে এলো জমকালো কারুকাজ করা একটা টেবিল—নানা ধরনের লোভনীয় সব খাবার, পানীয় সাজানো তার ওপর। এরপর উঠে এলো লাল মখমলের টাদোয়া লাগানো নিচু একটা আসন—দেখতে অনেকটা প্রাচীনকালের সিংহাসনের মতো। একই সঙ্গে পর্দার অন্তরাল থেকে ভেসে এলো অদৃশ্য কোমল মধুর সঙ্গীত।

‘চলো খেয়ে নেই,’ বললো আর্বাসেস।

থাওয়া শেষে আয়োনকে নিয়ে বাড়ির বাইরে এলো আর্বাসেস। প্রশস্ত সিঁড়ির কয়েকটা ধাপ বেয়ে নামতেই বাগান। মাথার ওপর টাদ উঠে এসেছে অনেক আগে। দিনের বেলায় ঘুমিয়ে থাকে যেসব ফুল তারা এখন জেগে উঠে গন্ধ বিলাচ্ছে।

‘কোথায় নিয়ে যাচ্ছে আমাকে, আর্বাসেস?’ অবাক বিষ্ময়ে প্রশ্ন করলো আয়োন।

‘ঐ তো ওখানে।’ বাগানের অপর প্রান্তে ছোট্ট একটা দালানের দিকে ইশারা করলো আর্বাসেস। ‘নিয়তির কক্ষের ওটা।’

বাগান পেরিয়ে কয়েক ধাপ সিঁড়ি টপকানোর মন্দিরে উঠলো ওরা। সরু একটা অলি-পথ ধরে গেল কিছুদূর। তারপর পথ বন্ধ। কালো একটা পর্দা ঝুলছে। পর্দাটা উচু করে ধরলো আর্বাসেস, ছ'পা এগিয়ে

নিশ্চিহ্ন অঙ্ককারের ভেতর নিজেকে আবিষ্কার করলো আয়োন।

‘ভয় পেও না,’ বললো মিশরীয় আর্বাসেস। ‘একুণি দেখা দেবে আলো।’

তার কথা শেষ হতে না হতেই কোথেকে যেন ছড়িয়ে পড়তে লাগলো রহস্যময় এক আলো। ফাঁকাসে তার রঙ। ঘরের অঙ্ককার ফিকে হলো একটু। ধীরে ধীরে বাড়তে লাগলো আলোর উজ্জ্বলতা। আয়োন দেখলো, মাঝারি আয়তনের একটা কামরায় দাঁড়িয়ে আছে সে। কামরার চার দেয়ালে ঝুলছে নিকষ কালো পর্দা। ছাদে এবং মেঝেতেও কালো রঙ। একপাশে নিচু একটা আসন পাতা, সেটাও কালো কাপড়ে মোড়া। ঘরের কেন্দ্রস্থলে ছোট একটা বেদী। তার ওপর একটা ব্রোঞ্জের তেপায়া। একপাশে বিরাট একটা গ্রানাইট থামের ওপর কালো মর্গরের তৈরি এক মূর্তি। গমের শিখের মুকুট তার নাথায়। আয়োন বুঝতে পারলো, মিশরের মহিষসী দেবী আইসিসের মূর্তি ওটা।

দেবীর সামনে গিয়ে দাঁড়ালো আর্বাসেস। পাশের একটা পেতলের পাত্র থেকে হুঠো করে কিছু নিয়ে ছড়িয়ে দিতে লাগলো তেপায়ার ওপর। হঠাৎ নীল উজ্জ্বল আগুন প্রাণ পেয়ে লাফিয়ে উঠলো তেপায়ার ওপর থেকে। দ্রুত আয়োনের পাশে এসে দাঁড়ালো আর্বাসেস ; এবং বিড় বিড় করে মস্তের মতো আউউউ গেল কিছু শব্দ, যার এক বর্ণ বুঝলো না আয়োন। বেদীর পেছন দিকের পর্দাটা ছলতে লাগলো এবার। তারপর ধীরে ধীরে ভাগ হয়ে সরে গেল হুঁপাশে। আয়োন দেখতে পেলো তার সামনে বিশাল এক ফাঁকা প্রাস্তর, ঝোঁপাটে কুয়াশায় ঢাকা। একটু একটু করে কুয়াশা কেটে যেতে লাগলো। অবশেষে আয়োন বুঝতে পারলো প্রাস্তর

কাঁকা নয়, গাছপালা, নদী, ঝোপ-জঙ্গল রয়েছে সেখানে। একধারে উর্বর শস্যক্ষেত। হঠাৎ কোথেকে কালো একটা মেঘ ভেসে এসে আচ্ছন্ন করে ফেললো সব। সামনের অতিপ্রাকৃত প্রকৃতি আবার ধোঁয়াটে, অন্ধকার। ধীরে ধীরে মেঘ কেটে গেল আবার। বিশাল এক প্রাসাদ ভেসে উঠলো দূরে। ক্রমশ এগিয়ে আসছে ওটা। প্রাসাদের সিংহদরজা দেখা গেল স্পষ্ট। দরজা পেরিয়ে বাগান। তারপর আবার বদলে গেল দৃশ্য। প্রাসাদের ভেতরটা দেখা যাচ্ছে এখন। বিশাল একটা হল কামরা। কাঁকা। হঠাৎ তার কেন্দ্রস্থলে মেঝে কুঁড়ে উঠে এলো এক ঝলমলে রত্ন সিংহাসন। তারপর হঠাৎ কোথা থেকে যেন হাজির হলো অসংখ্য দাসদাসী। হলের ছ'ধারে সার বৈধে দাঁড়িয়ে গেল তারা। তারপর কি আশ্চর্য! ছবছ আয়োনের মতো দেখতে এক নারী এগিয়ে এলো। রানীর মতো মহিয়সী। দৃষ্ট ভঙ্গিতে সে হেঁটে চললো সিংহাসনের দিকে। দাস দাসীরা সব নতজানু হয়ে বসলো তাকে প্রণতি জানাতে।

নতুন এক অভিনেতাকে দেখা গেল এবার। আপাদমস্তক কালো আলখাল্লায় মোড়া সে। মুখটাও ঢাকা কালো মুখাবরণে। ইতিমধ্যে সিংহাসনের সামনে পৌঁছে থেমে গেছে আয়োনের চেহারার রমণী। পাশে গিয়ে দাঁড়ালো আলখাল্লাধারী। হাঁটু গেড়ে বসে ওর হাত ধরে ইশারা করলো সিংহাসনের দিকে—যেন উঠে বসতে আহ্বান জানাচ্ছে।

‘কে ও?’ নিজের অজান্তেই আয়োনের মুখ থেকে বেরিয়ে এলো প্রশ্নটা।

‘দেখবে তুমি? দেখতে চাও?’ দ্বিধা করলো আর্বাসেস।

‘হ্যাঁ,’ অক্ষুণ্ণে বললো আয়োন।

নির্দেশের ভঙ্গিতে একটা হাত উঁচু করলো আর্থাসেস। অমনি কালো পোশাক পরা মূর্তি এদিকে ফিরে সরিয়ে ফেললো মুখাবরণ। তীক্ষ্ণ এক চিৎকার বেরোলো আয়োনের গলা দিয়ে। কালো পোশাক পরা পুরুষ আর কেউ নয় আর্থাসেস। হাঁটু গেড়ে বসে আছে ওর চেহারার মূর্তির সামনে।

‘এ-ই তোমার নিয়তি,’ আয়োনের কানের কাছে মুখ নিয়ে ফিস ফিস করলো মিশরীয়। ‘আর্থাসেসের জী হবে তুমি।’

চমকে উঠলো আয়োন। দেবীর ওপাশের কালো পর্দা আবার সরে এসেছে জায়গামতো, আর আর্থাসেস—আসল আর্থাসেস নতজানু হয়ে বসেছে ওর সামনে—আসল আয়োনের সামনে।

‘আয়োন!’ আবেগজড়িত কণ্ঠে শুরু করলো মিশরীয়, ‘আমি তোমাকে ভালোবাসি, আয়োন। নিয়তি কখনো মিথ্যা বলে না। তুমি আমার হবে এ-ই নিয়তির বিধান। সারা ছুনিয়া আমি খুঁজেছি, কিন্তু তোমার মতো আর কাউকে পাইনি। যৌবনের শুরু থেকেই আমি অপেক্ষা করেছি তোমার মতো একজনের জন্যে। তোমাকে দেখার আগ পর্যন্ত আমি স্বপ্নাচ্ছন্ন ছিলাম—ভেগে দেখলাম তোমাকে। আমার দিক থেকে মুখ ফিরিয়ে নিও না আয়োন, আমার প্রেম প্রত্যাখ্যান করো না। আমি জীবনে কখনো কোনো নশ্বর মানুষের সামনে নতজানু হইনি, তোমার সামনে হইছি। বিশ্বাস করো, আয়োন, আন্তরিকভাবে হয়েছি, তোমাকে ভালোবাসার জন্যে নয়। নিয়তির নির্দেশ তো নিজের চোখেই দেখেছি—তুমি আমার রানী হবে, দেবী হবে। আয়োন, আমি বলছি, তোমার পায়ে পৃথিবীর সব সম্পদ এসে গড়াগড়ি খাবে, পৃথিবীর সবচেয়ে কমতাময়ী নারী হবে তুমি, শুধু—শুধু আমাকে তুমি প্রত্যাখ্যান করো না!’

হতবুদ্ধির মতো দাঁড়িয়ে আছে আয়োন। সবকিছু কেমন যেন গুলিয়ে যাচ্ছে ওর।

‘ওঠো, আর্বাসেস,’ অবশেষে কোনোমতে বললো সে। ‘ওঠো! তোমার কথা যদি সত্যি হয়ে—’

‘সত্যি! আমাকে তোমার সন্দেহ!’

‘বেশ সন্দেহ নেই। তাহলে শোনো, তোমার অনুভূতিকে পরিপূর্ণ মর্যাদা দিয়ে বলছি, তোমার বধু হওয়া সম্ভব নয় আমার পক্ষে।’

‘কেন!’ চিৎকার করে উঠলো আর্বাসেস।

‘আমি আরেকজনকে ভালোবাসি!’

‘আরেকজনকে ভালোবাসো! ওহ, ঈশ্বর, অবশেষে এই কথা শুনতে হলো আমাকে! অসম্ভব! তুমি ঠাট্টা করছো আমার সাথে! নারী ছলনাময়ী আমি জানি! কিন্তু তুমিও—তা আমি ভাবিনি!’

‘না, আর্বাসেস, ছলনা নয়—,’ শুরু করলো আয়োন।

কিন্তু ওকে শেষ করার সুযোগ দিলো না আর্বাসেস। বাঘের মতো লাফ দিয়ে এসে আয়োনকে জড়িয়ে ধরতে গেল হুঁহাতে। ক্রুদ্ধ বাঘিনীর মতো ফুঁসে উঠে ছিটকে একপাশে সরে গেল আয়োন।

‘তুমি আমার হাত থেকে ছাড়া পাবে না, আয়োন; তুমি আমার,’ শাস্ত কর্ণে বললো আর্বাসেস। ‘এত বছর ধরে যে কল নিজ হাতে লালন করেছি, আজ যখন পেকে উঠেছে, কোথাকারি কে এসে তা টপ করে ছিঁড়ে নিয়ে যাবে তা আমি হতে দেবো না। তুমি আমার, আয়োন—শুধু আমার,’ বলতে বলতে আয়োন লাফ দিলো আর্বাসেস।

কিন্তু সতর্ক ছিলো আয়োন। ঘুরে দাঁড়িয়ে ছুটলো সে বেরোনোর পথের দিকে। আর্বাসেসও ছুটলো পেছন পেছন। কালো পর্দাটা

সন্ধিয়ে প্রায় বেরিয়ে গেছে আয়োন, এই সময় আর্বাসেস বজ্রমুষ্টিতে ধরে ফেললো তার হাত। কিন্তু বিপদ আয়োনের শক্তি বাড়িয়ে দিয়েছে বহুগুণ। এক ঝটকায় সে হাত ছাড়িয়ে নিয়ে ছুটলো আবার। বেদীর কাছাকাছি পৌঁছে আবার ধরা পড়লো। আবার ঝটকা মেরে হাত ছাড়িয়ে নিয়ে ঘুরে দাঁড়ালো এবং সামনে দেখলো থামের মাথায় নিশরীষ দেবীর কালো মূর্তি। মূর্তির চোখ ছটো স্বলছে গণগণে লাল ছটো কয়লার টুকরোর মতো। তীক্ষ্ণ একটা আর্ত-চিৎকার করে মূর্তিত হয়ে পড়ে গেল আয়োন। দাঁড়িয়ে দাঁড়িয়ে কয়েক মুহূর্ত হাঁপালো আর্বাসেস। তারপর আবার এগোলো তার শিকারের দিকে।

ঠিক এই সময় কারো হ্যাঁচকা টানে ছিঁড়ে গেল পর্দা। আর্বাসেস অনুভব করলো শক্ত একটা হাত হিংস্রভঙ্গিতে খামচে ধরেছে তার কাঁধ। সাঁ করে ঘুরে দাঁড়ালো সে। সামনে দাঁড়িয়ে আছে প্রকাশ, চোখ দিয়ে আগুন ঠিকরে পড়ছে; ওর পেছনেই ফ্যাকাসে মুখে দাঁড়িয়ে আছে এপিসাইডেস।

‘আহ, তোমরা!’ বিজ্রপের সুরে বললো আর্বাসেস। ‘তা কি উদ্দেশ্যে আগমন, জানতে পারি?’

‘জানাচ্ছি, দাঁড়াও!’ চিৎকার করে উঠে ঝাঁপিয়ে পড়লো প্রকাশ আর্বাসেসের ওপর। আর এপিসাইডেস বোনের জিনহীন দেহটা তুলে নিয়ে এগোলো বেরোনোর পথের দিকে। কিন্তু গত কিছুদিন একটানা মানসিক চাপ সহ্য করে ওর শরীরের শক্তিও কীণ হয়ে এসেছে। আয়োনকে নিয়ে বেশিদূর যেতে পারলো না সে। একপাশে নামিয়ে রেখে পোশাকের ভেতর থেকে একটা ছোরা বের করে বাগিয়ে ধরে দাঁড়িয়ে রইলো। সতর্ক চোখে দেখতে লাগলো প্রকাশ

আর মিশরীয়টার হাতাহাতি লড়াই—গ্রকাসকে হারতে দেখলেই ছুটে গিয়ে ছোরা বসিয়ে দেবে আর্বাসেসের বৃকে ।

আর্বাসেস প্রচণ্ড শক্তিশালী । গ্রকাসও কম নয় । সমানে সমানে লড়াইে ছ'জন । একবার এ ওকে জাপটে ধরছে আরেকবার ও একে । একবার গ্রকাস নিচে পড়ছে আর্বাসেস তার বৃকের ওপর উঠে গলা চেপে ধরার চেষ্টা করছে, পর মুহূর্তে বদলে যাচ্ছে দৃশ্য, আর্বাসেস নিচে আর গ্রকাস তার বৃকের ওপর । একটু পরেই আবার ছ'জন দাঁড়িয়ে কায়দামতো ধরার চেষ্টা করছে একজন আরেকজনকে । ছ'জনই সমানে চিৎকার করছে হিংস্র কণ্ঠে ।

এভাবে বেশ কিছুক্ষণ চলার পর ছ'জনই ছ'জনকে ছেড়ে দিয়ে দূরে সরে গেল । আর্বাসেস আইসিসের মূর্তিওয়ালা সেই স্তম্ভের গায়ে হেলান দিয়ে দাঁড়ালো, আর গ্রকাস পিছিয়ে গেল কয়েক পা আয়োন আর এপিসাইডেসের দিকে । আবার লড়াই শুরু করার আগে ছ'জন জিরিয়ে নেবে কয়েক মুহূর্ত ।

‘ও মহামহিমাময়ী দেবী !’ হঠাৎ স্তম্ভটা জড়িয়ে ধরে গাঢ় উদাস স্বরে বলে উঠলো আর্বাসেস, ‘তোমার ভক্তকে রক্ষা করো—তোমার প্রতিহিংসার আগুন বর্ষণ করো । অবিশ্বাসী বেঈমানের ওপর । তোমার পবিত্র আলয়ে তোমার সেবককে অপমান করে চলে যাবে ও, আর তুমি তা দেখবে মুখ বুজে ? জেগে ওঠো দেবী, অগ্নিবর্ষী দৃষ্টি হেনে ধ্বংস করে দাও ওকে ।’

আর্বাসেসের কথা শেষ হওয়ার আগেই ঘোর কালো মূর্তিটা সজীব হলো যেন । চোখ দুটো জ্বলে উঠলো আগুনের মতো, পুরো মূর্তিটার চারপাশে দেখা দিলো স্বচ্ছ লালি-আভা । মূর্তির নাক থেকে তীব্র বেগে বেরোতে লাগলো আগুনের হলকা । দেখতে দেখতে

উত্তাপ বেড়ে উঠলো কামরার। ভয় পেয়ে গেল প্রকাশ। সত্যিই দেবীর মূর্তি প্রাণ পেলো নাকি? ওর বিহ্বল ভাব দেখে আর সময় নষ্ট করলো না আর্বাসেস; নতুন উদ্যমে ঝাঁপিয়ে পড়লো শত্রুর ওপর।

ঠিক সেই মুহূর্তে ধর ধর করে কেঁপে উঠলো ওদের পায়ের নিচের মাটি। হুমড়ি খেয়ে পড়ে গেল দুই প্রতিদ্বন্দ্বী। আইসিস প্রতিমার স্তম্ভটা ছলছে। বেদীর ওপর থেকে ব্রোঞ্জের তেপায়াটা ছিটকে গিয়ে পড়লো একদিকে।

এপিসাইডেস আর দেরি করা সমীচিন মনে করলো না। দোহল্য-মান মেঝের ওপর দিয়ে ছোরা হাতে ছুটলো আর্বাসেসের দিকে। কিন্তু ও পৌছানোর আগেই আইসিসের মূর্তি ধারণ করে থাকা স্তম্ভটা ভেঙে পড়লো কয়েক টুকরো হয়ে। পাথরের মূর্তিটাও টুকরো টুকরো হয়ে ছড়িয়ে পড়লো চারদিকে। এবং এমনই কপাল আর্বাসেসের, আরাধ্য দেবীর ভুল্লুপ্ত মণ্ডটা ছুটে গিয়ে আঘাত করলো তার মাথায়। আত্ননাদ করে মাটিতে লুটিয়ে পড়লো মিশরীয়।

ইতিমধ্যে পায়ের নিচে মাটির কাঁপুনি ভয়ানক হয়ে উঠেছে। আর্বাসেস মরলো না বাঁচলো দেখার জন্যে দাঁড়ালো না প্রকাশ ও এপিসাইডেস, আয়োনকে (ইতিমধ্যে জ্ঞান ফিরে পেয়েছে ও) নিয়ে ছুটে চলে এলো বাগানে। পেছনদিকের যে গোপন পথ থেকেছিলো সে পথেই বেরিয়ে এলো রাস্তায়। সারা পম্পেই তখন কাঁপছে ধর ধর করে। প্রাণভরে ছুটোছুটি করছে আতঙ্কিত নরনারী। নবার কণ্ঠে একটাই রব : 'ভূমিকম্প! ভূমিকম্প!'

গোপন দ্বারের মুখে পৌঁছে প্রকাশ, এপিসাইডেস ও আয়োন দেখলো, মুখ নিচু করে বসে আছে অন্ধ ফুলওয়ালী নিডিয়া। কান্নার দমকে কেঁপে কেঁপে উঠছে তার দেহ।

দশ

পরদিন সকাল ।

এপিসাইডেস হেঁটে চলেছে পম্পেই-এর ব্যস্ত রাজপথ দিয়ে ।
 ওর গায়ে কাল রাতের সেই ছদ্মবেশ । ওকে দেখে—অন্তত ওর
 পোশাক দেখে কেউ এখন আন্দাজ করতে পারবে না, ও আইসিসের
 পুরোহিত । কাল রাতে আয়োনকে বাড়ি পৌঁছে দিয়েই ও বিদায়
 নিয়েছিলো । রাত কাটিয়েছে সার্নাস তীরের এক কোপে বসে ।
 সূর্যোদয়ের পর চলে এসেছে শহরে । আবার ওর মন ফতবিক্ষত
 হতে শুরু করেছে অসুহৃদ স্নেহর টানা পোড়েনে । একটা ব্যাপারে ও
 নিশ্চিত, আর্বাসেসের মতো বদ লোকের কথা সত্যি হতেই পারে
 না । তাহলে সত্যিটা কী ? কে এই পৃথিবীর কারিগর ?

হাঁটতে হাঁটতে এক জটলার কাছে পৌঁছলো এপিসাইডেস ।
 পাশ কাটিয়ে এগিয়ে যাওয়ার সময় চোখ গেল নাথরেন অলিন-
 থাসের দিকে । ভুরুছোড়া কুঁচকে উঠলো ওর মনে মনে প্রশ্ন
 করলো, ‘এ-ও কি আর্বাসেসের মতো ভাঙা রাজা ?—মুখে এক
 ঈশ্বরের কথা বলে মনে মনে লাম্পটের খুঁটিনা করে ?’

জটলা পেরিয়ে এসেছে এপিসাইডেস, এই সময় পেছন থেকে
 ভেসে এলো গম্ভীর কোমল একটা গলা : ‘শান্তি তোমার সঙ্গী

হোক ।’

ঘুরে দাঁড়ালো তরুণ পুরোহিত । অলিনথাস দাঁড়িয়ে আছে ওর সামনে । মুখে সহজ সহৃদয় হাসি ।

‘শান্তি !’ ব্যঙ্গের সুর এপিসাইডেসের গলায় । ‘আর কথা পেলো না ?’

‘আমার এই সম্বোধনের ভেতর ছনিয়ার বাবতীর শুভ লুকিয়ে আছে,’ বললো অলিনথাস । ‘মনের শুদ্ধতা ছাড়া তো তুমি শান্তি পাবে না । শান্তিকে যদি বিদ্রূপ করো শান্তি তোমার নাগাপের বাইরেই থাকবে ।’

‘হায় শান্তি !’ আবার উচ্চারণ করলো এপিসাইডেস । এবার আর ব্যঙ্গ নয়, হতাশা ধ্বনিত হলো ওর কণ্ঠে ।

অলিনথাস এগিয়ে এসে ওর হাত ধরলো ।

‘আমার কথা শোনো,’ বললো সে, ‘শুনে দেখ শান্তি পাও কি না । যদি না পাও চলে যেও তোমার পথে ।’

‘শুনবো তোমার কথা,’ বললো এপিসাইডেস, ‘তবে এখানে নয়, দেখছো না লোকজন কেমন কৌতূহলী হয়ে তাকিয়ে আছে আমাদের দিকে ?—চলো সার্নাসের তীরে ।’

মাথা নুইয়ে সম্মতি জানালো অলিনথাস । ‘চলো ।’

ছপূরের কিছু আগে । সার্নাসের বুক বেয়ে সাগরের দিকে চলেছে এক প্রমোদ তরী । তিনজন আরোহী তাতে, প্রকাশ আয়োন আর নিডিয়া । প্রকাশ বরাবরের মতো হাসিখুশি প্রাণচঞ্চল, তবে আয়োনের মুখ শুকনো । কাল রাতের ধাক্কা এখনো সামলে উঠতে পারেনি । আর নিডিয়া—আয়োনের চেয়ে ছরবস্থা তার । ও কিছু-

তেই আসতে চাখনি এই প্রমোদ ভ্রমণে। ব্রকাসের পীড়াপীড়িতে এসেছে। কাল আর্বাসেসের ছুয়াংরে বসে যে কান্না ও কাঁদছিলো সেই কান্না এখনো ওর বুকে চাপ ধরে রয়েছে। সেজন্যে ও কষ্ট পাচ্ছে আরো বেশি। চিৎকার করে যদি কেঁদে নিতে পারতো কিছুক্ষণ তাহলে হয়তো স্বস্তি পেতো।

‘আচ্ছা, ব্রকাস,’ হঠাৎ আয়োন প্রশ্ন করলো, ‘তুমি আর এপি-সাইডেস কাল জানলে কি করে, আমি বদ লোকটার থপ্পরে পড়েছি?’

‘ঐ যে ওকে জিজ্ঞেস করো,’ মুছ হেসে নিডিয়াকে দেখিয়ে দিলো ব্রকাস। ‘সব ধন্যবাদ ওর প্রাপ্য, আমাদের নয়। তোমার বাড়িতে গিয়ে ও জানতে পারে তুমি কোথায় গেছ। সঙ্গে সঙ্গে ছুটে আসে আমাকে খবর দেয়ার জন্যে। কিন্তু আমি তখন বাড়ি থেকে বেরিয়ে গেছি বন্ধুদের সঙ্গে। তখন ও ছুটে যায় আইসিসের মন্দিরে তোমার ভাইকে খবর দেয়ার জন্যে। ছ’জনে তারপর রওনা হয় আর্বাসেসের বাড়ির দিকে। পথে দেখা হয় আমার সাথে। আমি ঐ পথেই হেঁটে আসছিলাম বন্ধুদের সঙ্গে। তোমার চিঠি পেয়ে আমার মনের অবস্থা তখন কেমন নিশ্চয়ই অনুমান করতে পারছো? মনের খুশিতে মুখ খুলে গিয়েছিলো আমার। আমার গলা শুনেই নিডিয়া চিনতে পেরে এগিয়ে আসে। আমাকে একটু দূরে টেনে নিয়ে বলে, গল্প কথা। তক্ষুণি বন্ধুদের কাছ থেকে বিদায় নিয়ে আমি রওনা হলাম ওদের সাথে। বাগানের গোপন দরজার কাছে নিয়ে গেল আমাদের নিডিয়া। সংকেত শব্দ বলতেই দরজা খুলে দিলো দাস। ওকে কানু করে ভেতরে ঢোকা কঠিন কিছু হলো না। আমার আর এপিসাই-ডেসের পক্ষে। বাগানে পৌঁছেই শুনে পাই তোমার চিৎকার। বাকিটুকু তো তুমি জানো।’

নিভিয়ার দিকে তাকালো আয়োন। যুহ হেসে বললো, ‘বলে-
ছিলাম তুমি আমার বোন এবং বন্ধু হবে, এখন দেখি অভিভাবক
এবং রক্ষাকর্তা হয়ে উঠেছো।’

‘ও কিছু না,’ শীতল কঠে বললো নিভিয়া।

‘কিছু না মানে।’ বলে আয়োন উঠে ওর কাছে গেল। হু’হাতে
মুখটা ধরে চুমোয় চুমোয় তরে দিলো গাল। ‘কাল তুমি আমার
প্রাণ বাঁচিয়েছো, নিভিয়া।’ এক মুহূর্ত চুপ করে থেকে আয়োন
আবার বললো, ‘আর্বাসেসের বাড়িতে যাওয়া মানে বিপদে পড়া,
কি করে বুঝলে? লোকটার স্বভাব সম্পর্কে আগে থাকতে জানতে
নাকি তুমি?’

‘হ্যাঁ, জানতাম কিছু কিছু।’

‘কি করে?’

‘মহান প্রকাশ আমাকে কিনে নেয়ার আগে যাদের কাছে ছিলাম
তারা স্বামী স্ত্রী দু’জনই খুব বাজে ধরনের মানুষ—পয়সার বিনিময়ে
আর্বাসেসের সেবা করতো ওরা। ওরা গান গাইতে পাঠিয়েছিলো
আমাকে ও বাড়িতে।’

‘সেজন্যেই ও বাড়ির গোপনপথ এবং সংকেত শব্দ তোমার
জানা?’

‘হ্যাঁ।’

‘আমাকে যে বিপদ থেকে উদ্ধার করেছো সে বিপদে তুমিও পড়ে-
ছিলে?’

‘না। আমি একে ক্রীতদাসী, তার শ্রমী, তার ওপর আবার
অন্ধ—আমার কী বিপদ হবে?’

‘তুমি শ্রমী! কে বলেছে এমন জঘন্য মিথ্যে কথা?’

‘মিথ্যে না সত্যি বাচাই করার কোনো উপায় কি আমার আছে?’
দীর্ঘশ্বাস ফেলে বললো নিউরি।

মার্নাস ভীরের এক কুঞ্জবনে গিয়ে বসলো অলিনথাস আর এপি-
সাইডেস। নিরবে কিছুক্ষণ নদীর শ্রোতধারার দিকে চেয়ে রইলো
দু’জন।

‘সেদিন যে আমার কাছ থেকে অমন ছুটে পালিয়ে গেলে,’ অব-
শেষে নীরবতা ভাঙলো অলিনথাস, ‘তারপর কি স্থিতি পেয়েছিলে
তুমি? তোমার ঐ পুরোহিতের আলখাল্লার ভেতর শাস্তির সন্ধান
পেয়েছিলে?’

‘না, অলিনথাস,’ হতাশ কণ্ঠে বললো এপিসাইডেস। ‘শাস্তি
আমি আর কোনোদিনই পাবো না। ছেলেবেলা থেকে যে স্বপ্ন
দেখে এসেছে ন্যায়বান, নীতিবান মানুষ হিসেবে গড়ে উঠে মানব
কল্যাণে জীবন উৎসর্গ করবে সে যদি যৌবনের দ্বারপ্রান্তে পৌঁছে
হঠাৎ একদিন তার শিক্ষকের কাছে শোনে, এতদিন সে যা শিখেছে
সব মিথ্যা, ন্যায়-নীতি, মানব কল্যাণ এসব আসলে কিছু ফাঁকা
বুলি ছাড়া আর কিছু নয়, পৃথিবীটা শক্তিমানের লীলাক্ষেত্র আর
ভোগের জায়গা, জীবনটাকে ভোগ করাই মানুষের প্রথম এবং প্রধান
কর্তব্য—তাহলে বলো সেই ভ্রূণের মানসিক অবস্থা কেমন হতে
পারে? সারাজীবন সত্যের পেছনে ছুটে আজ দেখছি আমি মিথ্যার
কারাগারে বন্দী। সে জন্যেই তোমার সাথে এলাম, অলিনথাস।
তোমার কথা শুনতে কোনো আগ্রহ নেই আমার। বলো তোমার
বিশ্বাসের কথা, দেখাও কি জাহ্নু দেখাচ্ছে; দেখি সত্যের সন্ধান পাই
কিনা তার ভেতর।’

‘দেখ, এপিসাইডেস, আমি কোনো জাহ্নু জানি না,’ শুরু করলো নাথারেন অলিনথাস। ‘আমার দ্বারা শুরু তাঁরাও জানেন না। জাহ্নু দেখানোর ক্ষমতা রাখেন একমাত্র ঈশ্বর—সত্যিকারের ঈশ্বর। এবং সে জাহ্নু তিনি দেখিয়েছেনও আশি বছর আগে। কুমারী মা মেরীর গর্ভে সন্তান দিয়েছিলেন তিনি। সেই সন্তান আমার প্রভু যীশু। পৃথিবীর সকল মানুষের সামনে স্বর্গদ্বার খুলে দেয়ার জন্যে জীবন দিয়েছিলেন।’

অলিনথাসের কথায় কি যেন এক অনির্বচনীয় আশ্বাস বংকার। শুনে এপিসাইডেসের হতাশ মনে ফুটে উঠলো নবীন আশার ক্ষীণ এক আলোকরশ্মি। আর্বাসেসের বাড়িতে সে রাতে ওর যে পদাঙ্কলন যে আত্মবিস্মৃতি তার ছঃসহ গ্রানি ওকে তাড়িয়ে নিখে বেড়িয়েছে গত দিনগুলো। এক মৃত্যু ছাড়া সে গ্রানি থেকে মুক্তির কোনো পথ আছে ও ভাবতে পারেনি। কিন্তু অলিনথাসের কথা যদি সত্যি হয়; সত্যিই যদি পাপী-তাপী, অসুখী আত্মার মুক্তির পথ নির্দেশ করে গিয়ে থাকে ওর প্রভু? নাথারেন (খ্রীষ্টের অনুসারী)দের সম্পর্কে এতদিন হীন ধারণাই পোষণ করে এসেছে এপিসাইডেস। ওরা কোনো দেবদেবী মানে না। এটা কি সম্ভব?—ঈশ্বরে বিশ্বাস করবো অথচ দেবদেবী মানবো না? এই কারণেই গ্রীক, রোমান, মিশরীয়—সবাই একবাক্যে ঈশ্বার দেয় নাথারেনদের।

কিন্তু আজ কোনোদিকে কোনো কূল দেখতে না পেয়ে এপিসাইডেস অলিনথাসের ঐ প্রভুর প্রতি একটু যেন শ্রদ্ধা অনুভব করলো মনের কোণে। পৃথিবীর সকল মানুষের সামনে স্বর্গদ্বার খুলে দেয়ার জন্যে যিনি প্রাণ দিয়েছেন তাঁর বাগী একটিবার শুনতে দোষ কী? পৃথিবীর সব মানুষের একজন তো এপিসাইডেসও। যীশু যদি তাঁরও

মুক্তি কামনা করে থাকেন তো তিনি অবশ্যই এপিসাইডেসের শ্রদ্ধা-ভাজন। শুনেই দেখা যাক না তাঁর বাণী। বিশ্বাস হলে ভালো, না হলেই বা ক্ষতি কী? যে অন্তর্জালায় ও ঝলছে তা আর কতটুকুই বা বাড়বে? অলিনথাসকে ও বললো :

‘শোনাও তাহলে তোমার প্রভুর বাণী।’

‘এখানেই শুনবে?—না আমাদের প্রার্থনাগৃহে যাবে? সাধারণত আমরা রাতেই ওখানে মিলিত হই, তবে এসময়েও অনেকে থাকে। যাবে, এপিসাইডেস? আমাদের প্রার্থনা দেখবে, দেখবে কিভাবে আমরা আমাদের কৃত পাপের ক্ষমাভিক্ষা করি মহান ঈশ্বরের কাছে। নাযারেথের এক মেমপালক পৃথিবীর পাপীদের কত ভালোবাসতেন শুনবে, শুনবে কীভাবে ক্রুশবিদ্ধ হয়ে প্রাণ দিচ্ছেছিলেন তিনি তাদেরই জন্যে।’

‘নিয়ে চলো আমাদের,’ বললো এপিসাইডেস।

এগারো

দিন গড়িয়ে যাচ্ছে দ্রুত—অদ্রুত প্রকাস জ্বল আয়োনের। কোন দিক দিয়ে যে জুলাই পেরিয়ে অগাস্ট এসে গেছে টের পায়নি ওরা। ইতিমধ্যে বিয়ের কথাবার্তা পাকাপাকি হয়ে গেছে ওদের। দিন ধার্য হয়েছে আগামী মাসে। দুই বাড়িতেই সাজসাজ রব পড়ে গেছে।

ঘর জুয়ার ঝাড়া মোছা, সাজসজ্জার ধুম পড়ে গেছে। দুই বাড়ির কর্তা ও কর্ত্রীর মতো তাদের দাসদাসীরাও আনন্দে উদ্বেল। আনন্দ নেই কেবল নিভিয়ার মনে। দিনের বেশিরভাগ সময়ই ওকে কাটাতে হয় আয়োনের সাথে। মাঝে মাঝে গ্লকাস আর আয়োন যখন বেড়াতে যার সঙ্গে যেতে হয় ওকে। কিন্তু যখনই একা থাকে বসে বসে ভাবে নিভিয়া। এবং সে ভাবনার পুরোটা জুড়ে থাকে গ্লকাস। ইঁ্যা, গ্লকাসকে ভালোবাসে নিভিয়া। জন্ম দুখী মেয়েটা জীবনে প্রথম ভালো ব্যবহার পেয়েছে এই গ্লকাসের কাছে। প্রথম প্রথম গ্লকাসের জন্যে ওর যা ছিলো তা কৃতজ্ঞতা। কিন্তু কখন যে সেটা আকর্ষণ এবং তারপর প্রেমে পরিণত হয়েছে, নিভিয়া টেরও পারনি। যেদিন পেলো সেদিন বুঝলো ও মস্ত ভুল করে ফেলেছে; এবং এমন ভুল যা শোধরানোর কোনো উপায় নেই। এমন একজনকে সে ভালোবেসেছে যে ভালোবাসে অন্য একজনকে।

অগাস্টের শেষ দিকে এক সন্ধ্যায় লাঠি ঠুকে ঠুকে নিভিয়া চলেছে আয়োনের বাড়ি। মনে মনে ভাবছে আয়োনের সৌভাগ্যের কথা। সারাজীবন গ্লকাসের পাশে পাশে থাকতে পারবে, যখন তখন ওর কথা শুনতে পাবে, এর চেয়ে বড় সৌভাগ্য কোনো নারীর জীবনে আসতে পারে, নিভিয়া ভাবতেই পারে না। হঠাৎ নারী কণ্ঠের চিংকারে বাধা পেলো ওর ভাবনা।

‘কি গো, কানা ফুলওয়ালী, যাচ্ছে কোথায়? হাতে ভালি দেখছি না, সব ফুল বিক্রি হয়ে গেছে নাকি?’

কথাগুলো বললো পম্পেই-এর মহাশয়ালী বণিক ডাওমেড-এর স্ত্রী মেয়ে জুলিয়া। ওর সঙ্গে রয়েছে ডাওমেড নিজে আর লঠন-ধারী এক দাস। প্রতিবেশী এক বণিকের বাড়িতে দাওয়াত খেয়ে

ফিরছে ওরা। জুলিয়া ডাওমেডের একমাত্র সন্তান। সবাই জানে বুড়ো সওদাগর মারা গেলে তার সব সম্পত্তির মালিক হবে তার মেয়ে। তাই এখনই সবাই পম্পেই-এর সবচেয়ে ধনবতী মহিলা বলে গণ্য করে জুলিয়াকে। ওর ডাক শুনে দাঁড়িয়ে পড়লো নিডিয়া। যেদিক থেকে শব্দ এসেছে তাকালো সেদিকে।

‘আমার গলা চিনতে পারোনি?’ আবার বললো জুলিয়া, ‘আমি বণিক ডাওমেড-এর মেয়ে।’

‘চিনবো না কেন?—চিনেছি বলেই তো দাঁড়ালাম। ফুলের কথা জিজ্ঞেস করছিলেন?—আমি এখন আর ফুল বেচি না।’

‘শুনছিলাম গ্রীক প্রকাশ তোমাকে কিনে নিয়েছে, সত্যি নাকি?’

‘হ্যাঁ, সত্যি। তবে উনি আবার সুন্দরী আয়োনকে দান করে দিয়েছেন আমাকে।’

‘আচ্ছা! কথাটা তাহলে সত্যি—’

‘চল, চল,’ গায়ের আলখাল্লাটা গলার কাছে টেনে নিতে নিতে তাড়া লাগালো ডাওমেড, ‘ভীষণ ঠাণ্ডা পড়েছে আজ। আর আমি দাঁড়িয়ে থাকতে পারবো না এর ভেতর। কথা যদি বলতেই হয় কানা মেয়েটাকে নিয়ে চল বাসায়।’

‘আসবে?’ মিনতি ভরা কণ্ঠে বললো জুলিয়া। ‘তোমার সাথে অনেক কথা আছে আমার।’

‘এখন না,’ বললো নিডিয়া। ‘অনেক রাত হয়ে গেছে। আমাকে বাড়ি ফিরতে হবে। নিশ্চয়ই বুঝতে পারছেন আমার অবস্থা—আমি আপনার মতো মুক্ত মানুষ নই।’

‘কেন, আয়োন তোমাকে বকসে—ঠিক আছে, তাহলে কাল এসো। একসময় অনেক ফুল কিনেছি তোমার কাছ থেকে সেকথা

মনে করে এসো ।’

‘আচ্ছা, আসবো ।’

লাঠি ঠুকে ঠুকে আবার চলছে শুরু করলো নিডিয়া । জুলিয়াও বাবার সাথে রওনা হলো বাড়ির দিকে ।

বোনের সাথে দেখা করতে এসেছে এপিসাইডেস । আজ ওর গায়ে সাধারণ পোশাক । পুরোহিতের পোশাক অনেকদিন আগে খুলে ফেলেছে ও । সত্যি সত্যিই অলিনথাসের সাথে ওদের প্রার্থনা গৃহে গিয়ে শাস্তির সন্ধান পেয়েছিলো এপিসাইডেস । কিন্তু লোকালয়ে এসেই আবার দ্বিধা দ্বন্দ্ব দানা বাঁধতে থাকে মনে—আজন্নের লালিত সংস্কার কি একদিনে কাটে ? অবশেষে অনেক ভেবেচিন্তে ও এসেছে আয়োনের কাছে । যদি ওর সাথে আলাপ করে কোনো কুল পাওয়া যায় । ওপরে ওপরে ওকে শাস্ত দেখাচ্ছে বটে কিন্তু ভেতরে দোহুলা-মানতা রয়েই গেছে—যদিও ওর ঝোঁকটা এখন নাযারেনদের দিকেই বেশি ।

ভাইকে দেখেই উৎফুল্ল হয়ে উঠলো আয়োন । ওকে জড়িয়ে ধরে বললো, ‘এলি তাহলে আমাকে দেখতে ! কতদিন তুই আসিস না বল তো ? দেবতারা তোর মঙ্গল করুন ।’

‘দেবতারা ! এধরনের কথা না বলাই উচিত, আয়োন । হয়তো দেবতা একজনই ।’

‘কি বলছিস তুই, এপিসাইডেস ।’

‘হ্যাঁ, নাযারেনদের কথা যদি সত্যি হয় ? দেবতা বলো, ঈশ্বর বলো, পৃথিবীর প্রতিপালক প্রভু যদি সত্যিই একজন হন—তাহলে এতগুলো দেবতায় বিশ্বাস করো বলে কোথায় যেতে হবে জানো ?’

‘কি বলছিস তুই, এপিসাইডেস।’ আবার চিৎকার করলো আয়োন। ‘এমন কথা কি আমরা বিশ্বাস করতে পারি ?—না বিশ্বাস করা উচিত ? জন্মের পর থেকে যাদের জেনে আসছি মহাক্ষমতা-শালী হিশেবে তুই আজ তাঁদের উড়িয়ে দিতে চাইছিস ? বুঝেছি, পুরোহিতের কঠোর জীবন যাপন করতে করতে ক্লান্ত হয়ে গেছিস তুই। আর আমার সাথে, এখানে এসে বোস ? এ সম্পর্কে এখন আর একটা কথাও শুনতে চাই না।’

কিন্তু আয়োন শুনতে না চাইলেও এপিসাইডেস ছাড়বে কেন ?

‘আয়োন,’ ও বললো, ‘তুমি নিশ্চয় করে বলতে পারো, তোমার এই সুন্দর দেহ, আরো সুন্দর মন কখনো অনন্ত নরকের খাদ্য হবে না ?’

‘ভী সেলিওরা ! দেবতারা না করুন !’ বললো আয়োন।

আয়োনের কাছে এসেছিলো কূলের সন্ধানে, কিন্তু যে অকূলে ছিলো সেই অকূলেই রয়ে গেল এপিসাইডেস। ঠিক করলো নাথারেন অলিনথাসের সাথে আবার যাবে ওদের প্রার্থনাগৃহে। আর কিছু না হোক কিছুক্ষণের জন্যে হলেও শান্তি পাওয়া যায় ওখানে।

‘তাহলে আসি, আয়োন,’ বললো ও। ‘আবার যখন দেখা হবে সেদিন, জানি না, আমাকে ভাই বলে বুকে জড়িয়ে ধরতে পারবে কিনা; জানি না, আমিও তোমাকে এখনকার মতো সহজভাবে গ্রহণ করতে পারবো কিনা। যে পথের খোঁজ পেয়েছি, সে পথে হেঁটে দেখবো। আমার আরক ঠিকানার যদি পৌঁছতে পারি তোমাকে আসতে হবে আমার পথে, তুইলে ওখান থেকেই ভাগ হয়ে যাবে আমাদের পথ।’

অদ্বুত এই কথাগুলো বলে এপিসাইডেস বেরিয়ে গেল আয়োনের

বাড়ি থেকে ।

ডাওমেডের বাড়ি শহরের প্রান্তে । এত বড় বাড়ি সারা পম্পেই-এ আর আছে কিনা সন্দেহ । যেমন বড় তেমন সুন্দর আর সাজানো গোছানো । একটু বেশি জাঁকজমকের সাথে জীবন যাপন করে ডাওমেড । কারণ, এক কালে তার পিতা ছিলো ত্রীতদাস । পুরনো সেই কলঙ্কের কথা মানুষের মন থেকে মুছে ফেলার জন্যেই বেহিশেবি খরচের প্রদর্শনী করে ডাওমেড ।

এই মুহূর্তে ডাওমেডের বাড়ির প্রধান দরজাটা খোলা । সেই দরজার নিচে সিঁড়ির গোড়ায় বসে আছে বৃদ্ধ দাস মেডন । সৌম্য শান্ত চেহারা । শোনা যায় সে নাকি অলিনথাসের শিষ্য, খ্রীষ্টের ধর্মবিশ্বাসে বিশ্বাসী । কলসি হাতে এক তরুণী পানি আনতে যাচ্ছিলো, বৃদ্ধকে দেখে থেমে দাঁড়ালো ।

‘খবর শুনেছো, মেডন ?’ বললো তরুণী ।

‘খবর ! কী খবর ?’

‘কেন, তুমি কিছু জানো না ? এই দরজার সামনে দিয়েই তো গেল সকালবেলা, তুমি ঘুমিয়ে ছিলে নাকি ?’

‘হতে পারে,’ বিরক্ত মুখে বললো বৃদ্ধ দাস ।

‘নাহ, তুমি একেবারে গেছ—পম্পোনিরানুস-এর বৃদ্ধলোকরা কি দারুণ এক উপহার পাঠিয়েছে, আর তুমি—’

‘উপহার !’ বাধা দিয়ে বললো মেডন, ‘আমি ভাবছিলাম, জাঁদ-রেল কোনো অতিথি এসেছে বুঝি ।’

‘যা এসেছে তাকে অতিথি, উপহার দুটোই বলতে পারো ।’

‘তা জিনিসটা কী, বলো শুনি

‘দারুণ একটা বাঘ—আমাদের অ্যাফিথিয়েটারে লড়ার জন্যে পাঠিয়েছে। উহু কী যে মজা এবার হবে! ওটাকে এক পলক দেখার আগে আমি ঘুমাতে পারবো না!’

তরুণীর উত্তেজনা এক বিন্দু সংক্রমিত হলো না বুদ্ধের ভেতর। সে শুধু বললো, ‘বোকার দল!’

‘বোকার দল! কী বলছো তুমি! আগে এসেছে সিংহ, এখন এলো বাঘ। এবার লড়াইটা কেমন জমবে কল্পনা করতে পারছো?—কিন্তু কথা হচ্ছে কে লড়বে ওদের সাথে? প্রাণদণ্ডে দণ্ডিত অপরাধী তো এখন একটাও নেই শহরে। আমাদের বিচারকগুলোর যদি কোনো আক্কেল থাকে! সিংহ এলো, বাঘ এলো, অথচ তাদের সামনে ধরে দেয়ার মতো মানুষ নেই। শেষকালে বোধহয় জন্তুছটোকেই লাগিয়ে দিতে হবে নিজের ভেতর লড়ার জন্যে। হি, এবার আমাদের পম্পেই-এর দুর্নাম হয়ে যাবে!’

হঠাৎ একটা কথা মনে পড়ে গেল মেয়েটার। গলার গিনতি ফুটিয়ে সে বললো, ‘আচ্ছা মেডন, তোমার ছেলে তো গ্যাডিয়েটার, ওকে বলো না বাঘটার সাথে লড়তে। সারা শহরের মানুষ ধন্য ধন্য করবে তোমাকে আর তোমার ছেলেকে।’

‘হতভাগী ছুঁড়ি!’ গর্জে উঠলো মেডন, ‘নিজের বিপদ নিয়ে ভাব, আমার ছেলেকে বিপদের মধ্যে টেনে আনতে বত্বিস কেন?’

‘আমার বিপদ!’ সম্ভ্রান্ত ভঙ্গিতে চারপাশে তাকাতো তাকাতো বললো তরুণী। ‘দেবতার! না করুন। তোমার অভিশাপ তোমার মাথায়ই পড়ুক, বুড়ো শয়তান!’ গলার খোলানো একটা মাছলি স্পর্শ করলো সে। ‘আমার বিপদ! আমার আবার কী বিপদ হবে?’

‘সেদিন রাতে যে মিকম্প হলো, তা থেকে কোনো সাবধান

বাণী পাননি ? বুঝতে পারিসনি ও বলে গেল, “মৃত্যুর জন্যে প্রস্তুত হও ; সবকিছুর শেষ হতে আর দেরি নেই ?”

‘দূর, দূর ! তুমি দেখি ঐ নাবারেনদের মতো কথা বলছো !’ বলে আর দাঁড়ালো না মেয়েটা। ‘ও হারকিউলিস, সিংহের সাথে লড়ার জন্যে একজন মানুষ দাও, আরেকজন দাও বাঘটার সাথে লড়ার জন্যে,’ বিড় বিড় করে প্রার্থনা করতে করতে নিজের পথে চলে গেল সে।

‘আমার লাইডন, আমার ছেলে !’ নিজের মনে বলতে লাগলো বুড়ো মেডন। ‘এজন্যেই কি তোকে আমি বড় করে তুলেছি ? এ-ই কি আছে তোর ভাগ্যে ?’

বুকের ওপর বুলে পড়লো তার মাথা। যীশুর পবিত্র বাণী মনে মনে আউড়ে শাস্ত করার চেষ্টা করতে লাগলো বিক্ষিপ্ত মনকে। হঠাৎ একটা ভরাট গলা কোমল স্বরে ডাকলো তাকে :

‘বাবা !’

চমকে মুখ তুলে তাকালো বৃদ্ধ। খুশির হাসিতে উজ্জ্বল হয়ে উঠলো মুখ। বললো, ‘লাইডন ! বাপ আমার, তুই এসেছিস ! এতক্ষণ তোর কথাই ভাবছিলাম।’

‘বেশিদিন আর ভাবতে হবে না,’ সঙ্গত ভঙ্গিতে বাপের হাঁটু এবং দাড়ি স্পর্শ করে বললো লাইডন। ‘শিগগিরই এমন দিন আসবে যখন সব সময় আমি তোমার কাছে কাছের থাকবো।’

‘তেমন দিন কি আর আসবে রে ?’ ব্যথিতস্বরে বললো মেডন।

‘অমন কথা বোলো না তো, বাবা। আসবে না মানে ? একশো বার আসবে। অ্যাফিথিয়েটারের প্রতিযোগিতায় আমি জিতবো। যে স্বর্ণমুদ্রা পাবো তা দিয়ে সহজেই তোমাকে মুক্ত করতে পারবো।

‘আর ক’টা দিন ধৈর্য ধরো, বাবা।’

‘লাইডন! আমার লাইডন!’ বলতে বলতে উঠে দাঁড়িয়ে বুদ্ধ জড়িয়ে ধরলো ছেলেকে। ‘ও কথা বলিস না। তুই যা করতে চাই-
হিস, সে মহাপাপ। বাপের মুক্তির জন্যে প্রাণের কুকি নিবি—
ভালো কথা। কিন্তু তোর জয় অন্য একজনের মৃত্যুর কারণ হবে না?
না, বাপ, ওকাজ তুই করিস না। আর ক’টা দিনই বা আমি
বাঁচবো?—যেমন আছি, কাটিয়ে দিতে অসুবিধা হবে না।’

‘রাখো তো,’ অস্থির কণ্ঠে বললো লাইডন। ‘এসব তোমার সেই
নাথারেন অলিনথাসের শেখানো বুলি।’

‘না, রে, এ আমার মনের কথা। অলিনথাস নয়, এ হলো মহান
প্রভু খ্রীষ্টুর শিক্ষা।’

‘খার শিকাই হোক, আগে তোমাকে মুক্ত করবো, তারপর অন্য
কথা।’

বুদ্ধকে আর কিছু বলার সুযোগ না দিয়ে চলে গেল লাইডন।
যতক্ষণ না ও পথে নেমে জনতার ভীড়ে মিশে গেল ততক্ষণ তাকিয়ে
রইলো মেডন। তারপর সশব্দে একটা দীর্ঘশ্বাস ফেলে আবার ডুবে
গেল ভাবনায়। কিছুক্ষণ পর একটা কোমল মিষ্টি গলা শুনে আবার
মুখ তুলে তাকালো সে।

অন্ধ একটি মেয়ে দাঁড়িয়ে আছে লাঠি ভর দিয়ে

‘চুকতে পারি বাড়িতে?’ জিজ্ঞেস করলো মেয়েটি। ‘তোমার
মনিবানি কি আছেন?’

‘আছেন, যাও,’ বলে নিভিয়াকে ভেতরে যাওয়ার ইশারা করলো
মেডন।

*

*

*

জুলিয়া তখন সাজঘরে বসে সাজসজ্জা করছে জন ছুই দাসীর সহায়-
তায়। এই সময় আরেক দাসী নিভিয়াকে নিয়ে গেল সেখানে।

‘আহ, নিভিয়া, এনেছো!’ জুলিয়া বললো, ‘একটু বোসো, এই
আমার হয়ে গেল বলে।’

যে দাসী পথ দেখিয়ে এনেছে সে একটা টুল এগিয়ে দিলো নিভি-
য়ার দিকে।

সাজ শেষ করে জুলিয়া অনেকক্ষণ একদৃষ্টিতে তাকিয়ে রইলো
নিভিয়ার দিকে। কি বলবে মনে মনে ভেবে নিলো বোধহয়। তার-
পর দাসীদের ইশারায় বললো বেরিয়ে গিয়ে দরজা ভিড়িয়ে দিতে।

‘নিয়াপোলিটান আয়োনের বাড়িতে কাজ করো তুমি?’ অবশেষে
জিজ্ঞেস করলো জুলিয়া।

‘আপাতত ওঁর বাড়িতে আছি আমি,’ জবাব দিলো নিভিয়া।

‘লোকে যেমন বলে তেমন সুন্দরী ও?’

‘আমি কি করে জানবো!’

‘ও, তাই তো, একদম ভুলে গেছিলাম, তোমার চোখ নেই।
ওবাড়িতে আর যেসব দাসদাসী আছে তাদের কাছে শোনোনি
কখনো?’

‘হ্যাঁ, ওরা বলে, উনি সুন্দরী।’

‘লম্বা কিনা বলেনি কখনো?’

‘হ্যাঁ, লম্বা।’

‘আমিও লম্বা।—চুল কালো?’

‘সেরকমই শুনেছি।’

‘আমারও চুল কালো। প্রকাস প্রায়ই ওঁর বাড়িতে যায়?’

‘রোজ।’

‘রোজ ! থকাস পছন্দ করে আয়োনকে ?’

‘মনে হয় । আগামী মাসে উদের বিয়ে হবে ।’

‘বিয়ে !’ আত্ননাদের মতো শোনালো জুলিয়ার চিংকার । প্রসাধন চটিত মুখটা ক্যাকাসে হয়ে গেল । অনেকক্ষণ কোনো কথা বলতে পারলো না সে ।

‘শুনেছি তোমার দেশ নাকি খেসালি,’ অবশেষে নীরবতা ভাঙলো জুলিয়া ।

‘ঠিকই শুনেছেন ।’

‘খেসালি তো জাহ, তুকতাক আর বশীকরণের বেশ—তুমি জানো নাকি এসব বিদ্যা একটু আধটু ?’

‘আমি !’ সবিস্ময়ে বললো নিডিয়া, ‘আমি ! আমি কী করে জানবো ? না, না, আমি জানি না !’

‘জানলে ভালো করতে । তোমার মুক্তি কেনার মতো সোনা তোমাকে দিতে পারতাম বিনিময়ে ।’

‘কিন্তু কেন ? আমি তুকতাক জানলে আপনার কী লাভ ?’

‘একজনকে বশ করতে চাই আমি ।’

‘আপনি বশ করতে চান । সারা পম্পেই আপনার রূপ, আপনার বিত্তের কাছে মাথা নোয়াতে রাজি, আর—’

‘সারা পম্পেই, কিন্তু আমি যাকে চাই সে নয় ।’

‘কে সে ?’

‘থকাস নয়,’ নারীমূলভ ছলনার আশ্রয় নিলো জুলিয়া । ‘উহু,’ থকাস নয় !’

এবার একটু ঘেন স্বস্তির সঙ্গে নিশ্বাস ফেললো নিডিয়া । আয়োনই কেবল ওর প্রতিদ্বন্দ্বী, জুলিয়া নয় ।

‘তোমার কাছে প্রকাশ আয়োনের প্রেমের কথা শুনে মনে হলো, নিশ্চয়ই মেয়েটা বশীকরণ খাইয়েছে ওকে, তাই জিজ্ঞেস করছিলাম তুমি জানো নাকি ওধরনের কোনো ওষুধ। জানলে তোমার কাছ থেকে বানিয়ে নিয়ে আমার ভালোবাসার জনকে খাওয়াতাম। আমি, ডাওমেডের মেয়ে একজনকে ভালোবাসবো, বিনিময়ে কিছুই পাবো না, এ হতে পারে না।’

‘এখন বুঝতে পারছি, জানলে সত্যিই ভালো হতো,’ বিড় বিড় করলো নিডিয়া।

জুলিয়ার ব্যাথা অনুভব করেই যে নিডিয়া একথা বললো তা নয়, তবে জুলিয়া ভাবলো তা-ই। বললো, ‘ঠিক আছে তুমি না হয় না-ই জানলে, এই পম্পেই শহরে এমন কাউকে চেনো না যে জানে বশীকরণ মন্ত্র ? হিন্দ-এ বা মিশরে প্রচলিত জাহুমন্ত্রে পারদর্শী কেউ নেই আমাদের এই শহরে ?’

‘মিশরের জাহু ?—হ্যাঁ !’ বৃকের ঝুপঝুপানি বেড়ে গেল নিডিয়ার। ‘আছে ! পম্পেই-এর কে না শুনেছে আর্বাসেসের কথা ?’

‘আর্বাসেস ! ঠিক ! কিন্তু লোকটা তো মহাধনী। পয়সার বিনিময়ে কি আমার হয়ে কাজ করবে ?’

‘তা তো আমি বলতে পারি না।’

‘ঠিক আছে, আমি যাবো তার কাছে। দেখি সে কী বলে।’

‘আপনি যাবেন ! কিন্তু—কিন্তু শুনেছি ও বাস্তবিক নাকি ভদ্র-মহিলাদের খাওয়া নিরাপদ নয়।’

‘কেন ?’

‘শুনেছি, সুন্দরী মেয়ে দেখলেই ও তাঁকে লোভের কাদে ফেলার চেষ্টা করে।’

‘তাই নাকি ? তুমি তো আমার কৌতূহল জাগিয়ে দিলে কুল-ওয়ালী,’ বললো জুলিয়া। ‘লোভের ফাঁদে ফেলার চেষ্টা করে মানে নিশ্চয়ই বশীকরণমন্ত্র জানে। আজই আগি যাবো—না এখনই।’

ইতিমধ্যে নিডিয়াও কৌতূহলী হয়ে উঠেছে। সত্যিই জুলিয়া আর্বাসেলের কাছ থেকে বশীকরণ মন্ত্র বা ওষুধ আনতে পারে কিনা দেখতে চায়। যদি পারে তাহলে নিডিয়াও পারবে একটা কাজ করতে—অবশ্য সময় সুযোগ পেলো। দেখাই যাক না কী হয়।

‘সেই ভালো,’ বললো নিডিয়া। ‘এখন তার যা অবস্থা, কোনো রকম শয়তানি করতে পারবে বলে মনে হয় না।’

‘শয়তানি। ডাওমেডের মেয়ের সঙ্গে শয়তানি করবে এত বড় সাহস কার হবে ? আমি এখনই যাবো।’

‘আমি কি পরে আবার আসবো আপনার কাছে, কি হলো শুনতে ?’ জিজ্ঞেস করলো নিডিয়া।

‘নিশ্চয়ই। তোমাকে দেয়ার মতো আরো কাজ আছে আমার। কাল এ সময় এসে।’

বারো

হ্যাঁ, আর্বাসেল মরেনি। মারাত্মক রোগ তই লেগেছিল মাথায়, কিন্তু অসাধারণ জীবনীশক্তির কল্যাণে সে ফিরে এসেছে মৃত্যুর দ্বার

থেকে । কয়েকদিন একটানা অচেতন থাকার পর ধীরে ধীরে সূস্থ হয়ে উঠতে শুরু করেছে । এখন সে সম্পূর্ণ নিরাপদ, যদিও শরীরটা খুবই দুর্বল ।

বাড়ির বাগানমুখী ঝুল বারান্দায় একটা আরাম আসনে বসে আছে সে । অসুস্থতার কারণে দুখটা ফ্যাকাসে । হেলান দিয়ে বসে আকাশের দিকে তাকিয়ে আছে । নিজের নিয়তি নিয়ে ভাবছে ।

‘অ’র ভয় কী ?’ মনে মনে বললো আর্বাসেস । ‘তোমার ফাঁড়া তো কেটে গেছে, আর্বাসেস ! এখন থেকে তোমার গতি হবে অব্যাহত সৌভাগ্যের পথে । বিপদ কাটিয়ে উঠেছো তুমি, আর চিন্তা নেই । এবার তোমাকে প্রস্তুত হতে হবে প্রতিশোধ নেয়ার জন্যে । ঐ গ্রীক ছোকরা দ্বিতীয়বার যেন পালাতে না পারে তোমার হাত থেকে ।’

একটু নড়ে চড়ে বসে সিঁড়ি বিড় করে উঠলো আর্বাসেস, ‘না, আর পালাতে পারবে না আমার হাত থেকে । যে বেয়াদবী ও করেছে তার মাণ্ডুল দিতে হবে কড়ায় গণ্ডায় । তারপর আয়োন—’

এক বালক ভূত্য এসে পড়ায় চিন্তায় ছেদ পড়লো আর্বাসেসের । ভুরু কুঁচকে সে তাকালো প্রশ্নবোধক চোখে ।

‘এক মহিলা এসেছেন একজন মাত্র দাস নিয়ে,’ জানালো ভূত্য । মহিলা ! হৃৎস্পন্দন দ্রুত হয়ে উঠলো আর্বাসেসের । আয়োন নয় তো ? ‘কেমন ?—কম বয়েসী ?’ জিজ্ঞেস করলো মিশরীয় ।

‘মুখ দেখতে পাইনি ! ঘোমটা টানা । তবে শরীর দেখে মনে হলো কম বয়েসীই হবেন ।’

‘নিয়ে আয় !’

জুলিয়া এলো ।

‘মাফ করবেন,’ সসংকোচে বললো আর্বাসেস, ‘উঠে দাঁড়িয়ে আপনাকে অভ্যর্থনা জানানো সে শক্তি আমার নেই। সেই ভূমিকম্পের রাতে মাথায় আঘাত পেয়েছি, এখনো সুস্থ হইনি পুরোপুরি।’

‘আপনাকে কষ্ট করতে হবে না, মহান মিশরীয়।’ বিনীত ভঙ্গিতে জবাব দিলো জুলিয়া; ভেতরে ভেতরে সে ভয়ে ঠক ঠক করে কাঁপলেও ওপরে তার কোনো ছাপ নেই। ‘আমি এক হতভাগিনী, নেহায়েত প্রয়োজনে পড়েই এসেছি আপনার কাছে।’

‘তাহলে কাছে আসুন। যা বলার খোলাখুলি বলবেন, কোনো কিছু গোপন করবেন না। বলুন, কী আপনাকে টেনে এনেছে আমার মতো অপরিচিতের কাছে?’

‘আপনার খ্যাতি,’ জবাব দিলো জুলিয়া।

‘খ্যাতি! কিসের?’

‘কিসের আপনি জানেন না? আপনি জানেন না সারা পম্পেই আপনার বিশাল জ্ঞানভাণ্ডার নিয়ে কানাকানি করে?’

‘ও এই কথা। সত্যিই যদি মানুষ কানাকানি করে তাহলে, আমি বলতে বাধ্য, ওরা বাড়াবাড়ি করে,’ বিনয়ের অবতার সেজে বললো আর্বাসেস। ‘বিশাল টিশাল কিছু না, সামান্য বুদ্ধি বিবেচনা আছে আর কি। কিন্তু তা আপনার কী কাজে আসবে বুঝতে পারছি না তো?’

‘কেন, জ্ঞানের স্পর্শে কী ছুঁখ দূর হয় না?’

‘ছুঁখ! আপনার মনে ছুঁখ আছে! কী সে ছুঁখ?’

‘আমি একজনকে ভালোবাসি, কিন্তু সে আমার দিকে ফিরেও তাকায় না।’

‘সত্যি ! মুখটা আপনার দেখতে পাচ্ছি না বটে, তবে কাপড়ের ওপর দিয়ে যেটুকু আদল ফুটে উঠেছে, তাতে মনে হচ্ছে আপনি সুন্দরী। সরান তো ঘোমটা, দেখি কাকে হুংখ দিচ্ছে হতভাগাটা।’

খুশি মনে, সম্ভবত নিজের মোহনীয় চেহারা দেখানোর জন্যে মুখাবরণ সরিয়ে ফেললো জুলিয়া। কয়েক মুহূর্ত স্থির তাকিয়ে রইলো আর্বাসেস।

‘সত্যিই, হতভাগার জন্যে হুংখ হচ্ছে আমার,’ দীর্ঘশ্বাস ফেলে সে বললো। ‘এমন মুখের দিকে যে ফিরে তাকায় না তার দিক থেকেই মুখ ঘুরিয়ে নিন না, তাহলে তো আর হুংখ থাকে না।’

‘তা যদি পারতাম তাহলে কি আসতাম আপনার কাছে।’

‘হু’। কিন্তু আপনাকে কী করে সাহায্য করবো ? রাত জেগে, প্রদীপের তেল পুড়িয়ে যে জ্ঞান আমি অর্জন করেছি তাতে তো বশীকরণ মন্ত্র নেই।’

‘ও। তাহলে আগাকে কমা করবেন, মহান আর্বাসেস। খামোকা আপনাকে কষ্ট দিলাম। আমি তাহলে আসি।’

‘দাঁড়ান।’ সামান্য যেন ব্যস্ততা কুটলো আর্বাসেসের গলায়। ‘আমার কয়েকটা প্রশ্নের জবাব দিন দেখি। আপনি নিশ্চয়ই অবিবাহিত ?’

‘হ্যাঁ।’

‘টাকা পয়সার অভাব আছে ? ধনী কাউকে জালোবেসে ফেলেছেন ?’

‘আমি ওর চেয়ে ধনী।’

‘আশ্চর্য ! সত্যিই আশ্চর্য ! কে মেটে এই পম্পেই-এর লোক ?’

‘না,’ বললো জুলিয়া। ‘এথেন্সে বাড়ি। মাঝে মাঝে আসে

পম্পেই-এ ।’

‘এথেন্সে বাড়ি ! মাতের মাতের পম্পেই-এ আসে...তার নাম কি বকাস ?’

‘হ্যাঁ—হ্যাঁ, এ নামেই সবাই তাকে ডাকে ।’

আসনে হেলান দিয়ে চোখ বুজলো মিশরীয় । দীর্ঘ সময় পেরিয়ে যাওয়ার পরও যখন সে চোখ খুললো না তখন একটু বিরক্তির সঙ্গেই জুলিয়া বললো, ‘বুঝেছি, আপনি আমাকে সাহায্য করতে পারবেন না । আমি আসি । একটা শুধু অনুরোধ করবো, আমার গোপন কথাটা দয়া করে গোপন রাখবেন ।’

‘দাঁড়াও !’ গলার দর এবং ভঙ্গি পাণ্টে গেছে আধিসেমের । গভীর ঘুম থেকে জেগে উঠে কথা বলছে সেন সে । ‘দাঁড়াও ! তোমার কাহিনী আমার মন ছুঁয়ে গেছে । আমি তোমাকে সাহায্য করবো । বশীকরণের ওষুধ আমি না জানলেও আমার জানা একজন আছে যে জানে । ভিসুভিয়াস পর্বতের পাদদেশে এক গুহায় এক জাদুকরী আছে । ও জানে বশীকরণের ওষুধ তৈরি করতে । ওকে খুঁজে বের করে আমার নাম ধোলো, তোমার কাক্সিত বস্তু পেয়ে যাবে ।’

‘কিন্তু আমি যে পথ চিনি না, কী করে ওর গুহায় যাবো ?’ হতাশ কণ্ঠে বললো জুলিয়া ।

‘পথ চেনো না ।’ ধীরে ধীরে উঠে দাঁড়ালো আধিসেম । দুর্বল পায়ে বারান্দার এমাথা ওমাথা কয়েকবার পায়চারি করে বললো, ‘আমি অবশ্য তোমাকে নিয়ে যেতে পারি । কিন্তু সেজন্য কয়েক দিন অপেক্ষা করতে হবে । দেখছো তো, আমি এখনো কেমন দুর্বল ?’

‘কিন্তু অপেক্ষা করার মতো সময় সে ছাড়ে নেই । খুব শিগগিরই ব্রকাসের সঙ্গে বিয়ে হবে নিয়াপোলিটান মেয়েটার ।’

‘বিয়ে !’

‘হ্যাঁ। সামনের মাসের প্রথমেই।’

‘এত তাড়াতাড়ি ! তুমি ঠিক জানো ?’

‘হ্যাঁ। ওর নিজের দাসীর মুখে শুনেছি।’

‘অসম্ভব ! এ হতে পারে না,’ অস্থির কণ্ঠে বললো মিশরীয়।
‘চিন্তা কোরো না, প্রকাশ তোমার হবে। ওষুধ হাতে পেলে ওকে
তুমি খাওয়াতে পারবে তো ?’

‘আমার বাবা ওকে দাওয়াত করেছে, বোধহয় মেয়েটাকেও।
পরশুদিন ছুপুরে। এর ভেতর ওষুধ পেলে আশা করি খাওয়াতে
পারবো।’

‘ঠিক আছে। কাল রাতেই যাবো আমরা। তোমার পালকি আছে
না ?’

‘হ্যাঁ।’

‘শহর থেকে ছ’মাইল দূরে একটা প্রমোদভবন আছে জানো ?—
পম্পেই-এর ধনীরা কুতি করতে যায় ? কাল সন্ধ্যায় ওখানে চলে
যাবে পালকিতে করে। বাড়িটার বাইরে সাইলেনাসের একটা মূর্তি
আছে, ওটার গোড়ায় অপেক্ষা করবে। বাঁচি আর মরি, আমি
পৌছে যাবো ওখানে। ভয়ের কোনো কারণ নেই, আমি আর্দাসেস,
বর্তমান মিশরের সবচেয়ে বড় জাহকর বলছি, প্রকাশের সঙ্গে বিয়ে
হবে না আয়োনের।’

‘কিন্তু প্রকাশ আমার হবে তো ?’ জিজ্ঞেস করলো জুলিয়া :

‘হ্যাঁ।’

খুশি মনে মিশরীয় জাহকরের বাড়ি থেকে বিদায় নিলো জুলিয়া।
ও বেরিয়ে যেতেই এক দাসকে ডেকে আর্দাসেস নির্দেশ দিলো :

‘এইমাত্র যে মহিলা এখান থেকে বেরিয়ে গেল তার পেছন পেছন যাও । ওর বাড়ি চিনে আসবে, আর জেনে আসবে ওর নাম, পিতৃ-পরিচয় ।’

ভেরো

সেদিনই বিকেলে বেড়াতে বেরিয়েছে প্রকাস আর আয়োন ।

পম্পেই-এর মাইল দশেক দূরে প্রাচীন এক গ্রীক মন্দিরের ধ্বংসাবশেষ আছে । সেই মন্দির দেখতে বেরিয়েছে ওরা । পৃথিবীর যা কিছু গ্রীক, সবই প্রকাস আর আয়োনের প্রিয় । স্বদেশের সঙ্গে সামান্য সম্পর্কও আছে যে জিনিসের তার ওপর অসম্ভব টান ওদের । এই টানই ওদের টেনে নিয়ে চলেছে মন্দিরটা দেখতে । সেই সঙ্গে উপরি লাভ বেড়ানো হবে ।

সুদৃশ্য এক ঘোড়ায় টানা গাড়িতে চেপে চলেছে ওরা । সঙ্গে আছে আয়োনের এক সহচরী দাসী—বিয়ের আগে কুমারী মেয়েদের একা একা প্রেমিকের সাথে বেড়ানো ঠিক নয় তাই ।

ভিস্তুভিয়ানের পাদদেশের ঢাল বেয়ে একে বেকে উঠে গেছে চওড়া পথ । কোনো জায়গাই এত বেশি ঢালু বা খাড়া নয় যে ঘোড়াদের পক্ষে গাড়ি টেনে নেয়া কঠিন হবে । ছ’ধারে আঙুর আর জলপাই-এর বন । মাঝে মাঝে কাঁটা ঝোপ ।

সূর্য পাহাড়ের মাথায় পৌঁছে গেছে। একটু পরেই অদৃশ্য হয়ে যাবে। প্রায় সমতল উপত্যকায় ভেড়ার পাল এক জায়গায় জড় করে বাড়ি ফেড়ার প্রস্তুতি নিচ্ছে এক রাখাল। মাথার ওপর নীল আকাশের পটে হালকা শাদা মেঘ। নিচে বহুদূরে সাগর; শাস্ত নিস্তরঙ্গ, সূর্যের আলোয় ঝলমল করছে।

‘কি সুন্দর, না?’ অফুটস্বরে বললো গ্রকাস। ‘এমন সুন্দর বলেই পৃথিবীকে আমরা মা’ ডাকি বোধহয়!’

গাড়ি এগিয়ে চলেছে আকাবাঁকা পথ বেয়ে। পাহাড়ের মাটি এখানে লাল। ভিসুভিয়াসের অতীত অগ্নুৎপাতের সাক্ষী। আসলে ওগুলো মাটি নয়, লাভা জমাট বেঁধে আছে পাহাড়ের ঢালে।

অবশেষে গাড়ি পৌঁছুলো ধ্বংসস্তূপের কাছে। গভীর মমতায় আয়োন, গ্রকাস দেখলো প্রাচীন মন্দিরটির ভেঙে পড়া ছাদ, স্তম্ভ। হয়তো অ্যাপোলোর মন্দির ছিলো এটি, হয়তো বা মিনাভার। এখন আর বোঝার উপায় নেই কোন দেব বা দেবীর অধিষ্ঠান ছিলো এখানে। এখন কোনো পুজারী এখানে আসে না, আসে না কোনো ভক্ত। শূন্য বিধ্বস্ত এই মন্দিরে দাঁড়িয়ে ছোঁচোখ অশ্রু সজল হয়ে উঠলো গ্রকাসের। এ যেন ওর পরাজিত মাতৃভূমিরই এক ক্ষুদ্র প্রতীক চিহ্ন।

দেখতে দেখতে সন্ধ্যা হয়ে এলো। এবার ফিরতে হয়।

গোহুলী লগনে ওরা যখন বাড়ির পথে রওনা হলো তখন ছ’-জনেরই কথা হারিয়ে গেছে গভীর অসুভূতির অতল তলে।

বেশ কিছুদূর আসার পর হঠাৎ বড় বড় কয়েককোঁটা বৃষ্টি পড়তে দেখলো গ্রকাস সামনে পথের ওপর। সেই সাথে চোখ ধাঁধানো আলো। একেবেঁকে ছিঁড়ে ফেললো আকাশ। তারপরই বহুপাতের

কানে ভাল ধরানো শব্দ। কখন যে আকাশের হালকা শাদা মেঘ কালো হয়ে গেছে খেয়াল করেনি ওরা।

‘জোরে ঢালাও, ক্যারাকারিয়াস!’ ঢালকের উদ্দেশ্যে চিৎকার করলো প্রকাশ। ‘ঝড়বাদল ভালোমতো এসে পড়ার আগেই নিরাপদ কোথাও পৌঁছুতে হবে।’

এখন ওরা ঢাল বেয়ে নামছে। একটু পরপরই ডানে বাঁয়ে মোড় ঘুরতে হচ্ছে। তার ওপর সন্ধ্যার আধার। এই অবস্থায় গাড়ি খুব জোরে ছোটানো নিরাপদ নয়। তবু চেষ্টার ক্রটি করলো না ক্যারাকারিয়াস। যথাসম্ভব দ্রুত সে গাড়ি ছোটালো। কিন্তু বেশিদূর যাওয়ার আগেই মুশলধারে নামলো রষ্টি। বাতাসের বেগও বেড়ে উঠলো। সেই সঙ্গে প্রচণ্ড শব্দে বজ্রপাত আর বিছাভের ঝলকানি।

‘ভয় পাচ্ছো?’ আয়োনের একটু কাছে সরে এসে জিজ্ঞেস করলো প্রকাশ।

‘কেন?—তুমি সঙ্গে আছো না?’ মুহূর্তে জবাব দিলো আয়োন।

ঠিক সেই সময় মোড়ের মুখে একটা গর্তে ঢাকা পড়ে গেল গাড়ির। গর্তের ভেতর পড়ে ছিলো একটা গাছের গুড়ি, তাতে আটকে গেল ঢাকা। ভয়ানক এক ঝাঁকুনি খেয়ে থেমে পড়লো গাড়ি। এদিকে ক্যারাকারিয়াস ঘোড়াগুলোকে তাড়া দিয়ে চলেছে হৈ-হৈ করে, যেন তাড়াভাড়ি ঢাকাটাকে ছাড়িয়ে আনতে পারে গুড়ি থেকে। তাড়া খেয়ে ঘোড়া দুটো টানলো সর্বশক্তি এবং গাড়িটাকে ছাড়িয়েও আনলো, তবে গুড়ি থেকে নয়, আটকে থাকা ঢাকা থেকে। ঘোড়াগুলো শুধু গাড়িটা ছমডি খেয়ে পড়ে গেল। ছমডি খেয়ে পড়লো আরোহীরাও। ভাগ্য ভালো শুধু পড়ার ওপর দিয়েই গেল, মারাত্মক কোনো ক্ষতি হলো না কারো। প্রকাশ

তাড়াতাড়ি গাড়ি থেকে নেমে আয়োনকে বের করে আনলো।

এদিকে চালক আগেই লাফিয়ে নেমেছে। চাকার ছরবস্থা দেখে সে হতাশ মুখে এসে দাঁড়ালো গ্রকাসের কাছে। গ্রকাসের চেহারাও হতাশা। শহর এখনো বেশ দূরে। এই বাড়-বৃষ্টি মাথায় করে এতটা পথ আয়োন বা তার দাসীর পক্ষে পায়ে হেঁটে যাওয়া সম্ভব নয়। আশপাশে আশ্রয় নেয়ার মতো কোনো বাড়িঘরও নেই। এখন উপায়?

‘মাইলখানেক দূরে উপত্যকায় এক কামারের বাড়ি আছে,’ অবশেষে বললো ক্যারাকারিয়াস, ‘ওকে ডেকে এনে চাকাটা আবার লাগিয়ে নেয়া যায়। কিন্তু যে বৃষ্টি! ততক্ষণে আপনারা একেবারে ভিজে যাবেন তো!’

‘তুমি যাও, লোকটাকে ডেকে এনে চাকাটা লাগানোর ব্যবস্থা করো,’ বললো গ্রকাস, ‘ততক্ষণ আমরা দেখি কোথাও আশ্রয় পাওয়া যায় কিনা।’

চালককে পাঠিয়ে দিয়ে গ্রকাস গাড়িতে উঠে এলো আবার। মনে ক্রীণ আশা, ওটার ভেতরেই হয়তো বসে থাকা যাবে। কিন্তু ভেতরে ঢুকে হতাশ হতে হলো ওকে। গাড়ির হালকা ছাদ হুমড়ে মুচড়ে যাচ্ছেতাই হয়ে গেছে। ফুটিফাটা হয়ে গেছে অনেক জায়গায়। সেসব জায়গা দিয়ে পানি পড়ছে ঝরঝর করে। এর উপর আশ্রয় নেয়া আর খোলা আকাশের নিচে দাঁড়িয়ে থাকা এক কথা।

পথের পাশের এক ঝাকড়া পাতাওয়ালা গাছের নিচে আয়োনকে নিয়ে গেল গ্রকাস। নিজের আঙরাখা খুলে পরিবে দিলো গুর গায়ে। ঘোড়াহুটোকেও নিয়ে এলো। কিন্তু এ আশ্রয়ও তেমন একটা নিরাপদ নয়। বৃষ্টির পানি এখানে একটু কম পড়ছে, এই যা; কিন্তু সে

কমও এমন কিছু কম নয়। কাছেই একটা গাছের মাথায় বাজ পড়লো। কেঁপে উঠলো আয়োন। সবয়ে চিৎকার করে উঠলো দাসী। ঐ বাজ তো এ গাছের মাথায়ই পড়তে পারতো! না, এখানে থাকা যাবে না। কিন্তু যাওয়া-ই বা যাবে কোথায়?

হঠাৎ দূরে ক্ষীণ একটা আলোর রেখা যেন চোখে পড়লো প্রকাশের।

‘নিশ্চয়ই কোনো রাখাল বা আঙুর-চাবীর কুটির থেকে আসছে ঐ আলো,’ বললো সে। ‘যেখানে আলো আছে সেখানে অবশ্যই মানুষ আছে। ওখানে আশ্রয় পাওয়া যেতে পারে। তোমরা দাঁড়াও, আমি দেখে—না—তাতে তোমাদের বিপদের ভেতর রেখে যাওয়া হবে।’

‘কী দরকার?—তার চেয়ে একসাথেই চলো,’ বললো আয়োন। ‘আশ্রয় পেলে পেলাম, না পেলে ফিরে আসবো আবার। রেখে গেলে এখানে যে খুব সুখে থাকবো তা তো নয়।’

আয়োনের হাত ধরে প্রকাশ এগোলো আলো লক্ষ্য করে। দাসী চললো পেছন পেছন। ঘোড়া দুটো রইলো গাছের নিচে।

কিছুদূর এগোনোর পরই বন ঘন হয়ে উঠলো। আলো কখনো চোখে পড়ছে, কখনো হারিয়ে যাচ্ছে গাছপালার আড়ালে। যখন হারিয়ে যাচ্ছে তখন ওরা আন্দাজে পথ চলছে। একটু পরেই আবার দেখতে পাচ্ছে ক্ষীণ রশ্মিটুকু। চপল মেয়ের মতো সে যেন লুকোচুরি খেলছে ওদের সাথে।

অবশেষে ঝোপঝাড় পাতলা হলো একটা বড় বড় পাথর ছড়িয়ে আছে চারদিকে। বিজলীর চমকে প্রকাশ লক্ষ্য করলো, মাটি এখানে টুকটকে লাল। তার মানে অনেক আগে যখন আগুন উগরেছিলো

ভিসুভিয়াস তখন এখান দিয়ে বয়ে গিয়েছিলো লাভার শ্রোত। এগিয়ে চললো ওরা। আলো এখন অনেক স্পষ্ট। মনে হচ্ছে খুব কাছেই কোথাও ঝলছে। কিছুক্ষণ পর আবার যখন বিজ্ঞান চমকালো, চকিতের জনো ওরা দেখতে পেলো, সামনে বিশাল কয়েকটা পাথরের চাঙড়। সেগুলোর মাঝে একটা গুহামুখের মতো। মানুষের চেহারার কিছু একটা যেন চোখে পড়লো তার ভেতর। মনে মনে খুশি হয়ে উঠলো তিনজন। নিশ্চয়ই পাথরগুলোর ওপাশে কোনো গুহা আছে, আর তাতে বাস করেন কোনো সংসারভাগী পবিত্র সন্ন্যাসী। ঝড় বাদলে পর্যুদস্ত মানুষগুলোর প্রতি নিশ্চয়ই তিনি সদয় হবেন। আশ্রয় দেবেন তাঁর গুহায়। আয়োনের হাত ধরে এগোলো প্রকাশ গুহামুখের দিকে। ছোট বড় পাথরের টাই এড়িয়ে সেখানে পৌঁছে যা দেখলো তাতে শিরশির করে ভয়ের একটা শ্রোত বয়ে গেল ওদের শরীর দিয়ে।

গুহার গভীরে ঝলছে বড়লড় একটা অগ্নিকুণ্ড। তার ওপর বসানো একটা লোহার কড়াই। পাশেই লম্বা, সরু একটা লোহার খুঁটির ওপর ঝলছে বিদঘুটে চেহারার এক লঠন। যেখানে আগুন ঝলছে ঠিক সেই বরাবর গুহার ছাদ থেকে ঝলছে নানা গাছ-গাছড়া, শিকড়-বাকড়, লতাপাতা—সম্ভবত শুকানোর জন্যেই ওগুলো রাখা হয়েছে এখানে। একটা শেয়াল গুঁড়ি মেঝে বসে আছে আগুনের সামনে। আগন্তুকদের সাড়া পেয়ে উজ্জল লাল চোখ তুলে তাকালো সে। নিচু স্বরে একবার গরগরিয়ে উঠলো।

গুহার কেন্দ্রস্থলে অদ্ভুত এক মাটির মূর্তি। তিনটে মুণ্ড তার। মুণ্ডগুলো তৈরি সত্যিকারের কুকুর, ঘোড়া আর গুরোরের খুলি দিয়ে। নিচু একটা তেপায়া রাখা মূর্তির সামনে। কিন্তু এসব না,

যা দেখে ওদের গা শিরশির ক'রে উঠেছে তা সেই মানুষের মতো দেখতে জিনিসটা। মানুষ যে এমন কদাকার কুশ্রী হতে পারে ওদের কারো ধারণা ছিলো না। অগুনের সামনে বসে আছে সে। বুড়ি। শুধু বুড়ি বললে ভুল হবে—খুনখুনে বুড়ি। গায়ের চামড়ায় শত শত বা হাজার হাজার নয় লক্ষ লক্ষ ভাঁজ। গালটা তোবড়ানো। নাক ঈগলের চঞ্চুর মতো বাঁকা। চোখ ছোটো কোটরের ভেতর বসা। মাথায় শনের হুড়ির মতো শাদা চুল। গায়ে শতচ্ছিন্ন কাপড়। শেয়ালটার মতো পায়ের আঙুরাজ পেয়ে সেও চোখ তুলে তাকালো ওদের দিকে।

‘এ তো মরা লাশ!’ সভয়ে বলে উঠলো প্রকাশ।

‘না—এ তো নড়ছে—লাশ নয় ও পেট্রী,’ প্রকাশের গায়ের সাথে সঁটে এসে উচ্চারণ করলো আয়োন।

‘পালান, পালান!’ গুড়িয়ে উঠলো আয়োনের দাসী, ‘ভিসুভি-য়াসের ডাইনী!’

‘কারা তোমরা?’ খনখনে গলায় প্রশ্ন করলো বুড়ি। ‘কি জন্যে এসেছো এখানে?’

বুড়ির গলা শুনে আরেকবার শিউরে উঠলো ওরা। ঘুরে দৌড় লাগানোর ইচ্ছেটা অনেক কষ্টে দমন করে প্রকাশ বললো, ‘আমরা পথিক। বেড়াতে এসেছিলাম পাহাড়ে। হঠাৎ বাড়তি শুরু হয়ে যাওয়ায় খুব বিপদে পড়ে গেছি। দূর থেকে আপনাদের আলো দেখে আশ্রয়ের আশায় এসেছি।’

প্রকাশের কথা শুনেই শেয়ালটা উঠে কাঁড়িয়ে গা ঝাড়া দিলো, তারপর হিংস্র ভঙ্গিতে দাঁত বের করে একগোলো আগন্তুকদের দিকে।

‘বয় রে, দাস!’ সন্তোষে বললো বুড়ি। অমনি বাধা ছেলের মতো

বসে পড়লো জানোয়ারটা। তীক্ষ্ণ চোখে বুড়ি এবার তাকালো অনাহৃতদের দিকে। নিজের জায়গা থেকে এক তুল না নড়ে বললো, 'ইচ্ছে হলে আগুনের কাছে আসতে পারো তোমরা। পেঁচা, শেয়াল, বাঙ আর কাল কেউটে ছাড়া জীবিত কোনো কিছুকে আমি স্বাগত জানাই না। সুতরাং বুঝতেই পারছো, খাতির করতে পারবো না তোমাদের। তা খাতির ছাড়াই এসো না আগুনের কাছে—খামোকা ওখানে দাঁড়িয়ে থাকবে কেন?'

প্রকাশ এবার আয়োনকে ছেড়ে দিয়ে ওর গা থেকে খুলে নিলো নিজের ভিজে যাওয়া আলখাল্লাটা। তারপর হাত ধরে নিয়ে বসিয়ে দিলো মোটা এক গাছের গুঁড়ির ওপর। দাসীও প্রভুদের দেখাদেগি ভয়ে ভয়ে এগুট এগিয়ে গেল আগুনের কাছে।

'আপনাকে বোধ হয় বিরক্ত করলাম,' একটু ইতস্তত করে আয়োন বললো।

ডাইনী বুড়ি কোনো জবাব দিলো না। নড়লোও না—যেন কণিকের জন্যে জেগে উঠেছিলো মৃত্যুর ভেতর থেকে, আবার তলিয়ে গেছে অনন্ত ঘুমে।

'তোমরা ভাই বোন?' অনেকক্ষণ পর আচমকা প্রশ্ন করলো সে। লাল হলো আয়োনের গাল। বললো, 'না।'

'স্বামী স্ত্রী?'

'না,' জবাব দিলো প্রকাশ।

'ও প্রেমিক প্রেমিকা!—হা-হা-হা।' এমন জ্বরে হেসে উঠলো ডাইনী বুড়ি, গমগম করে উঠলো গুহার ভেতরটা।

বুড়ির ভাবভঙ্গি দেখে মেজাজ খারাপ হয়ে গেল প্রকাশের। কক্ষ কণ্ঠে সে বললো, 'হাসছো কেন, বুড়ি মুন্সি?'

‘সত্যিই হাসছিলাম নাকি ?’ অন্যমনস্কভাবে বললো ডাইনী ।

‘ঘোরে আছে বুড়ি,’ ফিসফিস করে বললো গ্রকাস ।

ওর কথা শেষ হতে না হতেই ঝট করে মুখ তুললো বুড়ি ।

‘মিথো কথা !’ চিৎকার করলো সে ।

‘ভদ্রলোকের সাথে কেমন ব্যবহার করতে হয় তুমি জানো না.’
চটে উঠে বললো গ্রকাস ।

‘চুপ করো, গ্রকাস ! খামোকা ওকে ঘাঁটিও না,’ সন্তুষ্ট কণ্ঠে
বললো আয়োন ।

‘কেন হাসছিলাম বলবো, ওনবে ?’ বুড়ি বললো । ‘তোমাদের
মতো খুবক খুবতীদের দেখলে খুব মজা লাগে আমার । দিনকতক
আনন্দ করে নাও । নেশা কাটতে বেশিদিন লাগবে না । তারপর
একজন আরেকজনকে দেখলে ঘেরায় মুখ ফিরিয়ে নেবে—হ্যাঁ,
ঘেরা—ঘেরা—হা-হা-হা !’

এবার চটীর পালা আয়োনের । ‘দেবতারা না করুন !’ বললো
সে । ‘হতভাগী বুড়ি, প্রেমের কী জানো তুমি যে একথা বলছো ?’

‘জানি না ?—আমি কি জন্মেই এমন বুড়ি হয়েছি ? তোমাদের
মতো যৌবন আমার ছিলো না ?’

‘অনেকদিন ধরে এখানে আছো তুমি ?’ প্রসঙ্গ পাণ্টানোর আশায়
বললো গ্রকাস ।

‘হ্যাঁ—অনেক দিন !’

‘আহা-হা-হা, এমন জায়গায় মানুষ থাকতে পারে ! তোমার কষ্ট
দেখে আমার দুঃখ হচ্ছে, বুড়ি !’

‘হা । ভালোই বলেছো । জানো, এ জায়গার নিচে নরক ?
শোনো, একটা গোপন কথা বলি তোমাদের ; পাতালের অদৃশ্য

শক্তি উঠে এসে প্রতিশোধ নেবে তোমাদের ওপর—তোমরা যারা ভয়-ভাবনাহীন, তরুণ, সুন্দর তাদের ওপর।’

‘খালি অমঙ্গলের কথা বলো তুমি, বুড়ি,’ বললো প্রকাশ।

‘আমি কী বলি সময় হলেই বুঝবে। এবার চুপ করে থাকো, আমাকে আর ছালিও না।’

চুপ করে গেল গুহাবাসী বৃদ্ধা। কিছুতেই আর তাকে দিয়ে কথা বলাতে পারলো না প্রকাশ।

সৌভাগ্যক্রমে বাড়ি যেমন ভয়ঙ্কর চেহারা নিয়ে এসেছিলো তেমন দীর্ঘ সময় ধরে চললো না। ইতিমধ্যে তার দাপট কমে আসতে শুরু করেছে। বৃষ্টির বেগও কমেছে। কিছুক্ষণের ভেতর থেমে গেল ছটোই। চাঁদ দেখা দিলো মেঘশূন্য আকাশে। আয়োন এখনো বসে আছে আগুনের কাছে সেই কাঠের গুড়ির ওপর। পেছনে দাসী। প্রকাশ বসে আছে আয়োনের পায়ে কাছের কাছে। ডাইনী বুড়ির শেয়ালটা এখনো জলন্ত চোখে তাকিয়ে আছে ওদের দিকে। ওটাকে এক পলক দেখে মুখ ভুলে আয়োনের দিকে তাকালো প্রকাশ।

‘এবার বোধ হয় রঙনা হওয়া যেতে পারে,’ সে বললো।

সম্মতির ভঙ্গিতে মাড় কাত করলো আয়োন। শেয়ালটার দিকে আরেক পলক তাকিয়ে বুড়ির দিকে ফিরলো প্রকাশ। এবং দেখলো জ্বিনিসটা। একটা সাপ। বুড়ির প্রস্তর আসনের ঠিক নিচে কুণ্ডলী পাকিয়ে বসে আছে। শেয়ালটার মতো সেও একদৃষ্টে তাকিয়ে ছিলো প্রেমিকযুগলের দিকে। প্রকাশের সঙ্গে চোখাচোখি হতেই ফঁস করে উঠলো। তারপর ফণা তুললো। ক্রমশঃ চওড়া এবং উঁচু হচ্ছে ফণাটা। চট করে হঠাৎ বাড়িয়ে আগুনের ভেতর থেকে একটা আগপোড়া চেলা কাঠ তুলে নিলো প্রকাশ। এবং তা

দেখেই যেন ক্রুদ্ধ হয়ে আরেকবার ফৌস করলো সাপটা। তারপর শরীর মুচড়ে মুচড়ে এগিয়ে আসতে লাগলো ওদের দিকে। ফণাটা তোলা আগের মতোই।

‘ডাইনী বুড়ি!’ চিৎকার করে উঠলো প্রকাশ, ‘তোমার ঐ জন্তুটাকে থামাও, নয়তো ওর লাশ দেখবে তুমি!’

‘ভয়ের কিছু নেই, ওর বিষ দাঁত ভাঙা,’ মুখ তুলে বললো বুড়ি।

কিন্তু তার কথা শেষ হওয়ার আগেই প্রকাশকে ছোবল মেরেছে সাপ। তৈরি ছিলো প্রকাশ, হালকা এক লাফে একপাশে সরে গিয়ে হাতের কাঠটা দিয়ে সর্বশক্তিতে মারলো সাপের মাথায়। এক আঘাতেই ফণা খেঁতলে গেল তার। প্রকাশের হাতের কাঠ থেকে খসে পড়া ঝলন্ত কয়লার ভেতর তড়পাতে লাগলো লম্বা শরীরটা।

ডাইনী বুড়ি ভয়ঙ্কর এক লাফ দিয়ে এসে দাঁড়িয়েছে প্রকাশের সামনে। ছুঁচোখ দিয়ে তার আগুন ঠিকরে পড়ছে যেন। কিন্তু আশ্চর্য, কথা যখন বললো তখন তার গলার চেহারা কোনো ছাপ ফুটলো না।

‘তোকে,’ ধীর অচঞ্চল কণ্ঠে সে বললো, ‘তোকে আমি আশ্রয় দিয়েছিলাম আমার ছাদের নিচে; আমার ছানী থেকে উত্তাপ দিয়েছিলাম যখন ঠাণ্ডায় কষ্ট পাচ্ছিলি; বিনিময়ে কী দিলি তুমি? আঘাত করলি আমার—আমার প্রিয় দোষা সাপকে—এর ফল ভালো হবে না; হ্যাঁ, শুনে রাখ, এর ফল ভালো হবে না। ছাইকরীদের অভিভাবক তাঁদের নামে—প্রতিহিংসার দেবতা প্রকাশের নামে আমি অভিশাপ দিচ্ছি: তোমার প্রেম বিস্ময়কর মতো শুকিয়ে যাবে—তোমার নামে কলঙ্ক রটবে—তোমার মৌলিকতার প্রদীপ নিবে যাবে চিরতরে—তুমি পাগল হয়ে যাবি—নিজের ছৎপিণ্ড নিজে আঁচড়ে

খাসচে ক্ষতবিক্ষত করবি !' আয়োনের দিকে ফিরলো বুড়ি। তর্জনী তুলে গুরু করলো, 'আর তুই—'

'হয়েছে !' চিৎকার করলো প্রকাশ। 'যথেষ্ট হয়েছে। আমাকে যত খুশি অভিশাপ তুমি দাও—কিন্তু ওকে—না ! ওর বিরুদ্ধে একটা শব্দ উচ্চারণ করলে তোমার আদরের সাপের দশা হবে তোমারও। সাবধান !'

খনখনে গলায় হি-হি করে হেসে উঠলো বুড়ি। 'তাই নাকি ? ঠিক আছে, বলবো না ওকে কিছু, তোকে মা বলেছি তা-ই যথেষ্ট। অভিশপ্তকে যে ভালোবাসে তারও পরিণতি শুভ হয় না। একজনকে যে অভিশাপ দিয়েছি হুজুন একসাথে তা ভোগ করবি !' বলে আরেক দফা হাসলো ভাইনী তারপর হাঁটু গেড়ে বসে কোলে তুলে নিলো তার প্রিয় পোখাকে। এখনো মরেনি ওটা।

'ও প্রকাশ !' আতঙ্কিত কণ্ঠে বললো আয়োন। 'কী থেকে কী হয়ে গেল ?—চলো, একুশি চলে যাই এখান থেকে !' বুড়ির দিকে ফিরে করজোড়ে যোগ করলো, 'দয়া করো, মা, দয়া করো, ফিরিয়ে নাও তোমার অভিশাপ। তোমার যে ক্ষতি হয়েছে তা আমি পুষিয়ে দিচ্ছি,' বলে আয়োন তার টাকার খলেটা রাখলো বুড়ির পায়ে কাছের কাছে।

'দূর হ !' চিৎকার করলো ভিস্ত্রিয়াসের ভাইনী। 'এখান থেকে ! অভিশাপ একবার উচ্চারিত হলে একমাত্র মৃত্যুই পারে তা বদলাতে। দূর হ, আমার সামনে থেকে !'

'চলো,' আয়োনকে ধরে প্রকাশ বললো, 'চলো আমরা যাই। মাথার ওপর দেবতারা আছেন, তারা ঠাট্টাবেন আমাদের। আমরা কোনো পাপ করিনি। চলো !'

গুহা থেকে বেরিয়ে বেশ কষ্ট করতে হলো ওদের পথ খুঁজে পেতে।
গাড়ির কাছে এসে দেখলো, চালক ইতিমধ্যে কামার ডেকে এনে
মেরামত করিয়ে ফেলেছে চাকা। বাড়ির পথে রওনা হলো ওরা।

নগর তোরণে পৌঁছে ওরা দেখলো, তোরণ খোলা। দাস বাহিত
একটা পালকি পথ জুড়ে আছে।

‘এত রাতে বাইরে যাওয়ার নিয়ম নেই,’ দ্বাররক্ষীকে বলতে
শুনলো প্রকাশ। ‘গেলেও নাম ঠিকানা জানিয়ে যেতে হবে।’

‘আমি শহর ছেড়ে যাচ্ছি না,’ পালকির ভেতর থেকে জবাব দিলো
একজন। শোনামাত্র প্রকাশ ও আয়োন চিনতে পারলো গলাটা।
‘মারকাস পলিবিয়াসের ভিলায় যাচ্ছি আমি। শিগগিরই ফিরে
আসবো। আমি মিশরীয় আর্বাসেস।’

আর কোনো প্রশ্ন করলো না রক্ষী। সরে দাঁড়িয়ে ইশারা করলো
বেহারাদের : ‘বাও।’

‘এই সময় আর্বাসেস!’ বললো প্রকাশ। ‘এখনো তো ভালো করে
সুস্থ হয়নি!—কোথায় গেল?—কী জন্য?’

‘আমার ভয় করছে, প্রকাশ,’ সন্ত্রস্ত কণ্ঠে বললো আয়োন।
‘অন্তত কী যেন একটা এগিয়ে আসছে আমাদের দিকে। ও সর্ব-
শক্তিমান দেবতারা, রক্ষা করো আমাদের, রক্ষা করো আমার
প্রকাশকে।’

চোদ্দ

ডাইনীৰ গুহায় পৌঁছুলো আৰ্ৱাসেস। সাঁড়া পেয়েই লাফ দিয়ে উঠে দাঁড়ালো শেয়ালটো। আক্ৰমণেৰ ভঙ্গিতে বেরিয়ে এসেছে বকবক শাদা দাঁতগুলো।

‘বয় রে, দাস!’ আগের মতোই সন্তোষে বললো বুড়ি ডাইনী। এবাৰও হিংস্ৰ জন্তুটা বসে পড়লো বাধ্য ছেলের মতো।

আগন্তুকৰ দিকে অবজ্ঞাতৰে একবাৰ তাকিয়ে ডাইনী আবার মনোযোগ দিলো তার সাপের গুস্তায়।

আৰ্ৱাসেস গুহাৰ ভেতৰটায় চোখ বুলিয়ে নিলো প্ৰথমে। তারপর বললো :

‘ওঠো, নঙ্গ ও এৰিবাস-এৰ দাসী!’ আদেশেৰ সুর মিশৰীয়ৰ গলায়। ‘ওঠো! তোমার বিদ্যায় তোমার চেয়ে পান্দৰী একজন তোমাকে অভিবাদন জানাচ্ছে। উঠে তাকে স্বাগত জনাও!’

সচকিত হয়ে মাথা তুললো ডাইনী। অনেকক্ষণ নিৰবে তাকিয়ে রইলো আৰ্ৱাসেসেৰ দীৰ্ঘ অবয়বটার দিকে।

‘কে তুমি, বলছো আমার চাইতে পান্দৰী?’ অবশেষে বললো সে, ‘আমি বিলুপ্ত ইটকরিয় জাতিৰ একমাত্র জীৱিত বংশধৰ, জাদু-বিদ্যায় আমার চেয়ে পান্দৰী দাবী কৰছে নিজেৰে! বুকে শুনে

করছো তো ?’

‘উত্তর থেকে দক্ষিণ, পূর্ব থেকে পশ্চিম, গঙ্গা থেকে নীল, থেসালির উপত্যকা থেকে পীত টাইবারের তীর পর্যন্ত যারা জাহাযির চর্চা করে তাদের সবাই যার কাছে মাথা নোয়ায় আমি সে।’

‘এ তল্লাটে তেমন মহামানব একজনই আছেন,’ জবাব দিলো ডাইনী, ‘দেশ বিদেশের সাধারণ মানুষ তাঁকে জানে মিশরীয় আর্বাসেস বলে। কিন্তু আমরা—যারা জ্ঞান-সাগরের আরো গভীরে ডুব দিতে পেরেছি, তারা তাঁকে জানি যে পবিত্র নামে সে হলো আগুন-কটি হারমেস।’

‘ভালো করে দেখ, আমিই সে,’ বলতে বলতে আর্বাসেস তার আলখাল্লার বাঁধন খুলে অনাবৃত করে ফেললো কোমর। ডাইনী দেখলো সেখানে ছলছল করছে এক আগুনরঙা কোমরবন্ধ। দুর্গীর আভাষ একেবারে জীবন্ত আগুনের মতো লাগছে নেটা।

সমস্ত্রমে উঠে দাঁড়ালো বুড়ি। মাথা নুইয়ে অভিবাদন জানিয়ে পায়ে আছড়ে পড়লো আর্বাসেসের।

‘ক্ষমা করবেন, প্রভু,’ ভীতকণ্ঠে বললো সে। ‘আমি চিনতে পারিনি। আমার সম্পূর্ণ আনুগত্য নিবেদন করছি আপনার পায়ে।’

‘ওঠো,’ আদেশ করলো আর্বাসেস, ‘তোমাকে আমার প্রয়োজন।’ অবাক হলো ডাইনী। ‘আমাকে প্রয়োজন!’

‘হ্যাঁ, তোমার সাহায্য চাই আমি।—’

এরপর আর্বাসেস খুলে বললো, সে কেন এসেছে বুড়ির কাছে। সব শেষে প্রশ্ন, ‘পারবে, বুড়ি?’

‘নিশ্চয়ই, প্রভু,’ জবাবে ডাইনী বললো, ‘দেবো বশীকরণ। এমন ওমুখ দেবো যা খেয়ে প্রেমিক ছোকরো দাসখত লিখে দেবে মেয়েটার

পায়ে।’

‘না, দাসখত মেয়েটার পছন্দ হতে পারে, আমার নয়। আমি এমন ওষুধ চাই যা খাওয়ানোমাত্র প্রেমিক প্রবরের মৃতদেহ লুটিয়ে পড়বে মেয়েটার পায়ে।’

‘পা থেকে মাথা পর্যন্ত কেঁপে উঠলো ডাইনী। আতঙ্কিত কণ্ঠে বললো, ‘সে তো বিষ!’

‘হ্যাঁ, বিষ,’ আর্বােস বললো। ‘আমি যার জন্যে ওকালতি করতে এসেছি সে মেয়েটা ছোকরার প্রেম চাইলেও আমি চাই মৃত্যু।’

‘কিন্তু—কিন্তু, প্রভু, বিষ দেওয়া মানে তো খুন!’

‘হলোই বা খুন।’

‘মাফ করবেন আমাকে, প্রভু,’ বললো ডাইনী, ‘এ দেশের আইন বড় কঠোর। ওরা টের পেলে আমাকে নির্ধাৎ বাঘ বা সিংহের মুখে ছুঁড়ে দেবে।’

‘টের পাবে? কীভাবে?’

‘কীভাবে জানি না, তবে টের ওরা ঠিকই পেয়ে যাবে। মনে হচ্ছে সেই মেয়েটার প্রেমিক আপনার শত্রু। ছোকরা খুন হলে যাদেরকে খুনী হিসেবে সন্দেহ করা হবে তাদের ভেতর আপনিও থাকবেন। তারপর যদি কোনোমতে বেরিয়ে পড়ে ছোকরা খুন হওয়ার আগে আপনি আমার এখানে এসেছিলেন তাহলে ছয়ে ছয়ে চার মিলিয়ে নিতে কারো অসুবিধা হবে না।’

‘শোনো, বৃড়ি, আমি আগুন-কটি হ্যান্ডসেল আদেশ করছি, তুমি আমার ইচ্ছায় বিষ দেবে এই নরকের কীটটাকে—কে কী টের পেলো না পেলো তাতে কিছু যায় আসে না। প্রকাসকে অবশ্যই চলে যেতে

হবে পৃথিবী ছেড়ে। এর কোনো বিকল্প নেই।’

‘প্রকাশ!’ চমকে উঠলো ডাইনী। ‘প্রভু, কী বললেন নামটা, প্রকাশ?’

‘হ্যাঁ। কিন্তু নামে কি আসে যায়? আজ থেকে তিনদিনের ভেতর, আমি চাই, এই ছোকরার নাম পৃথিবী থেকে মুছে যাক।’

ধীরে ধীরে জুর একটা হাসি ফুটে উঠলো বুড়ির মুখে।

‘প্রভু, শুনুন,’ সে বললো, ‘সত্যিই বিষ দেয়ার বিপদ অনেক। বিষের চেয়ে আরো ভালো, আরো মোক্ষম ওষুধ জানি আমি। এই ওষুধ দিলে আপনার—এবং আমারও উদ্দেশ্য আরো ভালোভাবে সাধন হবে। সাপ মরবে কিন্তু লাঠি ভাঙবে না।’

‘তোমার উদ্দেশ্য! তুমি প্রকাশকে চেনো নাকি?’

কিছুক্ষণ আগে তার গুহার খটে যাওয়া ঘটনার কথা বললো ডাইনী। আর্বাসেসের কালো মুখ আরো কালো হয়ে গেল শুনে।

‘কী সে ওষুধ, যাতে আরো ভালোভাবে আমার উদ্দেশ্য সাধন হবে?’ জিজ্ঞেস করলো মিশরীয়।

‘পাগল বানিয়ে দেয়ার ওষুধ, প্রভু। প্রেমের পাগল নয়, বন্ধ উন্মাদ করে দেয়ার ওষুধ। আপনার মেয়েটা যদি ওকে এই ওষুধ খাওয়াতে পারে, একেবারে জ্ঞানশূন্য হয়ে যাবে প্রকাশ।’

বুদ্ধিটা পছন্দ হলো আর্বাসেসের। বললো, ‘সত্যিই যদি কাজ হয় এই ওষুধে, তোমার আয়ু আমি বিশ বছর বাড়িয়ে দেবো।’

পোশাকের ভেতর থেকে স্বর্ণমুদ্রার একটা খলে বের করে সে ছুঁড়ে দিলো বুড়ির পায়ের কাছে। তারপর আবার বললো, ‘তাহলে বিদায়, বুড়ি, কাল আবার আসছি তোমার এখানে।’

আর্বাসেস বেরিয়ে যেতেই টাকার খলেটা তুলে নিয়ে গুহার

পেছন দিকে চলে গেল বুড়ি। এক জায়গায় একটা চৌকো পাথর তুলে ফেলতেই একটা গর্ত দেখা গেল। সোনা, রূপা, ব্রোঞ্জের মুদ্রায় আধাআধি ভর্তি গর্তটা। ডাইনীর আজীবনের সঞ্চিত সম্পদ। কোনো খরচ নেই বুড়ির; জানে, কোনোদিন সে লোক সমাজে মিশতে পারবে না, তবু টাকার প্রতি অম্লত এক মোত তার। আর্বাসেসের দেয়া স্বর্ণমুদ্রাগুলো গর্তে ঢেলে পাথরটা আবার যথাস্থানে বসিয়ে দিলো বুড়ি। ঠিক সেই সময় সুনতে পেলো তার প্রিয় শেয়ালের ভীত আর্তনাদ। ঘাড় ফিরিয়ে তাকালো ডাইনী। গুহার আরো ভেতর থেকে এসেছে শব্দটা। কখন যে শেয়ালটা ওখানে গেছে বুড়ি খেয়াল করেনি। ব্যাপার কী দেখার জন্যে সে এগিয়ে গেল।

গুহার ভেতরের অংশ সুরু হতে হতে সুড়ঙ্গের চেহারা নিয়েছে। এই সুড়ঙ্গের শেষে আছে একটা খাদ। বুড়ি জানে সেই খাদের কথা, কিন্তু তার তল যে কোথায় তা সে জানে না। অনেকদিন উকি দিয়ে দেখেছে, জনাট কালো অন্ধকার ছাড়া কিছু দেখতে পায়নি। আজ উকি দিতেই দেখলো গগণগণে লাল আলোর চেউ ছলে ছলে উঠছে তার ভেতর। সেই সাথে মূছ একটা ঘড়বড়ে আগুয়াল।

‘আশ্চর্য!’ বুড়ি আঁতকে উঠে পিছিয়ে এলো কয়েক পা। ‘কী এর মানে? কিসের ইঙ্গিত দিচ্ছে ঐ লাল আলোর চেউ?’

ভয় করতে লাগলো বুড়ির। ধীরে ধীরে পিছিয়ে এলো সে। তারপর ছুরু ছুরু বকে বসলো আর্বাসেসের ওষুধ তৈরি করতে।

সেরাতেই, যখন আর্বাসেস আর ডিস্ট্রিবিউশনের ডাইনী প্রকাসকে উন্মাদ করে দেয়ার ষড়যন্ত্র করছে ঠিক তখন পম্পেই-এর দীন এক অট্টালিকার এক কক্ষে খ্রীষ্ট ধর্মে দীক্ষা নিচ্ছে এপিসাইডেম।

গনেবো

‘আজ সন্ধ্যায় তাহলে যাচ্ছেন আপনি ভিসুভিয়াসের ডাইনীর কাছে?’ জিজ্ঞেস করলো নিডিয়া।

‘কী আর করবো?’ বিষম স্বরে জবাব দিলো জুলিয়া। ‘যার ওষুধ সে নিজে গিয়ে না আনলে নাকি কাজ হবে না।’

‘ভয় করবে না?—সঙ্গে অমন ভয়ঙ্কর একটা মানুষ থাকছে—’

‘কেন, নিডিয়া?’ জবাব দিলো জুলিয়া। ‘ভয় পাওয়ার মতো সত্যিই কিছু আছে নাকি? আমার তো মনে হয় এই সব ডাইনী, জাহ্নকর সবাই একেকটা ভণ্ড। লতা-পাতা, শিকড়-বাকড় দিয়ে ছ’-চারটে ওষুধ বানাতে জানে বলেই না মানুষ ওদের কাছে যায় কালে-ভদ্রে। ভয়ের কী আছে আমি তো বুঝতে পারছি না।’

‘বুড়ি ডাইনীর কথা বলছি না, বলছি যার সাথে যাবেন তার কথা।’

‘আর্বাসেস? ওর মতো ভদ্র বিনয়ী লোক খুব কমই দেখেছি আমি। রঙটা যদি অমন কালো না হতো তাহলে বলতাম ভদ্রলোক যথেষ্ট সুপুরুষও।’

এ নিয়ে আর কথা বাড়ালো না নিডিয়া। একটু চুপ করে থেকে বললো, ‘একাই যাবেন?’

‘তাছাড়া আর কী। কে বাবে আমার সাথে?’

‘আমি যেতে পারি আপনি চাইলে।’

খুশি হয়ে উঠলো জুলিয়া। ‘সত্যি যাবে? কিন্তু—কিন্তু আয়োন তোমাকে ছাড়বে কেন?’

নিভিয়া মাথা নেড়ে বললো, ‘উনি এদিক থেকে খুব ভালো। আপনি দাওয়াত করেছেন এবং রাতে আপনার সাথে থাকতে বলেছেন বললে উনি ছেড়ে দেবেন আমাকে।’

‘না, আমি তা বলবো না,’ হঠাৎই রুক্ষ হয়ে উঠলো জুলিয়ার গলা। ‘ঐ নিয়াপোলিটানের কাছ থেকে কোনো সুবিধাই আমি নেবো না। অন্য কিছু বলে যদি আসতে পারো, এসো।’

‘আচ্ছা, ঠিক আছে। তবে একটা কথা, রাতে আপনার বাড়িতে আমার শোয়ার ব্যবস্থা করতে হবে।’

‘আমার ঘরেই তোমার শোয়ার ব্যবস্থা হবে।’

সন্ধ্যা ঘুরে যাওয়ার পর পালকিতে চেপে রওনা হলো জুলিয়া, সঙ্গে নিভিয়া। আর্বাসেসের বলা প্রমোদ-ভবনে যখন পৌঁছুলো তখন সেখানে অনেক মানুষের ভীড়। ফুটি করতে এসেছে তারা। পালকি থেকে নেমে নিভিয়ার হাত ধরে বাগানের দিকে এগোলো জুলিয়া। সাইলেনাসের মূর্তির কাছে গিয়ে দাঁড়ালো দু’জন।

‘কই, দেখছি না তো তাঁকে!’ কয়েকবার এদিক ওদিক তাকিয়ে বিড়বিড় করলো জুলিয়া।

ওর কথা শেষ হতে না হতেই মূর্তির পেছন থেকে নিঃশব্দে, প্রায় পিছলে বেরিয়ে এলো আর্বাসেস।

‘কী গো, মিষ্টি মেয়ে, এসেছো?’ বললো সে। ‘কিন্তু এ কী!—কাকে নিয়ে এসেছো? আমাদের সাথে তো কারো যাওয়া চলবে

না।’

‘ও আমাদের অন্ধ কুলওয়ালা,’ জবাব দিলো জুলিয়া।

‘নিডিয়া! ওকে তো চিনি।’

কৈপে উঠে একটু পিছিয়ে গেল নিডিয়া। আর্বাসেস এগিয়ে ওর কানের কাছে মুখ নিয়ে নিচু স্বরে বললো, ‘শপথের কথা মনে রেখো, যা শুনেছো গোপন রাখবে চিরদিন, নইলে তোমার কপালে ছুঃখ আছে।’ জুলিয়ার দিকে ফিরলো মিশরীয়। ‘তুমি কি আমার সাথে একা যেতে ভরসা পাচ্ছো না?’

‘না, ঠিক তা না—,’ ইতস্তত করে বললো জুলিয়া।

‘শোনো,’ বলে ওকে একপাশে টেনে নিয়ে গেল আর্বাসেস। ‘বেশি লোকের ভীড় ডাইনী পছন্দ করে না। যতক্ষণ না আমরা ফিরছি ততক্ষণ নিডিয়া থাক এখানে। ও আমাদের কোনো সাহায্যে তো আসবেই না, বরং বোঝা হবে। তাছাড়া আমরা যে কাজে যাচ্ছি তাতে বাইরের কাউকে জড়ানো ঠিক হবে না।’

আর্বাসেসের কথার প্রতিবাদ করার সাহস হলো না জুলিয়ার। নিডিয়ার কাছে ফিরে সে বললো, ‘তোমার যাওয়া হবে না, নিডিয়া; জাহকর আর্বাসেস তা চান না। তুমি এখানে অপেক্ষা করো, ফেরার পথে নিয়ে যাবো।’

খুশি মনেই রাজি হলো নিডিয়া। কৌতূহলী হয়ে চলে এসেছিলো সে, এখন আর্বাসেসের উপস্থিতি ওর মনে জাগিয়ে দিয়েছে পুরনো আতঙ্ক। তাই জুলিয়া যখন বললো, ওর যাওয়া হবে না, তখন আশ্চর্যিকভাবেই খুশি হলো নিডিয়া। প্রয়োজনভাবে মহিলাদের জন্তে সংরক্ষিত একটা কামরায় অপেক্ষা করতে লাগলো সে।

*

*

*

দীর্ঘ প্রতীকার পর জুলিয়ার পদধ্বনি শুনতে পেলো নিডিয়া। ঘরে ঢুকেই খুশিতে ওকে জড়িয়ে ধরলো সে।

‘অসর দেবতাদের ধন্যবাদ,’ বললো জুলিয়া, ‘ঐ ভয়ানক গুহা থেকে ফিরে আসতে পেরেছি। চলো, নিডিয়া, আর এখানে দেরি করে কাজ নেই।’

নিডিয়াকে নিয়ে ক্ষত পায়ে রওনা হলো জুলিয়া। পালকিতে ওঠার পর আবার সে কথা বললো :

‘ওহ! সে কী দৃশ্য!’ উদ্বেজনার কাঁপছে জুলিয়ার গলা। ‘কী ভয়ঙ্কর জাহ্নমস্ত! বুড়ি ডাইনীর লাশের মতো মুখটা যদি দেখতে! —থাক ও নিয়ে আর কিছু বলবো না। ওষুধটা আমি পেয়ে গেছি। এবার প্রকাশ আমার পায়ে মাথা নোয়াবে! আমি দেবী হবো ওর!’

‘প্রকাশ!’ সবিস্ময়ে উচ্চারণ করলো নিডিয়া।

‘হ্যাঁ, নিডিয়া, প্রকাশ। প্রকাশকেই আমি ভালোবাসি। সেদিন অবশ্য বলেছিলাম প্রকাশ নয়—বলেছিলাম কারণ তখনো তোমাকে ঠিক বিশ্বাস করে উঠতে পারিনি। কিন্তু এখন তো জানি তুমি আমার শুভাকাঙ্ক্ষীদের একজন। তোমার কাছে আর কী লুকোবো আমি?’

নিডিয়ার বুকের ভেতরটা যে কেমন করছে সে সে-ই জানে। নিজের অজান্তে সে নিজের পায়ে সেইসাথে আয়োনের পায়ে কুড়ুল মারার ব্যবস্থা করেছে। উহু, ঈশ্বর! এই ছিলো ভাগ্যে! কপাল ভালো পালকির ভেতরটা অন্ধকার, ওর ডানাতের টের পেলো না জুলিয়া।

অনেক কষ্টে আত্মসংবরণ করলো নিডিয়া। উদ্গত কান্না চাপতে গিয়ে বুক বাঁধা হয়ে গেল। তারপর বিহ্বলচমকের মতো প্রশ্নটা উকি দিলো ওর মনে : জুলিয়ার কাছ থেকে হাতানো যায় না

ওষুধটা ? প্রশ্নটা নিয়ে কিছুক্ষণ ভাবতেই নিভিয়ার মনে হলো, অসম্ভব নয় । রাতে জুলিয়ার ঘরে শোবে ও । জুলিয়া যখন ঘুমিয়ে যাবে তখন কোনো এক ফাঁকে ওষুধটা ও কজা করতে পারবে, ওষুধ একটু সতর্ক থাকতে হবে, কানে শুনে যথাসম্ভব আন্দাজ করতে হবে ওষুধটা কোথায় রাখে জুলিয়া ।

ভাঙমেডের বাড়ির ছয়ারে থামলো পালকি । নিভিয়াকে নিয়ে সোজা নিজের ঘরে গেল জুলিয়া । ওদের রাতের খাবার সাজিয়ে রাখা সেখানে ।

‘খাও, নিভিয়া,’ বললো জুলিয়া । ‘আগে এই মদটুকু খেয়ে নাও, পা গরম হবে । আমার হাড় পর্যন্ত জমে গেছে ঠাণ্ডায় ।’

জুলিয়ার বাড়িয়ে দেয়া পানপাত্রটা নিলো নিভিয়া । চুমুক না দিয়ে জিজ্ঞেস করলো, ‘ওষুধের শিশিটা আমাকে একটু ধরতে দেবেন ?’

‘কেন দেবো না ! এই নাও ।’

‘আহ্, কি ছোট শিশি ! রঙ কেমন ওষুধের ?’

‘ফটিকের মতো স্বচ্ছ,’ শিশিটা নিভিয়ার কাছ থেকে ফেরত নিতে নিতে বললো জুলিয়া । ‘ওষুধ না জানলে কেউ বুঝতেই পারবে না এটা পানি না অন্য কিছু । ভাইনী বলেছে, খেতেও নাকি পানির মতোই, স্বাদ-গন্ধহীন ।’

‘দেখতে একেবারে পানির মত ?’

‘হ্যাঁ । টলটলে, কোনো রঙ নেই । আমার মনে হচ্ছে টাদের জ্যোৎস্না ভরে দিয়েছে শিশিটায় !’

‘কেমন করে মুখ লাগানো হয়েছে শিশি ?’

‘ছোট একটা ছিপি দিয়ে,’ উচ্চাসে কিছুতেই শেষ হচ্ছে না জুলিয়ার । ও ধরেই নিয়েছে এ ওষুধে কাজ হবে । বললো, ‘এই যে,

ছিপিটা আমি খুলছি এখন ! শুঁকে দেখছি—না, ঠিকই বলেছে বুড়ি, কোনো গন্ধ নেই ।’

হঠাৎই প্রসঙ্গ পাণ্টালো নিড়িয়া। টেবিলের ওপর হাত বাড়াতোই হাতে ঠেকেছে ছোট্ট একটা শিশি। সেটা তুলে নিয়ে ও প্রশ্ন করলো, ‘এটা কিসের শিশি, জুলিয়া ?’

‘ওটা। ওটা একটা সুগন্ধী ।’

‘সুগন্ধী !’ শিশির মুখ খুলে শুঁকলো নিড়িয়া। ‘কি সুন্দর গন্ধ !’

‘নেবে তুমি ?’ জিজ্ঞেস করলো জুলিয়া, ‘নাও। গুরুকম সুগন্ধী আমার অনেক আছে ।’

প্রতিবাদ করলো না নিড়িয়া। আরেকবার গন্ধ নিলো শিশির মুখ খুলে। তারপর ঢুকিয়ে রাখলো পোশাকের ভেতর।

ইতিমধ্যে কয়েক পাত্র মদ খেয়ে উক হয়ে উঠেছে জুলিয়া। কথার খই ফুটেছে তার মুখে। মাথামুণ্ডু নেই সে কথার। হাসছে কারণে অকারণে। মাঝরাত পেরিয়ে যাওয়ার অনেক পরে থামলো ওর উচ্ছ্বাস। দাসীদের ডেকে পোশাক ছাড়লো।

দাসীরা বিদায় হতে সে নিড়িয়াকে বললো, ‘এই পবিত্র জিনিস আমি সব সময় নিজের কাছে রাখবো। নিজের হাতে প্রয়োগ করবো আমার মনের মানুষের ওপর। শুয়ে থাকো, বাছা, আমার বালিশের নিচে। শুয়ে শুয়ে আমাকে সুখস্বপ্ন দেখাও !’

বলে সে ওষুধের শিশিটা রাখলো বালিশের নিচে। হৃৎস্পন্দন দ্রুত হয়ে উঠলো নিড়িয়ার।

‘খালি পানি খাচ্ছে কেন, নিড়িয়া ? কিসে একটু মদও খাও ।’

‘না, আমার শরীরটা বিশেষ ভালো লাগছে না,’ জবাব দিলো নিড়িয়া। ‘তাছাড়া খুব ভোরে—আপনি ওঠার আগেই আমাকে

কিরে যেতে হবে আয়োনের কাছে। এখন মদ খেলে ভোরে উঠতে পারবো না। ভোরে আপনার সাথে কথা বলার সুযোগ না-ও হতে পারে, তাই এখনই বিদায় নিয়ে নিচ্ছি।’

‘ধন্যবাদ। আবার যখন আমাদের সাক্ষাৎ হবে, দেখবে প্রকাশ আমার পায়ে লুটাচ্ছে।’

যার যার বিছানায় শুয়ে পড়লো ওরা।

জুলিয়া ঘুমিয়ে গেল শিগগিরই। হয়তো সুখস্বপ্নে বিভোরও হয়ে গেল। নিভিয়া ঘুমালো না—ঘুম এলো না ওর। অনেকক্ষণ পর যখন জুলিয়ার শ্বাসপ্রশ্বাস ভারি হয়ে উঠলো, নিঃশব্দে উঠে এলো ও বিছানা ছেড়ে। পোশাকের ভেতর থেকে সুগন্ধীর শিশিটা বের করে ভেতরের তরল পদার্থ মেঝেতে ফেলে দিলো। শিশিটা তার-পর সাবধানে পানি দিয়ে ধুলো কয়েকবার। জুলিয়ার বিছানার পাশে গিয়ে দাঁড়ালো। কম্পিত হাতে বালিশের নিচ থেকে বের করে আনলো বশীকরণ ওষুধের শিশিটা। জুলিয়া কিছু টের পেলো না। যেমন বইছিলো তেমনি গভীরভাবে বয়ে চললো ওর নিশ্বাস-প্রশ্বাস।

নিভিয়া এবার ওষুধের শিশিটা খুললো। ভেতরের জিনিস সুগন্ধীর শিশিতে ঢেলে মুখ আটকে রেখে দিলো পোশাকের ভেতর, বুকের কাছে। আর ওষুধের শিশিতে ভরলো পানি। যেখান থেকে নিয়েছিলো সেখানে রেখে শুয়ে পড়লো নিজের বিছানায়। এবারও ঘুমালো না ও। শুয়ে শুয়ে নিজের মনে বলতে লাগলো :

‘প্রকাশ। জুলিয়ার সব বশীকরণ ওষুধ যদি খাওয়ানো হয়, তুমি আমি তোমাকে যতটা ভালোবাসি ততটা ভালো আমাকে বাসতে পারবে না। আয়োন!—আহ, দূর হুঁ দ্বিধা! দূর হুঁ দ্বন্দ্ব। প্রকাশ,

আমার ভাগ্য তোমার হাসির মুঠোর। আর ভোয়ার ? হ্যা, তোমার ভাগ্য এখন আমার হাতে বন্দী !’

ষোলো

আজ ডাঙমেডের বাড়িতে ভোজ ।

প্রকাশ : তার বন্ধুবান্ধব লেপিডাস, ক্রোডিয়াস, স্যালাস্ট, প্রেমিকা আয়োন ছাড়াও নিমন্ত্রিতদের ভেতর রয়েছে জনৈক রোমান সিনেটর, বিধবা ফুলভিয়া, কবি ফুলভিয়াস—নাম ছাড়া বিধবার সাথে তার কোনো মিলই নেই ; সস্ত্রীক এডিল (ম্যাজিস্ট্রেট) পানসা। এছাড়াও হারক্যুলেনিয়াম থেকে এসেছে নাম করা এক যোদ্ধা, সাথে তার এক সাগরেদ ।

অনুষ্ঠানের মধ্যমণি হয়ে ঘুরে বেড়াচ্ছে জুলিয়া। শাদার ওপর মুক্তা আর সোনালি সূতোর কাজ করা অপূর্ব একটা পোশাক পরেছে সে। সুন্দরী জুলিয়াকে আরো সুন্দর লাগছে তাহলে কিন্তু তার জন্যে ওর এই সাজ তার কোনো মনোযোগ নেই সোঁদিকে। খুঁজতে খুঁজতে বাগানমুখী একটা জানালার ধারে পৌঁছো তাকে জুলিয়া। নিশ্চেষ্টে পাশে গিয়ে দাঁড়ালো।

‘এখনীয়দের স্বভাব কি এরকমই, প্রকাশ ?’ মুছ কণ্ঠে বললো সে, ‘—বন্ধুকে কয়েকদিনের বিচ্ছেদেই ভুলে যায়।’

‘না, জুলিয়া !’

‘তাহলে আমার মনে হয় প্রকাসের স্বভাবটাই এরকম ।’

‘না, জুলিয়া,’ আবার বললো প্রকাস, ‘প্রকাস কখনো বন্ধুকে ভুলে যায় না ।’

‘তাহলে কি বলবে, জুলিয়াকে তুমি বন্ধু ভাবো না ?’

‘খোদ সম্রাটও তোমার মতো রূপসীর বন্ধু হতে পারলে নিজেকে সম্মানিত মনে করবেন ।’

‘আমার প্রশ্নটা তুমি এড়িয়ে গেলে, প্রকাস,’ ক্ষুব্ধ স্বরে বললো জুলিয়া । ‘ঠিক আছে, একটা কথা বলো, নিয়্যাপোলিটান আয়োনের রূপ তোমার কেমন লাগে ?’

‘মানে ?’

‘মানে তুমি তারিফ করো কিনা ?’

‘সৌন্দর্য মাত্রই কি তারিফ দাবি করে না ?’

‘এবারও তুমি এড়িয়ে গেলে আমার প্রশ্ন । ঠিক আছে, আগে যা গেছে যাক । বলো, এখন থেকে জুলিয়া তোমার বন্ধু হতে পারে কিনা ?’

‘জুলিয়া যদি হয়, আমি ধন্য মনে করবো নিজেকে ।’

‘এবার অন্য একটা প্রশ্নের জবাব দাও, আয়োনকে তুমি বিয়ে করছো, তাই না ?’

‘আ, ই্যা, ইচ্ছে আছে ; অবশ্য যদি ভাগ্যের সহায়তা পাই ।’

‘তাহলে আমার একটা অনুরোধ রাখবে ?’

‘বলো ।’

‘আমাদের নতুন বন্ধুত্বকে স্মরণীয় করে রাখার জন্যে তোমার ভাবী স্ত্রীকে—না, তোমাদের দু’জনের একটা উপহার দিতে চাই ।’

বলো আমাকে ফিরিয়ে দেবে না।’

‘তা না হয় দেবো না। কিন্তু আয়োনের হাতেই তো তুমি ওটা দিতে পারো।’

‘না, আয়োন যদি ফিরিয়ে দেয়?’

‘ঠিক আছে, জুলিয়া; তুমি যখন বলছো...’

‘তাহলে খাওয়া দাওয়া শেষে আমার সঙ্গে আমার ঘরে যাবে তুমি ওটা নেয়ার জন্যে। ভুলো না।’

বলে আর দাঁড়ালো না জুলিয়া। পানসার স্ত্রীকে দেখে এগিয়ে গেল তার দিকে।

ভূরিভোজ শেষ হতে হতে বিকেন হয়ে গেল। পম্পেই-এর ওপর যখন সন্ধ্যার আধার ঘনিয়ে আসছে তখন একে একে বিদায় নিতে শুরু করলো অতিথিরা।

আয়োন চলে যাওয়ার পর জুলিয়াকে খুঁজে বের করলো গ্রকাস।

‘ভোলোনি তাহলে!’ হাসিমুখে বললো জুলিয়া। ‘চলো আমার ঘরে।’

‘গ্রকাস,’ ঘরে পৌঁছে জুলিয়া বললো, ‘আজ বুঝেছি, সত্যিই তুমি আয়োনকে ভালোবাসো।’

‘হ্যাঁ, জুলিয়া, সত্যিই বাসি।’

‘এই মুক্তাগুলো তোমার ভাবী বধূকে আমি উপহার দিতে চাই,’ বলতে বলতে জুলিয়া ছোট একটা বাস্র বাড়িয়ে দিলো গ্রকাসের দিকে। গ্রকাস সেটার মুখ খুলে দেখলো, ভিতরে সাজানো রয়েছে চমৎকার একটা মালা। প্রতিটি মুক্তা একই রকম দেখতে। আকারেও বেশ বড় প্রত্যেকটা। একটু সংকুচিত বোধ করলো গ্রকাস। এত দামী

জিনিস দিচ্ছে ডাঙমেডের মেয়ে—যাকে সে, সত্যি কথা বলতে কি পছন্দ করে না।

‘ও কি ঋণী করে কেলতে চাইছে আমাকে?’ মনে মনে বললো প্রকাশ। ঠিক করলো, খুব শিগগিরই এর তিনগুণ দামের কিছু একটা উপহার দেবে সে জুলিয়াকে। আর যা-ই হোক, জুলিয়ার মতো মেয়ের কাছে ঋণী থাকা যায় না। মালাটার দিকে কিছুক্ষণ তাকিয়ে রইলো প্রকাশ। তারপর মুখ তুলে অক্ষুট কর্তে ধন্যবাদ জানালো জুলিয়াকে।

‘এসো, যাওয়ার আগে আমার সঙ্গে একপাত্র পান করে যাও।’ টেবিলের ওপর থেকে একটা মদভর্তি পানপাত্র তুলে নিলো জুলিয়া। ‘তোমার ভারী জ্বর স্বাস্থ্য ও সৌভাগ্য কামনা করে।’

পানপাত্রটা ঠোটে ছুঁইয়ে সে এগিয়ে দিলো প্রকাশের দিকে। নিয়ম হলো প্রকাশকে এখন এক চুমুকে সবটুকু পানীয় গলায় ঢালতে হবে। ও তা-ই করলো।

জুলিয়া তীক্ষ্ণ দৃষ্টিতে তাকিয়ে আছে প্রকাশের মুখের দিকে। প্রতি মুহূর্তে আশা করছে, এই বৃষ্টি পানপাত্র নামিয়ে রেখে প্রকাশ এসে ধরলো তার হাত। কিন্তু আশা আশাই রয়ে গেল জুলিয়ার। প্রকাশের কোনো ভাবাস্তর হলো না।

‘এবার তাহলে আসি, জুলিয়া,’ পানপাত্র টেবিলে রেখে প্রকাশ বললো।

‘আ—আচ্ছা,’ জবাব দিলো জুলিয়া।

প্রকাশ বেরিয়ে গেল ওর দর থেকে।

‘কাল—কাল, প্রকাশ,’ বিড়বিড় করে বললো জুলিয়া। ‘কাল তুমি এসে লুটিয়ে পড়বে আমার পায়ে।’

ডাইনী সেরকমই বলেছিলো। লোকটা যদি দৃঢ়চেতা হয় তবে পুরো একদিনও লাগতে পারে ওষুধের ক্রিয়া হতে।

বেচারি জুলিয়া!—যদি জানতো নিডিয়ায় ছদ্মের কথা।

গ্রকাস যখন বাড়ি ফিরলো নিডিয়া তখন বসে আছে ওর বাড়ির বাগানের দিকের একটা দরজার গোড়ায়। গ্রকাসকে দেখে চঞ্চল হয়ে উঠলো সে। লাল হয়ে উঠলো মুখ। হৃৎস্পন্দন দ্রুত হয়ে গেল। গ্রকাস যে এত তাড়াতাড়ি ফিরবে ও ভাবতে পারেনি। সচরাচর মাঝরাতের আগে ফেরে না গ্রকাস। আজ কী এমন হলো যে এত তাড়াতাড়ি ফিরে এলো? অস্বাভাবিক কিছু ঘটেনি তো জুলিয়ার বাড়িতে? সারা দিন ভেবেছে নিডিয়া, কী করে গ্রকাসকে ওষুধ খাওয়াবে? ভেবে ভেবে একটা বুদ্ধি বেরও করেছে। কিন্তু অস্বাভাবিক কিছু যদি ঘটে থাকে বুদ্ধিটা কি কাজে লাগবে? আর গ্রকাস ভাবছে, নিডিয়া এখানে কেন? ওর এখন আয়োনের বাড়িতে থাকার কথা তো!

‘কী ব্যাপার, নিডিয়া?’ গ্রকাস জিজ্ঞেস করলো, ‘আমার জন্যে বসে আছো? আয়োন কোনো খবর পাঠিয়েছে?’

‘না, আমি এসেছিলাম ফুল নিতে। যাওয়ার আগে ভাবলাম একটু বিশ্রাম নিয়ে যাই।’

‘সত্যিই, আজ ভীষণ গরম পড়েছে। ডেভাসকে একটু ডেকে আনবে, নিডিয়া? অনিচ্ছা সত্ত্বেও এত মদ খেয়েছি ডাওমেডের বাসায়, এখন কেমন গা গুলাচ্ছে। কোনো ঠাণ্ডা পানীয় দিতো ডেভাস।’

অপ্রত্যাশিতভাবেই আকাত্তিক প্রয়োগটা পেয়ে গেল নিডিয়া।

সারাদিন ভেবে ও যে বুদ্ধি বের করেছে তার চেয়ে অনেক সহজ আর নিরাপদ এটা। উঠে দাঁড়িয়ে ও বললো, 'ডেভাসকে কী দরকার, আমিই এনে দিচ্ছি। রোজ সন্ধ্যায় আয়োন যেটা খান সেটা বানিয়ে দেবো? তুমি দেওয়া মধুর সাথে হালকা মদ মিশিয়ে?'

'দাও, দাও,' বললো প্রকাস। 'আয়োন যা রোজ খায়, আমিও খাবো; বিষ হলেও খাবো।'

ভুরু কুঁচকালো নিভিয়া। হাসলো একটু। তারপর চলে গেল বাড়ির ভেতর। ফিরলো একটু পরেই। শীতল পানীয় ভর্তি পানপাত্র ওর হাতে। প্রকাসের দিকে এগিয়ে দিলো ও পানপাত্রটা। হাতটা কি একটু কেঁপে গেল নিভিয়ার? কাঁপতেই পারে। ওর জীবনের চরম সন্ধিক্ষণ এটা। দাসত্ব, দৈন্য, গ্রানি, হৃদয়জোড়া হতাশা—একটু পরেই কোথায় মিলিয়ে যাবে সব! প্রকাস ওর হবে! একান্ত ওর!

পানপাত্র ঠোটে ছোঁয়ালো প্রকাস। এক চুমুকে প্রায় চারভাগের একভাগ পানীয় গলায় ঢেলে দিলো। তারপর হঠাৎই চোখ পড়লো নিভিয়ার দিকে। চমকে উঠলো প্রকাস। খরখর করে কাঁপছে নিভিয়া। মুখ টকটকে লাল, যেন রক্ত ফেটে বেরোবে একুণি। চোখ দুটো বিস্ফারিত, যেন ভয়ানক আতঙ্ককর কিছু দেখেছে।

'কী হয়েছে, নিভিয়া!' চিৎকার করে উঠলো প্রকাস। 'নিভিয়া! শরীর খারাপ লাগছে? কোথাও ব্যথা করছে? কী হয়েছে, বলো আমাকে, নিভিয়া!'

বলতে বলতে পানপাত্রটা নামিয়ে রেখে প্রকাস ফুলওয়ালীকে ধরার জন্যে এগোলো সে। কিন্তু নিভিয়ার কাছ পৌঁছানোর সময় প্রকাস পেলো না। আচনকা একটা শীতল লোহার শলাকা যেন একেঁড় ওকেঁড় করে দিলো তার হৃৎপিণ্ড। একই সঙ্গে মাথার ভেতর কী

যেন সব ভেঙেচুরে এলোমেলো হয়ে ঘুরপাক খেতে লাগলো।
পায়ের নিচ থেকে মাটি যেন সরে গেল হঠাৎ। গ্লকাসের মনে হলো
সে যেন হাওয়ার ওপর দিয়ে হেঁটে চলেছে, আর নিভিমা যেন ক্রমশ
দূরে সরে যাচ্ছে ওর কাছ থেকে। স্ক্রক বা আতঙ্কিত হওয়া উচিত
ছিলো গ্লকাসের। কিন্তু না, এক উদ্দাম অপাখিব আনন্দের বন্যায়
ভেসে গেল ওর মন, আত্মা। মনে হলো মাটির পৃথিবী ওর ওজন-
হীন দেহের অযোগ্য স্থান, উড়ে যেতে চায় সে হাওয়ার রাজ্যে।
আহ, তুখানি পাখা যদি থাকতো তার!

মুহূর্ত পরেই মনে হলো, এই তো চমৎকার তুখানা পাখা রয়েছে
পিঠে! কিসের জন্যে মিছে ভেবে মরছে সে? নিজের বোকামিতে
নিজেই হেসে উঠলো হা-হা করে। হাততালি দিয়ে উড়বার জন্যে
লাফ দিলো ওপর দিকে।

যেমন এসেছিলো তেমনি আচমকা প্রশমিত হলো এই ধাক্কা।
তবে পুরোপুরি নয়। এখন শরীরটাকে তত হালকা আর মনে হচ্ছে
না বটে কিন্তু শিরায় শিরায় এখনও রক্ত ছুটছে উদ্ভাল প্রবাহে।
সেই রক্তেরই চাপে যেন কপাল ফেটে যেতে চাইছে, শিরা উপশিরা
ছিঁড়ে যেতে চাইছে, কানে তালি ধরিয়ে দিতে চাইছে রক্তের স্রোত।
হঠাৎ কোথা থেকে যেন আধার বনিয়ে এলো আরও চোখের
সামনে। আধারের সেই কালো পর্দার ওপাশে দেয়ালের ছবিগুলো
সব জ্যাস্ত হয়ে উঠলো। প্রেতের মতো লাফাতে লাগলো গ্লকাসের
চারপাশে।

সবচেয়ে অবাক ব্যাপার গ্লকাস নিজেকে অসুস্থ মনে করতে পারছে
না। মনে হচ্ছে এ-ই স্বাভাবিক। কে প্রচণ্ড নেশা তাকে পেয়ে
বসেছে তার তীব্রতা অনুভব করেও ভয় পাচ্ছে না মোটেই। সমস্ত

অনুভূতি যেন আগের চেয়ে তীক্ষ্ণ আর উজ্জ্বল হয়ে উঠেছে। আশ-পাশে যা কিছু আছে সবই মনে হচ্ছে আগের চেয়ে মধুর। তারুণ্যের উচ্ছ্বাস যেন দেহ মনকে করে তুলেছে আরো সজীব আরও উৎফুল্ল।

পাগলামির দিকে এগিয়ে চলেছে গ্লকাস—কিন্তু সে নিজে তার কিছুই বুঝছে না!

নিভিয়া জবাব দিতে পারেনি গ্লকাসের প্রথম প্রশ্নের। ‘কী হয়েছে, নিভিয়া?’—এর জবাবে কী বলতে পারে ও? কিন্তু অট্টহাসি শুনে ভয় পেয়ে গেল। এ হাসি তো পাগলের হাসি—চোখে দেখে না নিভিয়া। গ্লকাসের ভাবভঙ্গি, চেহারা কিছুই সে দেখতে পায়নি, তবে হাসি শুনেছে, শুনেছে প্রলাপের মতো অর্থহীন কথা ফুলঝুরি। তাতেই ও বুঝে নিয়েছে, কিছু একটা ঘটেছে—ভয়ঙ্কর কিছু। স্বর লক্ষ্য করে হু’বাহ বাড়িয়ে ও এগিয়ে গেল গ্লকাসের দিকে। জড়িয়ে ধরলো জামু। তারপর মাটিতে বসে পড়ে কান্না আতঙ্ক আর উত্তেজনা মেশানো স্বরে বললো :

‘কথা বলুন, প্রভু! কথা বলুন! বলুন, আমাকে আপনি ঘৃণা করেন না!—বলুন! বলুন!’

গ্লকাস তখন বলে চলেছে, ‘উজ্জ্বল দেবীর নামে বলছি, কি সুন্দর দেশ এই সাইপ্রাস!...ওরা মদের বদলে রক্ত দেয় না কেন আমাদের পান করতে? ঐ দেখ, ছাগলের শিরা চিরে ওরা দেখাচ্ছে, দেখাচ্ছে, রক্তের স্রোত কেমন ক’রে কোন পথে ধেয়ে চলে...এদিকে এসো, ফুতিবাজ বুড়ো দেবতা! ছাগলের পিঠে চড়ে!—দেখ কি সুন্দর কোমল মসৃণ চুল ওর গায়ে! পাখিয়ার জীবৎ ঘোড়ার চেয়েও দাম বেশি ওর, জানো? কিন্তু, একটা কথা তোমাকে বলতে চাই, তোমার এই মদ আমাদের মতো দুর্বল মানুষের পক্ষে হজম করা শক্ত!...ওহু!

কী সুন্দর ! গাছের ডাল আর নড়ে না । বনের সবুজ ঢেউ বন্দী করেছে মলয় বাতাসকে । ডুবিয়ে মেরেছে ওকে ! ছপুর রোদে,’ (এখন ঘোর সন্ধ্যা) ‘ঐ স্বরনাটা দেখ কেমন ঝকঝক করেছে ! ফোয়ারা ! আরে, দেখ ফোয়ারা লাফিয়ে উঠেছে ওখান থেকে ! ও বাবা ফোয়ারা, বলো তো মতলবটা কী তোমার ? আমার গ্রীসীয় সূর্যকে নিবিয়ে দিতে চাও ? শোনো হে, তা তুমি পারবে না, বৃথাই চেষ্টা করছো !—আরে, ওক পাতার মালা মাথায় কে ঐ মেয়ে বনের ভেতর ঘুরে বেড়াচ্ছে ?—টাদের একটা ঝলক যেন পিছলে যাচ্ছে আর আসছে ! পরী নাকি ? হ্যাঁ, তা-ই । কিন্তু, পরীটা আমার দিকে আসছে না ! কেন ?’

‘ওহ ! প্রভু ! প্রকাশ ! প্রকাশ ! আপনি আমাকে চিনতে পারছেন না ? অমন পাগলের মতো বকছেন কেন ?’

আলগোছে নিভিয়ার রেশমের মতো চুলে হাত রাখলো প্রকাশ । ‘ভেনাস, আর ডায়না আর জুনো—সবার নামে শপথ করে বলছি, আমার ঘাড়ে ওরা পুরো পৃথিবীটা চাপিয়ে দিয়েছে, যেমন দিয়েছিলো আমার দেশী হারকিউলেসের ঘাড়ে ! দেশীর মতো আমিও বলছি, আয়োনের একটু হাসির বিনিময়ে আমি এটাকে নরকে ছুঁড়ে দিতে পারি । আহ, সুন্দরী—সুন্দরী, প্রিয়তমা !’ এক মুহূর্ত থেমে হতাশ কণ্ঠে যোগ করলো, ‘না ; তুমি আমাকে ভালোবাসো না । ঐ বুড়ো মিশরীয় তোমার কানে বিষ ঢেলেছে আমার নামে । কিন্তু হায়, আয়োন, তুমি সব বিশ্বাস করেছো ! না, না, না, তুমি আমাকে ভালোবাসো না । তুমি আমাকে খালি কষ্ট দিতে চাও !’

‘প্রকাশ ! প্রকাশ !’ বিড়বিড় করলো নিভিয়া ।

‘কে !’ চমকে ওঠা স্বরে বললো প্রকাশ, ‘আয়োনের গলা না !’

বুড়ো মিশরীয় আবার ধরেছে ওকে ! আমি বাঁচাবো—বাঁচাবো আয়োনকে । কই আমার ছোরা ? হা, এই তো ! আসছি, আয়োন, আমি আসছি !’

বলতে বলতে কড়ের বেগে বাড়ি থেকে বেরিয়ে গেল প্রকাশ । রাস্তায় নেমে ছুটলো উদ্দীপ্তাঙ্গে ।

সত্তেরো

একই সময়ে শহরের আরেক অংশে এক ভাঙা মন্দিরে লুকিয়ে বসে আছে এক লোক । আইসিস-মন্দিরের প্রধান পুরোহিত ক্যালেনাস ।

মন্দিরটি কবে কোন বিশ্বৃত দেবতার পূজার জন্যে তৈরি হয়েছিলো তা এখন আর কেউ বলতে পারে না । রাস্তা থেকে ওটা ভালো দেখাও যায় না । মন্দিরের সামনে যে জায়গায় আগে বাগান ছিলো এখন সেখানে আগাছার রাজ্য ।

ক্যালেনাস যেচে পড়ে একটা গোয়েন্দাগিরি-ভার নিয়েছে । এপিসাইডেসের গতিবিধির ওপর নজর রাখছে গোপনে । ক্যালেনাসকে অবশ্য দোষ দেয়া যায় না এজন্যে তার সহকারী কোনো পুরোহিত যদি স্বধর্ম ছেড়ে অন্য ধর্ম গ্রহণ করে তাহলে সে মুখ দেখায় কী করে ? দেবী আইসিসেরই বা মর্যাদা থাকে কোথায় ? এমন কিছু ঘটতে চললে প্রতিকারের চেষ্টা ক্যালেনাসের কর্তব্যের

মধ্যেই পড়ে ।

নাথারেন অলিনথাসের সাথে এপিসাইডেসের ঘনিষ্ঠতার কথা তার অজানা নেই । এপিসাইডেস ব্যাপারটা গোপন করার প্রয়োজন বোধ করেনি তাই কোনোরকম লুকোচুরির আশ্রয় নেয়নি ও; সুতরাং জানতে অসুবিধা হয়নি ক্যালেনাসের । কিন্তু ও যে নাথারেনদের ধর্মে দীক্ষা নিয়েছে তা জানতো না ক্যালেনাস । জেনেছে কাল । এপিসাইডেসকে অনুসরণ করে এই মন্দিরে এসেছিলো সে । অলিনথাস আগে থাকতেই বসে ছিলো এখানে । এপিসাইডেস আসার পর ওদের যে কথাবার্তা হয় তাতে ক্যালেনাসের বুঝতে অসুবিধা হয়নি, ধর্মাস্তরিত হয়েছে তার সহকারী । ভয়ানক ক্রুদ্ধ হয়েছিলো ক্যালেনাস । হিতাহিত জ্ঞানশূন্য হয়ে কিছু একটা করে বসার কথা ভাবছিলো, এই সময় অলিনথাসের আরেকটা কথা শুনে জমে গিয়েছিলো সে ।

‘জাইসিস মন্দিরের জোচ্চুরি, ধাঙ্গাবাজি আর বেশিদিন চলতে দেয়া যায় না,’ অলিনথাস বলছিলো । ‘চলো, একদিন পূজার সময়ই হৈ-চৈ বাড়িয়ে দেই ।’

‘কী করে ?’ প্রশ্ন করেছিলো এপিসাইডেস ।

অলিনথাস জবাব দিয়েছিলো, ‘মূর্তির ভেতর থেকে যখন দৈববাণী বেরোবে, তুমি তখন এগিয়ে এসে জনতার সামনে ঘোষণা করবে, ও কণ্ঠস্বর দেবীর নয়, ফাঁপা মূর্তির ভেতর লুকিয়ে থাকা এক পুরোহিতের । এটা যদি করা যায় ওখানেই জাইসিসের ওপর থেকে জনসাধারণের ভক্তি উবে যাবে ।’

এপিসাইডেস তর্ক করেছিলো, ‘আমি বললেই লোকে বিশ্বাস করবে কেন ? অন্য পুরোহিতরা চোঁটে উঠবে না, আমার কথা

মিথ্যা ?’

‘বললেও লাভ হবে না। আমাদের ধর্মে যারা দীক্ষা নিয়েছে তাদের সবাইকে নিয়ে ওখানে উপস্থিত থাকবো আমি। তুমি এসে ওপ্ত রহস্য কাল করে দেয়া মাত্র আমরা কয়েকজন মন্দিরের ভেতর ছুটে গিয়ে দৈববাণীওয়ালাকে যুতির ভেতর থেকে টেনে বের করে নিয়ে আসবো জনতার সাহায্যে। হাতে হাতে প্রমাণ পেলে ভণ্ড পুরোহিতদের কথা কে আর বিশ্বাস করবে ?’

বুদ্ধিটা পছন্দ হয়েছিলো এপিসাইডেসের। কিন্তু আলোচনা আর বেশিদূর এগোতে পারেনি কাল। অলিনথাসের জরুরি কাজ ছিলো অন্য জায়গায়। আজ রাতে আবার এখানে হুঁজন মিলিত হবে ঠিক ক’রে চলে গিয়েছিলো ওরা। পরামর্শটা পাকা করে ফেলবে আজ। তাই ক্যালেনাস আগে থাকতে এসে বসে আছে মন্দিরের ভাঙা একটি কক্ষে। শত্রুর মতলব ভালো করে জানা থাকলে আশ্রয় করা সহজ হবে। ক্যালেনাস ঠিক করেছে, এপিসাইডেস আর অলিনথাসের আজকের পরামর্শ শুনে নিষেই সে গিয়ে মুকন্দী আর্বাসেসের সঙ্গে দেখা করে জানাবে সব কথা।

ভাঙা মন্দিরের দরজায় দাঁড়ালে রাজপথ দেখা যায় স্পষ্ট। মাঝখানে ঝোপঝাড় আছে ঠিকই, কিন্তু চেপ্টা করলে তার ভেতর দিয়ে দেখতে অসুবিধা হয় না। দরজার কাছে দাঁড়িয়ে ক্যালেনাস দেখলো এপিসাইডেস আসছে। তাড়াতাড়ি সে মন্দির থেকে বেরিয়ে একটা ঝোপের ভেতর লুকিয়ে পড়লো। অলিনথাস এসেছে কিনা দেখার জন্যে একবারের জন্যে হলেও মন্দিরে ঢুকলে এপিসাইডেস।

ক্যালেনাসের ধারণা যে সত্যি তথ্য প্রমাণ পাওয়া গেল কয়েক মুহূর্ত পরেই। ঝোপঝাড় পেরিয়ে সোজা মন্দিরে ঢুকলো এপিসাই-

ডেস। অলিনথাস আসেনি দেখে গিয়ে দাঁড়ালো পথের পাশে।

ক্যালেনাস আবার উঠে এসে মন্দিরের দরজায় দাঁড়ালো। অলিনথাস আসছে কিনা দেখা দরকার। এমনও হতে পারে, অলিনথাস এসেই শিষ্যকে নিয়ে অন্য কোথাও চলে গেল পরামর্শের জন্যে। সে ক্ষেত্রে ক্যালেনাসের পুরো পরিশ্রমটাই মাটি হবে।

বেশ কিছুক্ষণ পেরিয়ে গেল। হঠাৎ ক্যালেনাস চঞ্চল হয়ে উঠলো। অলিনথাস আসছে। কিন্তু না, এ তো অলিনথাস নয়! অলিনথাস বেঁটে, মোটা, মাথায় টাক আছে। এ লোকটা অনেক লম্বা অলিনথাসের চেয়ে। পোশাক আশাকেও অন্যরকম।

এক মুহূর্ত পরেই লোকটাকে চিনতে পারলো ক্যালেনাস। ভীষণ অবাক হলো সে। এত রাতে এই নির্জন পথে কোথায় চলেছে আর্বাসেস? সে না অসুস্থ! এত তাড়াতাড়ি সুস্থ হয়ে উঠেছে? নাকি অসুস্থতা সত্ত্বেও কোনো কারণে এত রাতে বিছানা ছেড়ে উঠে আসতে বাধ্য হয়েছে আর্বাসেস? কী সে কারণ?

সারাটা দিন অস্থিরতায় কাটিয়েছে আর্বাসেস। জুলিয়া পরিকল্পনা মতো ছপুত্রের ভোজ সভায় প্রকাশকে ওষুধ খাওয়াতে পারলো কিনা কে জানে?

সন্ধ্যা নাগাদ অস্থিরতা চরমে পৌঁছুলো। আর সহ্য করতে না পেরে আলখাল্লাটা গায়ে চাপিয়ে বাড়ি থেকে বেরিয়ে এলো আর্বাসেস। ধীর পায়ে (প্রধানত দুর্বলতার কারণে) এগিয়ে চললো ডাওমেডের বাড়ির দিকে।

পথের পাশের প্রাচীন এক ভাঙা মন্দিরের কাছ দিয়ে যাওয়ার সময় হঠাৎ সে খেয়াল করলো, একটা ঝোপের কাছে দাঁড়িয়ে আছে

এক তরুণ। তাঁদের আলোয় তরুণকে চিনতে অসুবিধা হলো না আর্বাসেসের। মন্দিরের ভেতর থেকে ক্যালেনাস যেমন অবাক হয়েছে আর্বাসেসকে দেখে আর্বাসেসও তেমনি অবাক হলো এপিসাইডেসকে দেখে। এত রাতে এ ছোকরা এখানে কী করে ?

আরেকটু এগিয়ে আর্বাসেস বললো, ‘আরে, এপিসাইডেস না ! এই রাতে এখানে কী করছো ?’

চমকে ঘুরে তাকালো এপিসাইডেস। আর্বাসেসকে দেখেই থিঁচড়ে গেল মেজাজ।

‘বদমাশ ভণ্ড !’ গর্জে উঠলো সে। ‘কবরের ছয়দ থেকে ফিরে এসেছো তাহলে ! তাই বলে ভেবো না আমার আমাকে আটকাতে পারবে ভণ্ডামির জালে। তোমার জাল কী করে কাটতে হয় আমি জানি।’

‘চুপ চুপ !’ নিচু কণ্ঠে বললো আর্বাসেস, ‘কেউ শুনে ফেলবে। কেন—’

‘শুনে ফেলবে ? ফেলুক না ! সারা শহরের সামনে দাঁড়িয়ে আমি বলবো তোমার ভণ্ডামির কথা।’

‘এপিসাইডেস, কী বলছো বুকে শুনে বলছো তো ? বুঝতে পেরেছি, তোমার বোনের সাথে দুর্ব্যবহার করেছি বলে রেগে আছো তুমি। কিন্তু – কিন্তু সত্যি বলছি, এপিসাইডেস, ঐ ব্যাপারটার জন্যে আমি অনুতপ্ত। আসলে সেদিন যখন আয়োন আমাকে প্রত্যাখ্যান করলো, আমি হিতাহিত জ্ঞানশূন্য হয়ে গিয়েছিলাম। আমি কমা চাইছি তোমার কাছে, এপিসাইডেস—আমি আর্বাসেস জীবনে কখনো কমা চাইনি কারো কাছে, আজ তোমার কাছে চাইছি। না, আমি প্রায়শ্চিত্ত করবো আমার ঐ অপরাধের—আমার সাথে বিয়ে দাও

তোমার বোনের। চমকে উঠে না—ভেবে দেখো আমার প্রস্তাবটা।
এ ভবঘুরে গ্রীকটার চেয়ে আমি খারাপ কোন দিক দিয়ে? ধন,
বিদ্যা, বুদ্ধি কোনটা আমার কম ওর চেয়ে? আমার হাতে তুলে
দাও আয়োনকে, আমার এক মুহূর্তের ভুলের প্রায়শ্চিত্ত করবো
আমি সারা জীবন।’

‘সত্যিই তোমার সাহসের প্রশংসা না করে পারছি না, আর্বা-
সেস!’ ভেতরে ভেতরে রাগে টগবগ করে ফুটলেও ওপরে শান্ত
ভাব বজায় রাখলো এপিসাইডেস। ‘আমার বোনকে বিয়ে করতে
চাও! সেদিন যা ঘটেছে তারপর! অতি বাড় বেড়েছে তোমার,
আর্বাসেস!’

‘কেন, এপিসাইডেস, আমি খারাপ কিসে?’

‘আমার চেয়ে তুমিই তা ভালো জানো, ভগ্ন বদমাশ!’

‘সাবধান, এপিসাইডেস, তুমি কিন্তু বাড়াবাড়ি করে ফেলছো!’

‘বাড়াবাড়ির দেখেছো কী? একটু ধৈর্য ধরে থাকো, কয়েকদিনের
মধ্যেই তোমার দেবী-মন্দিরের সব গোপন রহস্য আমরা ফাঁস করে
দেবো, তখন বুঝবে বাড়াবাড়ি কাকে বলে!’

চমকে উঠলো আর্বাসেস। বলে কী ছোকরা!

‘আবার বলছি, এপিসাইডেস, সাবধান!’ বললো সে।

‘ভয় দেখাচ্ছে? তাহলে শুনে রাখো, দুশ্চরিত্র লাস্ট, জাগতিক
সব ভয়ের উল্লেখ উঠে গেছি আমি। আস্তা এনেছি এক ও অদ্বিতীয়
সত্য ঈশ্বরে। হুনিয়ার কোনো কিছুতে আর আমার ভয় নেই!’

আবার চমকালো আর্বাসেস। এবার আগের চেয়ে তীব্রভাবে।
তাহলে ব্যাপার এই! ছোকরা নাকচরন হয়েছে। আর তো একে
কোনো ছলনায় বশ করা যাবে না! এরপর যদি ও আয়োনকে

খ্রীষ্টের ধর্মের দিকে টানে ?—না, কিছুতেই তা হাতে দিতে পারে না আর্বাসেন।

‘আমি ছুঁষিত, এপিসাইডেস, হুনিয়ার লীলা তোমার ফুরালো,’ মনে মনে বলতে বলতে আচমকা আলখাল্লার ভেতর হাত ঢুকিয়ে ছোরা বের করে আনলো সে। আত্মরক্ষার জন্যে ঘুরে ছুট লাগাতে গেল এপিসাইডেস। কিন্তু সে সুযোগ তাকে দিলো না মিশরীয়। ভয়ঙ্কর এক লাফ দিয়ে ওর সামনে গিয়ে দাঁড়ালো পথ আটকে। ক্রমত ছবার ছোরা চালালো এপিসাইডেসের বুকের বাঁ পাশ ঘেঁষে। হুৎপিঙ এফোড় ওফোড় হয়ে গেল তার। মাটিতে লুটিয়ে পড়লো নিঃশব্দে।

কয়েক মুহূর্ত নিরবে ওর দিকে তাকিয়ে রইলো আর্বাসেন। পরম প্রশান্তির অভিব্যক্তি তার মুখে। শত্রুকে পরাস্ত করার পর হিংস্র জন্তুর মুখে যেমন অভিব্যক্তি হয় অনেকটা তেমন। একটু পরেই সে সচেতন হলো। কেউ যদি এ অবস্থায় এখানে দেখে ফেলে, সর্বনাশ হবে! ভাড়াভাড়ি ছোরাটা পথের পাশের ছুঁবা আর নিহত এপিসাইডেসের কাপড়ে মুছে লুকিয়ে ফেললো আলখাল্লার ভেতর। তারপর রওনা হলো নিজের পথে।

হুঁপাঙ এগোয়নি, এই সময় দেখলো, একটা লোক আসছে। সে যদিকে যাচ্ছে সেদিক থেকেই। মাতালের মতো টলটলে লোকটা। টাঁদের আলোয় এপিসাইডেসকে যেমন দেখামাত্র চিনতে পেরেছিলো একেও তেমনি পারলো। বুকের ভেতর হুৎপিঙটা লাফিয়ে উঠলো আর্বাসেনের। প্রকাশ। তার প্রতিদ্বন্দ্বী এবং পরম শত্রু প্রকাশ। মাতালের মতো অসংলগ্ন স্বরে গান করতে করতে এগিয়ে আসছে। ডাইনীর ওষুধ তাহলে কাজ করেছে! প্রকাশ সত্যিই উন্মাদ হয়ে

গেছে। দ্রুত একটা বোপের আড়ালে গিয়ে দাঁড়ালো আর্বাসেস। পাগল প্রকাশের অবশ্য কোনো দিকে দৃষ্টি থাকার কথা নয়, তবু সাবধান হওয়া ভালো। এপিসাইডেসের মৃতদেহ হয়তো ওর চোখে পড়বে।

সত্যিই চোখে পড়লো প্রকাশের। দাঁড়িয়ে গিয়ে অবাক চোখে দেখতে লাগলো লাশটা, যেন বুঝতে চাইছে, আসলে কী ওটা। তারপর বলে উঠলো :

‘কী হে, এনডিমিয়ন, এত ঘুম কেন? চাঁদ তোমাকে কী বলেছিলো? তোমাকে দেখে হিংসে হচ্ছে আমার। ওঠো, ওঠো, আর ঘুমিও না,’—ঝুঁকে মৃত দেহটা ওঠানোর চেষ্টা করলো সে হ’হাতে।

এই সময় আলোর ঝলকানির মতো একটা বুদ্ধি খেলে গেল আর্বাসেসের মাথায়। বোপের আড়াল থেকে বেরিয়ে ছুটে গেল সে প্রকাশের দিকে। পেছন থেকে প্রচণ্ড এক আঘাত হেনে শুইয়ে ফেললো এপিসাইডেসের দেহের ওপর। তারপরই তারদ্বরে চিৎকার : ‘কে কোথায় আছে, নাগরিকরা, এসো তাড়াতাড়ি! খুন! খুন! তাড়াতাড়ি এসো, পালানো খুনী!’

ঝুঁকে প্রকাশের দেহটা একবার পরীক্ষা করলো আর্বাসেস। জ্ঞান হারিয়েছে। নিশ্চিত হয়ে আবার চিৎকার শুরু করলো সে। সেই সাথে হাতে চললো কাজ। প্রকাশের কোমর থেকে ছোয়া টেনে নিয়ে তাতে এপিসাইডেসের রক্ত মাখিয়ে ফেলে রাখলো মৃতদেহের পাশে।

কিছুক্ষণের ভেতর বেশ কিছু মানুষ জড় হুঁসে জায়গাটায়। কয়েক জনের হাতে মশাল।

‘ধরো খুনীটাকে,’ বাস্তব ভঙ্গিতে বললো আর্বাসেস। ‘খেয়াল রেখো, পালায় না যেন।’

এপিসাইডেসের ওপর থেকে তুলে আনলো তারা অচেতন গ্রকাসকে। চমকে উঠলো সবাই। নিহত এবং খুনী দু'জনকেই ওরা চেনে।

‘গ্রকাস খুন করেছে দেবী আইসিসের পুরোহিত এপিসাইডেসকে!’ সবিস্ময়ে উচ্চারণ করলো কয়েকজন। ‘এ কি সম্ভব?’

‘আমার বিশ্বাস হয় না,’ কে একজন বললো। ‘এ মিশরীয়টাই খুন করেনি তো?’

ইতিমধ্যে একজন সেনচুরিয়ন (রোমান সেনাবাহিনীর একশো সৈন্যের দলনেতা) পৌঁছে গেছে সেখানে। জনতার ভীড় ঠেলে সে সামনে এগোলো।

‘খুন! খুনী কই?’ কতৃৎসের সুরে বললো সেনচুরিয়ন।

গ্রকাসের দিকে ইশারা করলো জনতা।

‘ও! আমার কেমন সন্দেহ হচ্ছে! কে অভিযোগ আনছে ওর বিরুদ্ধে?’

‘আমি,’ এগিয়ে এসে বললো আর্বাসেস। ‘আমার চোখের সামনে ঘটেছে ঘটনাটা!’

আর্বাসেসের দামী, রত্নগচিত পোশাক আশাক দেখে একটু থমকালো সেনচুরিয়ন।

‘শাপ করবেন—আপনার নামটা জানতে পারি?’ জিজ্ঞেস করলো সে।

‘আর্বাসেস। পম্পেই-এর অনেকেই চেনে আমাকে। এ পথে যাচ্ছিলাম। হঠাৎ দূর থেকে খেয়াল করলাম ওখানে দাঁড়িয়ে উত্তপ্ত-স্বরে কী যেন বলছে গ্রীক লোকটাই পুরোহিতকে। ওদের কথা-বার্তা আমি বিশেষ বুঝতে পারিনি। তবে খুনীর ভাবভঙ্গি দেখে

মনে হচ্ছিলো, ও হয় মাতাল নয় তো পাগল। কথা বলতে বলতেই আচমকা ছোঁরা বের করলো গ্রীকটা। অবস্থা সুবিধার নয় বুঝে আমি ছুটলাম ওকে থামানোর জন্যে। কিন্তু কাছে পৌঁছানোর আগেই ও আঘাত করে বসেছে পুরোহিতকে। পর পর দু'বার। আমি যখন পৌঁছলাম তখন হিকা উঠছে পুরোহিতের। কোনো দিকে না তাকিয়ে খুনীকে আমি এক ঘুসিতে মাটিতে ফেলে দিয়ে চিৎকার করে ডাকতে থাকি লোকদের। সেই থেকে ও ঐ একভাবে পড়ে আছে। নেশায় বৃন্দ হয়ে আছে বলেই বোধ হয় উঠতে পারছে না।

‘এই তো চোখ মেলেছে—ঠোঁট নড়ছে,’ বলে সেনচুরিয়ন এগিয়ে গেল প্রকাসের কাছে। ‘এই, ছোকরা, খুনের দায়ে তোমাকে বন্দী করা হয়েছে। কিছু বলার আছে তোমার?’

‘খুনের দায়ে—হা-হা-হা! খুশি মনেই করেছি কাজটা। বৃড়ি ডাইনী যখন তার সাপ লেলিয়ে দিলো, তখন আর কী করার ছিলো আমার? কিন্তু আমি অসুস্থ—আমি জ্ঞান হারাচ্ছি—বৃড়ির সাপ আমাকে ছোঁবল মেরেছে। আমাকে বিছানায় নিয়ে চলো। বৃড়ো বৈদ্য একালাপিয়াসকে ডেকে আনো! তাকে বোলো আমি গ্রীক। ওহ, বাঁচাও—বাঁচাও—ঝলে গেলাম, পুড়ে গেলাম!’

ভয়ানক এক আর্তনাদ করে আবার মাটিতে পড়ে গেল প্রকাস।

‘প্রলাপ বকছে,’ বললো সেনচুরিয়ন। ‘মনে হয় ঘোরের মধ্যেই ও খুন করে বসেছে পুরোহিতকে। তোমরা কেউ আজ ওকে অন্য কোথাও দেখেছো?’

‘আমি দেখেছি,’ একজন বললো, ‘মকালে। আমার দোকানের সামনে দিয়ে যাচ্ছিলো। তখন তাকে ওকে সুস্থই মনে হয়েছিলো।’

‘আমি দেখেছি আধ ঘণ্টা আগে,’ বললো আরেকজন। ‘এই

মিশরীয় ভদ্রলোক যেমন বললেন, মাতালের মতোই মনে হচ্ছিলো তখন। টলতে টলতে চলছিলো রাজপথ দিয়ে, প্রলাপ বকছিলো বিভিবিড় করে, অস্তুত অঙ্গভঙ্গি করছিলো।

‘হুঃখজনক ব্যাপার!’ মন্তব্য করলো সেনচুরিয়ন। ‘খনী লোক, তার ওপর এত কম ব্যয়ে। কিন্তু উপায় কী?—অপরাধটা গুরুতর। আইসিসের একজন পুরোহিতকে হত্যা করেছে, ওকে প্রিটরের কাছে না পাঠিয়ে উপায় নেই।’

‘এরকম বদ লোক যে দেশে আছে সেখানে ভূমিকম্প হবে না তো কী হবে?’ ক্লকস্বরে মন্তব্য করলো জনতার একজন।

‘যাও, যাও, কারাগারে নিয়ে যাও!’ সমস্বরে বলে উঠলো জনতা।

‘যা ই হোক, সিংহের খোরাক তো একটা পাওয়া গেল,’ নারী-কণ্ঠের একটা মন্তব্য শোনা গেল।

এ হলো সেই মেয়েটি যে মেডনকে সেদিন তোষামোদ করছিলো তার ছেলেকে বাঘের সঙ্গে লড়তে পাঠানোর জন্যে।

‘ঠিক, ঠিক, অ্যান্টিথিয়েটারে এবার খেলা জমবে ভালো,’ অনেক ক’জন একসাথে বলে উঠলো।

সেনচুরিয়নের নির্দেশে ব্রকাসকে টানতে টানতে প্রিটরের কাছে নিয়ে চললো জনতা। এপিসাইডেসের মৃতদেহ সরিয়ে সেক্সার ব্যবস্থা শুরু হলো।

আর্বাসেস বললো, ‘কেউ একজন গিয়ে একটা পালকি নিয়ে এসো। দেবী আইসিসের পুরোহিতকে যেমন তেমন ভাবে নেয়া চলবে না।’

জনতার ভেতর থেকে আইসিস ভক্তদের একজন ছুটলো পালকি আনতে।

ঠিক এই সময় অলিনথাস পৌঁছুলো সেখানে। এক পলক দেখেই বুঝে নিলো যা বোঝার। আর্বাসেসের সামনে গিয়ে দাঁড়ালো সে।

‘কে করেছে এ খুন?’ চিৎকার করলো অলিনথাস। ‘নিশ্চয়ই তুমি। কোনো সন্দেহ নেই।’

আকাশ থেকে পড়লো আর্বাসেস। ‘আমি। আমি কেন খুন করবো আমার দেবীর পুরোহিতকে? তোমার মাথা ঠিক আছে তো, নাঘা-রেন? নাকি ঐ খুনির মতো তুমিও উন্মাদ হয়ে গেছ?’

আর্বাসেসের সমর্থনে হৈ-হৈ করে উঠলো কয়েকজন।

অলিনথাস বললো, ‘তাইদব, আপনারা শাস্ত হোন।’ গম্ভীর স্বর বর্ধস্বর। ‘আমার কথা শুনুন। আইসিসের এই নিহত পুরোহিত ক’দিন আগে মহান যীশুখ্রীষ্টের আদর্শে আস্থা এনে খ্রীষ্টান হয়ে-ছিলো। আইসিস-পূজার ভণ্ডামি, অস্বঃসারশূন্যতা ও প্রকাশ করে-ছিলো আমার কাছে। খুব শিগগিরই আপনাদের সামনেও প্রকাশ করতো। তাতে করে এদেশ থেকে চিরতরে উৎপাটিত হতো আই-সিসের পূজা, ফলে এদেশে আর্বাসেসের যে প্রভাব প্রতিপত্তি তা নির্মূল হতো। সেই আক্রোশে এই মিশরীয় খুন করেছে ওকে।’

‘শুনলেন আপনারা!’ হতাশকণ্ঠে বললো আর্বাসেস। ‘জিজ্ঞেস করুন তো এই বদমাশ কোনো দেবদেবীকে বিশ্বাস করে কিনা।’

‘আমি বিশ্বাস করবো এসব শক্তিহীন মাটির পুতুলকে!’ দৃঢ়কণ্ঠে জবাব দিলো অলিনথাস।

ভয়ের একটা গুঞ্জন উঠলো জনতার ভেতর। শিউরে উঠলো কেউ কেউ। বলে কী এ।—কোনো দেব-দেবী মানে না। খ্রীষ্টকে মানতে হয় মানো, তাই বলে আর কোনো দেব-দেবীকে ভক্তি করবে না, এ কেমন কথা।

সেনচুরিয়ন এগিয়ে এলো। অলিনথাসকে জিজ্ঞেস করলো, ‘তুমি দাবি করছো আইসিসের এই পুরোহিত নাথারেন, মানে খ্রীষ্টানদের ধর্মে আস্থা এনেছিলেন।’

‘হ্যাঁ।’

‘এ যে ওখানে সিবেল-এর মূর্তি আছে, ওটা ছুঁয়ে বলো।’

‘হা! সিবেলকে আমি বিশ্বাসই করি না, তো ওকে ছুঁয়ে বলতে যাবো কেন?’

‘এ তো নাস্তিক! ধরো ওকে! মারো।’ হৈ-চৈ করে উঠলো জনতা।

‘বাঘের মুখে দাও!’ নারী কণ্ঠের একটা চিৎকার শোনা গেল। ‘সিংহের জন্যে একটা পাওয়া গেছে, এটাকে বাঘের মুখে দাও।’

‘ঠিক ঠিক! সিংহের জন্যে একটাকে পেয়েছি, এটাকে বাঘের মুখে দিতে হবে।’ জনতা চিৎকার করলো।

‘আগে ওর বিচার হবে,’ জনতাকে শান্ত করে বললো সেনচুরিয়ন। ‘বিচারক যদি বলেন বাঘের মুখে দিতে তাহলে তা-ই দেয়া হবে। এই খুনীটার সাথে একেও প্রিটরের কাছে নিয়ে চলো।’

BanglaBook.org

নাঠারো

হৈ-চৈ পড়ে গেছে সারা পম্পেই-এ। দীর্ঘদিন পর একজন মানুষকে খুনের দায়ে অভিযুক্ত করা হয়েছে। অবস্থা দেখে যতখানি অনুমান করা যাচ্ছে, অ্যান্থিথিয়েটারের লড়াইয়ের দিন সিংহ বা বাঘের মুখেই ওকে নিক্ষেপ করা হবে। বিচারকরা দয়া দেখাতে চাইলেও নগরবাসীদের চাপে তা পারবেন বলে মনে হয় না। প্রকাশ বিজাতীয় গ্রীক বলেই আরো পারবেন না। ও যদি রোমান হতো, নগরবাসীরা হয়তো বিবেচনা করে দেখতো ওকে ক্ষমা করা যায় কিনা। কিন্তু আর মানুষের লড়াই দেখবার সুযোগ যখন একটা পাওয়া গেছে কিছুতেই তা তারা হারাতে রাজি নয় বিজাতীয় একজনকে দয়া দেখিয়ে।

প্রকাশ অভিযুক্ত হওয়ার ভীষণ মনমরা হয়ে পড়েছে ক্লোডিয়াস। গ্ল্যাডিয়েটরদের ওপর ওর যত বাজি সব ধরেছিলো প্রকাশের সঙ্গে। এখন যদি প্রকাশকে গ্ল্যাডিয়েটরদেরই একজন করে অ্যারেনায় ঢুকিয়ে দেয়া হয়, ওর বাজি টিকবে কী করে। এক বছরটা লোকসানিতেই যাবে মনে হচ্ছে।

প্রকাশ গ্রেফতার হওয়ার পরদিন লুক্সায় বিশ্ব মনে পথ চলছে ক্লোডিয়াস। হঠাৎ পেছন থেকে কে যেন ডাকলো ওর নাম ধরে।

লার্ট ডেজ অভ পম্পেই।

ঘাড় ফেরাতে দেখলো মিশরীয় আর্বাসেসকে।

‘কেমন আছেন, ক্রোডিয়াস?’ বললো আর্বাসেস। ‘আপনাকে বিরক্ত করার জন্যে দুঃখিত, স্যালাস্ট-এর বাড়িটা কোথায় আমাকে বলবেন একটু?’

‘এই তো সামনে। ঐ বাড়িটা,’ হাতের ইশারায় দেখালো ক্রোডিয়াস। ‘কিন্তু এখন কি ও আপনাকে বাড়ি ঢুকতে দেবে? ওর যা মনের অবস্থা!’

‘টিক জ্ঞানি না, দেখি চেষ্টা করে। ভালো কথা, খুনী প্রকাস তো ওর বাড়িতেই আছে, তাই না?’

‘হ্যাঁ। পেটুক হলেনও স্যালাস্ট লোকটা ভালো। ওর বিশ্বাস প্রকাস নিরপরাধ। সকালে ও প্রিটরের কাছে গিয়ে নিজের জামিন হয়ে কারাগার থেকে বের করে এনেছে প্রকাসকে। যতদিন বিচার না হবে ততদিন ওর বাড়িতেই থাকবে সে। কিন্তু প্রকাসের কথা জিজ্ঞেস করছেন কেন আপনি?’

‘কেন আবার, ওকে বাঁচানোর চেষ্টা করতে হবে না? আমি ওর সাথে কথা বলতে চাই। সুনলাম নাকি জ্ঞান ফিরে আসতে শুরু করেছে ওর?’

‘আপনি সত্যিই মহৎ, আর্বাসেস!’

‘এর ভেতর মহত্ত্বের কী আছে? এ তো আমার কর্তব্য। যাই, দেখি ওর সাথে দেখা করতে দেয় কিনা স্যালাস্ট।’

‘চলুন, আমি পৌঁছে দিচ্ছি আপনাকে।’ বললো ক্রোডিয়াস। কিছুদূর এগোনোর পর জিজ্ঞেস করলো, ‘আচ্ছা, সেই মেয়েটার খবর কী?—মানে নিহত পুরোহিতের স্ত্রী আয়োনের কথা বলছি।’

‘বেশি ভালো না। কিছুতেই বিবাহ করতে পারছে না প্রকাস খুন

করেছে ওর ভাইকে । পাগলের মতো হয়ে গেছে বেচারি ।’

‘সত্যি, খুবই দুর্ভাগ্যজনক । একমাত্র ভাই মারা গেল প্রেমিকের হাতে, প্রেমিক হয়ে গেল পাগল ; মেয়েটা এখন বাঁচবে কী করে ?’

‘হ্যাঁ, আমিও ভেবেছি ব্যাপারটা নিয়ে । আমি ওর আইনানুগ অভিভাবক, প্রিটরের কাছে আবেদন করেছিলাম এপিসাইডেসের শেৰকুতা হয়ে যাওয়ার পর ওকে যেন আমার বাড়িতে নিয়ে যাওয়ার অনুমতি দেন । যতদিন না যন একটু ভালো হচ্ছে ততদিন আমার ওখানে থাকবে ।’

‘পেয়েছেন অনুমতি ?’

‘হ্যাঁ ।’

‘যাক, স্বস্তি পেলাম শুনে । এই যে, এটাই স্যালাস্টের বাড়ি ।’

‘আচ্ছা ! তাহলে যাই আমি । আপনাকে কষ্ট দিলাম—’

‘না, না কষ্ট কী । শত হোক প্রকাশ আমার বন্ধু, তার উপকারের জন্যে আপনি এসেছেন ।’

উপকার না ঘট ! আর্বাসেস এসেছে প্রকাশকে দিয়ে স্বীকার করিয়ে নিতে যে, সে সত্যিই খুন করেছে এপিসাইডেসকে । লিখিত স্বীকারোক্তি নিয়ে প্রথমেই আয়োনের কাছে যাবে সে । প্রকাশ যে হত্যাকারী আয়োন কিছুতেই তা বিশ্বাস করতে পারছে না । কিন্তু প্রকাশ নিজেকে যদি স্বীকার করে তাহলে ও বিশ্বাস করিতে বাধ্য হবে । এবং নিঃসন্দেহে ত্রাতৃহস্তাকে কখনোই বিয়ে করবে না । ফলে কিছুদিন বাদে তাকে বুঝিয়ে শুনিয়ে বিয়ে করতে পারবে আর্বাসেস ।

আর্বাসেস এগিয়ে গেল স্যালাস্টের সুন্দর দরজার দিকে । কয়েক পা এগোতেই দেখলো, দরজার সামনে মুখ গুঁজে পড়ে আছে কীণ একটা নারীদেহ ।

‘কে রে, পথ ভুড়ে আছিস?’ মেয়েটার গায়ে পা দিয়ে খোঁচা মেয়ে আর্বাসেস বললো, ‘সর, আমাকে যেতে দে।’

‘কে?’ মাথাটা সামান্য তুলে তীক্ষ্ণ কণ্ঠে প্রশ্ন করলো মেয়েটা। ‘গলা শুনে মনে হচ্ছে চিনি।’

‘ও, সেই কানা ছুঁড়ি! এত রাতে এখানে কী করছিস? যা, যা, বাড়ি যা।’

‘হ্যাঁ, চিনেছি আপনাকে! আপনি মিশরীয় আর্বাসেস।’ হঠাৎ কী হলো, ছ’হাতে আর্বাসেসের পা জড়িয়ে ধরলো নিডিয়া। হাউ-মাউ করে কেঁদে উঠে বললো, ‘আপনি অনেক কষ্টে রাখেন—বাঁচান আমার প্রভুকে। আপনার অলৌকিক কৃপা দিয়ে একমাত্র আপনিই পারেন ওঁকে বাঁচাতে। বিশ্বাস করুন, ওঁর কোনো দোষ নেই—সব দোষ আমার। আমার জন্যেই আজ আমার মালিকের এই অবস্থা। ঐ ভয়ানক দশীকরণের পাল্টা ওষুধ নিশ্চয়ই আপনি জানেন! দয়া করুন, আর্বাসেস, ভালো করে তুলুন প্রকাশকে। আমি যে একটু ওঁর সেবা করবো, সে উপায় নেই। সকাল থেকে বসে আছি, বাড়ির দারোয়ানরা একবারও ঢুকতে দিলো না আমাকে। ঢুকতে গেলেই দূর দূর করে তাড়িয়ে দেয়।’

‘ঠিক আছে, ঠিক আছে, আমি দেখছি কি করা যায়,’ মনে আর্বাসেস নিডিয়ার হাত থেকে নিজেকে ছাড়িয়ে দরজার সামনে গিয়ে দাঁড়ালো। সজোরে করাঘাত করলো কপাটে।

একটু পরেই খুলে গেল দরজা। এক দৃশ্য প্রশ্নবোধক চোখে তাকালো মিশরীয়র দিকে।

‘আমি আর্বাসেস। জরুরি একটুকু আছে স্যারান্ট-এর সাথে। আমি প্রিটরের কাছ থেকে আসছি।’

অনিচ্ছা সত্ত্বেও দরজার মুখ থেকে সরে দাঁড়ালো দাস। আর্বাসেস ভেতরে ঢুকলো। অমনি নিভিয়াও লাফ দিয়ে এগিয়ে এলো। ব্যাকুল কণ্ঠে বললো, ‘কেমন আছেন উনি?’

‘পাগলী ছুঁড়ি! এখনো আছিস! যা, যা, পালা!’

‘না, আমাকে ঢুকতে দাও। অন্তত বলো উনি কেমন আছেন।’

‘ঢুকতে দেবো তোকে। যা, ভাগ। ভালোই আছে তোর প্রভ।’

বন্ধ হয়ে গেল দরজা। গভীর একটা দীর্ঘশ্বাস ফেলে নিভিয়া আবার গিয়ে বসলো ঠাণ্ডা পাথরের ওপর।

দাস আর্বাসেসকে সোজা নিয়ে গেল স্যালাস্টের কাছে। স্যালাস্ট তখন খেতে বসেছে। আর্বাসেসকে দেখে বললো, ‘কী ব্যাপার, আর্বাসেস, এত রাতে?—এসো, খাও আমার সাথে।’

‘না, স্যালাস্ট, আমি খেতে আসিনি,’ বললো আর্বাসেস, ‘এসেছি প্রয়োজনে। তোমার বন্ধুর অবস্থা কী? শুনলাম নাকি জ্ঞান ফিরে এসেছে?’

‘হ্যাঁ। কিন্তু এখনো বড় দুর্বল। শুছিয়ে কিছু ভাবতে পারছে না।’

‘কেন এমন হলো, কিছু বলতে পারছে না?’

‘না, ওর কোনো ধারণাই নেই, কেন এমন হয়েছে। এপিসাইডেসকে খুন করেছে ও বিশ্বাস করতে পারছে না।’

‘হুঁ!’ কয়েক মুহূর্ত চুপ করে রইলো আর্বাসেস। তারপর বললো, ‘স্যালাস্ট, আমি দেখা করতে চাই তোমার বন্ধুর সাথে। ওর মুখ থেকে সব শুনে দেখি ওকে বাঁচানো যায় কিনা। শুনেছো তো, কালই বিচারের দিন ঠিক হয়েছে?’

‘হ্যাঁ, শুনেছি। বেচারার প্রকাশ কিছু খাচ্ছে না!’

ভোজনরসিক স্যালাস্টের কাছে এটাই সবচেয়ে মর্মান্তিক মনে

হচ্ছে, প্রকাশ খাচ্ছে না।

‘রাত হয়ে যাচ্ছে, স্যালাস্ট,’ আর্বাসেস বললো। ‘তোমার বন্ধুর কাছে নিয়ে যাবে না আমাকে?’

‘হ্যাঁ, চলো।’

প্রকাশকে যে কামরায় রাখা হয়েছে সেখানে আর্বাসেসকে নিয়ে গেল স্যালাস্ট। ওর দিকে তাকিতে মিশরীয় বললো, ‘আমি একা কথা বলতে চাই।’

মাথা ঝাঁকিয়ে বেরিয়ে গেল স্যালাস্ট।

প্রকাশের বিছানার পাশে গিয়ে দললো আর্বাসেস। একটা মাত্র প্রদীপ জ্বলছে ঘরে। তার মৃদু আলো পড়েছে প্রকাশের মুখের ওপর। মৃত্যুর মতো ক্যাকাসে মুখটা। পরম শত্রু ভণ্ড আর্বাসেসের মনেও একটু যেন করুণা জাগলো দেখে। মাত্র একদিনে কেমন বদলে গেছে ছোকরার চেহারা! কোথায় সেই উজ্জ্বল স্বাস্থ্য!—সেই যৌবনের তেজ!—চোখের কোণের চঞ্চল আলো!—কোথায় সেই জীবনীশক্তি!

চুপ করে কিছুক্ষণ ওকে দেখলো আর্বাসেস। তারপর ডাকলো, ‘প্রকাশ!’

চোখ মেললো প্রকাশ। আর্বাসেসকে দেখেই শঙ্কিত হয়ে উঠে বসতে গেল।

‘না, উঠো না তুমি,’ বললো আর্বাসেস। ‘প্রকাশ, আমরা একে অন্যের শত্রু ছিলাম। তবু আমি এসেছি একা! কারণ—কারণ আমি তোমাকে বাঁচাতে চাই, তোমার বন্ধু হতে চাই।’

বিশ্বয়ে কিছুক্ষণ কথা সরলো না প্রকাশের মুখে।

‘আমি কি এখনো স্বপ্নের রাজ্যে রয়েছি?’ অবশেষে উচ্চারণ

করলো সে ।

‘না, গ্রকাস, তুমি জেগেই আছো । এবং তোমার সামনে এমন একজনকে দেখছো যে এসেছে তোমার প্রাণ বাঁচাতে । তুমি কি করেছে আমি জানি, কেন করেছে তা-ও জানি, কিন্তু তুমি জানো না । তুমি খুন করেছে এটা সত্যি—উহু’, ভুরু কঁচকিও না, আমি নিজ চোখে দেখেছি তোমাকে এপিসাইডেসের বৃকে ছুরি মারতে । তবু—তবু আমি তোমাকে বাঁচাতে পারি—আমি বিচারকের সামনে প্রমাণ করে দেবো যখন ঐ কাণ্ডটা ঘটানো তখন তোমার স্মৃতিবিভ্রম ঘটেছিলো । তবে, বাঁচতে হলে তোমাকে তোমার অপরাধ স্বীকার করতে হবে । এই যে, এই প্যাপিরাসে আমি স্বীকারোক্তি লিখে এনেছি : এতে সই করলেই আশা করি তুমি এড়াতে পারবে কঠিন শাস্তি । জানো তো, নরহত্যার শাস্তি কী এদেশে ?’

‘না, আমি সই করবো না । স্মৃতিবিভ্রম বলা আর যা-ই বলা, আমার স্পষ্ট মনে আছে আমি রক্তাক্ত অবস্থায় পড়ে থাকতে দেখেছি এপিসাইডেসকে । আমি ওখানে পৌঁছানোর আগেই ওকে খুন করা হয়েছে ।’

‘ভালো ক’রে ভেবে দেখ, গ্রকাস, তোমার অপরাধ নিঃসংশয়ে প্রমাণ হয়েছে । তোমার ছোরা রক্তমাখা অবস্থায় পাওয়া গেছে এপিসাইডেসের মৃত দেহের পাশে । এখন বাঁচার একটাই উপায় আছে তোমার সামনে, বিচারকের কাছে বলতে হবে, যা করেছে উন্নত অবস্থায় করেছে । কি বলবে আমি বুঝিয়ে দিচ্ছি শোনো : তুমি ঐ পুরোহিতের সাথে হাঁটতে হাঁটতে জানিয়েছিলে ওর বোনকে তুমি বিয়ে করতে চাও । আইনমণ্ডলের পুরোহিত হলেও মনে মনে এপিসাইডেস নাথাকেন—আমি সত্যি কথা বলছি কিনা এ শহরের

অন্যান্য নাযারেনদের তুমি জিজ্ঞেস করে দেখতে পারো। যা হোক, তুমি ওর বোনকে বিয়ে করতে চাও শুনে ও বললো, তুমি যদি নাযারেন হও ও কোনো আপত্তি করবে না। কিন্তু তুমি রাজি হলে না নিজের ধর্ম ছাড়তে। তখন ও শপথ করে বসলো, প্রাণ থাকতে আয়োনকে বিয়ে দেবে না তোমার সাথে। এতে তুমি ভীষণ রেগে গেলে এবং হিতাহিত জ্ঞানশূন্য হয়ে কোমর থেকে ছোরা বের করে আঘাত করে বসলে ওকে। এই প্যাপিরাসে আমি এ কথাই লিখে এনেছি, পড়ে দেখ।’

‘কিন্তু এ তো মিথ্যা!’

‘হলোই বা মিথ্যা, প্রকাস! প্রাণ বাঁচানোর জন্যে এটুকু মিথ্যাচারে দোষ আছে বলে তো আমার মনে হয় না।’

‘দূর হও, শয়তান! আমি কখনোই স্বীকার করবো না আমি আয়োনের ভাইকে খুন করেছি—হাজারবার যদি প্রাণদণ্ড হয় তবু না!’

‘সাবধান, প্রকাস,’ নিচু অঞ্চল হিসহিসে গলায় বললো আর্বাসেস, ‘তোমার সামনে দুটো মাত্র পথ খোলা আছে, যে কোনো একটা বেছে নিতে হবে—অপরাধ স্বীকার করে নেবে নয়তো অ্যাফিকিথিয়েটারে সিংহের মুখে যাবে। আমি কথা দিচ্ছি, অপরাধ স্বীকার করলে আর যা-ই হোক প্রাণদণ্ড হবে না তোমার।’

‘দূর হও, শয়তান!’ আবার চিৎকার করলো প্রকাস। ‘আমি জানি না, সত্যিই আমি খুন করেছি কিনা। যদি করে থাকি, বিচারে আমার যা দণ্ড হয়, মাথা পেতে নেবো। প্রাণ বাঁচানোর জন্যে মিথ্যে কথা কিছুতেই বলবো না!’

‘তাহলে তৈরি হও! সিংহের দাঁতে ধার কেমন পরীক্ষা করে

দেখবে।’

‘দেখবো, তাতে তোর কী! দূর হয়ে যা আমার সামনে থেকে, বদমাশ নরকের কীট!’

‘বেশ আমি যাচ্ছি। আরো ছ’বার আমাদের দেখা হবে—একবার বিচারের সময় আরেকবার তোমার মৃত্যুর সময়। বিদায়!’

ধীরে ধীরে উঠে দাঁড়ালো আর্বাসেস। ঢোলা আলখাল্লা সামলে বেরিয়ে এলো ঘর থেকে। মুহূর্তের জন্যে দাঁড়ালো স্যালাস্টের সামনে। কণ্ঠস্বরে হতাশা মিশিয়ে বললো, ‘নাহু, কে বললো জ্ঞান ফিরে এসেছে? এখনো প্রলাপ বকছে। কোনো আশা নেই ওর।’

‘না, না, ওকথা বোলো না, আর্বাসেস। তুমি চেষ্টা করলে নিশ্চয়ই বাঁচাতে পারবে প্রকাশকে!’

‘দেখি কদরুর কী করতে পারি।’

পাশে নেমে এলো আর্বাসেস। আবার ছুটে এসে তাকে ধরলো নিডিয়া।

‘কী বুঝলেন?—পারবেন ওঁকে বাঁচাতে?’

‘আমি তো সে চেষ্টাতেই এসেছিলাম। কিন্তু ও যদি আমার কথা না শোনে—’

‘না, না, ওঁর কথা ধরবেন না,’ বাধা দিয়ে বললো নিডিয়া। ‘ওঁর কি এখন হুঁশ আছে? সেই বিষ-ওষুধের ক্রিয়া এখনও জ্ঞানবুদ্ধি আচ্ছন্ন করে রেখেছে। আপনি যদি প্রিটরকে একথা বুঝিয়ে বলেন, আমার মনে হয় উনি ছাড়া পেয়ে যাবেন। প্রয়োজন হলে আমি সাক্ষী দেবো। আমি তো সব কথা জামি। সেই ওষুধ খাওয়ার পরই—’

মনে মনে শক্তিত হলো আর্বাসেস। কানা ছুঁড়ি যদি সব প্রকাশ

করে দেয়, নির্ধাৎ জুলিয়া ধরা পড়বে; এবং কান টানলে যেমন মাথা আসে তেমন জুলিয়া ধরা পড়লে আর্বাসেসও রেহাই পাবে না। তাড়াতাড়ি ও নিভিয়াকে ধামিয়ে দিয়ে বললো, ‘এখানে না! এসব কথা কেউ শুনে ফেললে বিপদ হতে পারে। আমার বাড়িতে চলো। সব আগে তুনি তোমার কাছে, তারপর ভালো করে ভেবেচিন্তে দেখি কী করা যায়।’

‘সত্যি বলছেন, আপনি করবেন ওঁর জন্যে?’

জবাব দিলো না আর্বাসেস। মনে মনে বললো, ‘একুণি আটকাতে হবে ছুঁড়িকে। নইলে বিপদে ফেলে দেবে।’

নিভিয়া আর্বাসেসের মনের কথা জানলো না; কোনো সন্দেহও করলো না, লাঠি ঠুকে ঠুকে চলতে লাগলো তার পেছন পেছন।

বাড়িতে গিয়ে আর্বাসেস তুললো সব কাহিনী। ওসুখটা গ্রকাস নিভিয়ার হাত থেকে খেয়েছে, জুলিয়ার নয়। কাজেই এ ব্যাপারে নিভিয়ার সাক্ষ্য যথেষ্ট মূল্যবান বলে বিবেচিত হবে। ও যদি প্রিটরের কাছে গিয়ে বলে যে ওসুখে চুমুক দেয়ার পরপরই গ্রকাস পাগলের মতো এলাপ বকতে বকতে ছুটে রাস্তায় বেরিয়ে গিয়েছিলো, তাহলে খুনের দায় থেকে মুক্তি পেয়ে যাবে গ্রকাস। পাগলকে মৃত্যুদণ্ড দেয়ার নিয়ম নেই রোমান আইনে।

সবচেয়ে বড় কথা—ঘটনা যদি এদিকে মোড় নেয় তাহলে আয়োনের চোখে গ্রকাস সম্পূর্ণ নির্দোষ প্রতিপন্ন হবে। এমনিতেই ওকে সে দোষী বলে মনে করে না। তার ওপর যদি নিভিয়ার এই কথা শোনে নিঃসন্দেহে গ্রকাসের প্রতি ওর ভালোবাসা দ্বিগুণ হয়ে যাবে। ফলে তাকে বিয়ে করার আশা চিরদিনের জন্যেই ছাড়তে হবে

আর্বাসেসকে ।

সিদ্ধান্ত নিয়ে ফেললো সে, কাউকে কিছু বলার কোনো প্রয়োগ দেবে না নিভিয়াকে ।

‘মা,’ আর্বাসেস বললো, ‘প্রকাসকে বাঁচাতে তোমার সাক্ষা খুবই কাজে লাগবে । আজ রাতে এখানে থাকো তুমি । কাল সকালে আমরা দু’জন একসাথে প্রিটনের কাছে যাবো ।’ বলে জবাবের জন্তে অপেক্ষা না করে আর্বাসেস বেরিয়ে গেল ঘর থেকে । বাইরে থেকে তাল লাগিয়ে দিলো দরজায় ।

উনিশ

পরদিন ভোরে যথায়োগ্য মর্যাদা ও আনুষ্ঠানিকতার সাথে শেষকৃত্য সম্পন্ন হলো এপিসাইডেসের । শেষকৃত্য অনুষ্ঠান শেষে সঙ্গী দাসী-দের সাথে বাড়ির পথে রওনা হলো আয়োন ।

ভাইয়ের প্রতি শেষ কর্তব্য সমাপন হতেই ওর সমস্ত চেতনায় জেগে উঠলো প্রেমিক আর তার বিরুদ্ধে আনা অভিযোগ । এখন পর্যন্ত আয়োনের ভুলেও মনে হয়নি, মদের নেশায় চুর হয়ে প্রকাস খুন করেছে এপিসাইডেসকে । আর্বাসেস গুলোর সময় যখন ধারে কাছেই ছিলো—তাছাড়া অভিযুক্ত করেছে প্রকাসকে—তখন, আয়োনের ধারণা, খুনটা সে-ই করেছে । আর্বাসেসের অসাধ্য কোনো

কাজ নেই তা জানে আয়োন। এপিসাইডেসের ওপর তার রাগের কারণও স্পষ্ট! ও আর প্রকাশ—এই দু'জনেই সেদিন ওকে রক্ষা করেছিলো আর্বাসেসের কবল থেকে।

দাসীদের জিজ্ঞাসাবাদ করে ও জানলো, কারাগারে না হলেও বন্দী প্রকাশ স্যালাস্টের বাড়িতে, ভয়ানক অসুস্থ সে; এদিকে বিচারের দিন ঠিক হয়ে গেছে।

‘ওহ, দয়াময় দেবতারা!’ মনে মনে বললো ও, ‘এত অধঃপতন হয়েছে আমার। আমি যেন ভুলে গেছি ওকে। আমার প্রকাশ— আমার প্রকাশ অসুস্থ হয়ে পড়ে আছে, আর আমি একবারও দেখতে যাইনি। ছি! তুমি নিরপরাধ তা আমি জানি, প্রকাশ,’ মনে মনে আউড়ে চলেছে আয়োন। ‘বিচারকদের আমি বলবো এ কথা। যদি ওঁরা আমাকে বিশ্বাস না করেন, যদি তোমাকে প্রাণদণ্ড বা নির্বাসন দেন, আমিও তোমার সাথে সাথে ভোগ করবো দণ্ড।’

নিজের অজান্তেই হাঁটার গতি দ্রুত হয়ে উঠলো ওর। কোথায় যাচ্ছে তা বোধ হয় নিজেও জানে না। একবার ভাবছে আগে প্রিটরের কাছে যাবে; পর মুহূর্তে ভাবছে, না সোজা স্যালাস্টের বাড়িতে গিয়ে প্রকাশের সাথে দেখা করবে।

নগর তোরণ পেরিয়ে শহরের রাস্তায় উঠলো আয়োন। ষড়্ভিঘরের জানালা দরজা খুলেছে, তবে রাস্তায় লোক চলাচল এখনও তেমন শুরু হয়নি। হঠাৎ ওর চোখ গেল পথের পাশে নামিয়ে রাখা একটা ঘেরাটোপা পালকির দিকে। কয়েক জন লোক—সম্ভবত বেহারা—দাঁড়িয়ে আছে পাশে। ওদের মাঝখান থেকে দীর্ঘদেহী এক লোক এগিয়ে এলো।

সভয়ে চিৎকার করে উঠলো আয়োন। লোকটা আর্বাসেস।

‘আয়োন,’ নম্রভাবে বললো আর্বাসেন, ‘তোমার এই শোকের সময় তোমাকে বিরক্ত করতে হচ্ছে। কিন্তু কী করবো বলো, আমার কর্তব্য তো আমাকে করতে হবে। যে হৃৎকেন্দ্রক ঘটনা তোমার জীবনে ঘটে গেল তাতে তোমার এখন স্থির না থাকাই স্বাভাবিক। বিশেষ করে বিচারের দিনটায়। সেদিন তুমি কার পক্ষ নেবে?— ভাইয়ের না প্রেমিকের? ভাইয়ের হত্যাকারীর যথাযোগ্য শাস্তি চাইবে না প্রেমিকের মুক্তি চাইবে? আমি জানি এসব নিয়ে তোমার মনে এখন টানা পোড়েন চলবে; ক্ষতবিক্ষত, রক্তাক্ত হবে হৃদয়। এসময় আপন কারো কাছে থাকা উচিত তোমার। এই সব কথা ভেবে আমি প্রিটরের কাছে আবেদন করেছিলাম, তোমার দেখা-শোনার ভার আপাতত কিছুদিনের জন্যে যেন পুরোপুরিই আমাকে দেয়া হয়। কারণ আইনভঃ আমি তোমার অভিভাবক। বিজ্ঞ প্রিটর সবদিক বিবেচনা করে আমার আবেদন মঞ্জুর করেছেন। এই দেখ তাঁর লিখিত নির্দেশপত্র। এতে আমাকে অধিকার দেয়া হয়েছে তোমাকে আমার বাড়িতে নিয়ে যাওয়ার।’

‘শয়তান মিশরীয়!’ মাথা উঁচু করে চিৎকার করলো আর্বাসেন, ‘দূর হও আমার সামনে থেকে। তোমার গায়ের রঙের মতো মনটাও তোমার কালো। তুমিই খুন করেছো আমার ভাইকে। তাঁরপর এক টিলে দুই পাখি মারার জন্যে ফাঁসিয়েছো ব্রকাসকে। কী, শুনে মুখ শুকিয়ে গেল? বদমাশ, পথ ছাড়ো, আমাকে যেতে দাও!’

‘শোকে তোমার বুকি লোপ পেয়েছে, আর্বাসেন।’ কণ্ঠস্বর শান্ত রাখার বার্ষ চেষ্টা করলো আর্বাসেন। ‘আমি তোমাকে ক্ষমা করছি। আমি আগে যেমন ছিলাম, এখনও তেমন বন্ধু আছি তোমার। কিন্তু রাস্তা তো এসব আলাপের জায়গা নয়। চলো পালকিতে উঠবে।’

আতঙ্কিত দাসীরা আরোনের গা বেঁধে দাঁড়ালো। ওদের ভেতর সবচেয়ে বয়স্ক যে সে বললো, ‘এ কী করে আইন হয়! শেষকৃত্যের পর ন’দিন পর্তুগু মুতের আত্মীয়স্বজনরা বাড়িতে থাকে, কেউ কোনো অবস্থাতেই তাদের বিরক্ত করতে পারে না। আর তুমি বলছো আমার মনিষকে নিয়ে যাবে নিজের বাড়িতে!’

‘বুড়ি!’ ক্রুদ্ধ কণ্ঠে বললো আর্বাসেস, ‘আইনের কী বুদ্ধি তুই? অভিভাবকের বাড়িতে যাওয়া মোটেই শেষ কৃত্য আইনের বাইরে পড়ে না, তা জানিস?’ তারপর আবার কণ্ঠস্বর নরম করে, ‘চলো, আয়োন।’

এগিয়ে আরোনের হাত ধরলো মিশরীয়। টেনে হাতটা ছাড়িয়ে নেয়ার চেষ্টা করলো আয়োন। কিন্তু আর্বাসেসের শক্তির সাথে ও পারবে কেন?

‘হা-হা-হা, ভালো, ভালো!’ হেসে উঠলো আয়োন, ক্যাপাটে হাসি। ‘এই বুদ্ধি আইন! চমৎকার অভিভাবক! হা-হা-হা!’

হাসতে হাসতে চোখ দিয়ে পানি বেরিয়ে এলো আরোনের। তারপর হঠাৎ জ্ঞান হারিয়ে লুটিয়ে পড়লো আর্বাসেসের হাতের ওপর। ছ’হাতে ওকে পাঁজাকোলা করে নিয়ে পালকিতে তুলে ফেললো আর্বাসেস। বাহকরা পালকি কাঁধে করে হাঁটতে লাগলো দ্রুত। কিছুক্ষণের মধ্যে হতভম্ব আতঙ্কিত দাসীদের ছোঁখের আড়ালে চলে গেল ওরা।

ঘণ্টার পর ঘণ্টা পেরিয়ে গেল আর্বাসেস ফিরলো না। অস্থির হয়ে উঠলো নিভিয়া। অস্বস্তির এই অস্থিরতা বাড়িয়ে দিলো কয়েক গুণ। শেষ পর্তুগু উঠে দাঁড়ালো ও। ছ’হাত সামনে বাড়িয়ে দেয়া-

লের কাছে গিয়ে দাঁড়ালো। হাতড়ে হাতড়ে খুঁজতে লাগলো, বের হওয়ার কোনো পথ পাওয়া যায় কিনা। হতাশ হতে হলো ওকে। একটা মাত্র দরজা ঘরে, সেটা বন্ধ বাইরে থেকে; জানালা নেই! ভয়ানক আতঙ্কে চিৎকার করে উঠলো নিডিয়া:

‘কে আছে! কে আছে! বাঁচাও আমাকে!’

কোনো সাড়া পাওয়া গেল না। আবার চিৎকার করলো নিডিয়া। বেশ কিছুক্ষণ পর এক দাস এসে খুললো দরজা।

‘হয়েছে কী, মেয়ে!’ চৈঁচালো সে, ‘বিছায় কামড়েছে নাকি? নাকি ভেবেছো তোমার বাঁড়ের মতো চৈঁচানি না শুনলে আমরা বাঁচবো না?’

‘তোমার মনিব কই?’ হাঁপাতে হাঁপাতে প্রশ্ন করলো নিডিয়া। ‘আমাকে আটকে রেখেছে কেন? আমাকে ছেড়ে দাও!’

‘আমার মনিবকে চেনো না, মেয়ে, তাই বলতে পারলে এ কথা। আমি তোমাকে আটকাইনি, আটকেছে আমার মনিব। আমাকে বলা হয়েছে পাহারা দিতে! খিদে লাগলে বলো কি খাবে, এনে দিচ্ছি; কিন্তু ছেড়ে দেয়ার কথা ভুলেও উচ্চারণ করো না!’

‘কেন, কেন, কেন আমাকে এমন করে আটকে রেখেছে? আমি কানা, অন্যের দাসী, আমার কাছে কী চায় আর্বাসেস?’

‘তা তো জানি না। আমার মনে হয় তোমার নতুন মনিবের সেবা করার জন্যেই তোমাকে আনা হয়েছে।’

‘নতুন মনিব!’

‘হ্যাঁ, আয়োন। আজ সকালে তাকে নিয়ে আসা হয়েছে এ বাড়িতে।’

‘কী! আয়োন এখানে?’

‘হ্যাঁ। আমার মনে হয় তাকেও তোমার মতোই জোর করে আনা হয়েছে।’

‘আমাকে তো জোর করে আনা হয়নি।’

‘ঐ হলো, আনা হয়নি, কিন্তু আটকে তো রাখা হয়েছে জোর করে।’

‘আমাকে নিয়ে যাবে তাঁর কাছে?’

‘না। সে অসুস্থ। তাছাড়া আমার মনিবের তেমন কোনো নির্দেশ নেই। নির্দেশ ছাড়া তোমাকে নিয়ে গিয়ে শেবে বিপদে পড়বো নাকি?’

‘বিপদ! কী বিপদ? আমার মনিবের সাথে আমি দেখা করবো তাতে বিপদ হবে কেন?’

‘তা আমি জানি না, কিন্তু হতে পারে। আর্বাসেসকে তুমি চেনো না, আমি চিনি। এ নিয়ে আর কথা বলে লাভ নেই। আমি যাই তোমার খাবার নিয়ে আসি, সূর্য মাথার ওপর উঠে গেল।’

কিছুক্ষণ পর আবার এলো সেই দাস। নিভিয়ার সামনে খাবার রাখতে রাখতে বললো, ‘তুমি তো খেসালির মেয়ে তাই না?’

‘হ্যাঁ।’

‘তাহলে নিশ্চয়ই জাহ্নবিদ্যা, ভাগ্য গণনা এসব জানো? তুমি তারচেয়ে এসো, গুণে পড়ে আমার ভাগ্য বলে দাও, সময় কাটবে তোমার।’

একটু যেন আশার আলো দেখতে গেলে নিভিয়া। এই দাসটাকে বোকা বানানো খুব কঠিন হবে মনে হচ্ছে না। কিন্তু তার আগে কিছু স্বরাখবর জোগাড় করা দরকার এর কাছ থেকে।

‘আচ্ছা গুণবো তোমার ভাগা,’ জবাব দিলো নিভিয়া, ‘কিন্তু তার আগে কয়েকটা প্রশ্নের জবাব দাও আমার : আমার আগের প্রভু প্রকাসের বিচার কখন হবে জানো নাকি ?’

‘জানবো না আবার ! এই সোসিয়া কোন খবরটা না জানে ওনি ?’

‘তোমার নাম সোসিয়া ? বড় সুন্দর নাম ! তা বলো ওনি, কখন হবে প্রকাসের বিচার ?’

‘হবে কী !—হচ্ছে । সকাল থেকে শুরু হয়েছে, বিকেল পর্যন্ত চলবে । আজ বোধহয় শেষ হবে না ।’

‘শেষ হবে না ! কেন ?’

‘কেন আবার ? খালি কথা আর কথা ! উকিলরা যে কত কথা বলে, যদি জানতে ! কাল আবার বসবে বিচার সভা ।’

‘ঠিক জানো তুমি ?’

‘বললাম কী ? সোসিয়া যা জানে ঠিক মতোই জানে ।’

‘আচ্ছা বিচারের রায় কী হতে পারে, তোমার কোনো ধারণা আছে ?’

‘হ্যাঁ । মৃত্যু দণ্ড হবে । সবাই বলাবলি করছে এবার অ্যাফিথিয়েটারের খেলা নাকি দারুণ জমবে । আসামীকে সিংহের মুখে ফেলে দেয়া হবে ।’

‘ওমা !’ শিউরে উঠলো নিভিয়া । অনাবশ্যক প্রশ্নটা আবার করলো, ‘তুমি ঠিক জানো, সোসিয়া ?’

‘একেবারে ঠিক । বিচারকরা যদি অন্য কোনো দণ্ড দিতে চায়ও শহরের লোকরা তা দিতে দেবে না ।’

আবার শিউরে উঠলো নিভিয়া কিছুক্ষণ চুপ করে থেকে জিজ্ঞেস করলো, ‘আয়োন এখন এ বাড়িতে, তাই বলছিলে না ?’

‘আয়োন ? ই্যা, ই্যা, আমি যাই, অনেকক্ষণ হয়ে গেল তার কোনো খোঁজ নেই না।’

‘তোমার ভাগ্য গুণবো না ?’

‘এখন না, পরে সময় করে আসবো। এখন যাই।’

‘দাঁড়াও, সোসিয়া, আর একটা প্রশ্ন : আয়োনকে কোথায় রেখেছে জানো নাকি ?’

‘জানবো না যানে ?—আমার ওপর তার পাহারার ভার !’

‘এই ঘরের কাছাকাছি কোথাও ?’

‘না, ওপর তলায়। কিন্তু আর দেরি করা যায় না—যাই।’

কুড়ি

পরদিন রাতে আয়োনের কাছে যাওয়ার জন্যে সাজসজ্জা করছে আর্বাসেস, এমন সময় তার দ্বাররক্ষী দাস এসে জানালো, ‘পুরোহিত ক্যালেনাস এসেছেন, মালিকের সাথে দেখা করতে চান।’

‘ক্যালেনাস ! এখন !’ ভুরু কুঁচকে বললো আর্বাসেস। ‘আচ্ছা ঠিক আছে, বাগানে বসাও, আমি আসছি।’

একটু পরেই বাগানে নেমে এসে আর্বাসেস। ওকে দেখে উঠে দাঁড়ালো ক্যালেনাস।

‘কী ব্যাপার, ক্যালেনাস, এমন হঠাৎ—’ বললো আর্বাসেস।

‘জি, জনাব আর্বাসেস, ইঠাংই আসতে হলো,’ জবাব দিলো ক্যালেনাস।

‘তা বলে ফেল তাড়াতাড়ি, কী জন্যে এসেছো।’

‘জি, বলবো। কিন্তু এখানেই? আপনার ঘরে গেলে ভালো হতো না?’

‘কী দরকার? রাতটা সুন্দর, বাগানে হাঁটতে হাঁটতেই আমরা কথা বলতে পারবো। আমার অনুমতি ছাড়া এখানেও কেউ আসবে না।’

‘বেশ,’ জবাব দিলো ক্যালেনাস।

তু‘বন্ধু’ হাঁটতে হাঁটতে এগিয়ে গেল বাগানের ভেতর দিকে।

‘রাতটা সত্যিই সুন্দর,’ বললো আর্বাসেস। ‘বিশ বছর আগে এমনি এক রাতেই আমি প্রথম দেখেছিলাম ইটালির মুখ। বিশ বছর! কী দ্রুত সময় গড়িয়ে যায়। এখনো যে বেঁচে আছি ভেবে অবাক লাগে।’

‘উঁহু,’ অন্তত আপনার মুখে একথা মানায় না। অগাধ ধন সঞ্চয় করেছেন, প্রভাব প্রতিপত্তিও কম অর্জন করেননি। সবশেষে একমাত্র প্রতিদ্বন্দ্বীর ওপর প্রতিশোধও নিয়েছেন সফলভাবে।’

‘তুমি সেই এথেনীয় গ্রকাসের কথা বলছো? বন্ধু, ক্যালেনাস, প্রতিশোধ আমি আর নিতে পারলাম কই? প্রকৃতিই নিয়ে দিলো আমার হয়ে। হতভাগা ছোকরা এই খুনটা যদি না করতো—’

‘খুন!’ সবিস্ময়ে উচ্চারণ করলো ক্যালেনাস। ‘সেরকম অভিযোগই অবশ্য আনা হয়েছে ওর বিরুদ্ধে। কিন্তু আর কেউ না জানুক, আপনি তো জানেন, গ্রকাস নির্দোষ।’

‘মানে! কি বলতে চাইছো তুমি?’

‘আর্বাসেস,’ ক্যালেনাস বললো, ‘হত্যাকাণ্ডটা যেখানে ঘটে তার পাশেই প্রাচীন দেবমন্দিরের সামনে ঝোপের ভেতর আমি বসে ছিলাম তখন। আমি সব দেখেছি, এবং শুনেছি।’

‘তুমি সব দেখেছো।’ জিভ দিয়ে ঠোঁট ভেজাতে ভেজাতে বললো আর্বাসেস। ‘তুমি একা ছিলে?’

‘হ্যাঁ।’

‘কী করছিলে ঝোপের ভেতর বসে?’

বললো ক্যালেনাস।

‘যা দেখেছো আর কাউকে তা বলেছো?’ প্রশ্ন করলো আর্বাসেস।

‘না। দ্বিতীয় আর কোনো কানে যায়নি একথা।’

‘তোমার জ্ঞাতি বার্বোকেও বলোনি?’

‘দেবতাদের দোহাই দিয়ে—’

‘চুপ। তুমি আমাকে চেনো, আমিও তোমাকে চিনি—আমাদের কাছে দেবতাদের মূল্য কতটুকু?’

‘তা ঠিক, তা ঠিক। তাহলে আপনার প্রতিশোধের দোহাই দিয়ে বলছি,—না।’

‘এই গোপন কথাটা এতগুলো দিন আমার কাছে লুকিয়ে রেখেছো কেন?’

‘কারণ—কারণ—’ তো-তো করতে লাগলো ক্যালেনাস।

‘কারণ,’ যুহু হেসে আর্বাসেস বললো, ‘কারণ তুমি ভেবেছিলে একেবারে মোক্ষম সময়ে কথাটা প্রকাশ করলে যাতে তোমার উদ্দেশ্য কোনোরকম বাধা ছাড়াই সফল হয়, তাই না?’

‘আপনি স্ত্রানী,’ বিনয়ে বিগলিত হয়ে গেল ক্যালেনাস, ‘আপনি মানুষের মনের কথা পড়তে পারেন।’

‘এখন তাহলে বলো, উদ্দেশ্যটা কী ? আমার মতো তুমিও ধনী হতে চাও, তাই না ? চিন্তা কোরো না, সব কামেলা শেষ হোক, তুমি ধনী হবে ।’

‘মাফ করবেন, একটু আগেই তো বলছিলেন আমরা একে অপরকে চিনি ।’

‘হ্যাঁ ।’

‘তাহলে নিশ্চয়ই স্বীকার করবেন, আমার মুখ বন্ধ রাখতে হলে নৈশেক্যের দেবতা হার্পোক্রেটিস-এর উদ্দেশ্যে কিছু আগাম নৈবেদ্য দেওয়া উচিত আপনার ?’

‘বাহ, বাহ, তুমিও শেষ পর্যন্ত কবি হয়ে উঠছো, ক্যালেনাস ! কাল পর্যন্ত অপেক্ষা করলে খুব অসুবিধা হবে হার্পোক্রেটিস-এর ?’

‘আজই নয় কেন ? কাল কী হবে কেউ বলতে পারে ?’

‘ঠিক আছে, কী চাও তুমি ?’

‘আমি আর কী বলবো ? শুধু স্মরণ করিয়ে দিতে চাই, প্রাণের দাম অমূল্য ।’

ঠোট কামড়ে এক মুহূর্ত ভাবলো আর্দাসেস ।

‘তাহলে চলো, আর দেরি করে কাজ নেই । আমার ধন ভাগারে চলো ।’

অস্থির হয়ে উঠেছে নিভিয়া, কখন আসবে সোসিয়া । ছপরে ওর সাথে কথা পাকাপাকি হয়ে গেছে, রাতে সেওর ভাগ্য বলে দেবে । গণনা নয়, এমন গুরুতর ব্যাপার জানার জন্যে তুতের সাহায্য নেয়া হবে । সেজন্যে প্রয়োজনীয় জিনিসপত্র সব নিয়ে আসতে বলেছে ও সোসিয়াকে, কিছু বিশেষ ব্যবস্থাও গ্রহণ করতে বলেছে ।

দিনের শেষ আলো মিলিয়ে বাণ্ডয়ার ঘণ্টা দুয়েক পর এলো সোসিয়া ।

‘তারপর, সোসিয়া, তৈরি তুমি ?’ স্বস্তির নিশ্বাস ফেলে বললো নিডিয়া । ‘গামলা ভরে পরিষ্কার পানি এনেছো ?’

‘হ্যাঁ । কিন্তু আমার ঘেন কেমন ভয় ভয় করছে রে, মেয়ে । তুমি ঠিক জানো, ভূতটাকে আমি দেখতে পাবো না ?’

‘নিশ্চিন্ত থাকো এ ব্যাপারে । বাগানের দরজা খুলে রেখে এসেছো ?’

‘হ্যাঁ । চমৎকার কিছু বাদাম আর আপেল রেখে এসেছি দরজার পাশে ।’

নিডিয়া যা যা করতে বলেছিলো তার ভেতর একটা ছিলো এটা ।

‘ভালো করেছে । এবার এ ঘরের দরজাটাও ভালো করে খুলে দাও । দিয়েছো ?—বেশ, এবার প্রদীপটা দাও আমাকে ।’

‘কেন ? প্রদীপ নিবিয়ে ফেলবো না ?’

‘না । প্রদীপের রশ্মি দিয়ে আমি বুক ভরে নেবো । আগুনের ভেতর অদ্বুত এক শক্তি লুকিয়ে থাকে । সে শক্তি প্রাণের ভেতর না নিতে পারলে ভূত আনা যায় না ।’

সোসিয়া এগিয়ে প্রদীপটা ধরিয়ে দিলো নিডিয়ার হাতে ।

‘হ্যাঁ, এবার বসো তুমি, সোসিয়া,’ নিডিয়া নির্দেশ দিলো ।

বিনা বাক্যব্যয়ে নির্দেশ পালন করলো সোসিয়া । নিডিয়া প্রদীপটার ওপর বুক বসে রইলো কিছুক্ষণ, গভীরভাবে শ্বাস টানলো কয়েকবার । তারপর বিড়বিড় করে আগুনের দিকে লাগলো মন্ত্র ।

মন্ত্র শ্রুতি শেষ করে মুখ তুললো নিডিয়া ।

‘হ্যাঁ, মনে হয় আসছে ও,’ নিচু কণ্ঠে বললো সোসিয়া । ‘আমার

চুলে ওর পায়ের স্পর্শ পাচ্ছি যেন ।’

‘পানির গামলাটা মাটিতে রাখো । এবার তোমার কমালটা দাও ; আমি তোমার চোখ মুখ বেঁধে দেবো ।’

‘হ্যাঁ ! এ কাজটা করতেই হবে, আমি শুনেছি । আহ্ অত ছোরে গিট দিও না, ব্যথা লাগে । আস্তে, আস্তে !’

‘হয়েছে—কিছু দেখতে পাচ্ছে। তুমি ?’

‘না । চারদিকে কেবল অন্ধকার ।’

‘তাহলে এবার শুরু করো তোমার প্রশ্ন । যা জানতে চাও জিজ্ঞেস করো ভূতকে । ফিসফিস করে তিনবার জিজ্ঞেস করবে । তোমার প্রশ্নের জবাব যদি হ্যাঁ হয়, শুনতে পাবে গামলার পানিতে ব্দব্দ উঠছে সশব্দে, মানে ভূত নিঃশ্বাস ফেলছে পানির ভেতর । আর যদি না হয় পানি যেমন আছে তেমন থাকবে ।’

‘তুমি কোনো কারসাজি করবে না তো পানি নিয়ে ?’

‘ঠিক আছে, তোমার যখন এতই সন্দেহ, গামলাটা আমি তোমার পায়ের কাছে রাখছি । এখন আমি কোনো কারসাজি করার চেষ্টা করলেই তুমি টের পেয়ে যাবে, তাই না ?’

‘হ্যাঁ, ঠিক আছে । এবার আমি শুরু করছি প্রশ্ন—’

ফিসফিস করে একটার পর একটা প্রশ্ন করে চলছে সোসিয়া । আর নিভিয়া প্রদীপটা নিবিয়ে দিয়ে পা টিপে টিপে বেরিয়ে গেল ঘর থেকে । বাইরে থেকে নিঃশব্দে হড়কো লাগিয়ে দিলো দরজায় ।

একের পর এক প্রশ্ন করে যাচ্ছে সোসিয়া কিন্তু কোনো সাড়াশব্দ নেই গামলার পানিতে । অর্থাৎ ওর প্রশ্নের জবাবেই ভূত না বলছে । শেষমেষ বিরক্ত, সেই সন্ধি ক্রুদ্ধ হয়ে উঠলো সোসিয়া । একটা প্রশ্নের জবাবেও হ্যাঁ বলবে না ভূতটা ?

‘মরো, তুমি শয়তানের বাচ্চা,’ বলে পায়ের কাছ থেকে গামলাটা লাখি গোরে এক পাশে সরিয়ে দিলো ও। হুঁহাতে টেনে খুলে ফেললো চোখের বাঁধন।

কিন্তু এ কী! ঘর তো অন্ধকার! ‘নিভিয়া! নিভিয়া!’ ডাকলো সোসিয়া। ‘নেই! বিশ্বাসঘাতিনী পালিয়েছে!’ তড়াক করে উঠে দরজার কাছে ছুটে গেল সে। এবং এক মুহূর্তের ভেতর বুকে ফেললো, নিভিয়া নয়, সে-ই এখন বন্দী। ভালো ভাব করেছে ওকে কানা ছুঁড়ি। উভয় সংকট সোসিয়ার, হৈ-চৈ করে লোক ডাকতে গেলে আর্বাসেসের জ্বেনে যাওয়ার সম্ভাবনা ওর কাছে গাফিলতির কথা, আর হৈ চৈ না করলে আটকে থাকতে হবে এই ছোট্ট কুঠুরিতে, অস্তুত সকাল পর্যন্ত। আর্বাসেস যদি টের পায় নিভিয়া পালিয়েছে, সোসিয়ার পিঠের চামড়া তুলে নেবে নির্ধাৎ।

‘তার চেয়ে বাবা হৈ-চৈ করে কজ্ঞে নেই,’ ভাবলো সোসিয়া। ‘কাল সকালে অন্য সব দাসরা যখন ঘুম থেকে উঠবে, কেউ না কেউ যাবে এ ঘরের সামনে দিয়ে। তাকে ডেকে দরজা খোলানোর ব্যবস্থা করতে হবে। তারপর যাবো শহরে, ঠিক খুঁজে বের করে ফেলবো বদমাশ ছুঁড়িটাকে। তারপর টের পাবে মজা!’

নিভিয়া একবার যে পথে চলে সে পথ চিরদিনের জন্যে তার চেনা হয়ে যায়। বাগানের ভেতর দিয়েই আর্বাসেস বাড়িতে ঢুকেছিলো তাকে নিয়ে। তাই ঘর থেকে বেরিয়ে বাগানে পৌছাতে কোনো অসুবিধা হলো না ওর। ভূতের পথ পরিষ্কার রাখার জন্যে বাগানের দরজাও সোসিয়া খুলে রেখেছে। নিভিয়া এবার অনায়াসেই বেরিয়ে যেতে পারবে রাস্তায়।

পা টিপে টিপে বাগানে ঢুকলো সে। ফটকের দিকে এগোলো। হাত ছুটো সামনে বাড়ানো স্পর্শ করার জন্যে। বাগানের দরজাটা কোথায় ওর জানা আছে। কয়েক দেকেণ্ডের মধ্যেই পৌছে গেল সেখানে। কিন্তু হায়, দরজা বন্ধ। তালা দেয়া। হয় নোসিয়া মিথ্যে বলেছে, নয়তো ও দরজা খুলে রেখেছিলো ঠিকই, পরে কেউ বন্ধ করে দিয়েছে। কিংকর্তব্যবিমূঢ় নিডিয়া ভাবছে কি করবে, এমন সময় শুনতে পেলো আর্বাসেসের গা শিউরানো গলা :

‘কী ব্যাপার, ক্যালেনাস, এমন হঠাৎ—’

‘জি, জনাব আর্বাসেস, হঠাৎই আসতে হলো,’ জবাব শোনা গেল ক্যালেনাসের।

প্রমাদ গুললো নিডিয়া। এখানে থাকা উচিত হবে না। হয়তো এই দরজার দিকেই আসবে ওরা। আন্দাজে একটা দিক লক্ষ্য করে দৌড় দিলো নিডিয়া, এবং অনুভব করলো, এমন জায়গায় এসে পড়েছে যেখানে আগে কখনো আসেনি ও। বাতাস এখানে কেমন ঘেন সঁাতসঁতে, ঠাণ্ডা। একটু স্বস্তি পেলো নিডিয়া। কাছাকাছি কোথাও তল কুঠুরি আছে বোধহয়। নিশ্চয়ই বাড়ির মালিক সচরা-চর এদিকে আসে না। চূপ করে দাঁড়িয়ে রইলো নিডিয়া। কিন্তু কয়েক মিনিট পরেই আবার শুনতে পেলো আর্বাসেসের গলা :

‘তাহলে চলো, আর দেরি করে কাজ নেই। আমার ঘন ভাগুরে চলো।’

আবার নিশ্বাস বন্ধ হয়ে এলো নিডিয়ার। দ্বিধাদিক জ্ঞান হারিয়ে ছুটলো ও। হ’হাত আগের মতোই সামনে প্রসারিত। এখন একটু পরপরই হাত ছুটোয় বাধছে মোটা মোটা ধাম। দম নেয়ার জন্যে একটু থামলো ও। কান খাড়া করতেই শুনতে পেলো ক্যালেনাস

আর আর্বাসেসের গলা। এদিকেই আসছে। দম নেয়া মাথায় উঠলো, আবার ছুটতে শুরু করলো নিড়িয়া।

আতঙ্কে অহির অবস্থা ওর। কপাল খারাপ না হলে এমন হয়? মুক্তির একেবারে দ্বারপ্রান্তে পৌছেও ফিরে আসতে হলো। শুধু তা-ই নয়, পালানোর জন্যে ও যেদিকে ছুটছে সেদিকেই ধেয়ে আসছে ভয়ঙ্কর মিশরীয়টা। ছুটতে ছুটতে কখন যে সিঁড়ি বেয়ে নামলো, তারপর সরু এক অলিপথ ধরে আবার ছুটলো কিছুই টের পেলো না নিড়িয়া। যখন পেলো তখন ওর সামনে বাড়ানো হাত দুটো ঠেঁকেছে শক্ত পাথরের দেয়ালে। অলি-পথ শেষ এখানে! লুকানোর মতো কোনো জায়গা নেই? কোনো গুপ্তপথ বা কুঠুরি? হাতড়ে হাতড়ে খুঁজলো নিড়িয়া। পেলো না কিছুই। ডুকরে কঁদে ওঠার ইচ্ছে হলো ওর। তারপর আবার পেছন থেকে ভেসে এলো কথাবার্তার আওয়াজ। মরীয়া হয়ে দেয়ালের কোল ঘেঁষে পিছিয়ে চললো ও। কিছুক্ষণ পর হঠাৎ হাতে ঠেকলো দেয়াল থেকে বেরিয়ে থাকা চওড়া একটা দেয়ালের অংশ, অনেকটা থামের মতো। থাম আর দেয়ালের মাঝে হাতখানেকের একটা কোনা ভৈরি হয়েছে। সেখানে বসে পড়লো নিড়িয়া। অলিপথে আলো আছে কিনা, থাকলেও কতটুকু জানে না ও। যদি উজ্জল আলো থাকে তাহলে ওর কোনো আশা নেই। যদি অন্ধকার হয় বা অল্প আলো থাকে তাহলে কপাল ভালো হলে এ যাত্রা বেঁচে যেতেও পারে।

হাঁটতে হাঁটতে বাগানের শেষপ্রান্তে পৌঁছলো আর্বাসেস ক্যালেন-নাসকে নিয়ে। ওদের সামনে এখন একটা বড়সড় দরজা। খোলা। দরজার মুখে একটা লণ্ঠন ঝলছে।

‘এসো, ক্যালেনাস,’ বলে লর্দনটা তুলে নিয়ে দরজা পেরিয়ে ভেতরে ঢুকলো আর্বাসেস। দরজার সমান চওড়া একটা অলিপথ (আসলে সুড়ঙ্গ) ক্রমশ ঢালু হয়ে এগিয়ে গেছে মোজা। আর্বাসেসের হাতের লর্দন ওদের চারপাশের খানিকটা জায়গা আলোকিত করছে কোনোমতে, সুড়ঙ্গের বাকি অংশে নিশ্চিজ্ঞ অন্ধকার।

এগিয়ে চললো ছ’জন। এক জায়গায় কয়েক ধাপ সিঁড়ি বেয়ে নিচে নামলো। তারপর আবার এগিয়ে চলা। অবশেষে সুড়ঙ্গের এক ধারের দেয়াল থেকে বেরিয়ে থাকা চওড়া একটা খামের সামনে দিয়ে এগিয়ে গেল ছ’জন। এই খামেরই ওপাশে গুটিসুটি হয়ে বসে আছে নিড়িয়া। ওকে খেয়াল করলো না কেউ।

‘প্রায় এসে গেছি আমরা,’ ক্যালেনাসের চোখে চোখ রেখে বললো আর্বাসেস।

‘এমন জায়গায় আপনার রক্ত ভাঙার।’ কিছুটা বিস্ময় কিছুটা আতঙ্ক মেশানো স্বরে বললো ক্যালেনাস। ‘কেমন স্যাঁতসেঁতে, ঠাণ্ডা।’

‘কী আর করা যাবে। তোমার প্রকাশকে কাল যেখানে নিয়ে যাওয়া হবে সেখানকার চেয়ে ভালো এ জায়গা। অবশ্য তার পরদিন ওকে খুব ভালো জায়গায় নিয়ে যাবে ওরা—অ্যান্ধিথিয়েটের বন্দী কামরায়। তবে দেখ—,’ ধীরে ধীরে অনেকটা ইচ্ছাকৃত করেই যেন বললো আর্বাসেস, ‘তবে দেখ, ক্যালেনাস, তোমার একটা কথা অনায়াসে বাঁচিয়ে দিতে পারতো ওকে; আর এই আর্বাসেস তলিয়ে যেতো অতলে।’

‘সেই কথাটা কোনোদিনই উচ্চাখিত হবে না,’ বললো ক্যালেনাস।

‘ঠিক। সেজন্যেই তো তোমাকে এখানে নিয়ে এসেছি। বাস, দাঁড়াও, আমরা এসে গেছি।’

নিভিয়া যেখানে বসে আছে সেখান থেকে কয়েক পা সামনে উন্টে দিকের দেয়ালে একটা ছোট দরজার সামনে দাঁড়ালো আর্বাসেস। চকচক করে উঠলো ক্যালেনাসের চোখ। কোমর থেকে চাবি বের করে তালা খুললো মিশরীয়। তাকালো বন্ধুরোহিতের দিকে।

‘চোকো,’ বললো সে। ‘আমি বাতি উচু করে ধরছি, তুমি তোমার নয়নযুগল সার্থক করো সোনালি সুপ দেখে।’

দ্বিতীয়বার বলতে হলো না অন্ধির ক্যালেনাসকে। দরজা ঠেলে এগোলো সামনের দিকে। দরজাটা পেরিয়েছে কি পেরোয়নি, এই সময় আচমকা ওকে সর্বশক্তিতে ঠেলা দিলো আর্বাসেস।

‘সেই কথাটা কোনো দিনই উচ্চারিত হবে না!’ ভয়ানক অট্ট-হাসিতে ফেটে পড়লো মিশরীয়। তারপর দ্রুত টেনে দিলো দরজা। তালা লাগিয়ে দিলো আবার।

ক্যালেনাসের গলা ফাটানো চিংকার ভেসে এলো ভেতর থেকে:

‘ছেড়ে দাও আমাকে! আমি আর দোনা চাইবো না!’

জবাবে আবার হাসলো আর্বাসেস হা-হা করে। ‘তুমিয়ার সব সোনা আমার পায়ে ঢেলে দিলেও এক কণা কুটি তুমি পাবে না। শুকিয়ে মরো, হতভাগা। যত পারো চেষ্টাও, কোনো লাভ হবে না!’

ফিরে চললো আর্বাসেস।

নিভিয়ার সামনে দিয়েই গেল সে। এতদূরও লক্ষ্য করলো না অন্ধ মেয়েটাকে। প্রথম কারণ ওরা দরজার সামনে গিয়ে দাঁড়াতেই নিভিয়া নিঃশব্দে চলে এসেছে থামের উন্টে দিকে, দ্বিতীয়ত অপূর্ব এক প্রশান্তিতে আচ্ছন্ন এখন আর্বাসেসের মন, আশপাশে কোথায়

কী আছে, সামান্যই তার নজরে পড়ছে।

আর্বাসেসের পাখের আঙুয়াজ দূরে মিলিয়ে যেতেই নিড়িয়া পা টিপে টিপে এগোলো সেই বন্ধ দরজার দিকে।

সমানে গর্জ্জে চলেছে ক্যালেনাস : ‘ছেড়ে দাও আমাকে ! ছেড়ে দাও ! দোহাই তোমার, আর্বাসেস, আমাকে ছেড়ে দাও ! শপথ করে বলছি, আমি আর সোনা চাইবো না ! কক্ষণো না !’

দরজার সামনে গিয়ে দাঁড়ালো নিড়িয়া। এবার ভয় দেখাতে শুরু করেছে ক্যালেনাস :

‘আমাকে অনাহারে মেরে ফেলেও তুমি নিস্তার পাবে না, বদমাশ ! আমি ভূত হয়ে এসে তোমার অপকর্মের কথা জানিয়ে যাবো পৃথিবীর মানুষকে। ভালো চাও তো ছেড়ে দাও আমাকে !’

বন্ধ দরজায় করাঘাত করলো নিড়িয়া। অমনি আবার চিংকার করলো ক্যালেনাস, ‘কে ! কে ! আর্বাসেস, আপনি ? ও মহান আর্বাসেস, আমি আপনার সামান্য ভৃত্য, এবারের মতো আমাকে ক্ষমা করুন ! আমাকে ছেড়ে দিন, আমি চিরদিন আপনার গোলাম হয়ে থাকবো !’

দরজার গায়ে হাতড়ে ছোট্ট একটা ফুটো আবিষ্কার করেছে নিড়িয়া। সেখানে ঠোট নিয়ে ফিসফিস করে বললো, ‘না, আমি আর্বাসেস নই।’

‘কে ! কে !’ আতঙ্কিত কণ্ঠে চিংকার করে উঠলো ক্যালেনাস। ‘কে তুমি ?—ডাইনী না পেত্নী হতভাগ্য ক্যালেনাসের কাছে এসেছো ?’

‘না, আমি ডাইনী নই, পেত্নীও নই,’ জবাব দিলো নিড়িয়া।

‘আমি কপালগুণে আর্বাসেসের কুকীতির কথা ছেনে ফেলেছি। এই চার দেয়ালের বাইরে যদি বেরোতে পারি হয়তো আপনাকে আমি বাঁচাতে পারবো। কিন্তু আগে আমার কয়েকটা প্রশ্নের জবাব দিন।’

‘তুমি যে ই হও আমাকে উদ্ধার করো,’ বললো ক্যালেনাস।
‘আমার মন্দিরের সব মূল্যবান জিনিস বিক্রি করে হলেও তোমার উপকারের প্রতিদান দেবো।’

‘না, টাকা বা সোনার কোনো প্রয়োজন আমার নেই। আমি চাই আপনার সাহায্য। আপনি এমন একটা কথা জানেন যা বিচারকের সামনে প্রকাশ করলে এথেনীয় প্রকাশ বেঁচে যাবেন, তাই না?’

‘হ্যাঁ, হ্যাঁ। সে কথা জানি বলেই আর্বাসেস আমাকে আটকেছে এখানে।’

‘আপনি বলবেন বিচারকের সামনে, প্রকাশ নির্দোষ?’

‘হ্যাঁ, হ্যাঁ, বলবো। খালি তুমি এখান থেকে আমাকে বের করে নিয়ে চলো। আমি আমার নিজের গরজেই বলবো। তও মিশরীয়র ওপর প্রতিশোধ নেবো। হ্যাঁ, প্রতিশোধ—প্রতিশোধ।’

‘ঠিক আছে,’ নিভিয়া বললো, ‘আপনি ধৈর্য ধরে শাস্ত হয়ে থাকুন, আমি আসছি।’

‘সাবধানে থেকো। যদি বেরোতে পারো, সোজা প্রতিলিপির কাছে যাবে। যা জানো সব বলবে তাকে। আর শোনো, আসার সময় ভালো কোনো কামারকে নিয়ে আসবে, দরকার তালাটা ভয়ানক মজবুত। যাও-যাও! তাড়াতাড়ি যাও।’

দেয়াল ধরে ধরে সুড়ঙ্গের বাইরে এলো নিভিয়া। আর্বাসেসের কোনো সাড়া নেই কোনো দিকে। বাগানে কেউ আছে বলেও মনে

হচ্ছে না। হুঁহাত সামনে বাড়িয়ে দিয়ে হাতড়ে হাতড়ে ও এগোলো দরজার দিকে।

দরজা বন্ধ জানে তবু নিভিয়া সেদিকেই এগোচ্ছে। ও ঠিক করেছে দরজার কাছে পৌঁছে সেখান থেকে পাঁচিলের গা ঘেঁষে এগোবে। সুবিধাজনক কোনো জায়গা যদি হাতে ঠেকে সেখান দিয়ে পাঁচিল উপকানোর চেষ্টা করবে।

আর সামান্য গেলেই নিভিয়া পৌঁছে যাবে দরজার কাছে, এই সময় ওর মনে হলো, পেছন থেকে ফিসফিস করে কে যেন বললো, 'সোসিয়া, ওটাই তো তোমার সেই পেছী ?'

এবার স্পষ্ট শুনতে পেলো নিভিয়া সোসিয়ার গলা, 'হ্যাঁ, হ্যাঁ, ধরো ওকে।'

ঝেড়ে দৌড় লাগালো নিভিয়া। কিন্তু খুব বেশিদূর যাওয়ার স্মরণ পেলো না। পেছন থেকে বজ্রকঠিন ছোটো হাত ধরে ফেললো ওকে। তীব্র স্বরে চৈঁচিয়ে উঠতে গেল নিভিয়া, তার আগেই আরো ছোটো হাত এগিয়ে এসে ঘামের গন্ধওয়ালা একটা রুমাল দিয়ে বেঁধে ফেললো ওর মুখ।

BanglaBook.org

একুশ

বিচারের তৃতীয় দিনে রায় ঘোষণা করলো সিনেট। অ্যাফিথিয়েটারের বার্ষিক উৎসবের জন্যে যে সিংহটা আনা হয়েছে তার সঙ্গে লড়তে হবে প্রকাসকে। তবে বিশেষ পরিস্থিতির কথা বিবেচনা করে একটু দয়া দেখিয়েছে সিনেট। একেবারে খালি হাতে লড়তে হবে না, এপিসাইডেসকে যে ছোরা দিয়ে খুন (!) করেছিলো সেটা থাকবে ওর হাতে। সিংহটাকে যদি হত্যা করতে পারে তাহলে সে মুক্তি পাবে।

আরও একজনকে একই রকম দণ্ড দিয়েছে সিনেট। সে হলো নাথারেন অলিনথাস। তার যে কী অপরাধ তা সিনেট সদস্যরাও ভালো বুঝতে পারেনি, তবু তাকে প্রাণদণ্ড দেয়া হয়েছে। যীশু খ্রীষ্টের নির্দেশিত পথে চলা বা একমাত্র ঈশ্বরে বিশ্বাস করণ সমাজে নিন্দনীয় হলেও সেটা প্রাণদণ্ডের যোগ্য অপরাধ নয়। অস্তুত রোমান আইনে তেমন কোনো বিধান নেই যার বলে প্রচলিত ধর্মবিশ্বাসের বাইরে বিশ্বাস স্থাপনকারীকে প্রাণদণ্ড দেয়া যায়। প্রচলিত দেব-দেবীদের না মানা অবশ্যই গুরুতর অপরাধ, কিন্তু সেজন্যে সাধারণতঃ সাধারণ দণ্ডই দেয়া হয়ে থাকে। যেমন—অর্থদণ্ড, নির্বাসন বা স্বল্প অথবা দীর্ঘমেয়াদী কারাদণ্ড। অলিনথাসের ক্ষেত্রে অন্যরকম

ব্যবস্থা করতে হয়েছে প্রধানত জনতার চাপে।

অ্যাফিথিয়েটারের উৎসবের জন্যে সিংহের পাশাপাশি একটা বাঘও আনা হয়েছে। সিংহের মুখে দেয়া হবে প্রকাশকে, আর বাঘটাকে কি অনাহারী রেখে দেয়া হবে? ছি! সারা রোম সাম্রাজ্যে পম্পেই নগরীর দুর্নাম ঘটে যাবে না তাহলে? জনসাধারণ গোঁ ধরে বসলো, সিংহের জন্যে যেমন দেয়া হয়েছে, বাঘের জন্যেও তেমন একটা মানুষ দিতে হবে তাদের। শাসক শ্রেণী গুরুতর কোনো কারণ না হলে জনগণের ইচ্ছার বিরুদ্ধে যেতে চায় না, কাজেই মেনে নেয়া হলো জনতার দাবি। ঠিক হলো, উৎসবের দিন বাঘের মুখে নিক্ষেপ করা হবে অলিনথাসকে। তাকেও একটা ছোরা দেয়ার কথা হয়েছিলো। কিন্তু অলিনথাস রাজি হয়নি দয়াটুকু নিতে।

দণ্ডদেশ ঘোষণা হওয়ার পর স্যালাস্টের বাড়িতে আর ফিরে যেতে পারলো না প্রকাশ। কারাগারে নিয়ে যাওয়া হলো তাকে। ফোরামের* এক প্রান্তে যেখানে জুপিটারের মন্দির তার পাশে ছোট একটা পাথরের দালানে কারাগার পম্পেই নগরীর। সন্ধ্যার সামান্য আগে কয়েক মিনিটের ব্যবধানে সেখানে ঢোকানো হলো দুই বন্দীকে।

কাল সকালে মারা যাবে দু'জন। দু'জনই জানে সেকথা। এ অবস্থায় একে অপরের প্রতি তাদের দরদ বোধ কীভাবে স্বাভাবিক। পরিচয় ছিলো না কোনো দিন, এক দেশ বা জাতির লোকও নয় ওয়া, শিকার বা সংস্কৃতিতেও মিল নেই দু'জনের; তবু আজ মনে হলো পরস্পরের নিকটাত্মীয় দু'জন। সাহস আর সাহসনা দিয়ে একজন আরেকজনকে প্রস্তুত করে তুলতে লাগলো। ভয়ঙ্কর মুহূর্তটির জন্যে।

● ফোরাম—রোমান বাজার।

গ্লকাস দেখে অবাক হলো, তারচেয়ে অলিনথাসের মনের ছোর অনেক বেশি। যত্নকে গ্লকাস ভয় করে না, তাই বলে এমন যত্নবরণ করতে হবে ও কখনো করনা করেনি। আগাম ঘোষণা দিয়ে যদি স্বাভাবিক যত্ন আসতো, ও হাসতে হাসতে এগিয়ে যেতো তার দিকে। কিন্তু কাল যে যত্ন ওর হবে তা তো খুনের নামাস্তর! অলিনথাসের অবস্থা গ্লকাসের ঠিক বিপরীত। মরতে হবে ভেবে সে যেন উৎফুল্ল। অবাক হয়ে এর কারণ জিজ্ঞেস করলো গ্লকাস। অলিনথাস হেসে বললো :

‘উৎফুল্ল হবো না? দুঃখ, কষ্ট, হিংসা আর অবিশ্বাসে ভরা এ পৃথিবী ছেড়ে অনন্ত আনন্দ আর শান্তির দেশে যাবো, উৎফুল্ল তো হবোই। আমি মহান ঈশ্বরের অনুসারী। ঈশ্ব তো সেই আশ্বাসই দিয়ে গেছেন মানুষকে যে, তাঁর ওপর বিশ্বাস রাখলেই স্বর্গলাভ হবে।’

অলিনথাসের এই দৃঢ় বিশ্বাস গ্লকাসকে বিচলিত করলো। তার নিজের উপাস্য দেব-দেবীরা তো এমন কোনো আশ্বাস দেয়নি। আপনা থেকেই ওর মন আকৃষ্ট হলো অলিনথাসের ধর্মের দিকে।

‘তোমার ঈশ্বরের ছ’চারটে বাণী শোনাও তো, অলিনথাস,’ অবশেষে বললো গ্লকাস, ‘দেখি তোমার মতো উৎফুল্ল হতে পারি কিনা।’

শুরু করলো অলিনথাস। সারারাত সে বলে গেল ঈশ্বরের কথা, তাঁর বাণীর কথা, তাঁর আশ্বাসের কথা। সারারাত বসে বসে শুনলো গ্লকাস। ঘুম বা ক্লান্তি ওর কাছেও ঘেঁষতে পারলো না।

নিডিয়া আবার বন্দী আর্বাসেসের বাড়ির সেই ছোট্ট কুঠুরিতে।

আর্বাসেসের নির্দেশে ক্যালাইস নামের এক দাস সোসিয়াকে সাবধান করতে এসেছিলো, যেন পালাতে না পারে নিডিয়া। সে

লোকটা এসে দেখে নিভিয়া তো পালিয়েছেই, উপরন্তু বন্দী করে রেখে গেছে সোসিয়াকে। ক্যালেইস সোসিয়াকে উদ্ধার করে জানালো আর্বাসেসের নির্দেশের কথা। শুনে ভয়ে পাংশু হয়ে গেল সোসিয়ার মুখ। ক্যালেইসের দু'হাত জড়িয়ে ধরে মিনতি করলো, যেন তখনই আর্বাসেসকে না জানায় মেয়েটার পালানোর খবর। পরদিন ভোরে যে করেই হোক সে শহরে গিয়ে ধরে আনবে মেয়েটাকে। এরপর সে সবিস্তারে বর্ণনা করলো কেমন করে তাকে বোকা বানিয়েছে নিভিয়া। সব শুনে ক্যালেইস বললো, 'যখনকার কথা বলছো তখন মালিক নিজের বাগানে ছিলেন। ওঁকে এড়িয়ে নিশ্চয়ই মেয়েটা পালাতে পারেনি। বাগানের কোথাও এখনও সে রয়ে যায়নি তো?'

'চলো খুঁজে দেখি,' বলেছিলো সোসিয়া। এবং যে মুহূর্তে ওরা নিভিয়াকে খুঁজতে বাগানে ঢুকেছে সেই মুহূর্তে সূড়ঙ্গ থেকে বেরিয়ে এসেছে নিভিয়া। একে নিভিয়া যেয়ে, তার অন্ধ; শত্রু সমর্থ ছ'জন পুরুষ মানুষের পক্ষে ওকে কজা করা কঠিন হয়নি। ধরে মুখ বেঁধে ওকে নিয়ে আনা হয় আগের কুইরিতে। রাত পেরিয়ে সকাল হয়েছে, এখনো সেখানেই আছে নিভিয়া।

আবার বন্দী হওয়ার পর থেকে ভেবে ভেবে মুক্তি পাওয়ার একটা উপায় বের করেছে নিভিয়া। আয়োন এবং প্লকাসের উপহার দেয়া কিছু গহনা আছে ওর গায়ে—হাতে বালা, গলায় হার—দুটোই খুব দামী। ও ঠিক করেছে সোসিয়া আবার এলে এগুলো দিয়ে বশ করার চেষ্টা করবে তাকে। কিন্তু ঘন্টার পর ঘন্টা কেটে গেল সোসিয়া এলো না। ওকে কোনো খাবারও দেয়া হলো না। সম্ভবত পালানোর চেষ্টার শাস্তি এটা।

শেষমেষ অস্থির হয়ে চিংকার শুরু করলো নিডিয়া ; সেই সাথে হুমদাম ঘুসি বন্ধ দরজায় । একটু পরেই অগ্নিশর্মা সোসিয়াকে দেখা গেল দরজার মুখে ।

‘হয়েছে কী ?’ চিংকার করলো সে । ‘এমন চোঁচাচ্ছে কেন ? আবার মুখ বেঁধে রাখি তাই চাইছো নাকি ?’

‘সোসিয়া, এভাবে বকছো কেন আমাকে ?’ জবাব দিলো নিডিয়া । একটু যেন আফ্লাদী ভঙ্গি ওর স্বরে । ‘একা একা এই ঘরে থাকতে থাকতে হাঁপিয়ে উঠেছি আমি । আজ খেতেও দাওনি কিছু ।’

‘তোমাকে তো আমি দিকি সঙ্গ দিচ্ছিলাম, ‘সটা সহ্য হলো না, পালানোর ফন্দি আঁটলে । এখন বোঝো একা একা থাকতে কেমন লাগে ?’

‘আর কখনো পালানোর চেষ্টা করবো না,’ বললো নিডিয়া । ‘তুমি দরজার কাছে বোসো, একটু কথা বলি ।’

সোসিয়া আর্বাসেসের দাস হলেও মানুষ হিসেবে খরাপ নয় । মনে দয়া মায়া আছে । দিন রাত এক ঘরে একা কাটানোর কষ্ট সে বোঝে । বললো, ‘আচ্ছা, ঠিক আছে, বসছি । কিন্তু কোনো রকম চালাকি যদি দেখি—’

‘না, না, সোসিয়া, আর কক্ষণো কোনো চালাকি করবো না । এখন দিনের কোন সময় ?’

‘সন্ধ্যা—ছাগলের পাল ঘরে ফিরছে ।’

‘ও মা ! বিচারের রায় কী হলো ?’

‘একজনকে সিংহের মুখে আরেকজনকে বাঘের মুখে দেয়া হবে ।’

অনেক কষ্টে গলা বেয়ে উঠে আসা চিংকারটাকে থামালো নিডিয়া । বললো, ‘আমিও সেরকমই ভাবছিলাম । কবে দেয়া হবে

দণ্ড ?’

‘কাল আফিধিয়েটারে । কাল রাতে তুমি ঐ বদমায়েশিটা না করলে আমি যেতে পারতাম দেখতে ।’

কোনো জবাব দিলো না নিভিয়া । বেশ কিছুক্ষণ চুপ করে থেকে অন্তরঙ্গ সুরে বললো, ‘সোসিয়া, তোমার মুক্তি কিনতে কত টাকা দরকার ?’

‘কত ? তা হাজার দুই সেন্টারস তো হবেই ।’

‘ওহু, দেবতাদের ধন্যবাদ ! আরো বেশি লাগবে না তো ?’

‘মনে হয় না ।’

‘সোসিয়া, দেখ, আমার ছ’হাতের এই ঝালা ছটো আর গলার হার বিক্রি করলে তোমার যা দরকার তার দ্বিগুণ পাওয়া যাবে । তোমাকে এগুলো দিতে পারি যদি—’

‘আমাকে লোভ দেখিয়ে লাভ হবে না, কুদে ডাইনী, তোমাকে আমি ছাড়বো না । আর্বাসেস ভয়ানক লোক । কে জানে, হয়তো সার্নাসের মাছদের দিয়ে খাওয়াবে আমাকে ।’

‘সোসিয়া, ভেবে দেখ ! তোমার মুক্তি । আমাকে একেবারে ছেড়ে দিতে হবে না । এক বা দু’ঘণ্টার জন্যে ছাড়বে শুধু—’

‘না । যে দাস একবার আর্বাসেসের কথা অমান্য করে তার আর খোঁজ পাওয়া যায় না ।’

‘তাহলে কোনো আশা নেই ?’ হতাশ কণ্ঠে প্রশ্ন করলো নিভিয়া ।

‘না । অন্তত যতক্ষণ না আর্বাসেস নির্দেশ দিচ্ছে ।’

‘বেশ, না হয় না-ই ছাড়লে, একটা চিঠি তো অন্তত পৌছে দিতে পারবে ! সেজন্যে নিশ্চয়ই তোমাকে গুম করে ফেলবে না আর্বাসেস ।’

‘কার কাছে ?’

‘প্রিটরের ।’

‘না । প্রিটরের কাছে চিঠি নিয়ে যাই, তারপর আদালতে গিয়ে সাক্ষী দিয়ে বেড়াই ? ওসব হবে টবে না ।’

‘না, সোসিয়া,’ ভাড়াভাড়া বললো নিডিয়া, ‘প্রিটরের কথা এমনি মুখ কসে বেরিয়ে গেছে । আমি আসলে বলতে চাইছিলাম অন্য একজনের কথা । স্যালাস্টের নাম শুনেছো ?’

‘হ্যাঁ ।’

‘তার কাছে নিয়ে যাবে চিঠি । পারবে না ?’

‘স্যালাস্টের কাছে কী কাজ তোমার ?’

‘কাজ নেই কোনো । প্রকাশ আমার প্রভু ছিলেন ? খুবই নিষ্ঠুর এক মহিলার কাছ থেকে আমাকে কিনে নিয়েছিলেন । জীবনে যদি কখনো ভালো ব্যবহার পেয়ে থাকি, পেয়েছি ওঁর কাছে । উনি আজ মৃত্যুর দ্বারে । ওঁর বন্ধু স্যালাস্টের মাধ্যমে ওঁকে আমি আমার শেষ অভি-
বাদন জানাতে চাই । ভেবে দেখ, সোসিয়া, এইটুকু শুধু করবে, যিনি-
ময়ে কী পাবে । যদি দাসত্ব থেকে মুক্তি চাও, পৌঁছে দিয়ে এসো চিঠিটা । আশ ঘন্টার বেশি বাড়ির বাইরে থাকতে হবে না তোমাকে ।’

আশার চোরাবালিতে ডুবতে শুরু করেছে সোসিয়ার মন । এক মুহূর্ত ভেবে সে বললো, ‘ঠিক আছে, রাজি আমি । কিন্তু—দাঁড়াও, তুমি তো ক্রীতদাসী । তোমার কোনো অধিকার নেই ওসব অলঙ্কা-
রের ওপর—ওগুলো তোমার মালিকের সম্পত্তি ।’

‘প্রকাশ এগুলো উপহার দিয়েছিলেন আমাকে । উনিই আমার প্রভু । উনি এগুলো দাবি করার সুরক্ষা পাচ্ছেন কখন ?’

‘তা ঠিক—তাহলে দাঁড়াও, আমি প্যাপিরাস নিয়ে আসছি ।’

‘না প্যাপিরাসে আমি লিখতে পারি না, তুমি একটা মোমের ফলক আর ছুরি নিয়ে এসো।’

অন্ধ মেয়েকেও যত্ন করে লিখতে শিখিয়েছিলো নিভিয়ার বাবা-মা, সেকথা স্মরণ করে ও তাদের উদ্দেশ্যে ভক্তিভরে কৃতজ্ঞতা জানানো।

গ্রকাসের দণ্ডাদেশ ঘোষিত হওয়ার পর আর এক মুহূর্ত অপেক্ষা না করে বাড়িতে চলে এসেছে স্যালান্ট। এবং এসেই মদ নিয়ে বসেছে।

গ্রকাস সম্পর্কে প্রথম দিকে ওর মনোভাবও ক্রোডিয়াসের মতোই ছিলো—যত পারো কুতি করে নাও গ্রীকটার পরসায়। কিন্তু এর ভেতর দিয়েই কখন যে এথেনীয় ছেলেটাকে অন্তর থেকে ভালোবেসে ফেলেছে তা স্যালান্ট নিজেরও টের পায়নি। পেলো যেদিন গ্রকাসকে খুনের মিথ্যে অভিযোগে ফাঁসানো হলো সেদিন। প্রিটরের কাছে নিজে জামিন হয়ে সেই রাতেই সে গ্রকাসকে নিয়ে এসেছিলো নিজের বাড়িতে। শুধু তাই নয় যথাসাধ্য চেষ্টা করেছে তাকে বাঁচানোর। সব সম্বন্ধেও সিনেট প্রাণ-দণ্ডই দিয়েছে গ্রকাসকে। গ্রকাসের স্বপ্ন মৃত্যু ঘটবে তখন অজ্ঞান হয়ে থাকতে চায় স্যালান্ট। তাই বাড়ি ফিরে এক মুহূর্ত দেরি না করে বসে গেছে মদের পাত্র নিয়ে।

রাত ক্রমশঃ গভীরতার দিকে এগোচ্ছে। পথঘাট ক্রমশঃ প্রায়। স্যালান্টের বাড়িতে পৌঁছতে বেশিক্ষণ লাগেনা না সোসিয়ার। হুঁত্যা শুকে বললো চিঠি রেখে যেতে, কারণ প্রভুর মন মেজাজ এখন খুব খারাপ, তাকে বিরক্ত করা যাবে না।

‘কিন্তু যে পাঠিয়েছে তাকে আমি প্রতিশ্রুতি দিয়েছি, চিঠিটা স্যালান্ট ছাড়া আর কারো হাতে দেবো না,’ বলতে বলতে গোটা

কয়েক সেন্টারস ওঁজে দিলো সোসিয়া ভৃত্যের হাতে।

‘আচ্ছা, আচ্ছা,’ ভৃত্য বললো, ‘প্রতিক্রিয়া যখন দিয়েছে, তা তো রাখতেই হবে। যাও ভেতরে। কিন্তু মালিকের সঙ্গে কথা বলতে পারবে কিনা জানি না। থাকাসের কথা ভুলতে সক্ষম থেকেই মদ নিয়ে বসেছেন।’

‘তবু দেখি চেষ্টা করে,’ বললো সোসিয়া।

ভৃত্য ওকে নিয়ে গেল স্যালাস্টের কাছে। স্যালাস্ট তখন ফুঁপিয়ে, ফুঁপিয়ে কাঁদছে আর বিড়বিড় করছে :

‘আহা-হা, বন্ধু আমার, বড় ভালো লোক ছিলো! এমন অবিচার! বেচারী থাকাস!—সিংহের দাঁতে ধার কেমন? আহা-হা-হা!’

স্যালাস্টের প্রিয় এক দাস সান্দ্রনা দিলো ওকে : ‘কী আর করবেন, আপনার তো কোনো হাত নেই এতে।’

‘জানি, জানি! আরেক পাত্র মদ দাও আমাকে!’

এই সময় সেখানে পৌঁছলো সোসিয়া।

‘কে তুমি? কী চাও?’ চিংকার করে উঠলো স্যালাস্ট।

‘আমি এক মেয়ের কাছ থেকে একটা চিঠি নিয়ে এসেছি,’ বললো সোসিয়া। ‘ও আমাকে বারবার বলে দিয়েছে, চিঠিটা যেন আপনার ছাড়া আর কারো হাতে না দেই।’

‘চিঠি! মেয়ে! উহু! আমাকে কি একটু শান্তিতে শোক করতেও দেবে না! দাও ওর কাছে!’ দাসের দিকে ইশারা করলো স্যালাস্ট।

‘কোনো জবাব দেবেন না?’ ভয়ে ভয়ে জিজ্ঞাসা করলো সোসিয়া।

‘জবাব! হতভাগা বদমাশ, ভাগো এখন থেকে! প্যানডারাস-এর অভিশাপ লাগুক তোমার ওপর!’

এক মুহূর্ত দেরি না করে বেরিয়ে গেল সোসিয়া।

দাস জিজ্ঞেস করলো, 'পড়বো চিঠিটা ?'

'না। আরেক পাত্র মদ দাও আমাকে !'

বাইশ

অবশেষে ভোর হলো -- পম্পেই নগরীর শেষ ভোর।

অস্বাভাবিক শান্ত প্রকৃতি। অনেকটা যেন ঝড়ের পূর্বক্ষণের মতো। সূর্যের আলো প্রাণপণে চেষ্টা করছে আকাশের ধোঁয়াটে পর্দা ভেদ করে নগরীর পথঘাট উজ্জল করে তোলার। ভিসুভিয়াসের মাথার সেই ধোঁয়ার মেঘ এখন পম্পেই-এর অর্ধেক আকাশ ছেয়ে ফেলেছে। প্রায় ছাঁসপ্রাহ ধরে অনড় দাঁড়িয়ে আছে সে ঐ ভিসুভিয়াসের মতোই। একেক সময় একেক জন্তুর চেহারা নিচ্ছে। কখনো বাঘ, কখনো কুমীর, কখনো ব্যা অন্যকিছু। আজ সকালে তাকে দেখাচ্ছে এক অতিকায় দানবের মতো, যে শহরের দিকে এককোণে আর আকাশের দিকে অন্যকোণে বাড়িয়ে দিয়ে দাঁড়িয়ে আছে, যেন এক অদৃশ্য দেবতার দৃষ্টি আকর্ষণ করছে পম্পেইবাসীদের অনাচার অবিচারের দিকে।

ভোর থেকেই সারা শহরের মতো আর্বাসেসের বাড়িতেও সাজ সাজ রব পড়ে গেছে। অ্যান্টিথিয়েটিকের যাওয়ার জন্যে তৈরি হচ্ছে সবাই। কিন্তু আর্বাসেস এখনো তার ঘরে। অদ্বুত এক অতিথি

এসেছে, তার কাছে ।

অতিথি আর কেউ নয়, ভিসুভিয়াস পাহাড়ের সেই ডাইনী ।

ছোট্ট একটা পুঁটলি হাতে সে নেমে এসেছে পাহাড় থেকে শহরে, প্রভু আগুনকটি হার্মেসকে সাবধান করতে ।

‘আমাকে সাবধান করতে এসেছো !’ সবিস্ময়ে বললো আর্দাসেন, ‘কী ব্যাপারে ?’

‘অশুভ কিছু একটা নেমে আসছে এই শহরের উপর । সময় থাকতে পালান, প্রভু । আমার গুহার ঠিক নিচে এক আগুনে গঙ্গার আছে ; গত কয়েকদিন ধরেই তার ভেতর আগুনের ঢেউ উথাল পাতাল করছিলো । আজ সকাল থেকে তার চেহারা ভয়ঙ্কর হয়ে উঠেছে । টগবগ করে লাল কী ঘেন ফুটেছে তার ভেতর । ছোট বড় নানা আকারের পাথরের ডাঙড় প্রচণ্ড বেগে ছিটকে উঠছে । আমার গুহাটা ভরে গেছে এর মধ্যেই । সবচেয়ে ভয়ানক ব্যাপার, ভিসুভিয়াসের চালে হঠাৎ দেখা দিয়েছে হুদের মতো বিরাট এক ফাটল । তার ভেতর থেকে উঠছে হালকা শাদা ধোঁয়ার রেখা । গন্ধকের গন্ধে দম নেয়া যায় না । শিগগিরই প্রলয়কাণ্ড শুরু হয়ে যাবে । তাই সময় থাকতে চলে যাচ্ছি অন্য দেশে । যাওয়ার আগে ভাবলাম, প্রভুকে জানিয়ে যাই বিপদের কথা ।’

‘বিপদের ভেতরেও আমার কথা মনে রেখেছো । এক্ষণে সত্যিই খুব ভালো লাগছে আমার । ঐ যে ঐ টেবিলের ওপর একটা সোনার পানপাত্র আছে, ওটা নাও তুমি । তোমার গুহার, ভিসুভিয়াসের চালে যা তুমি দেখেছো বললে, তাতে আমার মনে হয় হাজার বছর আগে মরে যাওয়া আগ্নেয়গিরিটা আমার বেঁচে উঠছে । তবে এটাও ঠিক, আজ-কালের ভেতর এমন কিছু মহাপ্রলয় ঘটে যাবে না ।

আজকের দিনটা যাক, কাল থেকে আমি গোছগাছ শুরু করবো এ শহর ছাড়ার জন্যে। ভালোকথা, তুমি কোন দিকে যাচ্ছে?'

‘আজ দিনের ভেতর হারকুলেনিয়াম পার হয়ে যাবে। তারপর উপকূল ধরে চলতে থাকবো, যতদিন না পছন্দমতো কোনো থাকার জায়গা পাই। এই পৃথিবীতে আমি এখন সম্পূর্ণ একা, বন্ধুহীন। আমার ছই সাথী সাপ আর শেয়াল মরে গেছে। কিন্তু, মহান হার্মেস, আমার আয়ু কুড়ি বছর বাড়িয়ে দেবেন বলেছিলেন, মনে আছে তো?’

‘হ্যাঁ আছে,’ জবাব দিলো আর্বাসেস, ‘কিন্তু বলো তো, কেন তুমি আরো বাঁচতে চাও? এই তো তোমার জীবন, একা একা বনে, জঙ্গলে, গুহার বাস, তাহলে কিসের মোহে তুমি বাঁচতে চাও? জীবনে কী আনন্দ আছে তোমার?’

‘জীবনে আনন্দ নেই,’ দীর্ঘশ্বাস ফেলে বললো বুড়ি, ‘কিন্তু মরণে ভয় আছে। সারা জীবন জাহ্ন আর মন্ত্র-তন্ত্রের সাধনায় কাটিয়েছি, সেগুলো তো বলতে পারে না, মরণের ওপারে কী আছে!’

‘তা ঠিক! আচ্ছা, বোন, সময় চলে যাচ্ছে, এবার আমাকে তৈরি হতে হবে আজ দিনের উৎসবের জন্যে। এখন তাহলে বিদায়। কামনা করি আগামী দিনগুলো আরেকটু সুখের হোক তোমার।’

বুড়ি চলে যেতেই আর্বাসেস তার সর্দার দাসকে ডেকে পাঠালো।

‘ক্যালাইস,’ বললো সে, ‘পম্পেই-এ থাকতে থাকতে ক্লান্ত হয়ে পড়েছি আমি। বাতাস অনুকূল থাকলে তিনদিনের ভেতর এখান থেকে চলে যেতে চাই। আলেকজান্দ্রিয়ার বখিক নারসেস-এর একটা জাহাজ বন্দরে নোঙ্গর করে আছে জানো তো?—ওটা কিনে নিয়েছি আমি। কাল থেকেই তুমি সব জিনিসপত্র এ জাহাজে তুলতে শুরু

করবে, ঠিক আছে ?’

বিস্ময় গোপন করতে পারলো না ক্যালেনাইস। ‘এত তাড়াতাড়ি।’ তারপর বললো, ‘প্রভুর আদেশ পালিত হবে। আপনার অধীনা আয়োনের কী হবে ?’

‘আমার সাথে যাবে।’

সোসিয়া ফিরে সব বললো। নিভিয়াকে, স্যালাস্টের দুর্ব্যবহারটুকু ছাড়া। কি জানি ওকথা শুনে কাজ হয়নি ভেবে নিভিয়া যদি না দেয় গহনা।

আরেকবার আশায় বুক বাঁধলো নিভিয়া। নিশ্চয়ই স্যালাস্ট দেরি করবে না প্রিটনের কাছে যেতে। এবং লোকজন নিয়ে আসবে আর্বা-সেসের বাড়িতে। উদ্ধার করবে ওকে, ক্যালেনাসকে। ক্যালেনাস যা যা জানে সব বলবে প্রিটরকে। তারপর আজ রাতের মধ্যেই মুক্তি পাবে প্রকাস।

কিন্তু কোথায় কী। রাত গড়িয়ে গেল—ভোর হলো, এলো না স্যালাস্ট বা অন্য কেউ। সূর্য একটু ওপরে উঠে আসার পর আর্বা-সেসের নেতৃত্বে অ্যান্টিথিয়েটারের পথে রওনা হলো তার দাগরা এথেনীয় প্রকাসের মৃত্যু-দৃশ্য দেখে নয়ন তৃপ্ত করার জন্যে।

সত্যিই নয়ন তৃপ্ত করার মতো ব্যাপার ঘটছে আজ পম্পেই-এর অ্যান্টিথিয়েটারে। লড়াইয়ের গোল চব্বরটা ঘিরে বিশাল, উচু গ্যালারি। পনের থেকে আঠারো হাজার লোক বসতে পারে তাতে। ইতিমধ্যে পূর্ণ হয়ে গেছে আসন-সারি। শ্রমী, গরিব, নারী, পুরুষ, বিবাহিত, অবিবাহিত সবার জন্যে জায়গা বসবার ব্যবস্থা। আরো-নার কাছাকাছি আসনগুলো সংরক্ষিত অভিজাত, ধনী এবং রাজ-

পুরুষদের জন্যে। মেয়েরা বসেছে গ্যালারির পুরো একটা ধার জুড়ে। সেখানেও অভিজাত, সাধারণ আর কর্মজীবী দাসীদের জন্মে আলাদা ব্যবস্থা।

পম্পেই-এর নারী-পুরুষ, ছেলে-বুড়ো, দাস-প্রভু নিবিশেষে আজ এসেছে অ্যাফ্রিথিয়েটারের বার্ষিক উৎসব দেখতে। আরো এসেছে আশপাশের গ্রামবাসীরা। হারকুলেনিয়াম থেকেও কম লোক আসেনি। রাজধানী রোম থেকেও এসেছে নিম্নশ্রিত বিশিষ্ট অতিথি-বর্গ। দর্শকদের কোলাহলে কান পাতা দায়। অস্থির হয়ে উঠেছে সবাই। আর এক মুহূর্ত মৈত্রী ধরে বসে থাকতে পারছে না যেন।

হঠাৎ তীক্ষ্ণ শিঙার আওয়াজে থেমে গেল সব কোলাহল। আনুষ্ঠানিক ভঙ্গিতে মিছিল করে অ্যারেনার ঢুকছে গ্ল্যাডিয়েটররা। নিজেদেরকে ভালো করে দেখতে দেয়ার জন্যে অ্যারেনার চারপাশ ঘিরে একটা চক্র দিলো ওরা। তারপর গিয়ে বসলো ওদের জন্যে নির্ধারিত স্থানে। আবার বেজে উঠলো শিঙা। প্রথম প্রতিযোগী যুগল ঢুকলো অ্যারেনায়। ছ'জনই অশ্বারোহী। একজনের নাম বারবিস্স অন্যজনের নাম নোবিলিওর। দীর গতিতে ঘোড়া চালিয়ে অ্যারেনার ছ'প্রান্তে চলে গেল ছ'জন। তারপর ঘুরে দাঁড়ালো মুখোমুখি।

দর্শকরা অপেক্ষা করছে রক্তখাসে।

এডিল পানসা হাত উচু করে একটা ইশারা করলেন। সঙ্গে সঙ্গে শিঙা বেজে উঠলো আবার একবার। 'অমনি ঘোড়া ছোটালো ছ'অশ্বারোহী। অ্যারেনার মাঝখানে সংঘর্ষ হলো দুই ঘোড়ার। হিটকে পড়তে পড়তে কোনোমতে সাফল্য নিলো আরোহীরা। তারপর গুরু হলো লড়াই। বর্শা দিয়ে একে অপরকে আঘাত করার চেষ্টা করতে লাগলো ছ'জন। হঠাৎ প্রতিপক্ষের মাত্র তিন কদমের

ভেতর পৌছে বারবিজ্ঞ তার ঘোড়ার মুখ উল্টে। দিকে ঘুরিয়ে দিলো। এক মুহূর্ত পরেই আবার চলে গেল আগের অবস্থায়। ব্যাপারটা একেবারে অপ্রত্যাশিত নোবিলিওর-এর কাছে। প্রাণপণ চেষ্টা করেও নিজের ঘোড়াটাকে সে নিয়ন্ত্রণে রাখতে পারলো না। এই সুযোগে বারবিজ্ঞ দ্রুত এগিয়ে বর্শা দিয়ে আঘাত করলো নোবিলিওরকে। কিন্তু, নোবিলিওর দক্ষ যোদ্ধা। অপূর্ব কৌশলে সে ব্যর্থ করে দিলো বারবিজ্ঞ-এর আক্রমণটা।

‘সাবাশ, নোবিলিওর!’ চিৎকার করলো প্রিটর।

সমস্বরে প্রিটরের কথার প্রতিধ্বনি করলো জনতা: ‘সাবাশ! সাবাশ! নোবিলিওর!’

ছুই যোদ্ধা যার যার ঘোড়া নিয়ে আবার ছ’প্রান্তে চলে গেল। আবার ছুটে এলো একে অপরের দিকে। ছ’জনের বর্শাই তাক করা প্রতিপক্ষের মাথার দিকে। ছুটতে ছুটতেই বারবিজ্ঞ তার ঢাল উচু করলো মাথা সামলানোর জন্যে। নোবিলিওর-ও ঢাল উচু করলো। দর্শকরা মোটামুটি নিশ্চিত ছ’জনেরই বর্শা আঘাত করবে প্রতিপক্ষের ঢালে। কাছাকাছি পৌছে গেছে ছ’জন, এই সময় আচমকা বর্শার মুখ নিচু করে ফেললো নোবিলিওর। সোজা সেটা গিয়ে লাগলো বারবিজ্ঞ-এর বুকে। একোড় ওকোড় হয়ে গেল। ঘাড় থুঁজ ঘোড়া থেকে পড়ে গেল বারবিজ্ঞ। অ্যারেনার রক্ষীরা ছুটে গেল ওকে তুলবার জন্যে। কিন্তু তখন আর বেঁচে নেই বারবিজ্ঞ।

‘নোবিলিওর! নোবিলিওর!’ উল্লাসে ফেটে পড়লো দর্শকরা।

‘দশ সেক্টরশিয়া গেল,’ দাঁতে দাঁত চেপে বিড়বিড় করলো রোডিয়ান।

দর্শকদের উল্লাস থিতিয়ে আসতেই আবার বেজে উঠলো শিঙা।

এবার ছ'জন একসাথে প্রবেশ করলো অ্যারেনায়। নাইজার জাল আর ত্রিশূল নিয়ে মুখোমুখি হয়েছে ঢাল তলোয়ার হাতে স্পোরাসের। লাইডন মুখোমুখি টেটরাইডেস-এর। ছ'জনের হাতেই একটা করে ভারি গ্রীক স্কেটাস। আর কোনো অস্ত্র নেই ওদের কাছে। বাকি ছ'জন যোদ্ধা এসেছে রোম থেকে। তাদের সারা শরীর মোড়া ইস্পাতের ধর্মে। ছ'জনের অস্ত্র চলতে এক হাতে সূচালো তলোয়ার, অন্য হাতে ঢাল।

ছ'জন গ্র্যাডিয়েটর দাঁড়িয়ে আছে পাথরের মূর্তির মতো। অবশেষে ইশারা করলো এডিল পানসা। শিঙা বাজলো একবার। শুরু হয়ে গেল লড়াই।

শুরুতেই ঘটে গেল অবিশ্বাস্য ঘটনাটা। মাত্র মিনিটখানেকের মাথায় টেটরাইডেসকে পরাজিত করলো লাইডন। মারাত্মক আহত হয়ে টেটরাইডেস লুটিয়ে পড়লো প্রতিদ্বন্দ্বীর সামনে।

কোভে ছুঁখে মাথার চুল ছিঁড়তে ইচ্ছে করছে ক্লোডিয়াসের। একশো সেন্টারশিয়া (এখনকার আটশো পাউন্ডের সমান) বাজি ধরেছিলো সে টেটরাইডেসের ওপর। সব গেল। কে ভেবেছিলো, এই হালকা পাতলা লাইডনের হাতে অমন বেগড়ক পিটুনি খাবে পালোয়ান টেটরাইডেস? পৈতৃক সম্পত্তির সামান্য অংশ অবশিষ্ট আছে, এবার তা বিক্রি করতে হবে ক্লোডিয়াসকে বাজির টাকা শোধ করার জন্যে।

টেটরাইডেস আর লড়াইতে পারবে না, সুতরাং লাইডন অংপাতত বিগ্রাম করবে। যতক্ষণ না অন্য কোনো প্রতিযোগী তাকে লড়াই-এ আহ্বান জানায়।

এদিকে সেই রোমান ছ'জন আর স্পোরাস ও নাইজারের লড়াই

চলছে। এডিল পানসার হঠাৎ কী খেয়াল হনো, সে ঘোষণা করলো ছুই রোমান গ্যাডিয়েটরের মধ্যে যে জিতবে তার সাথে লড়াই হবে লাইডনকে।

স্পোরাস আর নাইজার সমানে সমানে লড়াই করছে। নাইজার তার জ্বালে জড়িয়ে ফেলার চেষ্টা করছে স্পোরাসকে, সেই সাথে মাঝে মাঝে ত্রিশূলের আঘাত হানছে। আর স্পোরাস ঢাল দিয়ে নিজেকে আড়াল করে তলোয়ার চালাচ্ছে নাইজারকে লক্ষ্য করে। ইতিমধ্যে ওর তলোয়ার বেশ কয়েকবার রক্ত ঝড়িয়েছে নাইজারের। দু'জনেই ঘুরছে চক্রাকারে। কোনোমতে যদি একবার নাইজারের কাছাকাছি হতে পারে স্পোরাস তাহলে লড়াই শেষ হতে বেশিক্ষণ লাগবে না। নাইজারের ত্রিশূল দিয়ে ছোটখাটো খোঁচা দেয়া যায় হ'একটা, কিন্তু আত্মরক্ষার অস্ত্র হিসেবে একেবারে অচল গুটা। কাজেই স্পোরাস যদি কোনোমতে একবার কাছাকাছি হতে পারে ওর।

কিন্তু অত সহজ নয় ব্যাপারটা। অত্যন্ত সাবধানে এগোতে হচ্ছে স্পোরাসকে। ত্রিশূলকে সে ভয় করে না। কিন্তু মোলায়েম স্তব্ধতার ঐ খাটো জ্বালটির যতো মারাত্মক অস্ত্র আর নেই। ওর পাল্লার ভেতর গিয়ে পড়লে দেবতারও আর তাকে রক্ষা করতে পারবে না।

ইতিমধ্যেই নাইজারের কাঁধে রক্ত দেখা দিয়েছে বাহুতেও। স্পোরাস এখনও অকৃত। একটু একটু করে যুদ্ধের মেশা পেয়ে বসছে ওকে। সুযোগ পেলেই—কখনো কখনো সুষেপি করে নিয়ে, আক্রমণ করছে প্রতিপক্ষকে। তলোয়ারের আঘাত থেকে আত্মরক্ষা করতে হিমসিম খেয়ে যাচ্ছে নাইজার। হঠাৎ সে পিছু হটতে শুরু করলো। স্পোরাস ভাবলো, ভয় পেয়েছে শত্রু। সে হো-হো করে হেসে উঠে ছুটলো নাইজারের দিকে। তলোয়ার এগিয়ে দিলো সামনে যাতে

জাল ছুঁড়বার আগেই নাইজারের গলাটা ছ'ফাঁক করে দেয়া যায়।

নাইজার ভেবে দেখলো, কাঁধ আর বাহু থেকে যেভাবে রক্ত পড়ছে তাতে কিছুক্ষণের মধ্যেই সে অবসন্ন হয়ে পড়বে। তখন আর পালা-নোর উপায় থাকবে না। সুতরাং মরতে যদি হয় এখনই না হয় মরা যাক! অস্তুত একবার চেষ্টা করে দেখার মতো শক্তি এখনও আছে তার।

স্পোরাসের তলোয়ার নাইজারের গলার খুব কাছে এসে গেছে; দর্শকরা চিৎকার করে উঠেছে—‘গেল! শেষ নাইজার!’—ঠিক এই সময় সাঁ করে মাথাটা একপাশে সরিয়ে নিলো নাইজার। ওর কানের ধার ঘেঁষে বাতাসে শেঁ-ও-ও শব্দ ভুলে বেরিয়ে গেল তলোয়ার।

নাইজার এভাবে তাকে ফাঁকি দেবে স্বপ্নেও ভাবতে পারেনি স্পোরাস। শরীরের সমস্ত শক্তি দিয়ে সে তলোয়ার এগিয়ে দিয়েছিলো। কিন্তু তলোয়ারটা যখন বাধা না পেয়ে সাঁ করে বেরিয়ে গেল তখন সে ঝাঁক সামলাতে না পেরে এগিয়ে গেল নাইজারের খুব কাছে। মুহূর্তের মধ্যেই অবশ্য সামলে নিয়ে সোজা হয়ে দাঁড়া-লো। কিন্তু ততক্ষণে নাইজারের জালে ধরা পড়েছে তার শরীর; বুকে আঘাত করেছে ত্রিশূল।

জালের বাঁধন থেকে নিজেকে ছাড়ানোর জন্যে প্রাথমিক হাত পা ছুঁড়তে লাগলো স্পোরাস। কিন্তু লাভ হলো না। এদিকে জালটাকে একটু কায়দা করে হ্যাঁচকা এক টান মেরেছে নাইজার। মুখ খুবড়ে পড়ে গেল স্পোরাস। তার বুকের ওপর সাঁ দিয়ে ত্রিশূল বাগিয়ে দাঁড়ালো নাইজার।

করতালি আর ‘সাবাশ নাইজার! সাবাশ নাইজার!’ শব্দে মুখর হয়ে উঠলো অ্যাফিথিরেটার। বিজয়ী নাইজার হাসিমুখে অভিবাদন

জানালো দর্শকদের। আর স্পোরাস মাটিতে পড়ে থেকেই মাথাটা একটু উঁচু করে আকুল নয়নে তাকাতে লাগলো চারদিকে দর্শকদের দয়ার আশায়। পরাজিত গ্যাভিয়েটরকে বাঁচতে দেয়া হবে কিনা তা নির্ভর করে দর্শকদের ইচ্ছার উপর।

স্পোরাসকে অপছন্দ করে না কেউ। কিন্তু রক্তের স্বাদ পেয়ে বাঘ যেমন ক্ষেপে ওঠে আজকের দর্শকরাও তেমনি ক্ষেপে উঠেছে রক্ত দেখে। রক্ত চাই। আরো রক্ত! সারা বছর তারা ব্যাকুল হয়ে থেকেছে রক্ত দেখার জন্যে। আজ রক্তের বন্যা বইতে হবে আরেন-নাথ।

বাঁচার আকুতি স্পোরাসের চোখে মুখে। কিন্তু দয়ার চিহ্ন নেই কোথাও। নারীদের মুখগুলো পর্যন্ত কঠোর, নির্ভর। সবার মুখে এক আঙুরাজ : ‘মারো, নাইজার! শেষ করে দাও!’

দীর্ঘশ্বাস ফেলে মাথা নিচু করলো স্পোরাস। বুজ্জে এলো চোখ ছটো। বিদায় পৃথিবী!

সাধারণত বিজয়ী গ্যাভিয়েটরই পরাজিতের মাথা কেটে ফেলে। এক্ষেত্রে তা সম্ভব নয়। নাইজারের হাতে অস্ত্র বলতে একটা ত্রিশূল। তা দিয়ে মাথা কাটা সম্ভব নয়। এডিল পানসা তালি বাজালো ছ’হাতে। আরেনার পাশের ছোট একটা দরজা খুলি গেল। আপাদমস্তক কালো পোশাক আর কালো মুখোশ পরা এক লোক এগিয়ে এলো, হাতে খাটো তীক্ষ্ণধার একটা তরবারি। বীর, মাপা পায়ে সে গিয়ে দাঁড়ালো স্পোরাসের পাশে। নাইজার সরে দাঁড়ালো একটু। জল্লাদের নির্দেশে হাঁটু গেড়ে বসলো স্পোরাস। জল্লাদ তলোয়ার উচিয়ে চারদিকে তাকালো একবার—কে জানে, শেষ মুহূর্তে যদি দয়া হয় দর্শকদের। কিন্তু না, দয়া যেন আজ উবে গেছে

পম্পেই থেকে।

তলোয়ার চালানো জল্পাদ। রোদে ঝিক করে উঠলো শাবিত ফলাটা। পরমুহূর্তে স্পোরাসের মুণ্ড ধড় থেকে বিচ্ছিন্ন হয়ে দূরে গিয়ে পড়লো। মুণ্ডহীন ধড়টা গড়িয়ে পড়লো মাটিতে। তড়পালো কিছুক্ষণ। তারপর স্থির।

তক্ষুণি মুণ্ডহীন ধড়টা টেনে নিয়ে যাওয়া হলো অ্যারেনার বাইরে, যেখানে নিহতদের রাখা হয় সেই স্পোলিয়ারিয়াম-এ। মুণ্ডটাও নিয়ে যাওয়া হলো। রক্তের ওপর ছিটিয়ে দেয়া হলো বালি।

রোম থেকে আসা সেই গ্র্যাডিয়েটর ছ'জনের লড়াই চলছে এখনো। অবশ্য খুব বেশিক্ষণ আর চললে না। স্পোরাসের দেহ বাইরে নিয়ে যাওয়ার কয়েক মিনিটের মধ্যে ইউমলপাস নামের গ্র্যাডিয়েটর হত্যা করলো তার প্রতিদ্বন্দ্বীকে।

আবার তুমুল করতালি। ক্রীতদাসরা আরেকটা মৃতদেহ টেনে নিয়ে গেল স্পোলিয়ারিয়াম-এ। আবার বালি ছড়ানো হলো রক্তের ওপর। লাইডনের ডাক পড়লো আবার। বিজয়ী ইউমলপাসের সাথে লড়াইতে হবে তাকে।

অ্যাফিথিয়েটারের আইন অনুযায়ী লাইডন অবশ্য লড়াইতে বাধ্য নয়। তাকে যে চ্যালেঞ্জ করেছিলো তার সাথে সে লড়েছে। এখন আর কারো সাথে লড়াই না লড়াই সম্পূর্ণ তার ইচ্ছার ওপর নির্ভর করে। ইচ্ছে করলেই সে অস্বীকার করতে পারে ইউমলপাসের সাথে লড়াইতে।

পানসা ওকে ডেকে বললো, 'তুমি তক্ষুণি তলোয়ার যুদ্ধে অভিজ্ঞ নও; ইচ্ছে করলে তুমি ইউমলপাসের সঙ্গে যুদ্ধে যোদ্ধার মুখোমুখি নাও হতে পারো। আমাদের কিছু করার থাকবে না। ভালো করে

ভেবে সিদ্ধান্ত নাও। হারলে মৃত্যু নিশ্চিত। আর যদি জিততে পারো, আমি ঘোষণা করছি, আগের লড়াইয়ে যা পেয়েছো এবার তার দ্বিগুণ পাবে।’

হৈ-হৈ করে জনতা সমর্থন জানালো এডিলকে।

লাইডনের একবার মনে হলো, পিছিয়ে যায়। কিন্তু—ঘাড় ঘুরিয়ে তাকালো সে—ঐ তো ক্রীতদাসদের ভেতর বসে আছে তার বাবা। লজ্জায় মাথা নিচু হয়ে আসতে চাইলো লাইডনের। ওর মতো সমর্থ ছেলে থাকতে বুড়ো বাবা আজও স্বাধীন নাগরিকদের পাশে বসার অধিকার পেলো না। ছি! টেটরাইডেসকে হারানোর বিনিময়ে যা ওর পাওয়া হয়েছে তা দিয়ে কেনা যাবে না বাবার স্বাধীনতা। আরো টাকা চাই। ইউমলপাসকে হারাতে পারলে পাওয়া যাবে দ্বিগুণ।

সিদ্ধান্ত নিয়ে ফেললো লাইডন : সে লড়বে। টাকা চাই তার। প্রচুর টাকা। বাবাকে যদি মুক্ত করতে না পারে বেঁচে থেকে লাভ কী?

‘মাননীয় এডিল!’ দৃঢ়-স্বরে সে বললে, ‘পম্পেই এর সম্মানের খাতিরে আমি লড়বো।’

জনতা চিৎকার করে উঠলো উল্লাসে।

ইউমলপাস তীক্ষ্ণচোখে একবার তাকালো লাইডনের দিকে। হাসলো একটু। তারপর দীর্ঘশ্বাস ফেললো—যেন বোঝাতে চাইলো : ‘বেচারি, খাহোকা মরবার সাধ হয়েছে!’

হু’জনই অ্যারেনার বাইরে চলে গেল। সুপ্রভাত, অল্পে সুসজ্জিত হয়ে ফিরে এলো একটু পরেই। বেঞ্জে উঠলো শিঙা এডিল-এর ইশারায়। শুরু হয়ে গেল লড়াই।

ঠিক এই সময় অ্যারেনার এক রকী প্রিটরের হাতে দিলো একটা

চিঠি। ওপরের আবরণ সরিয়ে দ্রুত একবার তাতে চোখ বুলালো প্রিটর। বিশ্বয়ের ভঙ্গি কুটে উঠলো মুখে। পরমুহূর্তে ভাবলো, ‘দূর, নিশ্চয়ই বাটা সকাল থেকেই মদ নিয়ে বসেছে, তারপর যা মনে হয়েছে লিখেছে।’ চিঠিটা ছুঁড়ে ফেলে দিয়ে লড়াই দেখার মন দিলো সে।

এদিকে অ্যারেনায় শুরু থেকেই কেমন যেন বেকায়দা অবস্থা লাইডনের। এডিল পানসা বোধহয় ঠিকই বলেছিলো; তলোয়ারবাজিতে দীর্ঘদিনের অভিজ্ঞতা ইউমলপাসের, অন্যদিকে লাইডন একেবারে অনভিজ্ঞ। তলোয়ার চালানোর কায়দাকানুন সে জানে, কিন্তু সত্যিকারের লড়াইয়ের অভিজ্ঞতা নেই। ফলে শুরু থেকেই আত্মরক্ষায় ব্যস্ত থাকতে হলো তাকে। ইউমলপাস বেশ ক’বার শত্রু আঘাত হানলো, তার কয়েকটা ফেরাতে পারলো লাইডন, কয়েকটা পারলো না। কিছুকণের মধ্যে ওর অবস্থা শোচনীয় হয়ে দাঁড়ালো।

‘ইউমলপাস! ইউমলপাস!’ দর্শকদের চিৎকারে কান পাতা দায়।

ইউমলপাস করুণার চোখে তাকালো লাইডনের দিকে। সে পেশাদার যোদ্ধা। লড়তে এসেছে, লড়বে। কিন্তু তাই বলে নরহত্যা? অসম যোদ্ধার সাথে লড়াইকে খুন ছাড়া আর কী বলা যায়? তলোয়ার চালাতে চালাতে এক সময় সে নিচু কণ্ঠে বললো, ‘তুমি আর যুদ্ধ কোরো না, লাইডন! আমি তোমাকে লোকের সামনে আঘাত করি, তাতে তুমি হার মেনে নাও। দর্শকরা দেখেই তোমার ওপর খুশি, আমার মনে হয় না তোমার জীবন ওর মতো চাইবে। নিশ্চয়ই বুঝতে পারছে, আমার সাথে তুমি পারবে না? জিদ করে খামোকা মরবে কেন?’

ইউমলপাসের কথা যে সত্যি তা লাইডন-ও বুঝতে পারছে। ওর

মুখ দিয়ে প্রায় বেরিয়ে এসেছে ‘ঠিক আছে!’—এই সময় আবার ওর চোখ গেল বাবার দিকে। দাসদের মাঝে বসে আছে।

‘না, আমার বাবা এখনো দাস!’ বললো সে। ‘হয় মৃত্যু নয় বাবার মুক্তি।’

এবার পরিপূর্ণ উদ্যম নিয়ে আক্রমণ করলো ইউমলপাস। কয়েক মিনিটের ভেতর শেষ হয়ে গেল লড়াই। লাইডনের প্রাণহীন দেহ পড়ে রইলো আরেনায়।

দাসদের গ্যালারি থেকে ভেসে এলো বুকফাটা এক আর্তনাদ। নিজের জায়গায় বসে জুলিয়া বিড়বিড় করলো, ‘বেচারী মেডন!’

লাইডনের মৃতদেহ নিয়ে যাওয়া হলো স্পোলিয়ারিয়ামে। শিঙা বেঞ্চে উঠলো আবার।

‘সিংহ আর এথেনীয় প্রকাসকে নিয়ে এসো এবার!’ চিংকার শোনা গেল এডিল-এর।

অমনি নিশ্চুপ হয়ে গেল দর্শকরা। রুদ্ধশ্বাসে অপেক্ষা করতে লাগলো মানুষ আর জানোয়ারের লড়াই দেখবার জন্যে।

চেষ্টা

ভোর থেকে তিন তিনবার ঘুম থেকে জাগানো হলো স্যালাস্টকে। তিনবারই, আজ বন্ধু মারা যাবে, মনে করে দীর্ঘশ্বাস ফেলে পাশ

ফিরে গুলো সে ।

অবশেষে বেলা যখন অনেক হয়ে গেল না উঠে পারলো না স্যালাস্ট । কাল গভীর রাতে মদের ঘোরে ঘুমিয়ে গিয়েছিলো । সেই থেকে আর মদ পেটে পড়েনি । ফলে ওর মাথা এখন অনেক পরিষ্কার । সেজন্যে বন্ধুর কথা মনে পড়ছে বেশি করে । প্রধান ভৃত্যকে ডেকে জিজ্ঞেস করলো, ‘কী ?—শুরু হয়ে গেছে ?—অ্যাক্টিথিয়েটার ?’

‘এনেক্ষণ আগে,’ জবাব দিলো ভৃত্য । ‘শুনছেন না শিঙা ফোঁকার আওয়াজ, মানুষের টেই-টৈ-এর শব্দ ?’

‘হু’ । আমার বাড়ি থেকে কেউ যায়নি তো ওখানে ?’

‘না, প্রভু । আপনি কড়াকড়িভাবে নির্দেশ দিয়েছিলেন । সে নির্দেশ অমান্য করবে এত বড় সাহস কার আছে এ বাড়িতে ?’

‘বেশ বেশ ! দিনটা যদি তাড়াতাড়ি চলে যেতো, উহ ! আরে !—টেবিলের ওপর ওটা কার চিঠি ?’

‘আপনার । কাল রাতে এক লোক দিয়ে গেছে । আপনি তখন খুব বেশি—খুব বেশি—’

‘মদ খাচ্ছিলাম, ওটা পড়লেও কিছু বুঝতাম না, তাই তো ?’

‘এখন পড়বো ?’

‘পড়ো । বেচারী প্রকাসের কথা কিছুক্ষণের জন্যে অস্তুত ভুলে থাকার যাবে ।’

প্রধান ভৃত্য টেবিলের ওপর থেকে ভুলে গিয়েছিলো মোমের ফলকটা । ওপরের আবরণ সরিয়ে চোখ বুলাতেই বিখ্যিত একটা ধ্বনি বেরোলো তার গলা দিয়ে । ‘গ্রীক নিশ্চয়ই মেয়েটা লেখাপড়া জানে ।’ বলতে বলতে চিঠিটা মনে মনে একবার পড়ে ফেললো সে ।

সবকিছু ওর তালগোল পাকিয়ে যেতে চাইলো যেন।

‘উহ্!’ চিৎকার করলো সে। ‘প্রভু! কেন কাল রাতেই চিঠিটা পড়তে বললেন না! শুধু কী লিখেছে:

‘দাসী নিড়িয়া, প্রকাশের বন্ধু স্যালাস্টের কাছে:

‘আমি আর্বাসেসের বাড়িতে বন্দী। একুনি প্রিটরের কাছে গিয়ে একথা জানিয়ে আমাকে উদ্ধার করুন। তাহলে হয়তো সিংহের মুখ থেকে আমরা ফিরিয়ে আনতে পারবো প্রকাশকে। এ বাড়িতে আরো একজন বন্দী আছেন। তিনি নিজের চোখে দেখেছেন, এপিসাইডেসকে খুন করেছে প্রকাশ নয় অন্য একজন। উনি সত্যি কথা জানানেন বলেই তাঁকে বন্দী করা হয়েছে। আমার অনুরোধ, যা করার তাড়াতাড়ি করবেন। দেরি করলে হয়তো বাঁচানো যাবে না আমার প্রভুকে। একটা কথা, আসার সময় সশস্ত্র লোকজন নিয়ে আসবেন। আর, তাল খোলায় দক্ষ এমন একজন কাষারকেও আনবেন সঙ্গে। আমাদের উদ্ধার করতে হলে তাল ভাঙতে হবে। আপনার পরলোকগত পিতার দেহভস্মের দোহাই দিয়ে বলছি, দেরি করবেন না!’

‘ওহ্! ওহ্!’ আর্তনাদ করে উঠলো স্যালাস্ট। ‘কী ভুলটা না করেছি! আর কিছুক্ষণের মধ্যে ও মারা পড়বে। অথচ আমি সুযোগ পেয়েও ওকে বাঁচাতে পারলাম না।’

‘প্রভু, এখনও বোধহয় সময় আছে,’ বললো ভৃত্য। ‘যদি তাড়াতাড়ি করতে পারি—’

‘হ্যাঁ, হ্যাঁ, একুনি যাবো আমি প্রিটরের কাছে।’

‘না,’ দাস বললো, ‘আমার মনে হয় একবারে মেয়েটাকে আর ঐ সাক্ষীটাকে উদ্ধার করে নিয়ে গেলেই ভালো হবে। প্রিটর এখন আপনার কথা শোনার মতো অবস্থায় নেই। অ্যাফিথিয়েটারের উত্তেজনা নিশ্চয়ই তাঁর ভেতরেও সংক্রমিত হয়েছে?’

‘ঠিক বলেছো। বাও, একুনি আমার সব লোককে লাঠিসোটা নিয়ে তৈরি হতে বলো। আমি আসছি।’

দাদা পম্পেই আজ জনশূন্য। ছেলে-বুড়ো, নারী-পুরুষ সবাই গেছে অ্যাফিথিয়েটারে। আর্বাসেসের বাড়িতেও এক অবস্থা। জন দুই মাত্র দাস (তাদের একজন সোসিয়া) পাহারায় রয়েছে, বাকি সব গেছে লড়াই দেখতে। ফলে প্রায় বিনা বাধায় স্যালাস্ট প্রবেশ করলো মিশরীয়র বাড়িতে।

নিভিয়া আর ক্যালেনাসকে মুক্ত করতে বেশিক্ষণ লাগলো না। তারপর ওদের সাথে করে ছুটলো সে অ্যাফিথিয়েটারের দিকে।

ঐ বাড়িরই অন্য এক অংশে যে প্লকাসের অপর এক আপনজন বন্দী হয়ে আছে তা সেই ব্যস্ততার মুহূর্তে কারো মনে পড়লো না।

‘লিংহ আর এথেনীয় প্লকাসকে নিয়ে এসো এবার!’ আদেশ দিলো এডিল পানসা।

অমনি নিশ্চুপ হয়ে গেছে অ্যাফিথিয়েটার। কক্ষস্থানে অপেক্ষা করছে গ্যালারির পনের হাজার দর্শক।

অসহ্য গরম পড়েছে আজ। ওষোট ভাষি আবহাওয়ায়। প্রকৃতি যেন ধম মেরে গেছে; যেন ঝড়ের স্তম্ভভাস ঘোষণা করছে। বাতাসে কেমন এক বিশ্রী গন্ধ! আকাশ ধোঁয়ায় আচ্ছন্ন সকাল থেকে।

অ্যারেনার দিকে মনোযোগ দর্শকদের। আকাশে কী হচ্ছে না হচ্ছে সে খেয়াল নেই কারো। তার ভেতরেও যে ছ'একজন আকাশের দিকে তাকালো অবাক হলো তারা। তবে খুব বেশি নয়। একটু পরেই আবার অন্য সবার মতো মন দিলো লড়াই দেখায়। ভিসু-ভিয়াসের মাথায় বেশ ক'দিন ধরেই ধোঁয়া দেখা যাচ্ছে, ওতে ভয় পাওয়ার কিছু নেই।

শিঙার অংগুয়াজ শোনা গেল আবার। অ্যাক্সিথিয়েটারের যে কুঠুরিতে প্রকাস আর অলিনথাসকে আটকে রাখা হয়েছে তার দরজা খুলে গেল।

‘এখনীয় প্রকাস! তোমার সময় হয়েছে,’ তীক্ষ্ণ একটা গলা চিৎকার করলো। ‘সিংহ অপেক্ষা করছে তোমার জন্যে।’

অলিনথাসের কাছে সারা রাত যীশুর বাণী ও এক ঈশ্বরের মহিমার কথা শুনে অপূর্ণ এক প্রশান্তিতে মন ভরে গেছে প্রকাসেরও। মৃত্যুকে আর কোনো ভয় নেই ওর—তা সে মৃত্যু স্বাভাবিক ভাবেই আনুক আর সিংহের মুখ থেকেই আনুক।

ধীরে ধীরে উঠে দাঁড়ালো সে।

‘আমি তৈরি,’ বলে অলিনথাসের দিকে তাকালো প্রকাস। বললো, ‘ভাই, বন্ধু, এসো, শেষবারের মতো আমরা আলিঙ্গন করি দোয়া করো আমাদের।’

খ্রীষ্টান অলিনথাস ছ'হাত বাড়িয়ে এগিয়ে এলো। প্রকাসকে বুকে জড়িয়ে ধরে বললো, ‘আহ্, আরো আগে কেন তোমার সাথে আমার দেখা হলো না? তোমাকে হয়তো গিরে আসতে পারতাম আমার ধর্মের সুশীতল ছায়াতলে।’

‘যা হয়নি তা নিয়ে আক্ষেপ করে আর কী হবে? আশা করি

মরণের উপারে আবার আমাদের দেখা হবে। বিদায়, বন্ধু! বিদায় প্রিয় পৃথিবী! হ্যাঁ, রক্ষী নিয়ে চলো আমাদের।

রক্ষীর পেছন পেছন আরেনায় এসে দাঁড়ালো প্রকাশ।

‘বুকে সাহস আনো!’ প্রকাশের হাতে ওর ছুরিটা ধরিয়ে দিতে দিতে বললো এক রক্ষী, ‘তুমি তরুণ, স্বাস্থ্যবান; ছোট হলোও একটা অস্ত্র থাকছে হাতে। হতাশ হওয়ার কী আছে? তুমিই হয়তো জিতবে।’

জবাব দিলো না প্রকাশ। মাথাটা কেমন কিম্বিকিম করছে। সেই বিষ ওষুধের প্রতিক্রিয়া এখনো কাটেনি মনে হচ্ছে। ঘাড় ঘুরিয়ে তাকালো চারদিকে। হাজার হাজার মানুষ ওকেই দেখছে। যারা বিশ্বাস করে সত্যিই প্রকাশ খুনী তাদের চোখে ঘৃণা, তারা রক্ত দেখতে চায় ওর। অনেকে নিরপেক্ষ। তারা সত্যিকারের লড়াই দেখতে চায়। দেখতে চায় রক্ত আর মানুষের প্রতিদ্বন্দ্বিতা।

আবার বেঞ্চে উঠলো শিঙা। রক্ষীর চলে গেল আরেনা ছেড়ে। খুলে দেয়া হলো সিংহের খাঁচার মুখ। পুরো একটা দিন না খাইয়ে রাখা হয়েছে ওকে। সকাল থেকেই খাঁচার ভেতর অস্থিরভাবে পায়চারি করছে জন্তুটা। সবাই ভেবেছে কিদের খালায় অমন করছে। কিন্তু যারা অভিজ্ঞ তারা লক্ষ্য করেছে ওর ভঙ্গিতে কেশিকর চেয়ে শঙ্কাই ফুটে উঠেছে বেশি।

খাঁচার মুখ খুলে যেতেই উয়কর এক গর্জন করে ছুটে আরেনার মাঝখানে চলে এলো সিংহ। দর্শকরা নুনশব্দে প্রকাশের হাততালি দিয়ে উঠলো। প্রকাশ হাতের ছুরি বাগিয়ে কক্ষ ফাঁক করে দাঁড়ালো। সতর্ক ভঙ্গিতে লক্ষ্য করছে জন্তুটার ভঙ্গি।

কিন্তু, তারপর। কী আশ্চর্য। সিংহটা ছুটে বেরিয়ে এসেছে খাঁচা

থেকে, অথচ লাফিয়ে পড়েনি শিকারের ওপর। গ্লকাসের কয়েক হাত সামনে এসে দাঁড়িয়ে আকাশের দিকে মুখ তুলেছে সে। অস্থির ভঙ্গিতে কয়েকবার শ্বাস টেনে লাক দিলো। কিন্তু গ্লকাসের দিকে নয়। গ্লকাসের দিকে তাকালোই না সে। আরেনার চারপাশে ছুটে লাগলো সন্তুষ্ট ভঙ্গিতে। পালানোর পথ খুঁজছে যেন। সেই সাথে ডাক ছাড়ছে ঘন ঘন—ক্রুদ্ধ গর্জন নয়, শঙ্কিত আর্তনাদ।

দর্শকরা বিশ্বাসে স্তব্ধ হয়ে গেছে। কুধার্ত হিংস্র পশু এ কী আচরণ করছে! ডাক ছাড়ছে যেন ভীত কুকুরের গোঙানি! ভয় পেয়েছে নাকি সিংহটা? শুধু মাত্র নেংটি পরা ছোরা সম্বল একটা মানুষকে দেখে বনের রাজা সিংহ ভয়ে কঁকড়ে যাচ্ছে, এ কি সম্ভব?

আরেনার চারপাশে কয়েকবার চকর দেয়ার পরও যখন বেরো-
নোর পথ পেলো না, এলোপাতাড়ি লাফ ঝাপ দিতে শুরু করলো সিংহটা। যেন লাফিয়েই পেরিয়ে যাবে উচু গ্যালারি। দর্শকরা আরো অবাক হলো। কেউ কেউ—বিশেষ করে যারা আরেনার কাছাকাছি বসেছে—ভয়ও পেলো। লাফাতে লাফাতে যদি ভানোয়ারটা তাদের ভেতর এসে পড়ে তাহলে কী হবে? গ্লকাসকে দেখে ওর অকুচি হয়েছে বলে অন্য কণ্ঠকে রুচিকর মনে হবে না এমন নিশ্চয়তা কে দিতে পারে?

কিছুক্ষণের ভেতর অবসর হয়ে পড়লো সিংহটা। করুণ একটা আর্তনাদ করে আবার গিয়ে ঢুকলো তার খাঁচার। খাবার ওপর মাথা রেখে শুয়ে পড়লো হতাশ ভঙ্গিতে।

দর্শকরা আর অবাক নয়, রাগতে শুরু করেছে এবার। রেগে গেছে এভিল, প্রিটর এবং অন্যান্য রাজকীয়রাও।

‘খাও, খোঁচানি দিয়ে খুঁচিয়ে বের করো ওটাকে,’ সিংহের খাঁচার

দায়িত্ব যে রক্ষীর ওপর তাকে ডেকে নির্দেশ দিলো প্রিটর, ‘তারপর দরজা বন্ধ করে দেবে, যেন আর ঢুকতে না পারে খাঁচায়।’

রক্ষী ভয়ে ভয়ে এগিয়ে গেল নির্দেশ পালন করার জন্যে, এই সময় তুমুল হৈ চৈ-এর আওয়াজ উঠলো আফ্রিকিয়েটারের প্রধান প্রবেশ পথে। সবগুলো চোখ ঘুরে তাকালো সেদিকে। কয়েক মুহূর্ত পরেই ভীড় ঠেলে এগিয়ে এলো স্যালাস্ট। সোজা এসে দাঁড়ালো সিনে-টররা যেখানে বসেছে সেখানে। মাথার চুল উন্মোখুন্মো ওর। হাঁপাচ্ছে ভীষণভাবে। ক্রত একবার চারপাশে চোখ বুলিয়ে সে চিৎকার করলো, ‘গ্রীক গ্লকাসকে সরিয়ে নাও! জলদি করো। ও নির্দোষ! গ্রেপ্তার করো মিশরীয় আর্বাসেসকে—ও-ই হত্যা করেছে এপিনাইডেসকে!’

আসন ছেড়ে উঠে দাঁড়ালো প্রিটর।

‘স্যালাস্ট, তোমার কি মাথা খারাপ হয়ে গেছে? কী আবোল-তাবোল বকছো?’

‘আগে গ্লকাসকে সরাতে বলুন!’ জবাব দিলো স্যালাস্ট। ‘একুনি! নইলে ওর মৃত্যুর জন্যে দায়ী হবেন আপনি, প্রিটর! সম্রাটের কাছে নিজের জীবন দিয়ে এর জবাবদিহি করতে হবে! আমি সাক্ষী নিয়ে এসেছি—একেবারে প্রত্যক্ষদর্শী। দেখি পথ ছাড়ুন—স্বাসতে দিন ওকে! পম্পেই এর নাপরিকগণ! আপনারা চোখ বুলান আর্বাসেসের ওপর! ঐ যে ওখানে বসে আছে সে! পালানো না পারে যেন। কই, পুরোহিত ক্যালেনাস, আসুন এদিকে।’

স্যালাস্টের দাসরা প্রায় কাঁধে করে তাকে নিয়ে এলো ক্যালেনাসকে। প্রিটরের সামনে দাঁড় করিয়ে দিলো তাকে, অনাহারে শুকিয়ে গেছে ক্যালেনাসের মুখ। এমনতেই শীর্ণদেহী লোক সে, এখন লাগছে

একেবারে কক্ষালের মতো। চোখ দুটো শকুনীর চোখের মতো ঘোলাটে। একমাত্র প্রতিশোধম্প্রহাই তাকে সোজা রেখেছে এখনও।

‘পুরোহিত ক্যালেনাস!—ক্যালেনাস!’ চিৎকার করলো জনতা।
‘সত্যিই ক্যালেনাস? নাকি তার প্রেতাত্মা?’

‘পুরোহিত ক্যালেনাসই বটে!’ গম্ভীর কণ্ঠে বললো প্রিটর। ‘কী বলার আছে আপনার?’

‘মিশরীয় আর্বাসেস খুন করেছে দেবী আইসিসের পুরোহিত এপি-সাইডেসকে। আমি নিষেধ চোখে ওকে ছুরি মারতে দেখেছি ওর বুকে। আর দেখেছি বলেই আমাকে মাটির নিচে এক অন্ধগুহার আঁটকে রেখেছিলেন আর্বাসেস। এই ভদ্রলোক তার লোকজন নিয়ে আমাকে উদ্ধার করেছেন। উদ্ধার পেয়েই আমি ছুটে এসেছি বদমাশ লোকটার পাপের কাহিনী আপনাদের জানাতে। এথেনীয় গ্রকাসকে ছেড়ে দিন—সে নির্দোষ!’

‘এ জন্যেই তাহলে সিংহটা ওকে কিছু বলেনি!—আশ্চর্য! আশ্চর্য!’ চিৎকার করে উঠলো পানসা।

‘আশ্চর্য! আশ্চর্য!’ চিৎকার করলো জনতাও। ‘এথেনীয়টাকে সরাত্ত! আর্বাসেসকে দাও সিংহের সামনে!’

পাহাড় থেকে উপত্যকা, উপকূল থেকে সাগর—সবখানে ক্ষণিত প্রতিধ্বনিত হলো ঐ চিৎকার: ‘আর্বাসেসকে দাও সিংহের সামনে!’

‘রক্ষ’! গ্রকাসকে সরিয়ে আনো!’ নির্দেশ দিলো প্রিটর।

ঠিক সেই মুহূর্তে নারী কণ্ঠে শোনা গেল উৎফুল্ল এক চিৎকার। উৎফুল্ল কিন্তু আবেগ মেশানো। উৎফুল্ল কিন্তু করুণ। ‘দেবতাদের বিচার!’

সেই চিংকারের সঙ্গে কণ্ঠ মেলানো জনতা । ‘দেবতাদের বিচার !
দেবতাদের বিচার !’

‘চুপ করো সবাই !’ আগের মতোই গম্ভীর কণ্ঠে বললো প্রিটর ।
‘কে ওখানে ?’

‘অন্ধ মেয়ে নিডিয়া,’ জবাব দিলো স্যালাস্ট । ‘ওর জন্যেই অন্ধ-
গুহা থেকে ছাড়া পেয়েছে ক্যালেনাস, গ্রকাস রক্ষা পেয়েছে সিংহের
মুখ থেকে ।’

‘তাহলে, পুরোহিত ক্যালেনাস,’ প্রিটর বললো, ‘আপনি এপি-
সাইডেসকে খুন করার দায়ে অভিযুক্ত করছেন আর্বাসেসকে ?’

‘হ্যাঁ, করছি !’

‘আপনি দেখেছেন ওকে খুন করতে ?’

‘প্রিটর—আমার এই চোখ দুটো দিয়ে—’

‘হয়েছে । আপাতত এতেই চলবে । খুঁটিনাটি সব গুনবে যথা
সময়ে, যথাস্থানে । মিশরীয় আর্বাসেস, আপনার বিরুদ্ধে যে অভি-
যোগ আনা হয়েছে, আপনি গুনেছেন । এখন বলুন আপনার কী
বলার আছে ।’

বিনামেয়ে বজ্রপাতের মতো ক্যালেনাসকে নিয়ে স্যালাস্ট হাজির
হওয়ায় ভীষণ ভয় পেয়ে গেছিলো আর্বাসেস । নিজের জায়গায় বসে
কাঁপতে শুরু করেছিলো রীতিমতো । তবে কিছুটা সময় যাওয়ার পর
একটু একটু করে সে সামলে নিলো । প্রিটরের প্রশ্নের উত্তরে যখন
কথা বললো তখন সম্পূর্ণ স্বাভাবিক, অচঞ্চল তারি গলা ।

‘প্রিটর,’ বললো আর্বাসেস, ‘আমার বিরুদ্ধে যে অভিযোগ আনা
হয়েছে তা এমন অসম্ভব যে কোণে কোণে জবাব দেয়ার প্রয়োজন
আছে বলে আমি মনে করি না । শুধু যেহেতু জিজ্ঞেস করেছেন তাই

বলছি। প্রথমে আমাকে অভিযুক্ত করেছেন মাননীয় স্যারলাস্ট—
রকাসের ঘনিষ্ঠতম বন্ধু! দ্বিতীয় অভিযোগকারী একজন পুরোহিত—
কিন্তু, পম্পেই-এর নাগরিকগণ, আপনারা অল্পস্বল্প জানেন এই ক্যালেন-
নাসের চরিত্র। ওর মতো অর্থলোভী মানুষ এই পম্পেই-এ দ্বিতীয়টি
আছে কিনা সন্দেহ। সোনার বিনিময়ে ওর সাফা কেনা খুবই
সহজ! প্রিটর, আমি নির্দোষ!’

‘স্যারলাস্ট,’ প্রিটর বললো, ‘ক্যালেননাসকে কোথায় পেয়েছো
তোমরা?’

‘আর্বাসেসের বাড়ির নিচে এক অন্ধকার কামরায়।’

‘মিশরীয়,’ জুকেটি করে বললো প্রিটর, ‘দেবীর পুরোহিতকে বন্দী
করার ছঃসাহস দেখিয়েছেন আপনি—কেন?’

‘শুনুন তাহলে,’ শাস্ত কণ্ঠে শুরু করলো আর্বাসেস। ‘এই লোকটা
এসে আমাকে ভয় দেখিয়ে বলে, আমার সব ধন সম্পদের অর্ধেক না
দিলে সে একটু আগে যে অভিযোগ করেছে সেই অভিযোগ আনবে
আমার বিরুদ্ধে। আমি অনেক বোঝানোর চেষ্টা করি, “তুমি যা
বলছো তা রীতিমতো বেআইনী।” ও শোনেনি আমার কথা।
থামো—ওকে থামান, প্রিটর, আমাকে শেষ করতে দিন আগে।
মাননীয় প্রিটর, এবং উপস্থিত নাগরিকগণ, এদেশে আমি মতুন—
আমি জানতাম এই পুরোহিত যা বলছে তা যদি সত্যি সত্যি করে
নির্ধাৎ এই বিদেশ বিজু*ই-এ আমি দারাদ পড়বো তাই কৌশলে—
আমার ধনভাণ্ডারে নিয়ে যাচ্ছি বলে ওকে অগ্নি বন্দী করি। আমার
মনে কোনো অনচ্ছদেয়া ছিলো না। আমি চেয়েছিলাম আসল অপ-
রাধীর প্রাণদণ্ড কার্যকর হয়ে গেলেই ওকে ছেড়ে দেবো। অর্থাৎ
নির্দোষ আমি মিথ্যে একটা অভিযোগ থেকে বাঁচাতে চেয়েছিলাম

আমাকে। আপনারা যারা এখানে উপস্থিত আছেন, নিশ্চয়ই স্বীকার করবেন আত্মরক্ষার অধিকার মানুষের জন্মগত অধিকার। সত্যিই যদি আমি অপরাধী হয়ে থাকি, এই পুরোহিত প্রকাসের বিচারের সময় এসে সাফা দিলো না কেন? যদি দিতো ওকে আটক করার সুযোগই আমি পেতাম না। আমি যখন প্রকাসকে অভিযুক্ত করলাম ও তখন কোথায় ছিলো?—কেন এগিয়ে এসে বলেনি আমি মিথ্যে বলছি? মাননীয় প্রিটর, এ-ই আমার বক্তব্য, এখন আপনি বিচার করুন।’

দ্বিধায় পড়লো প্রিটর। কিছুক্ষণ চিন্তা করে সে আদেশ দিলো, ‘আর্বাসেস, ক্যালেনাস, প্রকাস—সবাইকে সরিয়ে নিয়ে যাও। এ ব্যাপারে আর যা কিছু করার আদালতে বসে করবো!’

কিন্তু প্রিটরের এ আদেশ মানতে রাজি হলো না জনতা। তারা খেলা দেখতে এসেছে—জানোয়ারে মানুষে মরণপণ খেলা। খুন্সী আর্বাসেস সামনে থাকতে সে খেলা বন্ধ হবে? কক্ষনো না। আর্বাসেসকে আগে সিংহের মুখে দাও, তারপর দেখা যাবে বিচার-আচার।

সারা অ্যাফিথিয়েটার জুড়ে এক আওয়াজ—‘সিংহের মুখে! সিংহের মুখে! সিংহের মুখে ফেলে দাও মিশরীয়টাকে!’

প্রিটর ইতস্তত করছে এখনও। কে একজন চেষ্টা করে উঠলো—‘ভয় কী, বন্ধুগণ? আর্বাসেসকে ধরে তোমরাই ছুঁড়ে দাও না সিংহের সামনে!’

বলতে না বলতেই পনের হাজার দর্শক উঠে দাঁড়ালো। পারলে সবাই ঝাপিয়ে পড়ে আর্বাসেসের ওপর। মুখে তাদের চিৎকার চলছে: ‘সিংহের মুখে! সিংহের মুখে! আইন-শুআলা, নিয়ম-কানুন সব চুলোয় গেছে। বুন্দো জন্তু হয়ে উঠেছে জনতা!’

আর্বাসেসের কপাল থেকে ঘাম ঝরছে দরদর করে। ঘন ঘন

টোক গিলছে সে। কাঁপছে খরখর করে। কীভাবে আত্মরক্ষা করবে ভেবে পাচ্ছে না। চারদিক থেকে মানুষ এসে ঘিরে দাঁড়িয়েছে তাকে। এবার ধরে টেনে নিয়ে যাবে অ্যারেনার মাঝখানে। ভয়ানক হতাশা আর আতঙ্ক গ্রাস করলো আর্বাসেসকে। মৃত্যু আসন্ন জেনে আনমনে একবার চোখ তুলে তাকালো আকাশের দিকে। এবং তক্ষুণি ফিরে পেলো হারানো সাহস।

ছ'হাত মেলে দিলো আর্বাসেস ওপর দিকে। অদ্ভুত এক গাভীর ভর করলো চেহারায়।

‘দেখ!’ বজ্র নির্ঘোষে উচ্চারণ করলো সে। জনতার হৈ-হট্টগোল ছাপিয়ে শোনা গেল তার কণ্ঠস্বর। ‘দেখ, পম্পেইবাসীরা! দেখ, কী করে দেবতারা নিরপরাধকে রক্ষা করেন! দেখ, অরকাসের প্রতিশোধের আগুন ধেয়ে আসছে আমার বিরুদ্ধে মিথ্যে অভিযোগ এনেছে যারা তাদের দিকে! দেখ, পাতালের আগুন আকাশে ছড়িয়ে দিয়েছেন দেবতারা! পৃথিবীতে নামলো বলে সে আগুন।’

আর্বাসেসের দৃষ্টি অনুসরণ করে তাকালো জনতা। ভয়ংকর এক দৃশ্য দেখলো তারা। বিশাল এক পাইন বৃক্ষ যেন উঠে এসেছে ভিসুভিয়াসের মাথা ফুঁড়ে। তার কাণ্ড কৃষ্ণ বর্ণের, ডালপালা আগুনের। সেই আগুন মুছমুছ তীব্রবেগে ছড়িয়ে দিচ্ছে অসংখ্য — লাখ লাখ, কোটি কোটি আগুনের কণা।

মুহূর্তে মৃত্যুর নীরবতা নেমে এলো সেখানে। জনতার হাজার মানুষ যেন পাথর হয়ে গেছে চোখের পলকে। একইসাথে সেই অটুট নৈঃশব্দকে বিদীর্ণ করে গর্জে উঠলো সিংহ। পরপরই আর্তস্বরে ডাক ছেড়ে উঠলো বাঘটা।

বিশ্বয়ের প্রথম ধাক্কা কাটতে কয়েক মুহূর্তের বেশি লাগলো না।

তারপরই চারদিক থেকে উঠলো মেয়েদের তীব্র তীক্ষ্ণ আতঁটৎকার। পুরুষরা হতচকিত হয়ে তাকাতে লাগলো এ গুর মুখের দিকে—বোবা হয়ে গেছে যেন তারা। ঠিক এই সময় গুদের পারের নিচে ছিলে উঠলো ধরণী। অ্যাফ্রিথিয়েটারের দেয়ালগুলো কাঁপতে লাগলো থরথর করে। দূর থেকে ভেসে এলো বাড়ি ঘরের ছাদ ধসে পড়ার আওয়াজ। আর এক মুহূর্ত—তারপরই ভিসুভিয়াসের মাথার আগুনে পাইন গাছ ঢলে পড়তে লাগলো গুদের দিকে। ছাই, ভস্ম আর অলস্তু পাথরের বর্ষণ শুরু হয়ে গেল সুন্দরী পম্পেই-এর ওপর। জনহীন রাজপথে, সাগরের জলে, পাহাড়ের গায়ে আড়ুর কঁতে, অ্যাফ্রিথিয়েটারের ওপরে—সব জায়গায় অবিরাম ঝরছে সে ছাই।

‘চারদিকে এক রব : ‘ভিসুভিয়াস ! ভিসুভিয়াস ! ভূমিকম্প ! আগুন !’

অর্বােসেসের কথা আর ভাবছে না কেউ। নিজেকে বাঁচানোর চিন্তায় পাগল সবাই। পালানোর পথ খুঁজছে। ঠেলাঠেলি, ধাক্কা-ধাক্কি, মারামারি করে একজন আরেকজনের আগে নেমে আসতে চাইছে গ্যালারি থেকে, বেরিয়ে যেতে চাইছে অ্যাফ্রিথিয়েটার থেকে। কেউ কাঁদছে, কেউ জপছে দেবতাদের নাম, কেউ কেউ আবার শপথ করছে এই বিপদ থেকে উদ্ধার পেলে কী করবে। বিশাল সেই জনতা এভাবে অবশেষে বেয়োতে পৌঁছলো অ্যাফ্রিথিয়েটার থেকে। কিন্তু যাবে কোথায় ?

আবার ভূমিকম্প আসছে ভেবে মূল্যবান জিনিসপত্র বাঁচানোর জন্যে বাড়ির দিকে ছুটলো অনেকে। কেউ কেউ কাছাকাছি যে বাড়ি, মন্দির বা ছাদ পেলো তার নিচে ঢুকে পড়লো উত্তপ্ত ছাই আর পাথরের বৃষ্টি থেকে বাঁচবার জন্যে ; অনেকে ছুটলো খোলা মাঠ বা

সাগরের দিকে। কিন্তু সেই মেঘ আরো কালো, আরো বড়, আরো ভয়ানক হয়ে ছেয়ে ফেললো ওদের ওপরের আকাশ। দিন ছুপুরে পম্পেই এর ওপর ঘনিয়ে এলো অন্ধকার—মহা প্রলয়ের রাত্রি।

চব্বিশ

গকাস বিশ্বাস করতে পারছে না সে জেগে আছে। রফীরা মখন এক ছোট্ট কুঠুরিতে নিয়ে এসে একটা ঢোলা আলখালা পরিয়ে দিলো, হতভম্বের মতো দাঁড়িয়ে রইলো ও। এই সময় ল্যালাস্টের এক দাস নিভিয়াকে পৌছে দিয়ে গেল সেখানে।

‘আমি—আমার কাজ শেষ,’ ফুঁপিয়ে উঠে বললো নিভিয়া।
‘এবার আমি মরবো।’

এতক্ষণে সম্বিত ফিরলো গকাসের। ছুটে গিয়ে ও ধরলো অন্ধ মেয়েটাকে।

‘নিভিয়া, নিভিয়া। তুমি আমাকে বাঁচিয়েছো।’

হু-হু করে কঁদে ফেললো নিভিয়া। হু’হাউ গকাসের মুখ ধরে বললো, ‘ওহ তুমি বেঁচে আছো! সত্যিই বেঁচে আছো। আমাকে ধরে দেখতে দাও! তোমার নিশ্বাস! হুই! আমি—আমি বাঁচাতে পেরেছি তোমাকে!’

গকাস জবাব দেয়ার আগেই বাইরে থেকে ভেসে এলো হাজার

হাজার মহিলার আতঙ্কিত কান্নার আওয়াজ । তারপর মহা হৈ-হুল্লা । পুরুষদের চিৎকার : ‘ভিসুভিয়াস ! ভিসুভিয়াস ! ভূমিকম্প ! আগুন !’ রফীরা ছুটে বেরিয়ে গেল । প্রকাসও তার দেরি করা সমীচীন মনে করলো না । নিভিয়ার হাত ধরে বেরিয়ে এলো কুঠুরি থেকে ।

কিন্তু অ্যাক্সিথিয়েটার ছেড়ে যাওয়ার আগে অলিনথাসকে একবার না দেখে যাওয়া চলে না । মৃত্যুর ছায়াতে দাঁড়িয়েও গত রাতে যে ওকে বন্ধ বলে, তাই বলে বুকে টেনে নিয়েছিলো আজ মৃত্যুর মুখ থেকে ফিরে এসেই তাকে ভুলে যাবে ? না, অতখানি অকৃতজ্ঞ হতে পারে না প্রকাস ।

অলিনথাস তখনো তার আগের কুঠুরিতে বসে মৃত্যুর প্রতীক্ষা করছে । দরজা খুলে ভেতরে ঢুকলো প্রকাস ।

‘একেই বলে ঈশ্বরের দয়া—ঈশ্বর সর্বশক্তিমান !’ পাচশ্বরে বললো অলিনথাস ।

‘পালাও, বন্ধু !’ চিৎকার করে বললো প্রকাস । ‘তোমার বন্ধুদের খুঁজে বের করে পালাও ওদের নিয়ে ! আমি চললাম ! আরোনকে বাঁচাতে হবে !’

জবাব দিলো না অলিনথাস । কাল রাতের বন্ধু কোথাকি গেল খেয়ালও করলো না । গভীর চিন্তায় মগ্ন সে ।

অবশেষে উঠে দাঁড়ালো অলিনথাস । ঈশ্বরের মায় জপতে জপতে ধীরে ধীরে বেরিয়ে এলো কুঠুরি থেকে । রক্ষা পালিয়েছে : একটু আগেও যে অ্যাক্সিথিয়েটার পনর ষোল হাজার নরনারীর কোলাহলে মুখর ছিলো এখন তা নিশ্চুপ ; জনহীন । অ্যাক্সিথিয়েটারের শূন্য কুঠুরিগুলো একের পর এক পেরিয়ে চললো অলিনথাস ।

ইঠাৎ ওর কানে এলো চাপা কান্নার মতো একটা আওয়াজ। পাশের একটা ঘর থেকে আসছে। কে কীদে এই পরিত্যক্ত অ্যাংকি-থিয়েটারে? শোকাক্তকে সাস্তুনা দেয়াই তো খ্রীষ্টানের ধর্ম। দরজা পেরিয়ে অলিনথাস ঢুকে পড়লো প্রাণাঙ্ককার ঘরটায়।

‘কে কীদে অমন করে?’ জিজ্ঞেস করলো সে।

কোনো জবাব পাওয়া গেল না।

খাড় ঘুরিয়ে তাকাতেই অলিনথাস দেখলো, ঘুসর ঢুলের এক বৃদ্ধ বসে আছে একটা মৃতদেহের মাথা কোলে করে। অপার স্নেহে সে আঁকড়ে ধরে আছে মাথাটা। পাশে আরো দুটো মৃতদেহ। আজকের লড়াইয়ে নিহত গ্যাভিয়েটরদের মৃতদেহ ওগুলো। অলিনথাস চিনতে পারলো বৃদ্ধকে। পম্পেই-এর হাতে গোনা কয়েকজন খ্রীষ্টানের একজন।

‘মেডন!’ সহানুভূতির সঙ্গে বললো অলিনথাস, ‘ওঠো! পালাও। ভিসুভিয়াস ফুঁসে উঠেছে! এখন শোক করার সময় নয়, আগে নিজেকে বাঁচাও!’

‘কি প্রাণচঞ্চল ছিলো আমার ছেলে!—না, ও মরতে পারে না! এখানে এসো, এই যে এখানে, ওর বুকে হাত রাখো!—নিশ্চয়ই এখনো চলছে হৃৎপিণ্ড!’

‘ভাই, মেডন, ওর আত্মা চলে গেছে,’ অলিনথাস বললো। ‘ওকে আমরা আমাদের প্রার্থনায় স্মরণ করবো। এখন চলো, এই পাথরের দেয়াল ধসে পড়ার আগেই আমরা চলে যাই!’

‘না! আমার ছেলেকে ছেড়ে আমি কোঁপাও যাবো না!’ বলতে বলতে গভীর স্নেহে মৃত লাইডনের কপালে চুমু খেলো মেডন। ‘তুমি বাও, অলিনথাস। আমাদের বাপ ছেলেকে একা থাকতে দাও!’

‘মেডন, মেডন, তোমার ছেলে মারা গেছে!’

শাস্তভাবে মুখ তুললো মেডন। যুঁহু একটু হাসলো। ‘না, না, না!’
বিড়বিড় করতে করতে সে লুটিয়ে পড়লো। ছেলের বুকের ওপর।
শিথিল হয়ে খসে পড়লো হাত দুটো। অলিনথাস এগিয়ে একটা
হাত তুলে নিয়ে দেখলো, নাজীর গতি শুরু। মারা গেছে মেডন।

ছ’চোখ ভিজে উঠলো অলিনথাসের। দীর্ঘশ্বাস ফেলে রওনা
হলো সে বেরোনোর পথের দিকে।

নিভিয়ার হাত ধরে ছুটে চলেছে গ্রকাস আর্বাসেসের বাড়ির দিকে।
এর মধ্যেই ও নিভিয়ার কাছ থেকে জেনে নিয়েছে আয়োনের খবর
—কোথায় আছে, কী অবস্থায় আছে।

বিনা বাধায় আর্বাসেসের বিশাল প্রাসাদে ঢুকলো ওরা। নিভি-
য়াকে বাগানে রেখে এগিয়ে গেল গ্রকাস। কামরা থেকে কামরায়
খুঁজে ফিরতে লাগলো আয়োনকে। কিন্তু পেলো না। একটা মানুষ
নেই আর্বাসেসের বাড়িতে। পালাবার সময় ভ্যারা কি সঙ্গে নিয়ে
গেল আয়োনকে? নাকি খুন করে রেখে গেছে?

এদিকে কালো ধোঁয়ার মেঘ অন্ধকার করে ফেলেছে চারদিক।
চোখে কিছু দেখতে পাচ্ছে না গ্রকাস। চিংকার করে ডাকতে শুরু
করলো ও : ‘আয়োন! আয়োন! কোথায় তুমি? সাঁজু পাও!’

অবশেষে দোতলার একটা কামরার সামনে দাঁড়িয়ে থাওয়ার সময়
পাওয়া গেল সাড়া। আনন্দে লাফিয়ে উঠলো গ্রকাসের হৃৎপিণ্ড।
ঝড়ের গতিতে দরজা খুলে ঢুকলো ও ঘরটায়। ছুটে গিয়ে আয়োনকে
পাঁজাকোলা করে তুলে নিয়েই বেরিয়ে এলো আবার। কয়েক
সেকেন্ডের ভেতর পৌঁছলো নিভিয়াকে যেখানে রেখে গিয়েছিলো

সেখানে। তারপর এক হাতে আয়োনকে এক হাতে নিড়িয়াকে ধরে ছুটলো সাগরের দিকে।

অ্যাক্সিথিয়েটার থেকে বেরিয়ে মন্দিরের দিকে ছুটলো ক্যালেনাস। অর্ধেক পথ যাওয়ার আগেই পুরোপুরি আধার হয়ে এলো চারদিক। আকাশ থেকে ছাই আর পাথরের বৃষ্টি চলছে এখনো। তার সঙ্গে যোগ হয়েছে বনবন বজ্রপাত আর বিদ্যুৎচমক।

হঠাৎ কে একজন তার পথ আটকে দাঁড়ালো।

‘ক্যালেনাস না!’ বললো লোকটা। ‘কী ভয়ানক অবস্থা চারদিকে!’

‘হ্যাঁ কিন্তু তুমি কে?’

‘আমাকে চিনতে পারছেন না! আমি বার্বো!’

‘বার্বো! সত্যিই চিনতে পারিনি, কেমন অন্ধকার হয়ে গেছে চারদিক!’

‘শোনো, ক্যালেনাস, তোমার মন্দির তো সোনাদানায় ভর্তি, তাই না? চলো, ওখান থেকে যতখানি পারি হাতিয়ে নিয়ে সটকে পড়ি। সাগরপারে গিয়ে কোনো নৌকায় উঠে পড়বো। আজকের দিনে কোথায় কী হলো কে খোঁজ রাখবে?’

‘ঠিক বলেছো, বার্বো। চলো। আমরা ভাগাভাগি করে নেবো।’

দু'জন ছুটলো আইসিসের মন্দিরের দিকে।

আয়োন আর নিড়িয়াকে নিয়ে প্রাসাদ থেকে বেরিয়ে এসেছে গ্রকাস। ঠিক সেই মুহূর্তে একটু দূরে ওরা দেখতে পেলো আর্বাসেসকে। রক্ষীদের হাত এড়িয়ে পালিয়ে এসেছে সে। ভয়ে গ্রকাসের গায়ের

সাথে সেটে গেল আয়োন। কিন্তু আর্বাসেস দেখতে পেলো না ওদের—পেলেও খেয়াল করলো না। তারও মাথায় এক চিন্তা, প্রাণ বাঁচাতে হবে। বন্দরে অপেক্ষা করছে তার জাহাজ, আয়োন, বন্দৌলত আর দাসদাসীদের নিয়ে। একবার উঠে পড়তে পারলেই হয়, কে আর ধরবে তাকে!

মন্দিরে পৌঁছে থমকে দাঁড়ালো বার্বো আর ক্যালেনাস। উঁচু চত্বরটা হাতুড়ির বায়ে ভেঙে গুঁড়ো গুঁড়ো করে ফেলেছে কে যেন! ভাঙাচোরা ইঁট পাথরের ভেতর থেকে উকি দিচ্ছে পুরোহিতদের রক্তাক্ত মৃতদেহ।

‘ওরা মরে গেছে!’ শিউরে উঠে বললো বার্বো; এই প্রথম গুরু কণ্ঠস্বরে শঙ্কা শুনতে পেলো ক্যালেনাস।

পুরোহিত-প্রধান কিছু না বলে তাকালো জ্ঞাতি ভাইয়ের দিকে। তারও দৃষ্টিতে ভয়।

বেশ কিছুক্ষণ এভাবে দাঁড়িয়ে রইলো দুজন। ক্যালেনাসেরই সম্বিত ফিরলো প্রথম।

‘তাড়াতাড়ি যে কাজে এসেছি করে পালাতে হবে!’ ফিনফিস করে সে বললো; নিজের কণ্ঠস্বরে নিজেই একটু চমকালো যেন। তারপর দ্রুতপায়ে চৌকাঠ পেরিয়ে ঢুকে গেল মন্দিরের যে অংশ এখনও খাড়া আছে তার ভেতর। উত্তপ্ত মেনের ওপর দিয়ে মৃত সহযোগী, সহকারীদের পাশ কাটিয়ে এগিয়ে গেল মন্দিরের ধনাগারের দিকে। বার্বো গেল পেছন পেছন।

‘যত বেশি নেয়া যায় ততই লাভ’ ভেবে একটি থলে যোগাড় করে সে ভরতে শুরু করলো সোনা-দানা দিয়ে। পোশাকের ভেতরে যত-

খানি সম্ভব নিলো। তারপর বেরিয়ে গেল মন্দির ছেড়ে, সঙ্গীর কথা ভাবার কোনো প্রয়োজন বোধ করলো না।

এদিকে থরে থরে সাজানো সোনার ফুলদানী, জ্বাখার, প্রদীপদানী; সিন্দুক ভর্তি মণিসুতা, স্বর্ণমুদ্রা দেখে বিমোহিত অবস্থা বার্বোর। কোন্টা ছেড়ে কোন্টা নেবে ভাবতে ভাবতে দেখলো ক্যালেনাস থলে আর পোশাক ভরে নিয়ে বেরিয়ে গেল। বার্বোও এবার নিতে শুরু করলো।

সময় বয়ে যাচ্ছে। হঠাৎ ভয়ঙ্কর শব্দে রাজ পড়লো মন্দিরের কাছেই কোথাও। আর দেরি করা উচিত মনে করলো না বার্বো। তাড়াতাড়ি রওনা হলো এক থলে জিনিসপত্র নিয়ে। দরজার কাছে পৌঁছে ভয়ানক আতঙ্কে জমে গেল যেন সে। উদ্ভূত ছাই গলা পর্যন্ত উঁচু হয়ে আটকে দিয়েছে দরজা। আর চৌকাঠের গোড়া দিয়ে চুঁইয়ে চুঁইয়ে ঢুকছে ধুমায়িত তরল পদার্থ। সর্বশ্ব হারানো কণ্ঠে আত্ননাদ করে উঠলো বার্বো। ধীরে ধীরে পিছিয়ে এসে বসে পড়লো হতাশ ভঙ্গিতে।

কিছুক্ষণের মধ্যেই দরজা বন্ধ। ছোট কুঠুরিতে শ্বাসকষ্ট শুরু হলো বার্বোর। উঠে দাঁড়ালো সে। মরীয়া ভঙ্গিতে দাঁতে দাঁত চেপে চকর দিতে লাগলো কুঠুরির ভেতর। হঠাৎ চোখ পড়লো এক কোণে খাড়া করে রাখা বলি দেয়ার ধারালো কুঠারটার ওপর। সেটা তুলে নিয়ে প্রাণপণে ঘা মারতে লাগলো একদিকের দেওয়ালে।

হারক্যালেনিয়াম-এর দিকে চলে গেছে যে দাস্তা সে পথ ধরে ছুটছে ক্রোডিয়াস। অন্ধকারে প্রায় কিছুই দেখতে পাচ্ছে না, তবু যথাসম্ভব দ্রুত ছুটছে সে।

‘কোনোমতে একবার নগর তোরণের বাইরে পৌঁছতে পারলে হয়,’ ভাবলো ক্রোডিয়াস। ‘নিশ্চয়ই কোনো না কোনো বাহন পেয়ে যাবো। তারপর হারক্যুলেনিয়ামে পৌঁছনো কঠিন কিছু হবে না।’

এই সময় কে যেন জড়িয়ে ধরলো তার পা। কাতর একটা গলা শুনতে পেলো ক্রোডিয়াস : ‘কে ? আমাকে একটু ধরো ! সাহায্য করো ! হৌচট পেয়ে পড়ে গেছি গর্তে। আমার মশালটা নিভে গেছে। আমার দাসরা আমাকে ফেলে পালিয়েছে। আমি ডাওমেড — বণিক ডাওমেড। আমাকে তোলো, দশ হাজার সেন্টারস দেবো তোমাকে।’

‘ছাড়ো—ছাড়ো। আমাকে যেতে দাও, গাধা,’ তর্জন করলো জুয়াড়ী ক্রোডিয়াস।

‘ক্রোডিয়াস না ! ভাই, আমাকে ছেড়ে যেও না ! আমাকে একটু ধরো ! তোমার হাতটা দাও।’

‘হয়েছে, তাড়াতাড়ি ওঠো !’

‘কোথায় যাবো ক্রোডিয়াস ?’

‘হারক্যুলেনিয়ামের দিকে।’

‘আমিও তো ওদিকেই যাচ্ছিলাম ! আচ্ছা আমার ভিলায় গেলে কেমন হয় ? মাটির নিচে অনেকগুলো কুঠুরি আছে। সেখানে আশ্রয় নিলে এই ছাইয়ের বৃষ্টি থেকে বাঁচা যাবে মনে হয়।’

‘ঠিক বলেছো। যদি কিছু খাবার দাবার না নিয়ে নেয়া যায় তাহলে কয়েকদিনের ভেতর এই অগ্ন্যুৎপাত না থামলেও অসুবিধা হবে না।’

ছুটলো ছজন। কিছুদূর যেতে না যেতেই বাচ্চা কোলে এক মহিলা থামালো ওদের।

‘আমাকে আপনাদের সঙ্গে নিয়ে চলুন,’ কঁাদতে কঁাদতে বললো।

সে। ‘এই বাচ্চাটা ছাড়া আমার আর কেউ নেই। আমাকে বাঁচান
আপনারা।’

‘দূর হ ছুঁড়ি। দূর হ। পথ ছাড়।’ খেঁকিয়ে উঠলো ক্রোডিয়ান।
‘নিভেরা বাঁচবো কী করে তার ঠিক নেই, উনি এসেছেন আদার
নিয়ে।’

‘না, না। এই ছবের বাচ্চার কথা মনে করে আমাকে আপনাদের
সাথে নিন। দয়া করুন, ও ডাঙমেড! দয়া করুন!’

‘ঠিক আছে, চলো,’ বললো ডাঙমেড।

ভিলায় পৌঁছেই কয়েকজন দাসকে ডেকে প্রচুর পরিমাণ খাবার
আর বাড়ি ছালানোর তেল মাটির নিচের কুঠুরিগুলোয় নিয়ে যেতে
বললো ডাঙমেড। মেয়ে জুলিয়া, ক্রোডিয়ান, সাহাবা প্রার্থী সেই
বাচ্চাওয়ালা মেয়েটা, বেশিরভাগ দাসদাসী এবং কিছু আতঙ্কিত
অতিথি আর প্রতিবেশীকে নিয়ে সে জাহ্নবির রিলো সেখানে।

প্রকাশ ছুটছে আয়োন আর নিডিরার হাত ধরে। পাদা পাদা ছাই
এসে পড়ছে মাথায়, মুখে। শ্বাসরোধ করে দিতে চাইছে। স্থানে
স্থানে হাঁটু সমান উঁচু হয়ে জমে গেছে ছাই। ডানে বাঁয়ে ঝুঁড়ুড়িয়ে
ভেঙে পড়ছে বাড়ি-ঘর। পায়ের নিচে কাঁপছে মাটি। মৃত্যুগর্জনের
মতো একটানা আওয়াজ ভেসে আসছে ভিসুভিয়াসের দিক থেকে।
দলে দলে মানুষ রাস্তায় বেরিয়ে এসেছে। কান্না মাথায় জিনিস-
পত্রের বোঝা, কারো কাঁধে বুড়ো বাবা কারো কোলে বাচ্চা।
মাকে মাঝে কান্না শোনা যাচ্ছে বাজারের। মহিলাদের আতঙ্কিত
আর্তচিৎকার তো আছেই।

চারদিক রাতের মতো কালো। মাঝে মাঝে মশালের আলো

দেখা যাচ্ছে এখানে ওখানে। দরিদ্র পল্লীর কাঠের বরগুলো ফলে উঠছে একটা একটা করে। কখনো বা আগুনের দীর্ঘ লকলকে শিখা ফলে উঠছে পাঁহাড়ের গায়ে ভূমিকম্পের ফলে তৈরি হওয়া ফাটলে। উজ্জল আলোয় আলোকিত হয়ে উঠছে চারপাশ। একটু পরেই নিভে যাচ্ছে শিখা, আবার অন্ধকারে তলিয়ে যাচ্ছে পৃথিবী।

প্রকাশ বা আয়োন কিছুই দেখতে পাচ্ছে না চোখে। কিন্তু ওদের চালিয়ে নিয়ে যাওয়ার জন্য আছে নিডিয়া—টিররাত্রির দেশের মানুষ। অন্ধকারে পথ চলা-ই ওর নিয়তি। প্রকাশের হাত ধরে সে নিভুলভাবে এগিয়ে যাচ্ছে সমুদ্রের দিকে। এই মুহূর্তে আর কিছু চায় না নিডিয়া। একটু পরে কি হবে তা নিয়ে ওর মাথাব্যথা নেই। এই প্রলয়ের কণটিই ওর জীবনের পরমতম মুহূর্ত। কারণ হাত ধরে সে প্রকাশকে নিয়ে যেতে পারছে নিরাপদ আশ্রয়ের সন্ধানে।

‘ওহ! আমি আর হাঁটতে পারবো না,’ হঠাৎ দাঁড়িয়ে পড়ে বললো আয়োন। ‘আমার পা ফলছে গরম ছাই-এ। পালাও তুমি প্রকাশ! আমার কথা ভেবো না, আমার ভাগ্যে যা আছে হবে।’

‘তোমাকে ছাড়া বেঁচে থাকার চেয়ে তোমার সাথে মরবো আমি,’ বললো প্রকাশ। ‘এসো তো! আর একটু, তারপরই আমরা পৌঁছে যাবো সাগরপারে।’

আয়োনকে প্রায় টানতে টানতে নিয়ে চললো প্রকাশ।

হঠাৎ চোখ ধাঁধানো আলোয় আলোকিত হয়ে উঠলো তিস্তাভিয়ার সের চূড়া। বিশাল কয়েকটা ফাটল দেখা দিলো সেখানে। সে সব ফাটলের ভেতর থেকে বেরিয়ে একে একে উরল আগুন। বিশাল নদীর মতো ঢেউ-এর পর ঢেউ তুলে নেমে আসতে লাগলো শহরের দিকে।

মানুষের তৈরি প্রাসাদ, মন্দির, পথ-বাট ভেঙে চুরে, গুঁড়িয়ে, পুড়িয়ে, ভুবিরে দিয়ে আসতে লাগলো। চারদিকের পলায়মান জনতার ভয়াবহ হাহাকারে আকাশ ছিঁড়ে যেতে চাইছে যেন! আসছে! আসছে!!

ভাগ্যদেবীর মন্দিরের সামনে পৌঁছেছে ওরা। নিভিরা আর আয়োনকে এক মুহূর্ত দাঁড়াতে বললো প্রকাশ : উত্তপ্ত গলিত লাভার বন্যা কোন দিকে যায় একটু দেখে নেয়া দরকার। হাত দিয়ে চোখ আংশিক আড়াল করে সে তাকালো স্থলস্ত ভিসুভিয়াসের দিকে। তারপরই অস্বাভাবিক একটা আশ্চর্য্য স্তনে মুখ ফেরালো মন্দিরের দিকে। সর্বনাশ! সেই সিংহটা দাঁড়িয়ে আছে মন্দির প্রাঙ্গণে পোষা কুকুরের মতো। সঙ্গত একটা ভজি তার আচরণে। চোখে দিশেহারা চাউনি। প্রকাশের সাথে চোখাচোখি হলো, কিন্তু কোনো ভাব ফুটলো না তার চোখে। মৃত্যু ভয়ে ভীত সিংহটা আশ্রয়ের আশায় চিরশত্রু মানুষের কাছে এসে দাঁড়িয়েছে।

যা দেখার জন্যে দাঁড়িয়েছিলো প্রকাশ তা দেখা হয়ে গেছে। তরল লাভার তিনটে স্রোত নেমেছে ভিসুভিয়াসের মাথা থেকে। একটা আসছে পম্পেই-এর দিকে, একটা যাচ্ছে উপত্যকার দিকে, অন্যটা সাগরের দিকে। ভাগ্য ভালো, ওরা সাগরতীরের যেখানটাতে দাঁড়িয়ে বসে ভেবেছে সেখান থেকে কিছুটা দূরে সাগরে পড়বে সাগরমুখি লোতটা। আয়োন আর নিভিরার কাছে ফিরে এলো প্রকাশ।

ছুটতে ছুটতে এক দল লোক আসছে। আর দশ পা-ও দূরে নেই। মশাল জ্বলছে তাদের কয়েক জনের হাতে। কয়েক জনের পিঠে, কাঁধে, মাথায় হোট-বাট। আয়োন আর নিভিরাকে ধরে ছুটতে শুরু করার আগে ওদের দিকে তাকালো প্রকাশ। চমকে উঠলো।

দলটার সামনে খোলা তলোয়ার হাতে আর্বােসেসের দীর্ঘকায় মূর্তি। মশালের আলোয় কেমন এক অতিপ্রাকৃতিক জন্তুর মতো লাগছে তার মুখ। গ্লকাসকে দেখেই অট্টহাসিতে কেটে পড়লো মিশরীয়াটা।

‘হা-হা-হা! এমন ভয়ঙ্কর মূর্তিতেও ভাগ্যদেবী আমার ওপর পসর মনে হচ্ছে!’ বললো সে। ‘গ্লকাস, আমার অধীনাকে আমি ফেরত চাইছি। আয়োনকে তুলে দাও আমার হাতে।’

‘বিশ্বাসঘাতক, খুনী!’ চোখ রাঙিয়ে চিৎকার করলো গ্লকাস। ‘ভাগ্য তোকে আমার কাছে নিয়ে এসেছে আমার জিয়াংসা পূরণের জন্যে। আর তোর হাড় মাংস আলাদা করবো আমি!’

ওর কথা শেষ হতে না হতেই আচমকা উজ্জল আলোয় আলোকিত হয়ে গেল চারদিক। ভিসুভিয়াসের চুড়াটা যেন ঠেলে উঠে গেল ওপর দিকে। চুড়ায় ফাটল দেখা দিয়েছিলো আগেই, এবার সে ফাটলগুলো বাড়ি যেতে লাগলো একটার সাথে অন্যটা—যেন বিশালকায় করেকটা দানব মরণপণ করে যুঝছে পরস্পরের সাথে। তাদের পদভারে কাঁপছে পৃথিবী।

আর্বােসেসের সঙ্গী সাথীরা চিৎকার করে উঠলো আতঙ্কে। হাতের মশাল, পিঠের বোঝা ফেলে দিয়ে ছ’হাতে মুখ ঢাকলো কেউ কেউ। আর আর্বােসেস ভিসুভিয়াসের দিকে এক পলক তাকিয়ে চোখ রাখলো গ্লকাসের ওপর। মনে মনে বললো : ‘কেন ভাগ্যি পিছিয়ে যাবো? নক্ষত্ররা তো বলেইছে পাথরের আনন্দ থেকে বাঁচতে পারলে আমার অগ্রযাত্রার গতি হবে অপ্রতিরোধ্য। পাথরের আঘাত থেকে কি বাঁচিনি একবার? তাহলে কেন ভয় করবো?’

নিজের দানবের দিকে ফিরে চিৎকার করলো সে : ‘আর তোরা! ধর ঐ গ্রীকটাকে! হাড় গুঁড়িয়ে দাও! আমার আয়োনকে কেড়ে

নেবে আমার কাছ থেকে !’

বলতে বলতে এক পা এগোলো আর্বাসেস—সেটাই তার শেষ পদক্ষেপ ! পায়ের নিচের মাটি কাঁপছে ভয়ানক ভাবে । সম্ভবত এমন প্রচণ্ড কাঁপুনি এই প্রলয় শুরু হওয়ার পর এ-ই প্রথম । শহরের যে দু’চারটে বাড়িঘর তখনো খাড়া ছিলো, ধসে পড়লো একসাথে । কাছেই ছিলো সম্রাট অগাস্টাসের মর্মর মূর্তি । ভয়ঙ্কর শব্দ তুলে বাঁধানো পথের ওপর উল্টে পড়লো সেটা গোড়ার স্তম্ভসহ । স্তম্ভটা পড়লো আর্বাসেসের ওপর ।

দাসরা মশাল নিয়ে ছুটে এলো । আর্বাসেসের শরীর সম্পূর্ণ চাপা পড়েছে স্তম্ভের নিচে । দেখা যাচ্ছে শুধু মাথাটা । তীব্র যন্ত্রণায় মুখ বিকৃত হয়ে গেছে আর্বাসেসের । ঠোঁট কাঁপছে থিরথির করে, চোখ দুটো খুলছে বন্ধ হচ্ছে । যেন ঘোষণা করছে প্রাণবায়ু এখনো বেরিয়ে যায়নি এই চোখের মালিকের দেহ থেকে । অবশেষে আস্তে আস্তে একটা স্থির ঘোলাটে আলো আসন গাড়লো চোখ দুটোয় । ঠোঁট কাঁপা থেমে গেল, যন্ত্রণার ছাপটা রয়েই গেল আর্বাসেসের মুখে ।

মারা গেছে স্ত্রানী জাহকর—আগুনকটি হারমেস—মিশরীয় ফারাও বংশের শেষ বংশধর—মহা ক্ষমতাশালী আর্বাসেস ।

BanglaBook.org

পাঁচিশ

অবশেষে সাগরতীরে পৌঁছুলো ওরা।

ইতিমধ্যে বহু লোক উঠে পাড়ছে নৌকায়। তীর থেকে দতদূরে সম্ভব চলে যেতে চায় তারা।

বড়সড় একটা নৌকায় দুই সজ্জিনীসহ আশায় পেলো প্রকাশ। নৌকা সাগরে ভাসার কিছুক্ষণের মধ্যেই ওর বৃক্কে মাথা রেখে ঘুমিয়ে গেল আয়োন। নিড়িয়া গুরে রইলো পাড়ের কাছে। প্রকাশ জেগে রইলো অনেকক্ষণ। ধোঁয়া আর ছাইয়ের মেঘ কেটে গিয়ে আকাশে যখন তারা দেখা দিলো তখন আস্তে আস্তে ঘুম নেমে এলো ওর চোখে।

নিড়িয়া গুরে ছিলো, কিন্তু ঘুমায়নি। নৌকায় উঠে গুরে পড়ার পর থেকে ভেবেছে সে। ভেবে ভেবে একটা সিদ্ধান্তে পৌঁছেছে।

রাতশেষে সূর্যোদয়ের আগের দুসর আলোয় মুকুট চারদিক স্নান-ভাবে আলোকিত হলো তখন উঠে বসলো প্রকাশের বৃক্কে মুখ গুঁজে ঘুমিয়ে থাকতে দেখলো আয়োনকে। প্রকাশও ঘুমিয়ে আছে। তার ভারি নিশ্বাসের আওয়াজ কানে এলো নিড়িয়ার। নিশেবে একটু এগোলো সে। অনেকক্ষণ অপেক্ষা করে রইলো প্রকাশের মুখটার দিকে। তারপর আস্তে বৃক্কে চুমু খেলো ওর কপালে। তৌটে।

আবার কপালে। ফিসফিস করে বললো : ‘বিদায়, প্রিয়তম ! তুমি স্তব্ধ হও। আমার আর কোনো প্রয়োজন নেই তোমার জীবনে। আমি থাকলে তোমার সুখের পথে কঁটাই হবে। শুধু। বিদায়।’

এক মাঝি নিমুচ্ছিলো পাটাতনের ওপর বসে : হঠাৎ তার মনে হলো কিছু একটা জলে পড়ার শব্দ শুনলো যেন। ঘোর লাগা চোখে তাকালো সে সামনে। তারপর পেছনে। ঢেউ-এর ওপর শাদা কিছু দেখলো যেন। মুহূর্ত পরেই হারিয়ে গেল তা। মুখ নামিয়ে নিলো মাঝি। বর, স্ত্রী, সন্তানদের থপ্পে ডুবে গেল।

সূর্যোদয়ের বেশ পরে ঘুম ভাঙলো প্রকাশের। দেখলো আরো তর পাশেই ঘুমিয়ে আছে। কিন্তু নিডিয়া ? নিডিয়া কই ?

সারা নৌকা তন্ন তন্ন করে খোঁজা হলো। পাওয়া গেল না অঙ্গ ফুলওয়ালাকে। হাওয়ায় নিলিয়ে গেছে যেন সে।

প্রায় সত্তেরো শতাব্দী* পেরিয়ে যাওয়ার পর অবশেষে পাম্পেইকে বের করা হলো তার কবর থেকে। সবকিছু যেমন ছিলো তেমনই আছে : ভূমিকম্পের হাত থেকে বেঁচে যাওয়া দেয়ালগুলো রয়েছে একেবারে অবিকৃত ; যেন কালই বড় করা হয়েছে। মর্মরের মেঝে-গুলো এখনও চকচকে, মসৃণ। নগর তোরণের কাছে এক বাড়ির তলকুঠিরিতে পাওয়া গেছে বিশটা কঙ্কাল (তার একটা শিশুর)। ঘিঘি ছাইয়ের মতো ধুলোর আস্তরণ ছিলো সেখানে ওপর। প্রচুর ধনরত্ন, মুদ্রা পাওয়া গেছে সেই কুঠিরিদের বাড়িটা ধনী বণিক ডাওমেতের।

* পাম্পেই ধ্বংস হয়েছিলো ৭৯ খ্রীষ্টাব্দে, নতুন করে আবিষ্কৃত হয় ১৭৫০ খ্রীষ্টাব্দে।

স্যালাস্ট, পানসা, লেপিডাসের বাড়ি; আইসিসের মন্দির, বিশাল আফ্রিথিয়েটার এখন আগ্রহী দর্শকদের কৌতূহল মেটায়। আইসিসের মন্দিরের এক কক্ষে পাওয়া গেছে বিরাট এক কঙ্কাল; তার পাশে পড়ে আছে ধন রত্নের একটা স্তুপ, আর একটা কুঠার। কক্ষের দেয়ালে ছোট একটা গর্ত। মন্দিরের ধন লুট করতে এসে মারা পড়েছিলো বার্বো। নগরীর মাঝখানে এক জায়গায় পাওয়া গেছে আরেকটা কঙ্কাল। এটারও পাশে পড়েছিলো প্রচুর স্বর্ণমুদ্রা আর আইসিস মন্দিরের মূল্যবান অলঙ্কারাদি। বার্বোকে ফেলে পালিয়েও বাঁচতে পারেনি ক্যালেনাস।

খননকারীরা ধ্বংসস্তুপ পরিষ্কার করার সময় এক জায়গায় পেয়েছে আকরিক অর্থেই দ্বিখণ্ডিত একটি কঙ্কাল। ভেঙে পড়া একটা মূর্তির স্তম্ভের নিচে চাপা পড়ে ছিলো। খুলির গঠন ও আকৃতি দেখে মনে হয় সেটা ইউরোপীয় কারো নয়। আমাদের ধারণা, মিশরীয় ফারাও বংশের শেষ সম্ভান, ধূর্ত আর্বাসেসের কঙ্কাল ওটা।

—ঃ শেষ :—